

საქართველოს სსრ მეცნიერებათა აკადემია
ფილოსოფიის ინსტიტუტი

ანბია ბოჭორიშვილი

ფსიქოლოგიები და ანტიფსიქოლოგიები
ფსიქოლოგიაში

I

გამომცემლობა „მეცნიერება“
თბილისი—1965

ნაშრომი მიეკუთვნება ფსიქოლოგის თეორიული დასაბუთების სფეროს. ფსიქოლოგიზმის არსის თავისებური ინტერპრეტაციის საფუძველზე ავტორი მინდის იმ დასკვნამდე, რომ ფსიქოლოგიზმს ადგილი აქვს აგრეთვე ფსიქოლოგიაშიც და რომ ბოლოა ფსიქოლოგიზმის წინააღმდეგ არა ნაკლებ აქტუალურია ფსიქოლოგიაში, ვიდრე სხვა მეცნიერებაში.

სიტყვის შინაარსი წარმოდგენილია, როგორც იდენტური მნიშვნელობა, რომელიც კორელაციის როლში გამოდის სიტყვის მრავალგზისი გამოყენების მიმართ. დებულება—„ენაში არის მხოლოდ ზოგადი“ მნიშვნელობის იდენტობაში ნახულობს თავის გამართლებას.

ფსიქოლოგიზმის დაძლევის საშუალება ფსიქოლოგიაშიც არის დებულება, რომ „ყოველგვარი მეცნიერება არის გამოყენებითი ლოგიკა“.

I. ფსიქოლოგიური და ლოგიციური ფსიქოლოგიაში

1

გნოსეოლოგიური თვალსაზრისი სუბიექტ-ობიექტის კავშირსა და დაპირისპირებას გულისხმობს. კავშირიცა და დაპირისპირებაც სუბიექტ-ობიექტისა აქ შემეცნებას ემსახურება. ეს გარემოება განსაზღვრავს როგორც სუბიექტს, ისე ობიექტსაც. სუბიექტი შემეცნების სუბიექტად გვევლინება, ხოლო ობიექტი — შემეცნების ობიექტს წარმოადგენს. მხოლოდ ამ განსაზღვრების შემდეგ ხდება ნათელი ჩვენთვის, თუ როგორ სუბიექტთან და როგორ ობიექტთან გვაქვს საქმე ამ კონტექსტში. ამის უგულებელყოფა მძიმე შედეგების მიზეზი შეიძლება გახდეს. მრავალი მნიშვნელობა აქვს როგორც „სუბიექტს“. ისე „ობიექტს“. გაუგებრობის თავიდან ასაცილებლად, ცნებათა აღრევისაგან თავის დასაღწევად, საჭიროა ამ ტერმინების მნიშვნელობა თავიდანვე იყოს ცნობილი. ვინ არ იცის, რომ სუბიექტი და ობიექტი სხვადასხვას ნიშნავს ლოგიკაში, გნოსეოლოგიაში, ფსიქოლოგიაში, ონტოლოგიაში, სამართლის თეორიაში, ისტორიაში, ეთიკაში, სოციოლოგიაში და ა. შ.?! მაგრამ მაინც ხშირია შემთხვევა, როცა ამ ტერმინების მნიშვნელობა არაა დიფერენცირებული საჭირო სიზუსტით. არაა თანმიმდევრულად ხმარებული ერთჯერ აღებული მნიშვნელობა.

რა არის შემეცნების სუბიექტი და რა არის მისი ობიექტი, ეს თვით შემეცნების ცნებით უნდა გაირკვეს. ის გარემოება, რომ ვლასპარაკობთ შემეცნების სუბიექტსა და შემეცნების ობიექტზე, იმას ნიშნავს, რომ ზოგი თეორია შემეცნებისა ჩვენ აწით უკუვაგდეთ: არ მიგვაჩნია აზრის მქონედ ლაპარაკი შემეცნებაზე, სადაც ეს ორი წევრი. მათი სხვაობა და მათ შორის მიმართება არაა ნაგულისხმევი. გნოსეოლოგიური აქტა ჩვენ გვესმის როგორც მიმართება, როგორც სუბიექტისა და ობიექტის სპეციფიკური ურთიერთობა. შემეცნების

თეორიის ძირითადი პრობლემა ამ ურთიერთობის გარკვევაა. სადაც ურთიერთობა არ იგულისხმება, იქ შემეცნების პრობლემა არც დადგება*.

შემეცნების პროცესი შემეცნებას ემსახურება. შემეცნება, როგორც შედეგი ამგვარი ძიებისა, ქეშმარიტებაა. ეს იმას ნიშნავს, რომ ქეშმარიტება და შემეცნების პროცესი სხვადასხვაა. სხვადასხვაა მათი თეორიებიც. კითხვა: რა არის ქეშმარიტება? და კითხვა: როგორ ვაღწევთ ქეშმარიტებას? სხვადასხვა კითხვებია. ქეშმარიტების რაობა გარკვეული უნდა იყოს მანამ, სანამ დადგებოდეს საკითხი მისი წვდომის შესახებ. იმის შემეცნების შესახებ, თუ როგორ არის შესაძლებელი ქეშმარიტების წვდომა. შემეცნების ფაქტი უნდა არსებობდეს, რათა მის შემეცნებაზე დადგეს საკითხი. ეს კი იმას ნიშნავს, რომ ქეშმარიტების რაობა ჩვენთვის ცნობილია და ასლა ვიძიებთ იმას. თუ როგორ გამხდარა იგი ჩვენს კუთვნილებად. ქეშმარიტების წვდომის შესაძლებლობა აქ არ შეიძლება კითხვის ქვეშ დადგეს. გასარკვევია მხოლოდ ის, თუ როგორია ბუნება ამ წვდომისა, როგორ ხდება იგი. სკეპტიციზმი აქ თავიდანვე გამორიცხულია. ქეშმარიტების მიუწვდომლობის მტკიცება ლოგიკურად შესაძლებელია მხოლოდ ქეშმარიტების რაობის ცოდნის საფუძველზე. გნოსეოლოგიური სკეპტიციზმიც ქეშმარიტების ცოდნას ემყარება. ყოველგვარი მეცნიერული ძიების პირველი პირობა ქეშმარიტების რაობის ცოდნაა. საძიებელია ქეშმარიტების ემპირიული წარმომადგენელი, ის. რაშიაც არის განხორციელებული ქეშმარიტება.

ქეშმარიტების რაობა არ იქმნება იმით, რომ მისი ემპირიული ილუსტრაცია ხდება. ქეშმარიტება მაშინაც „კარგად გრძნობს თავს“, როცა ის არავინ იცის. შემეცნება (აქტი) გულისხმობს ქეშმარიტებას. მაგრამ ქეშმარიტება არ გულისხმობს და არ მოითხოვს შემეცნებას. მხოლოდ იმის შემდეგ, რაც რომ ქეშმარიტება ცნობილი ხდება, უაზროა გნოსეოლოგიური სკეპტიციზმი, განუხორციელებელია იგი ფსიქოლოგიურადაც. შეუძლებელია ამტკიცებდე იმის შეუძლებლობას, რაზედაც არავითარი წარმოდგენა არა გაქვს. გნოსეოლოგიური სკეპტიციზმი არასდროს არ გაჩნდებოდა. ქეშმარიტების რაობა რომ არ ყოფილიყო ცნობილი. ამაშია შინაგანი წინააღმდეგობა გნოსეოლოგიური სკეპტიციზმისა.

სხვა სიბრტყეში დგება საკითხი სპეციალურ მეცნიერებაში. აქ საქმე ეწება ქეშმარიტებას კი არა, არამედ მის ილუსტრაციას, მის

* იხ. ს. წერეთელი, ქეშმარიტების ლენინური გაგების ზოგიერთი საკითხი. თბილისი, 1960, გვ. 7.

კონკრეტულობაში გამოვლენის ფაქტს. ქეშმარიტების არსებობა ნარტო, თავისთავად — არაა საკმაო პირობა იმისი, რომ ეპიკურიული სინამდვილე მისი გამოვლენა იყოს და მით უმეტეს იმის პირობა, რომ მისი შემეცნებაც გარანტირებული იყოს. ქეშმარიტება — ნაღვერენტულია როგორც ეპიკურიული სინამდვილისადმი, ისე შექმნენბელი სუბიექტის მიმართ. შესაძლებლობა და აუცილებლობა შექმნენბისა, მეცნიერებისა დამატებით კვლევადიებას საჭიროებს. ქეშმარიტება მხოლოდ ერთ-ერთი პირობაა შემეცნების. სპეციალურ-მეცნიერული ცოდნის.

მეცნიერებას საკვლევი საგანი აქვს და მის თავისებურებაზე არის დამოკიდებული მეცნიერების არსებობაც და სპეციალიზაც. აქ იჩენს თავს მეცნიერების ონტოლოგიური შეპირობებულობა. რაკა მეცნიერების გნოსეოლოგიური დახასიათებისათვის მისი საგნის ონტოლოგიურ დახასიათებას მიმართავენ. ყოველთვის არ იტყვას-წინებენ, რომ ასეთი დახასიათება, თავის მხრივ, ამ სინამდვილეს იმ შემეცნებას ემყარება, რომელიც წარმოიქმნა მეცნიერული კვლევის უწინარესად. თეორიული ძიების დაწყებამდე. თეორიული ცოდნის მოთხოვნა, რომელსაც ამჟამად აქვს ადგილი. არის მეთოდოლოგიური რეალიზაცია იმისი, რასაც სტიქიურად იძენდა ადამიანი მეცნიერული ინტერესის გარეშე.

სპეციალური მეცნიერება სპეციალურ მასალას გულდასმობს. ახალი და საკუთრივ მეცნიერული ძიება ეხება ამ მასალას. მის თავისებურებაზეა დამოკიდებული შესატყვისი მეცნიერების გნოსეოლოგიური ხასიათი, მისი მეტ-ნაკლები სიახლოვე გნოსეოლოგიის ზოგად დებულებებთან. ფორმალური პრინციპი. რომელიც აქ არის გაბატონებული. ასე შეიძლება გამოითქვას: რაც უფრო თავიანთური ამა თუ იმ მეცნიერების მასალა. მით უფრო მეტი მომენტია ემართება მის შესატყვის მეცნიერებას, მით უფრო უქმარისია ამ მეცნიერებისათვის ზოგად-გნოსეოლოგიური დებულებები. მით უფრო მეტად საჭიროებს იგი ახალი დებულებებით შევსებას. აქედან გასაგებია ის. თუ რატომ შეიქმნა საჭირო ახალი გნოსეოლოგიური დებება მაგ.. ისტორიისათვის, ფსიქოლოგიისათვის, საერთოდ, გონის მეცნიერებისათვის იმის შემდეგაც, რაც რომ. ასე თუ ისე. დადგენილად იყო მიჩნეული ბუნებისმეტყველების გნოსეოლოგიური სტრუქტურა.

რას ეძებს მეცნიერება? რას ნიშნავს შემეცნება? ზოგადი პასუხი ამ კითხვებზე იქნებოდა ასეთი: მეცნიერება ეძებს სიმრავლეში ერთიანობას, ცვალებადში უცვლელს, ინდივიდუალურში ზოგადს,

„ქაოსურში“ კოსმოსურს და ა. შ. „კანონი“, „კანონზომიერება“ ის, რაც ყველაზე უკეთ გადმოსცემს საძიებელ ინსტანციას. როცა ვიციტ მოვლენის, სინამდვილის კანონი, ვთვლით, რომ მისი შემეცნება გვაქვს. ეს საერთოა მეცნიერებისათვის. გნოსეოლოგიურ დიფერენციაციას ქმნის შესამეცნებელი მასალით ნაკარნახევი კანონების თავისებურება. მეცნიერებათა კლასიფიკაცია კანონების თავისებურების საფუძველზე გამოყენებითი გნოსეოლოგიის ერთ-ერთი ძირითადი ამოცანაა. მეცნიერებათა თავისებურებაზე ლაპარაკი უშინაარსოა, თუ მას არ ახლავს გამართლება კანონზომიერებათა თავისებურებაზე მითითების სახით. მთავარი მიზეზი რომელიმე მეცნიერების შექრისა მეორე მეცნიერებაში არის სპეციფიკური კანონზომიერების დაუზუსტებლობა, იმ მსჯელობათა ლოგიკური ანალიზის უკმარობა, რომელნიც გადმოსცემენ ამა თუ იმ მეცნიერების შინაარსს. ასე იქმნებიან ის „იზმები“, რომელთაც ოდიოზური მნიშვნელობა მიეწერებათ, მაგრამ მათგან თავის დაღწევა სერიოზულ და ძნელ ამოცანად არის ქცეული. ფსიქოლოგიზმი არის ერთ-ერთი, შეიძლება ითქვას, ყველაზე გავრცელებული და ყველაზე საზიანო მანკი. რომელსაც კი ადგილი აქვს მეცნიერების თეორიაში.

„ფსიქოლოგიის ხანას“ ფსიქოლოგიის განვითარებასთან, მის კანონიერ წინსვლასთან ერთად თანდაპყვა მისი უკანონო გაფართოება და მისი პრინციპების უმართებულო უნივერსალიზაცია. არ დარჩენილა თითქმის არც ერთი მეცნიერება, რომელსაც არ განეცადოს ფსიქოლოგიზაცია მეტ-ნაკლები ხარისხით. ფსიქოლოგიზმი საყოველთაო მოვლენად იქცა. ამავე მოცულობით გავრცელდა საწინააღმდეგო მიმდინარეობა, ანტიფსიქოლოგიზმი. დაიბადა აზრი მთელი ფილოსოფიური აზროვნების წარმოდგენის შესახებ ფსიქოლოგიზმისა და ანტიფსიქოლოგიზმის ბრძოლის ისტორიის სახით.

მეორე მხრივ, გამოვლინდა საინტერესო ფაქტი. არავინ არ უწოდებს თავის თეორიას ფსიქოლოგისტურს, არავინ არ იცავს ფსიქოლოგიზმს. ყველა იჩენებს ფსიქოლოგიზმის დაძლევას, ფსიქოლოგიური მეცნიერების უნივერსალიზაციის წინააღმდეგ ბრძოლას. გამოდის, რომ ყველას ანტიფსიქოლოგისტური ამოცანა ამოქმედებს. მაგრამ ამ საერთო მიზანმა ვერ აღკვეთა ვერც ბრძოლა მკვლევართა შორის და ვერც ხელი შეუშალა მათ დაჯგუფებას ფსიქოლოგისტებად და ანტიფსიქოლოგისტებად. საყოველთაოდ ცნობილი არიან როგორც ფსიქოლოგიზმის მთავარი წარმომადგენლები, ისე ანტიფსიქოლოგიზმის დამცველად აღიარებული მკვლევარები.

საკირაა გაირკვეს ფსიქოლოგიზმისა და ანტიფსიქოლოგიზმის ნამდვილი შინაარსი. გასაგები უნდა გახდეს აღნიშნული მდგომარეო-

ბა. მკვლევართა სუბიექტური დამოკიდებულება ამ მიმართულებებისადმი და ობიექტური შედეგი ამ დამოკიდებულებებსა. კერძოდ. შუქი უნდა მოეფინოს იმ ფაქტს, რომ ფსიქოლოგიზმის დაძლევისათვის ბრძოლის მიუხედავად რიგი მკვლევარებისა ფსიქოლოგისტებად ითვლებიან, ხოლო ანტიფსიქოლოგისტებად ხშირად იმას უსაყვედურებენ, რომ ისინი ბოლომდე თანმიმდევრული არ არიან. რომ მათ კონცეფციებშიც მოიპოვებიათ ფსიქოლოგიზმის ელემენტები. შთაბეჭდილება ისეთია. რომ ანტიფსიქოლოგისტური თვალსაზრისის გატარება შორეული და, შეიძლება. მიუღწეველი იდეალია. რომელსაც აზროვნება მხოლოდ ასიმპტოტურად უახლოვდება.

ფსიქოლოგიზმისაგან ყველაზე მეტი შელახვა ინტერესებებსა კანიცადა ლოგიკამ და ამიტომაც ფსიქოლოგიზმის წინააღმდეგ ბრძოლა მეტწილად ლოგიკის უფლებების დაცვის სახელით წარმოებდა. ისიც უნდა იქნებოდეს. რომ ყველაზე მეტა საშუალება ფსიქოლოგიზმიდან თავის დაცვისა ლოგიკას უნდა ჰქონდეს. ის. რაც ლოგიკას ფსიქოლოგიზმიდან გადაარჩენს, პრინციპულად გამოსადეგი აღმოჩნდება სხვა მეცნიერების დასაცავადაც. ლოგიკა ყოველ მეცნიერებას ახლავს როგორც მისი ერთ-ერთი ფუძემდებელი ინსტანცია! ამიტომ გენერალური ბრძოლა ფსიქოლოგიზმის წინააღმდეგ ლოგიკაში მიმდინარეობს.

მეორე მხრივ, იმ გარემოებასაც უნდა გაეწიოს ანგარიში. რომ ლოგიკის დაცვის პროცესში. როგორც ამბობენ. წარმოიშვა ახალი მანკიერი ტენდენცია. რომელსაც ფსიქოლოგიზმის ანალოგიით ლოგიციზმი უწოდეს. ამგვარად გაჩნდა მეორე წყვილი დაპირისპირებული მიმდინარეობისა: ლოგიციზმი და ანტილოგიციზმი. მდგომარეობა აქაც თითქოს იმგვარივეა. როგორც არის ფსიქოლოგიზმსა და ანტიფსიქოლოგიზმის დაპირისპირებაში. ლოგიცისტად თავი არავის მოაქვს. ანტილოგიციზმი ყველას კანონიერ მამართლებად მიაჩნია. სპეციალურ მეცნიერებათ ამოცანად დაუხსნეს: ლოგიციზმიდან განთავისუფლება. მაგრამ ეს მიზანიც შორეულ. მარად საბრძოლველ იდეალად იქცა. როგორც ლოგიკა იტანება ფსიქოლოგიზმით, ისე ფსიქოლოგიაც მახინჯდება. ამბობენ, ლოგიციზმით!

ამგვარად. ლოგიციზმიცა და ფსიქოლოგიზმიც დაძლეული უნდა იქნან. ფსიქოლოგია უნდა გათავისუფლდეს ლოგიციზმიდან, ხოლო ლოგიკამ თავი უნდა დააღწიოს ფსიქოლოგიზმს. ასე გამოიყურება

¹ «Der «Logizismus» ist eine mindestens so grosse Gefahr für die Psychologie, wie der Psychologismus für die Logik und Erkenntnistheorie». W. Blumenfeld Zur kritischen. Grundlagen der Psychologie, 1920, გვ. 70.

თანამედროვე ამოცანა, როგორც იგი მკვლევართა უმრავლესობას ესახება. მაგრამ თავის მოტყუება იქნებოდა გვეფიქრა. რომ ფსიქოლოგიზმისა და ლოგიციზმის პრობლემა. თუ გინდ პრინციპში მარტო. გადაჭრილია და ამიერიდან აზროვნების ერთი მიმართულებით სვლა უზრუნველყოფილია. ვინაიდან ფსიქოლოგიზმი და ლოგიციზმი, განმარტების თანახმად, ნომინალურად ოდიოზური შერევის მატარებელია, ცხადია, მათ აშკარა დაცვას არავენ იკისრებს. მაგრამ ეს მხოლოდ მოჩვენებითი ერთიანობაა აზრთა წყობისა. საქმარისია ჩავეხედოთ ამ ცნებების იმ შინაარსში, რომელთაც გულისხმობენ სხვადასხვა ავტორები, რათა დავრწმუნდეთ.—ის. რაც ერთისთვის არის ფსიქოლოგიზმი ან ლოგიციზმი. მეორისთვის სახეებით კანონიერი საქმის ვითარებაა, რასაც ერთი ებრძვის, მას იცავს მეორე და ა. შ. თუ მაინც ვიტყვით, რომ არ არიან ფსიქოლოგისტები და ლოგიცისტები, ვინაიდან ასეთად თავს არავენ აცხადებს, არსებობს მაინც ფსიქოლოგიზმიცა და ლოგიციზმიც. არსებობს აზრთა ისეთი მიმდინარეობა, რომელიც ასეთ კვალიფიკაციას იმსახურებს.

რა შეიძლება იყოს ფსიქოლოგიზმი და ლოგიციზმი? როგორ უნდა წარმოვადგინოთ ლოგიკური შესაძლებლობა ამგვარი შეცდომებისა (თუ ისინი შეცდომად უნდა მივიჩნიოთ)? რას გულისხმობენ ამ ცნებებში, როცა მათ უკანონო კონცეფციის გამოსახულებად თვლიან?

ფსიქოლოგიზმისა და ლოგიციზმის მანკიერების დამტკიცება გულისხმობს შემდეგი დებულებების მიღებას: ყოველ მეცნიერებას, თუ ის ყოველმხრივ გამართლებული და კანონიერია, აქვს კვლევის საკუთარი საგანი, რომელსაც მხოლოდ ეს მეცნიერება იკვლევს. და იკვლევს მას ყოველმხრივ, რა მხრივაც მისი მეცნიერული კვლევა საჭიროა და შესაძლებელი. არც ერთ სხვა მეცნიერებას არა აქვს უფლება ამ მეცნიერების საგანი იკვლიოს.

ყოველი მეცნიერება ვალდებულია აღმოაჩინოს ის კანონები, რომელნიც მოქმედებენ მის საკვლევ ობიექტში, მონახოს ის კატეგორიები, რომლითაც შეიძლება ამ სინამდვილის ვააზრება და მკაცრად დაიცვას ამ კატეგორიების სიწმინდე და ა. შ. სპეციალური მეცნიერების არსებობა შეიძლება გამართლდეს მხოლოდ მისი სპეციფიკის ჩვენებით. ეს არის მეცნიერების ყოფნა-არყოფნის საკითხი, მეცნიერული მუშაობის სიზუსტის საფუძველი.

მანკიერი „იზმი“ ჩნდება მაშინ, როცა ეს ძირითადი პირობა მეცნიერების არსებობისა უგულებელყოფილია, როცა შელასულია ამა თუ იმ მეცნიერების უფლება მეორე მეცნიერებით. ამგვარი უფლების

შეღახვა არის გამოსახული ისეთ ტერმინებში, როგორცაა ფიზიკიზმი, მექანიციზმი, ისტორიზმი, სოციოლოგიზმი, მათემატიკიზმი, ფსიქოლოგიზმი, ლოგიკიზმი და სხვა.

ფსიქოლოგიზმი და ლოგიკიზმი მანც განსხვავდება სხვა სახის „იზმებისაგან“. ფიზიკის შეჭრა, მაგ., ბიოლოგიაში ან ქიმიაში და ამ აქტის აღნაშენა ფიზიციზმით სულ სხვა ხასიათის შეცდომაზე მოითხოვება. ვიდრე ამავე მეცნიერებებში შექრა ფსიქოლოგიისა და ლოგიკის მხრივ. პირველი შემთხვევა შეცდომაა, რომელიც ზოგჯერ მანც ფიზიკისის უყურადღებობით შეიძლება აიხსნას. შეიძლება მიეწეროს იმას, რომ მოვლენათა მსგავსების გამო მოხდა მათი აღრევა ერთმანეთში, ვერ მოხერხდა მკაცრი საზღვრის დადება ამ მიცნიერებასა და ბიოლოგიას ან ქიმიას შორის. არაფერ იტყვის, რომ ასეთი შეცდომა ბუნებრივია, საქმის ობექტური ვითარებით გამართლებულია და ა. შ.

განსხვავებულ მდგომარეობასთან გვაქვს საქმე, როცა საკითხი ეხება ფსიქოლოგიზმსა და ლოგიკიზმს. აქ ასეთა შეჭრა თითქოს გამართლებულიც არის. შეცდომაა, მაგრამ ისეთი, რომელიც თითქოს აუცილებელიც არის. იგი ანალოგიური ჩანს კანტის ცნებისა ტრანსცენდენტალური ილუზიის შესახებ. რაზეა აქ ლაპარაკი?

მივიღოთ, რომ ლოგიკა არის მექანიკება ლოგოსის შესახებ. უფრო ზუსტად. არა ამა თუ იმ სინამდვილის ლოგოსის, არამედ თვითონ ლოგოსის შესახებ. წმინდა ლოგოსის შესახებ. აქ ის იტულისხმება. რაც ყოველ სპეციალურ ლოგოსში არსებულად ივარაუდება, რომლის გარეშე არაფერს ლოგოსის სახე არ ექნება. ამისგან განსხვავებით, სპეციალურ მეცნიერებაში კვლევა-ძიების საგანს შეადგენს სპეციალური. მისი საგნისთვის დამახასიათებელი ლოგოსი. შეუძლებელია მეცნიერება, რომელიც თავის საგნის ლოგოსს არაა დაუფლებული, არ ეძებს და არ ამრავლებს შემეცნებას ამ ლოგოსის შესახებ.

სპეციალური ხასიათის ლოგოსი-კანონზომიერება ლოგიკის ლოგოსის მხრივ საფუძველმდებლობას გულისხმობს. სადაც სპეციალური ლოგოსია, იქ არის ზოგადი ლოგოსიც, ლოგიკის საგანი. სპეციალური მეცნიერება მას არ იკვლევს. იგი ლოგიკის საგანია. მაგრამ მას მოიხმარს. მას შეუთანხმებს თავის მუშაობას. ანდუნად ლოგიკის მონაწილეობა ყოველ მეცნიერებაში იტულისხმება. არ არსებობს? მეცნიერება ლოგიკის გარეშე. მეცნიერებად ყოფნა. პირველ რიგში. ლოგიკურად ყოფნას ნიშნავს. ასეთი შეჭრა ლოგიკისა სხვა მეცნიერებაში არა თუ არ ჩაითვლება შეცდომად. არამედ. პირიქით, მეც-

ნიერულობის ეპირველეს პირობას წარმოადგენს. ლოგიციზმი არ შეიძლება ეწოდებოდეს ლოგიკის ამგვარ შექრას მეცნიერებაში.

არც იქ შეიძლება კონფლიქტი წარმოიშვას, სადაც საქმე სპეციალური მეცნიერების ლოგოსს ეხება. მართალია, აქ ისეთ კანონზომიერებაზეა ლაპარაკი, რომელიც ამა თუ იმ რეალური პროცესების ურთიერთობას ეხება, ურთიერთობას, რომელსაც ლოგიკა არ ეხება და არ აინტერესებს, მაგრამ რამდენადაც მაინც ლოგიკურ კავშირზეა აქაც მსჯელობა, მეცნიერების ფალსიფიკაციის საფრთხე აქ არ უნდა იმალებოდეს. არც არასდროს იგულისხმებოდა ლოგიციზმში ლოგიკის შექრა სპეციალური ლოგოსების დადგენაში. ეს იქნებოდა ლოგიკის გამოყენება სპეციალურ მასალაზე, რაც, თუმცა ლოგიკის საქმე არ არის. ფალსიფიკაციას მაინც არ ნიშნავს. ბუნებრივად მოწოდებული ამ საქმისათვის არის. რასაკვირველია. ამა თუ იმ სინამდვილის შემსწავლელი მეცნიერება. ამიტომ ამ საქმის თავისთავზე აღება ლოგიკას უკანონო მოქმედებად, სხვა მეცნიერების სფეროში შექრად ეთვლება.

ნამდვილი შინაარსი ლოგიციზმისა სულ სხვაა.

კანონზომიერება უნივერსალური ხასიათისაა. წარმოუდგენელია. არსებული, როგორც არ უნდა იყოს იგი. მოკლებული იყოს კანონზომიერებას. წესრიგს. ეს არის პირობა და გარანტია იმისი. რომ არსებული ყოველი სახისა შემეცნებისათვის მისაწვდომი გახდება. ამ პირობის გარეშე აგნოსტიციზმი ვერ იქნება დაძლეული: სადაც კანონი და კანონზომიერება არ მეფობს. იქ შემეცნება შეუძლებელია.

ლოგიკური კანონზომიერება უნივერსალურია იმ გაგებით, რომ შემეცნების ყოველი საგანი ლოგიკურ კანონზომიერებას გამოავლენს. მაგრამ ლოგიკური კანონზომიერება ზღვარდებულია. რამდენადაც არსებობს ისეთი კანონზომიერება. რომელსაც ლოგიკური არ შეიძლება ეწოდოს. ლოგიკურია კანონზომიერება, როცა ერთი მოვლენის გამომდინარეობა მეორისაგან გასაგები ჩანს, საზრისის მქონეა, „ნათელია“. ცალკე აღებული მოვლენების სტრუქტურაც შინაგანი ერთიანობისა და ჰარმონიულობის შთაბეჭდილებას ტოვებს.

მაგრამ სინამდვილის კანონზომიერება ყველგან ამგვარი არ არის. არის შტკიცედ დადგენილი ურთიერთობა საგანთა შორის და მაინც არ გვესმის ეს ურთიერთობა, არა გვაქვს იმის რწმენა. რომ ამავე საგანთა შორის არ შეიძლებოდეს სხვაგვარი ურთიერთობა. ამ შემთხვევაში კანონზომიერების შესახებ ვფიქრობთ, როგორც შემთხვევით ვითარებაზე, როგორც მხოლოდ ფაქტობრივ მდგომარეობაზე. ასეთ კანონზომიერებას ვუწოდებთ უსაზრისო ლოგიკურ, „ბნელ“ კანონზომიერებას.

რაციონალიზმისა და ემპირიზმის დავას ისიც შეადგენდა. თუ როგორია ურთიერთობა კანონზომიერების ამ ორ სახეობას შორის. რაციონალიზმი მოწოდებულია ყოველგვარი კანონზომიერება ლოგიკურ კანონზომიერებად წარმოიდგინოს. ის, რაც გამოიყურება, როგორც „შემთხვევითი“, როგორც გაუგებარი და ა. შ. ადრე თუ გვიან ლოგიკურ კანონზომიერებად უნდა იქნეს გააზრებული. მთელი სამყარო რაციონალურ წყობად უნდა წარმოვიდგინოთ. ესაა რაციონალიზმის იდეალი.

ემპირიზმმა საწინააღმდეგო იდეალი დაისახა. ფაქტობრიობაა მისთვის ერთადერთი დამახასიათებელი ნიშანი სინამდვილის კანონზომიერებისა. ის გარემოება, რომ წინასწარ, აპრიორი არაფრის თქმა არ შეიძლება. ემპირიზმის მიხედვით. ისაა, რომ მხოლოდ ემპირია არის ის, რაც ჩვენ რამეს გვეუბნება სინამდვილის შესახებ. იმას ვუწოდებთ, რომ ალოგიკურობა, ირაციონალობა სინამდვილის უნივერსალური ნიშანია. ემპირისტულად გაგებული აპოსტერორიზმი ნიშნავს მთელი სინამდვილის დაცლას ლოგიკურობიდან, საზოგადოებრივი კავშირებიდან.

საქმის ნამდვილი ვითარება არც რაციონალიზმს ამართლებს და არც ემპირიზმს. თუ სინამდვილის შესახებ ვიმსჯელებთ იმ კანონზომიერებათა მიხედვით, რომელნიც მოუპოვებია მეცნიერებას. ანუ ვაღიაროთ, რომ იგი შეიცავს როგორც რაციონალურ, ისე ემპირიულ კანონზომიერებას, როგორც ლოგიკურს, ისე ალოგიკურს. როგორც აპრიორულს, ისე აპოსტერიორულს. სინამდვილე შეიცავს საზოგადოებრივ, ლოგიკურ კანონზომიერებას. მაგრამ ამით იგი არ ამოწურება. ის შეიცავს ისეთ კანონებსაც, რომელნიც ჯერ კიდევ გაუგებარია ჩვენთვის. ჯერ კიდევ ირაციონალურის შთაბეჭდილებას ტოვებენ.

ემპირიზმი, თუ ბოლომდე გავიაზრებთ მის ინტენციებს, წარმოვიდგება. როგორც ლოგიკის უარყოფა. აზრის უარყოფა. საზრისის უგულვებელყოფა. რაციონალიზმი. განვითარებული ბოლომდე, რეალობის ფაქტობრიობის უარყოფას მოასწავებს. აქ მხოლოდ ლოგიკური მოვლენების საზრისიანი ურთიერთობა მაჩნეულია ნამდვილად არსებულად. მეცნიერება სამყაროს შესახებ. ამის მიხედვით. არის ლოგიკა. ე. წ. სპეციალური მეცნიერებანი ლოგიკის განშტოებას წარმოადგენენ. ემპირიზმისთვის არსებობენ მხოლოდ ბუნებისეული პროცესები. ერთადერთი მეცნიერება მისთვის შეიძლება იყოს ბუნებისმეტყველება. რომლიდანაც ყოველთვის ლოგიკური გამორაცხებულია. ე. წ. ლოგიკა იგივე ბუნებისმეტყველებაა და არაფერი არ

არსებობს გარდა ბუნებისა, რომელიც წარმოდგენილია ბრმა ფაქტების უსასრულო ჯაჭვის სახით.

ლოგიციზმი, როგორც უკანონო ცნება, როგორც ოდიოზური ტერმინი გვაქვს მაშინ, როცა ემპირიული, ალოგიკური კანონზომიერება უგულებელყოფილია, როცა მთელი კანონზომიერება სინამდვილისა ალოგიკურ კანონზომიერებადაა წარმოდგენილი. მთელი სინამდვილის გააზრება, როგორც ლოგიკის საგნისა, დაუშვებელია. ისევე, როგორც მიუღებელია ლოგიკურის გამორიცხვა სინამდვილის ძვლებებიდან. ალოგიკური, რასაკვირველია, არ არის ანტილოგიკური. ასეთი რამ არც შეიძლება არსებობდეს სინამდვილეში. ალოგიკურში იმკვარი კანონზომიერება იგულისხმება, რომლის გამოყვანა (ახალიბურად) მოცემული ვითარებიდან არ შეიძლება. ამისთვის ცდა, ემპირიისა საჭირო. ამიტომ არსებობს ემპირიული მეცნიერება. სინამდვილე ისეთ ფაქტებსა და კანონებს გვაწვდის, რომელთა საზრისის ძებნა უიმედო ხანს. ამ ფაქტების უფლების შელახვა იქნებოდა მათი ნაძალადევი ლოგიზაცია, რაციონალიზაცია. ასე უნდა გვესმოდეს ლოგიციზმი. მის წინააღმდეგ ბრძოლა საჭიროა. აუცილებელია მაგრამ ეს ბრძოლა არ უნდა იქცეს ირაციონალიზმის დაცვად, ლოგიკის წინააღმდეგ ბრძოლად. ეს საერთოდ შეუძლებლად გახდიდა მეცნიერებას. ლოგიკის გარეშე, მისი კანონების გამოყენების გარეშე არ არსებობს არც ერთი მეცნიერება. ყველაფერი ლოგიკა არ არის. მაგრამ ლოგიკა ყველგან არის. მეცნიერული ამოცანაა იმის დადგენა, თუ სად არის ლოგიკის კანონზომიერი სარბიელი და რის შემდეგ იქცევა ლოგიკის გამოყენება ლოგიციზმად.

ჩვენ ვერ ვიტყვით ვერც ერთ სხვა მეცნიერებაზე, რომ მას კანონიერი ადგილი აქვს ყველა სხვა მეცნიერებაში. მხოლოდ ლოგიკაზე შეიძლებოდა თქმა, რომ ყოველგვარი მეცნიერება გამოყენებითი ლოგიკააო. ამიტომ არ შეიძლება ერთნაირად შევაფასოთ ლოგიკისა და რომელიმე სხვა მეცნიერების შეჭრა რომელიმე სხვა მეცნიერებაში. ლოგიკა განსაკუთრებული უფლებებით არის აღჭურვილი და ამის გათვალისწინება საჭიროა, როცა ლოგიციზმზეა მსჯელობა: ლოგიკის შეჭრა სხვა მეცნიერებაში ყოველთვის არაა ლოგიციზმი, ყოველთვის არაა იგი დაუშვებელი. პირიქით. ლოგიკის გამოყენებლობა გააყალბებდა ყოველგვარ მეცნიერებას, წაართმევდა მას აუცილებელ მეცნიერულ დასაყრდენს.

ანალოგიური მდგომარეობაა ფსიქოლოგიზმის შემთხვევაში, რამდენადაც საკითხი ეხება მის სპეციფიკას. ფსიქოლოგიზმიც ორი მნიშვნელობით იხმარება. თუმცა ორივე შემთხვევაში საქმე გვაქვს

უკანონო აქტთან, განსხვავება მათ შორის მაინც არსებითი ხასიათისაა და მას აუცილებლად უნდა გაეწიოს ანგარიში.

ფსიქოლოგიზმი ერთ შემთხვევაში ნიშნავს ფსიქოლოგიის შექრას სხვა მეცნიერებაში, ფსიქოლოგიური ცნებების გამოყენებას იქ, სადაც ამას არა აქვს გამართლება. ასეთი ფსიქოლოგიზმი იმავე ხასიათისაა, როგორცაა ფიზიციზმი, სოციოლოგიზმი და ა. შ. ასეთი ნაბიჯი, გადადგმული ფსიქოლოგიის თუ სხვა მეცნიერების წარმოდგენლის მიერ, არაფრით არ არის გამართლებული. საქმე გვაქვს ცნებათა აღრევისთან, რაც მეცნიერებას ზიანის მეტს არაფერს მოუტანს.

რა თქმა უნდა, არის შეზღუდულება, რომლის თანახმად. არიან რიგი მეცნიერებანი, რომელნიც. ფსიქოლოგიის მსგავსად. ფსიქიკას შეისწავლიან. ფსიქოლოგიიდან მხოლოდ იმით განსხვავდებიან, რომ ისინი ფსიქიკას ეხებიან სხვა განზომილებაში, განსხვავებულ ასპექტში. ფსიქოლოგიას ის უპირატესობა აქვს, რომ ფსიქიკას იგი მის ძირითად ასპექტში, ფუძემდებელ კანონზომიერებაში შეისწავლის და. ამდენად, მისი მონაპოვარი სავალდებულოა იმ დისციპლინებისათვის, რომელნიც, ასე ვთქვათ, ფსიქიკის ზედა სართულებს იკვლევენ.

ამგვარ მსჯელობაში არის ქეშმარიტების მარცვალი. ფსიქოლოგიის მიერ დადგენილი ცნებები ყველა სხვა მეცნიერებამ იმ აზრით უნდა იხმაროს, როგორც ეს ფსიქოლოგიას დაუდგენია. თუ ვინმეს ფსიქოლოგიური ცნება სჭირდება, მან აუცილებლად ფსიქოლოგიას უნდა მიმართოს. მაგრამ ჩვენი საკითხი ამ ვითარებას არ ეხება.

იგულისხმება, რომ ყოველ მეცნიერებას თავისი საკუთარი საგანი აქვს კვლევისა და. მაშასადამე. თავისი საკუთარი ცნებებიც საქმე ეხება ამ ცნებების სიწმინდეს. მათ დაცვას ფსიქოლოგიური ცნებებით შეცვლისგან. ასეთი რამ უმართებულო იქნებოდა. ფსიქოლოგიზმიც ამას ეწოდება. ცნებათა ასეთი აღრევა, ფსიქოლოგიური ცნების გამოყენება სხვა მეცნიერებაში ხშირი მოვლენაა. ამის თვალსაჩინო მაგალითები გვხვდება ეთიკაში, ესთეტიკაში, ლოგიკაში და ა. შ.

მეორე მნიშვნელობა ფსიქოლოგიზმისა ეხება არა ფსიქოლოგიური მეცნიერების შექრას სხვა მეცნიერებაში, არამედ ფსიქიკის შერევის სხვა მეცნიერების კვლევის საგანში. აქ მდგომარეობა სპეციფიკურია და ამ გზით აღმოცენებული ფსიქოლოგიზმიც სრულიად თავისებური. იგი განსხვავდება როგორც ლოგიციზმიდან, ისე სხვა მეცნიერებათა ანალოგიური მანკიერებისაგან.

გავრცელებული შეზღუდულების მიხედვით. ყოველგვარი სინამდვილე, რომელიც კი შემეცნებით ურთიერთობაში მოდის ადამიანთან,

ფსიქიკის ფენაში გაივლის და ამ სინამდვილით შენიღბული ეკლინება შემეცნებელ სუბიექტს. ეს ქმნის უდიდეს სიძნელეს შემეცნების წინაშე. სინამდვილის მრავალფეროვნება ერთ ენაზე, ფსიქიკის ენაზე ითარგმნა, არსებითად ფსიქიკის სახეს იღებს, ფსიქიკად იქცევა. ზოგი მოაზროვნე იქამდე მიდის, რომ ერთადერთ მოცემულობად ფსიქიკურ მოვლენებს თვლის და ნამდვილ მეცნიერებად მხოლოდ ფსიქოლოგია მიაჩნია. სხვა მეცნიერებაც, ამ შეხედულების თანახმად, ფსიქიკურს იკვლევს და, ამდენად, არსებითად ფსიქოლოგიის განშტოებას წარმოადგენს. განსხვავება ფსიქოლოგიასა და სხვა მეცნიერებას შორის იმაშია, რომ ფსიქოლოგია ფსიქიკას შეისწავლის. როგორც უშუალო მოცემულობას, იმ სახით, როგორადაც იგი გვეძლევა თავის ბუნებრიობაში, სოლო სხვა მეცნიერება, მაგ., ბუნებისმეტყველება ამავე მოცემულობაში ზოგს რასმე გვერდზე ტოვებს და ამ გზით ქმნის გამოცდილების გაშუალებას. ცხადია, გაშუალებულობის გამო ფსიქიკა სხვა სინამდვილედ არ გადაიქცევა. ეს კი უნდა იყოს, რომ მეცნიერებას აქვს ერთი საგანი, ერთი გამოცდილება და ეს არის ფსიქიკური სინამდვილე.

ამგვარ კონცეფციაში, რასაკვირველია, ფსიქოლოგიაში ერთგვარად გამართლებულიც არის. თუ შესასწავლი სინამდვილე ფსიქიკურია საერთოდ, ფსიქოლოგიურ აზრთა წყობა ყველგან აუცილებელიცაა და კანონიერიც. ფსიქოლოგიზმის პრობლემა, როგორც იგი ჩვენ გვაქვს წარმოდგენილი, ამ კონტექსტში არც უნდა დადგეს.

ფსიქოლოგიზმის საფრთხესთან საქმე გვაქვს მაშინაც, როცა აღიარებულია არაფსიქიკური სინამდვილის არსებობა, მაგრამ მის გამოცდილებაში, ემპირიაში შემოსასვლელად მისი ფსიქიკად გარდაქმნა ითვლება აუცილებელ პირობად. საკითხი ამ ვითარებაში ასე დგება: როგორ განვასხვაოთ ფსიქიკური არაფსიქიკურიდან. ობიექტური—სუბიექტურიდან. ეს პრობლემა ერთნაირად ეხება როგორც ფსიქოლოგიას, ისე სხვა ემპირიულ მეცნიერებას. თუ არაფსიქოლოგიურ მეცნიერებას ის საფრთხე ემუქრება, რომ თავისი ობიექტური საგნის შესწავლისას შეიძლება შეერიოს მას სუბიექტური. ფსიქიკური მოვლენები და ამ გზით ფსიქოლოგიზმისა და სუბიექტივიზმის მსხვერპლი გახდეს, ფსიქოლოგიაც ვალდებულია ფხიზლად იყოს და უცხო ელემენტი, ობიექტური სინამდვილე არ მიიჩნიოს ფსიქიკურ მოვლენად. ობიექტურის კანონზომიერება არ გამოაცხადოს სუბიექტური სინამდვილის კანონზომიერებად. ამ შემთხვევაში საქმე გვექნებოდა, მაგ., ფიზიციზმთან, მექანიციზმთან, მათემატიციზმთან, ფიზიოლოგიზმთან ფსიქოლოგიაში.

მაშასადამე, თუ დავუშვებთ, რომ რომელიმე არაფსიქოლოგიური მეცნიერების საკვლევი ობიექტის არსებობისა და ნიშანთვისების შესახებ შემდეგნაირად ეცნობება მხოლოდ ფსიქიკური პროცესის საშუალებით, ფსიქოლოგიზმის საფრთხე ამ მეცნიერებაში რეალურ ფაქტად უნდა მივიჩნიოთ. ფსიქოლოგიზმის დაძლევის გარეშე აქ უსაფუძვლოა არაფსიქოლოგიური მეცნიერების თავისთავადობაზე, სუვერენულობაზე ლაპარაკი.

არის რამდენიმე თეორიული სასიათის ცდა ამ სინჯის დასადგენად: ინტუიტივისტური, ფორმალ-ლოგიკური და სხვა. ბურჟუაზიულ ფილოსოფიაში ერთგვარი გავრცელება ჰპოვა ინტუიტივიზმის იმ სახეობამ, რომელიც ფსიქოლოგიზმის დაძლევას ცდილობს სინამდვილის უშუალოდ მოცემულობის თეზისის საფუძველზე. ამ შემთხვევაში გვირდგელია შახამიანიძის კანონის გვლას აუცილებლობა ფსიქიკის გასწვრივ, საგანი ეძლევა, ამ კონცეფციის მიხედვით, არა განცდას, არა ფსიქიკას, არამედ ცნობიერებას, რომელიც ვაზარებულა, როგორც წმინდა გნოსეოლოგიური კატეგორია. შემდეგნების ორგანო.

მეორე გზა ფსიქოლოგიზმის დაძლევისა სპეციალური კანონზომიერების დადგენას ემყარება. იმ ლოგიკური ხასიათის თავისებურებას, რომელიც ფსიქოლოგიას სხვა მეცნიერებრივ განსხვავებას, ამ შემთხვევაში მოვლენების ფსიქიკურობისა თუ არაფსიქიკურობის შესახებ მსჯელობენ იმ კანონზომიერებათა მიხედვით, რომელთაღმი დამორჩილებულადაც ეს მოვლენები გვეძლევა. ინტოლოგიური თავისებურების დასადგენად აქ გნოსეოლოგიურ-ლოგიკური ცნებაა გამოყენებული. ამ ცნებით უნდა მოხდეს ფსიქიკურის ჩამოშორება არაფსიქიკურიდან, ობიექტურისა და სუბიექტურის გამიჯვნა.

ჩვენს მიზანს არ შეადგენს ამ შეხედულებათა შეფასება, იმ სიძნელეებზე მითითება, რომელნიც ხვდებათ მათ საკითხის ბოლომდე მოფაქრების შემთხვევაში. არც იმ ცნობილი მოსაზრებების გადმოცემა მიგვაჩნია აქ საჭიროდ, რომელნიც წამოყენებულია მარქსისტულ-ლენინურ მოძღვრებაში სუბიექტივიზმის დასაძლევად არაფსიქოლოგიურ მეცნიერებაში. ჩვენ ფსიქოლოგიის პრობლემა გვიანტერესებს და არა ფსიქოლოგიზმის დაძლევის საკითხი არაფსიქოლოგიურ მეცნიერებაში. ამ უკანასკნელს მხოლოდ იმდენად ვეხებით, რამდენადაც იგი საჭიროა ფსიქოლოგიზმის შესამჩნევად და დასაძლევად ფსიქოლოგიაში.

როცა მეცნიერების წინაშე გაუთიშავი სინამდვილე დგას, როცა სუბიექტურ-ფსიქიკური და ობიექტურ-არაფსიქიკური გამოცდილების

ერთ განზომილებაშია მოცემული, ე. ი. როცა არსებობს შინაარსეულ-საგნობრივი ფსიქოლოგიზმის საფრთხე არაფსიქოლოგიური მეცნიერების წინაშე. არ იქნება საკმარისი რომელიმე ზემოდასახელებული პრინციპის გამოყენება ფსიქოლოგიზმის დასაძლევად. არც ინტუიციის ცნების გამოყენება და არც მართო ფორმალურ-ლოგაიურ პრინციპზე დაყრდნობა უშველის საქმეს. ეს უკანასკნელი შემეცნების აპარატში იმეზარი საშუალებების მონახვას გულისხმობს, რომლებიც ფსიქიკურზე არაა დამოკიდებული და ფსიქიკურ მოვლენებს არ წარმოადგენს. ზხოლოდ ამ ამოცანის წარმატებით გადაქრის შემდეგ შესაძლებელია ფსიქოლოგიური და არაფსიქოლოგიური კანონზომიერების დადგენა, რომელიც მოგვეცემს საშუალებას — სუბიექტურა და ობიექტური სინამდვილე გავთიშოთ და ადეკვატურად ავსანოთ.

შემეცნებელი აპარატის კრიტიკა-შემოწმება კანტს ფსიქოლოგიზმის დასაძლევად ჰქონდა გამიზნული. მაგრამ, როგორც ცნობილია. მისმა ტრანსცენდენტალურმა თეორიამ ხელი აიღო ფსიქიკურის მიღმა მდებარე სინამდვილის შემეცნებაზე და მეცნიერების დასაბუთება გამოცდილების რაციონალურ. ისევ სუბიექტურ-ანთროპოლოგიური კატეგორიებით სცადა. ობიექტური იდეალიზმის ნაცვლად ფაქტობრივად სუბიექტური იდეალიზმი მივიღეთ. ტრანსცენდენტალურმა ფილოსოფიამ ტრანსცენდენტალური ფსიქოლოგიის სახე მიიღო.

მეცნიერების ლოგიკური დასაბუთება არ გულისხმობს აუცილებლობით ეგზისტენციალობაზე დაყრდნობას. ეს მხოლოდ იქაა აუცილებელი, სადაც ამა თუ იმ მეცნიერების საგნად ფსიქიკის გარეთ მდებარე, ტრანსცენდენტური რეალობა იგულისხმება. სადაც ამგვარი რეალობის წვდომის პრეტენზია არა გვაქვს, სადაც ცნობიერების იმანენტური მოცემულობა შეადგენს შემეცნების საგანს, როგორც ეს არის ფსიქოლოგიის შემთხვევაში, მეცნიერების დასაბუთებისათვის ტრანსცენდენტური ეგზისტენციალობის საჭიროება არ დგას. ამიტომ საგნობრივ-შინაარსეული ფსიქოლოგიზმი ნიშნავს არა ყოველგვარი მეცნიერების გაუქმებას, არამედ მეცნიერებათა მრავალსახიანობის წარმოდგენას ფსიქოლოგიის განშტოებად. თუ საერთოდ შესაძლებელია სუბიექტურის, ფსიქიკის ობიექტური შემეცნება, რა შეუშლის ხელს მთელი ემპირიული სინამდვილის შემეცნებას? ყველა მეცნიერების საგნის გამოცხადება ფსიქიკურ სინამდვილედ მხოლოდ გაათართობდა ფსიქოლოგიის მუშაობას. უფრო მრავალფეროვანს გასდიდა მის მუშაობას. მაგრამ ამისთვის ფსიქოლოგიას არ დაჭირ-

დებოდა პრინციპულად განსხვავებული თვალსაზრისის თუ კატეგორიის გამოყენება. ფსიქოლოგია შეისწავლიდა მთელ სინამდვილეს და მაინც ფსიქოლოგიად დარჩებოდა. შინაარსულ-საგნობრივი ფსიქოლოგიზმი. როგორც ცნება და როგორც ტერმინი ვაუქმდებოდა. იქნებოდა მხოლოდ ერთი მეცნიერება — ფსიქოლოგია, რომლის ანტიპოდი და ლოგიკური მოპირდაპირე იქნებოდა ტრანსცენდენტურ-ეგზისტენციალობის შესასებ ფიქტურული, ქვაზი-მეცნიერება.

მაგრამ ასეთი დაშვების შემთხვევაში კიდევ უფრო ნათელი ხდება თვით ფსიქოლოგიური მეცნიერების დასაბუთების საჭიროება და სიძნელე.

ვინც დასაბუთებას, საერთოდ, და კერძოდ, მეცნიერების დასაბუთებას ონტოლოგიური ცნებით ე. წ. ობიექტური საგნით ცდილობს. იგი შემეცნებას შეუძლებლად მიიჩნევს. თუ ასეთი საგანი არაა და ან არ შეიძლება იყოს. ფსიქოლოგია, კერძოდ, ამ თვალსაზრისით. შეუძლებელია მეცნიერება იყოს. მხოლოდ იმ პირობით, თუ ფსიქიკა, სუბიექტური სინამდვილე. როგორღაც ობიექტური გახდება. შესაძლებელი იქნება მისი შემეცნება. სუბიექტური ამ ვითარებაში მიუწვდომელია შემეცნებისათვის: რას შევლის საქმეს ის. რომ სუბიექტური ობიექტურად არის წარმოდგენილი ან ობიექტად გადაქცეული, ან კიდევ ობიექტთან შეერთებული?! შემეცნების შინაარსი მაინც ყველა შემთხვევაში მხოლოდ ობიექტური მომენტია?! თავი რომ დავანებოთ იმას. თუ როგორ მოხერხდება ობიექტურის შემეცნება თვითონ, როცა მისი კორელატი, — სუბიექტური, უცნობი და შეუშეცნებადია, თვითონ ის შირითადი შემთხვევითი აქტი, რასაც ამგვარი მსჯელობა ემყარება, გადაულახავ სიძნელეს წააწყდებოდა. თუ მას გავარჩევდით დასაბუთების წესების შესაბამისად. როგორ გავამართლებდით, მაგ. იმას, რომ დასაბუთების ერთ-ერთი ძირითადი „ცნება“ არ არის ლოგიკური შინაარსის. არ არის აღებული. როგორც ნამდვილი ცნება?! „ობიექტური“ აქ ხომ არ შეიძლება ცნების მნიშვნელობით იხმარებოდეს. ასე რომ იყოს, იგი არც ტრანსცენდენტურ-ეგზისტენციალური იქნებოდა. ნამდვილად საქმე გვაქვს არა ლოგიკურ-გნოსეოლოგიურ საბუთთან. არამედ ონტოლოგიურთან. რომელიც ამ კონტექსტში თვითონ საჭიროებს დასაბუთებას. „ობიექტურის“ ორგვარი მნიშვნელობა — ონტოლოგიურ-რეალური და ლოგიკურ-გნოსეოლოგიური ზოგჯერ არაა მხედველობაში მიღებული და დაუშვებელი ნახტომის გზით ონტოლოგიურს გნოსეოლოგიური ძალა ენიჭება, დასაბუთებისთვის ინდიფერენტული ვანი დასაბუთების საფუძველმდებარეობას კისრულობს.

ფსიქოლოგიზმის მეორე სახე ფსიქიკის ლოგოსის, ფსიქოლო-
ური კატეგორიების გამოყენებაა სხვა მეცნიერებასა და ფილოსოფი-
აში. შეცდომა აქ იმაში მდგომარეობს. რომ სპეციფიკური, ფსიქიკუ-
რისთვის ადეკვატური ცნებები და კანონები ლოგიკურად სრულიად
განსხვავებულ სინამდვილის სფეროს მიეწერება. მეცნიერების ფალ-
სიფიკაცია, რომელიც ამგვარი აქტით ხდება. ფორმალურ-ლოგიკუ-
რი ხასიათისაა. ფსიქოლოგიიდან სხვა მეცნიერებაში მიდის არა ფსი-
ქიკა თვითონ, არამედ მისთვის დამახასიათებელი კანონზომიერება.
მართალია, ის, რაც უნდა შეიპყრას არაფსიქოლოგიურ მეცნიერებაში.
არ არის ირაციონალური ელემენტი. მაგრამ ფსიქოლოგიაში კანონიე-
რი და ლოგიკურად გამართლებული, სრულიად ვაუზმართლებელია
იმ სინამდვილის შესწავლისთვის. რომელიც ფსიქიკა არ არის. ფსი-
ქიკიდან განსხვავდება იმდენად. რომ საკუთარი გნოსეოლოგიური
ფიზიონომია აქვს.

ფსიქოლოგიზმის დაძლევა ამ შემთხვევაშიც ზემდგომ გნოსეო-
ლოგიურ ინსტანციაზეა დამოკიდებული. თუ არ არსებობს შემეცნე-
ბის ისეთი ორგანო, რომელიც ხედავს როგორც ფსიქოლოგიურ, ისე
არაფსიქოლოგიურ კანონზომიერებას, თუ შემეცნეების ორგანოდ
თვით ეს სინამდვილეები ვვევლინებიან იმ სახით, როგორც ისინი
ბუნებრივად. თავისთავად არსებობენ. ამ სიძნელის გადალახვა შე-
უძლებელი გახდება. მაგრამ, ეს რომ ასე არ არის, ამის ერთ-ერთი,
გადამწყვეტი მნიშვნელობის გარემოება თვით საკითხის, ფსიქოლო-
გიზმის დაძლევის ამოცანაა. ბუნებრივად წარმოდგენილი სინამდვი-
ლის სახეები. ფსიქიკა და არაფსიქიკა, თვითონ ვერასოდეს ვერ წა-
მოჭრიდნენ საკითხს. რომელიც მათი არსებობისა და ნიშან-თვისების
სფეროს შორდება. როგორც მხედველობა და სმენა ვერ წამოჭრი-
დნენ საკითხს მათ შორის არსებულ მსგავსება-განსხვავების შესახებ.
აზროვნების წინაშე საკითხის წამოჭრა მისი გადაჭრის შესაძლებლო-
ბასაც უნდა ნიშნავდეს. პრობლემა, რომლის გადაჭრა პრინციპუ-
ლად შეუძლებელი ჩანს, უკანონო პრობლემაა. მოჩვენებითი და ხე-
ლოვნური საკითხია, რომელიც ამის გამო უნდა მოიხსნას.

2

რა მოაქვს ფსიქოლოგიზმს ფსიქოლოგიისათვის?

თუ ფსიქოლოგიზმი ფსიქოლოგიის მოქმედების სფეროს გაფარ-
თობაა, თუ იგი სხვა მეცნიერებაზე ძალდატანებაა ფსიქოლოგიის

გულანთვის², მას ფსიქოლოგები მათი მეცნიერებისათვის სასარგებლო საქმედ უნდა თვლიდნენ. ფსიქოლოგთა რეაქცია ფსიქოლოგიზმსა და ანტიფსიქოლოგიზმს შორის გამართული დისკუსიისადმი მართლაც ტოვებს ისეთ შთაბეჭდილებას, რომ ამ დისკუსიიდან ფსიქოლოგიისათვის თუ სასარგებლოს არა, საზიანოს მაინც არაფერს ელიან. თითქოს ასე ფიქრობენ ფსიქოლოგები: თუ ფსიქოლოგისტები აღმოჩნდნენ მართალი და ფსიქოლოგიის მოქმედების არე კანონიერად გაფართოვდა და ფსიქოლოგიას სხვა მეცნიერებათა მიმართ ფუძემდებლური ფუნქცია მიენიჭა, ფსიქოლოგია ამით ბევრს მოიგებს. გნოსეოლოგიური მნიშვნელობის მხრივ და გაფართოვდება კვლევის სფეროს მიხედვით. ხოლო თუ ანტიფსიქოლოგიზმი გაიმარჯვებს, ფსიქოლოგია ამით მაინც არაფერს დაჰკარგავს. ის დატოვებს მხოლოდ კვლევის იმ სფეროს, რომელიც მას უმართებულოდ დაუკავებია. ავი ფსიქოლოგიზმს განმარტავენ. როგორც ფსიქოლოგია ას უადგილო ადგილას³.

ჩვენი მიზანია ყურადღება გავამახვილოთ იმაზე, რომ ასეთი დამოკიდებულება ფსიქოლოგიზმისა და ანტიფსიქოლოგიზმის დაეისადმი ფსიქოლოგების მხრივ, არ არის გამართლებული. პრობლემა, რომელსაც ეს დავა ეხება, არის მეცნიერების ობიექტურობის პრობლემა და იგი თანაბრად ეხება ყოველ მეცნიერებას. ფსიქოლოგიზმის წინააღმდეგ ბრძოლა არის აგრეთვე ბრძოლა ნატურალიზმის, ე. ი. ონტოლოგიზმის წინააღმდეგ გნოსეოლოგიასა და ლოგიკაში. ლოგიკური მომენტის შეცვლის წინააღმდეგ ფსიქოლოგიური მომენტით. საბოლოოდ ანტიფსიქოლოგიზმი იბრძვის მეცნიერულობისათვის მეცნიერებაში. ასეთი ამოცანა არ შეიძლება არ ეხებოდეს ფსიქოლოგიას. მეტაც შეიძლება ითქვას: იმის გამო, რომ ფსიქოლოგიური მეცნიერების დონე შედარებით დაბალია, იმის გამო, რომ ფსიქოლოგია ამჟამადაც კრიზისის მდგომარეობაშია და რეფორმის საქარობას განიცდის. განსაკუთრებული სიმახვილით უნდა დადგეს საკითხი ფსიქოლოგიის მეცნიერულობის შესახებ. თუ არაფსიქოლოგიური ზუსტტი მეცნიერებანი ფაქტობრივად მაინც სწორი გზით მიდიან და ფსიქოლოგისტურ დაბრკოლებას არ განიცდიან, ფსიქოლოგიაზე ამას ვერ ვიტყვით. აქ წარმოებს ბრძოლა არა ფსიქოლოგიზმის წინააღმდეგ, არამედ ლოგიციზმის წინააღმდეგ და ისიც იმგვარად, რომ ზოგ-

² «...eine Vergewaltigung anderer Wissenschaften zugunsten der Psychologie...» W. Moog, Logik, Psychologie und Psychologismus, 1919, გვ. 2.

³ «Psychologie am unrechten Ort», Alois Höfler, Atti del V. congresso internazionale die psicologia, 1906, გვ. 322.

ჯერ არ არის ნათლად გათიშული ლოგიციზმი ლოგიკურობიდან. ლოგიკის კანონიერი გამოყენება ფსიქოლოგიაში მის უკანონო გამოყენებიდან. შედეგი ამისა ისაა, რომ ფსიქოლოგია ხელს იღებს მეცნიერულობის აუცილებელ საფუძველზე და ლოგიკური მომენტის ადგილზე ნატურალისტურ მომენტს ათავსებს, ლოგიციზმის წინააღმდეგ ბრძოლა აქ ფსიქოლოგიკიზმში გადადის. თუ ფსიქოლოგიზმის წინააღმდეგ ბრძოლა არასოდეს ინტენსიურად არ მიმდინარეობდა. ეს იმიტომ კი არაა, რომ იგი საჭირო არ იყო, არამედ იმიტომ, რომ მისი საჭიროება აქ უფრო ძნელად შესამჩნევია, ვიდრე მაგ., ლოგიკაში. ფიქრობენ, რომ ფსიქოლოგიაში ფსიქიკურს ყველგან აქვს გამართლება და. მაშასადამე, უადგილო ადგილას იგი არასოდეს აღმოჩნდება.

ეს არაა სწორი. არც ერთი მეცნიერება არაა აგებული მხოლოდ იმ მასალიდან და მხოლოდ იმაზე დაყრდნობით. რასაც მისი კვლევის საგანი წარმოადგენს ან უფრო ზუსტად: არც ერთი მეცნიერების საგანი არ არის მარტო ის მასალა, რაც მის სახელს განსაზღვრავს. გარდა ამისა, ყველგან არის ამ სინამდვილის ლოგოსი, მისი კანონზომიერება. ურომლისოდაც მეცნიერება არ წარმოადგინება. ამ მომენტს, სინამდვილის გარკვეულობას, მის „ფორმას“, „ასეთობას“ (Sosein) ემყარება მეცნიერება, ამის გამოხატვა არის შინაარსი მეცნიერებისა. ეს კი უეჭველად უნდა განვასხვაოთ იმ მასალიდან, რომელსაც იგი ახლავს და რომლითაც იგი მეცნიერებისათვის მისაწვდომი და ვარგისი ხდება. კანონზომიერება, რომელიც არის პირობა არსებობისა და შემეცნების. მარტო მაშინ კი არ შედის მოქმედებაში, როცა ერთი საგანი მოქმედებს მეორეზე, არამედ თვით ერთეული საგნის ფარგლებშიც¹. საგანი სტრუქტურის მატარებელია. ეს კი კანონზომიერების მოცემულობას გულისხმობს. კანონი სტატიკასაც ისევე ქირდება, როგორც დინამიკას.

ფსიქოლოგიკიზმის საფრთხის მიმართ უდარდელი დამოკიდებულება ფსიქოლოგების მხრივ არის შეპირობებული. ერთი მხრივ მაინც, ფსიქოლოგიის გნოსეოლოგიის განვითარების ისტორიით. ცნობილია, რომ გნოსეოლოგიის განვითარების კლასიკურ პერიოდში შემეცნების ძირითად პრობლემად, გნოსეოლოგიურ ცენტრალურ საკითხად იდგა ობიექტური, ტრანსცენდენტური სინამდვილის წვდომა. როგორ არის შესაძლებელი, რომ ცნობიერებიდან დამოუკიდებელი და მის გარეთ მდებარე სინამდვილე გახდეს ცნობიერების შინაარ-

¹ იხ. ა. ბოკორიშვილი, კანონზომიერების საკითხისათვის ფსიქოლოგიაში. ჰელსინკის პედაგოგიური ინსტიტუტის შრომები, ტ. XVI, 1956.

სი? ასე დადგა საკითხი და მასზე პასუხის მიღება ითვლებოდა გნოსეოლოგიური პრობლემის გადაჭრად.

ვინაიდან პრობლემად ტრანსცენდენტურის იმანენტურში შემოტანა ითვლებოდა, იმანენტურის წვდომის პრობლემა არ უნდა წამოჭრილიყო. თუ ტრანსცენდენტურის შემეცნებისათვის მეტა არაფერია საჭირო, თუ არა მისი შემოტანა იმანენტურ სამყაროში. ცნობიერებაში. ანდა ცნობიერების შექრა ტრანსცენდენტურში, იმის შემეცნების პრობლემა, რაც თავისთავად არის იმანენტური. რაც თავის არსებობის ფორმით ცნობიერია და ცნობიერებაშია. საგანგებოდ აღარ დადგება. მისი შემეცნების შესაძლებლობა თავისთავად იგულისხმება და კვლევა-ძიებას არ საჭიროებს. ამიტომ ერთხანს არსებობდა მხოლოდ ობიექტის. საგნის შემეცნების პრობლემა. მაგრამ არ არსებობდა განცდის შემეცნების პრობლემა. მუშავდებოდა საგნის ინსეოლოგია, ხოლო განცდის ვნსეოლოგიას არ ექცეოდა ყურადღება. შემეცნების პრობლემა გათანაბრებული იყო ე. წ. მოცემულობის პრობლემასთან.

კანტის ცნება ნივთისა თავისთავად წარმოიქმნა. როგორც ნეკაცია თავისთავადი სინამდვილის იმ სახით შემეცნებისა, როგორცადაც ის არის თავის თავად, თავის თავში. შემეცნების მოღვაწე ნიშნად ამ კონტექსტში არსებულის მარტივი ასახვა იგულისხმებოდა: სუბიექტს უნდა ენახა ნივთი და მისი სურათი შეეგუშავებინა. ასეთი რამ შეუძლებლად იქნა მიჩნეული და ამიტომ ნივთი დარჩა მარად ტრანსცენდენტურად.

როცა ანალოგიური საკითხი დადგა ფსიქიკის მიმართ. ექვი არავის შეუტანია იმაში, რომ ფსიქიკური მოვლენების მოცემულობა ადეკვატურია. ფსიქოლოგიის „საგნად“ ფსიქიკაა მიჩნეული. ხოლო მის ორიგინალში წვდომა უეჭვო ფაქტადაა აღიარებული. ცნება „ნივთისა თავისთავად“ ფსიქიკის მიმართ არ წარმოქმნილა. ზოგი ფსიქოლოგი ისე შორს წავიდა ფსიქიკის შემეცნების პროვილენური პირობების მტკიცების საქმეში. რომ ერთადერთ ნამდვილ ემპირიულ მეცნიერებად, ევიდენტური შემეცნების მქონე ცოდნად ფსიქოლოგია დასახა. ამ გარეშობას გამოხატავენ ისეთი ცნებები, როგორცაა უშუალო გამოცდილების მეცნიერება, ევიდენტური მოცემულობა ფსიქიკისა, სტრუქტურულობა ფსიქიკური ცხოვრებისა და სხვა.

მოცემულობისა და შემეცნების პრობლემის გაიიყვებასთა გვაქვს საქმე, როცა ფსიქიკის ადეკვატურად მოცემულობის ფაქტადან შემეცნების ევიდენტობაზე ასკვნიდნენ. ერთხანს არ ეწეოდ

ჯეროვანი ანგარიში იმ ფაქტს, რომ უშუალო და ორიგინალში მოცემულობა შებრუნებულ მიმართებაში იმყოფებოდა ამ მოცემულობის შემეცნების სიზუსტესთან. ამის თვალსაჩინო ილუსტრაციას გვაძლევს ის ფაქტი, რომ უშორესი სხეულები ასტრონომიული სიზუსტითაა შესწავლილი. ხოლო უახლოესი მოვლენები, ჩვენი განცდები ოდნავ დამაკმაყოფილებლადაც არ ვიცი. ცხადია, რომ მოცემულობა. რაგინდ სრულყოფილიც არ უნდა იყოს იგი, შემეცნების საკითხს ვერ მოხსნის და ვერ გადაჭრის. ამ გარემოებამ გვიკარნახა გვეკითხა: რა არის ის, რაც ადეკვატური მოცემულობის მიუხედავად შემეცნებას საძიებელი აქვს? რა არის ის, რაც განსხვავებით მოცემულობის შინაარსისა, შემეცნების აუცილებელ და საკმაო პირობას წარმოადგენს?

ეს კითხვა ცოდნის შედგენილობის ანალიზს მოითხოვს.

აქ საქმის ინტერესი არ ეხება არც ცოდნის მქონეს და მის სტრუქტურას, არც იმას, თუ როგორ არის მძლებული ეს ცოდნა ანლა იმას, თუ როგორია მისი არსებობის ფორმა მცოდნის ცნობიერებაში, არამედ იმას, თუ რას ეწოდება ცოდნა, როგორია მისი ბუნება, მისი საკუთარი ნიშანთვისებები.

ამ თვალსაზრისით განხილული ცოდნა გულისხმობს ცოდნის საგანს. რომელზედაც გამოთქმულია რაიმე აუცილებლობის პრეტენზიით. იდეა ცოდნისა ამ აუცილებლობას შეიცავს. უბრალო ხედვა მოვლენისა, რაგინდ ადეკვატურიც არ უნდა იყოს იგი, ცოდნას არ წარმოადგენს. მართო ხედვა ფაქტობრიობას ვერ გაშორდება და აუცილებლობაზე არაფერს გვეუბნება. არსებობს ფაქტობრიობის ევდენტობა. მაგრამ ამის შინაარსი თვით ფაქტობრიობა კი არ არის. არამედ ის საქმის ვითარება, რომ ფაქტობრივად მეძლევა რაღაც, რისი აუცილებლობაც არ ჩანს. ფერის მოცემულობა მაგ., აუცილებელი პირობაა ფერის ცოდნისათვის, მაგრამ იგი ჯერ კიდევ ცოდნა არ არის. ამ მოცემულობის შესახებ უნდა შეიქმნეს საქმის ვითარება (Sachverhalt) და მისი აუცილებლობა დასაბუთდეს. მაშინ გვექნება ცოდნა. თუ ახლა ამ ცოდნის მოცემულობაზე ვილაპარაკებთ, მდგომარეობა იგივე გვექნება: რამდენადაც ცოდნის მიმართ ჩვენი დამოკიდებულება იქნება არა აუცილებლობის აზროვნება, არამედ ცოდნად მიჩნეული დებულების უბრალო ჰვრეტა; საქმე გვექნება მოცემულობასთან და არა ცოდნასთან. მართალია, ყოველდღიურ ცხოვრებაში ხშირად ცოდნად ის მიგვაჩინია. რაც ნამდვილად მოცემულობის აქტს წარმოადგენს, მაგრამ ეს გარემოება არ გვაძლევს უფლ-

ბას გ-ვათანაბროთ მოცემულობა (Gegebenheit) ცოდნასთან. იცე
ითქმის ცოდნისა და ცნობიერების განსხვავების შესახებ.

იდეალისტურ ფილოსოფიაში გაერცელებული დაყენება მოცე-
მულობის პრობლემისა საჭიროებს არსებით ცვლილებას. პრობლემის
შინაარსად უნდა შივიჩნით არა ის, თუ როგორია აზროვნების
დამოკიდებულება მოცემულისადმი. პასიურ-რეცეფციული. თუ აქ-
ტიურ-შემოქმედებით⁶, არამედ ის, თუ რა გეძლევა ამ აქტის სა-
შუალებით, როგორია თავისი საკუთარი ბუნებით ის. რაც ამ შემთ-
ხვევაში შემოდის ცნობიერებაში. უკიდურესი თვალსაზრისები მო-
ცემულობის პრობლემის გადაჭრაში-- პერცეფცივისტული და შემო-
ქმედებითი — ეხებიან სუბიექტის ქცევას და არა მოცემულობის ში-
ნაარსს. მოცემული ვითარება არაფერს ამბობს მისი გენეზისას შე-
სახებ. მისი რაობის გარკვევა დესკრიფციული ამოცანაა და არა გე-
ნეზისური. ამიტომ აზროვნების შემოქმედებითი აქტიუობა, რომ და-
ეუშვათ კიდევაც მისი ქმნადობითი უნარი საგნის მიმართ. მოცემუ-
ლის დასასიათებისთვის მნიშვნელობას მოკლებულია. თუ არა ამ
გზით. ფუნქციონალურ თეორიაში საერთოდ უქმდება მოცემულობის
პრობლემა, მის ადგილს საგნის შექმნის პროცესი იჭერს.

მოცემულობაში პოტენციალურად მაინც იჯულისხმება ორი მო-
მენტი: ყოფიერება და გარკვეულობა (Sosein). თუ ამ ცნებებს ფარ-
თო მნიშვნელობით ვიხმართ, თუ ყოფიერებაში ყოველი სახის არ-
სებობა-ონტიურობას ვიჯულისხმებთ, ხოლო გარკვეულობაში ყოვე-
ლი სახის ფორმა-კანონზომიერებას. ისინი მეცნიერებისათვის საჭი-
რო ელემენტებს ამოწურავენ. ისინი საკმაო არიან მეცნიერების-თ-
ვის, როგორც მისი ობიექტური პირობები.

როგორ უნდა წარმოვიდგინოთ მოცემულობა ფსიქოლოგიაში?
ხომ არ აქვს ადგილი ამ შემთხვევაში მოცემულობის სტრუქტურის
შეკვეცას, გამარტივებას?

რა უნდა ანვარიშვასაწევი იმ გარემოება. რომ სინამდვილის სხვა-
დასხვა სფეროები თვისობრივად განსხვავდებიან ერთმანეთიდან და
ამის შესაბამისად შემეცნებას სპეციფიკურ ხასიათს უკარნახებენ.
ისიც უნდა გვახსოვდეს, რომ თვითონ შემეცნებასაც აქვს თავისი არ-
სი. ის ზოვადი და აუცილებელი ნიშნები. ურომლისოდაც შემეცნება
არ წარმოივინება. ამ ნიშნების იგნორაცია და მათი საწინააღმდეგო

⁶ იხილეთ А. Т. Бочоришвили, Психика как предмет психологии
Вестник отделения общественных наук, Тбилиси, 1961, ტ. 3.

⁷ იხ. Joli, von, Malottki, Das Problem des Gegebenen, 1929, გვ. 2.

ნიშნებით შეცვლა არ შეიძლება. შემეცნებამ თავისი არსი არ შეიძლება დაჰკარგოს, სანამ იგი შემეცნებად ითვლება.

მოცემულობა, როგორც შემეცნების მომენტია თუ წინასწავსუარი, გულისხმობს სუბიექტს, ობიექტსა და მათ შორის მიმართებას. რომელსაც მოცემულობის ცნებით აღვნიშნავთ. აქ არსებითი ის კი არ არის, თუ როგორ დავახასიათებთ მოცემულობას, როგორც უშუალოს თუ როგორც გაშუალებულს იქნება შემეცნების საგანი თვითონ, ორიგინალში მოცემული. თუ იგი მეორე რომელიმე ინსტანციით იქნება გაშუალებული, სულ ერთია, ყოველი მოცემული სუბიექტისადმი მაინც დაპირისპირებული უნდა იყოს, მას „წინ უნდა დაუდგეს“ და ამ გაგებით მას საგნად უნდა მოველინოს. მართალია, როცა მესამე ინსტანცია სუბიექტისა და ობიექტის ურთიერთობაში არ მონაწილეობს. შემეცნების მსვლელობა სხვაგვარია, მაგრამ ამით ის უშუალო მაინც არაა მიღწეული, რომელიც სუბიექტ-ობიექტის დამთხვევას, გაიგივება-შერწყმას მოასწავებს. ასეთი უშუალობა მოცემულობისა შემეცნების ცნებასთან შეუთავსებელია. აქედან ცხადი უნდა იყოს, რომ ფსიქიკის არსებობა ცნობიერი ფაქტის საბირთვი კიდევ არ ნიშნავს იმას, რომ ამით ის უკვე მოცემულობის შინაარსია. ამისთვის, ფსიქიკის მოცემულობად არსებობისათვის, აუცილებელია მის მიმართ გამოყენებულ იქნეს შემეცნებითი განწყობა. ეს კი ნიშნავს, რომ ფსიქიკის შემეცნება არავითარ უპირატეაობას არ შეიცავს იმის გამო, რომ მას იმანენტური ცნობიერება აქვს. პირიქით, სწორედ ამის გამო იქმნება მაცდუნებელი აზრი, რომ ფსიქიკა თავისთავად არის მოცემული შემეცნებისათვის და ამისთვის თითქოს საგანგებო ღონისძიება არ არის საჭირო. ამის შედეგია ის ყალბი შეხედულება, რომლის მიხედვით, ფსიქოლოგიაში, დესკრაფციული კვლევა-ძიება ან სრულიად ზედმეტია და ან უაღრესად ადვილ საქმეს წარმოადგენს.

საყოველთაოდ ცნობილია ამჟამად, თუ რაოდენი ზიანის მომტანია ასეთი შეხედულება. მართალია, ფსიქიკური, როგორც მოცემულობა, მხოლოდ ცნობიერების ობიექტად ყოფნას ნიშნავს და არა შემეცნების საგნამდე ამალღებას, მაგრამ იგი მაინც განსხვავდება იმანენტურ ცნობიერებაში არსებულიდან, სტიქიურ, ბუნებრივ ფსიქიკიდან, სადაც ჯერ კიდევ შემეცნებითი განწყობა მასზე არ მიმართულა.

რას შეიცავს, რას წარმოადგენს განცდა შემეცნებითი განწყობისადმი მოცემულობის მომენტში?

მოცემულობის პრობლემის რესტორიდან ვიტყავ, რომ ვასარკვევად ამ შემთხვევაში ითვლებოდა აზროვნებისა და აზროვნებისათვის უცხო ელემენტის შორიგება. შეხვედრა. მოცემულად რომელიმე შინაარსი მაშინ ჩაითვლებოდა, თუ იგი უცხო რამ იქნებოდა აზროვნებისათვის. თუ მისი შემოსვლათ აზროვნებაში ახალი, ანაზროვნებითი მომენტი გაჩნდებოდა. წინააღმდეგ შემთხვევაში. თითქოს არც უნდა გვექონდეს საქმე მოცემულობასთან. ვინაიდან საქმე ტრანსცენდენტურის წვდომას ეხება, ხოლო აზროვნება მთელი მისი შემადგენლობით იმანენტურ არსებობად არის მიჩნეული. ცხადია, რომ ტრანსცენდენტური ვითარება არ უნდა იყოს აზროვნება. ტრანსცენდენტურობის ნიშანი აქ ონტოლოგიურთან ერთად გნოსეოლოგიურ ვითარებასაც აღნიშნავს. ასე გაჩნდა გნოსეოლოგიაში ირაციონალურის პრობლემა და ამასთან ერთად მისი დაძლევის ამოცანა. მოცემულობის პრობლემამ შინაგანი აპორიის ხასიათი მიიღო: თუ ტრანსცენდენტური აზროვნებისთვის უცხო სინამდვილეა, მისი მოცემულობა ლოგიკურად შეუძლებელია. აზრი ვერ მიიღებს თავის წიაღში ვერაფერს. რასაც აზრისეულობა აკლია. მაგრამ თუ აზრისეული აზროვნების პრობლემა, მოცემულობის ცნება უქმდება. აზროვნებას არაფერი არ ეძლევა. იგი მთელ თავის შინაარსს თვითონ ქმნის. ხოლო, თუ შეშეცნება არის აზროვნებისთვის უცხო. ტრანსცენდენტურის შემეცნება. იგი შეუძლებლად უნდა გამოვაცხადოთ: აზროვნება მხოლოდ იმას წვდება, რაც მისი შექმნილია. ეს კი შეშეცნებად ვერ ჩაითვლება, ვინაიდან აქ ტრანსცენდენტური გამორთულია. აზროვნება იმას წვდება, რაც მან იცის, რაც მას აქვს.

აღნიშნული სიძნელიდან გამოსვლის ცდები უშედეგო აღმოჩნდა. საქმეს ვერ შევლის ვერც ე. წ. დიალექტიკური გადაჭრა საკითხისა, რომელსაც იძლევა. მაგ., მალოტკი. ვინაიდან ამ ავტორმა კანონიერად მიიჩნია საკითხის ტრადიციული დაყენება. კომპრომისულმა თვალსაზრისმა საქმეს ვერ უშველა. ემპირისტული და პანლოგიკური თვალსაზრისები აღმოჩნდნენ თანმიმდევრული შედეგები მოცემულობის პრობლემის იმგვარი წარმოდგენისა, როგორსაც ზემოთ გავეცანით: უკიდურესი სენსუალიზმის ნიადაგზე აღმოცენდა მახის კონცეფცია მოცემულობის მონიშნისა და აზროვნების რეცეფციულობის შესახებ, ხოლო უკიდურესმა რაციონალიზმმა მოგვცა კოპენის

თეორია ფუნქციის მონიშნისა და აზროვნების შემოქმედებითობის შესახებ.

მონისტური თეორიების გვერდით წარმოიშვენ დუალისტური თეორიები, მაგრამ უკეთესი წარმატება არც მათ ჰქონიათ: ცნობიერებისა და მოცემულობის კორელაცია არის არა პასუხი მოცემულობის პრობლემაზე. არამედ თვითონ არის უძნელესი პრობლემა, რომლის გადაჭრაც წინაპირობაა მოცემულობის პრობლემის გადასაჭრელად.

მოცემულობის პრობლემას აქ ვერ შევეხებით, მაგრამ ის მაინც უნდა ითქვას, თუ როგორ გვესახება ჩვენ იმ სიძნელის გვერდისაველა, რომელიც იდეალისტურ ფილოსოფიაში გაჩნდა ამ პრობლემასთან დაკავშირებით.

მოცემულობის პრობლემა შემეცნებისა და შესაცნობის ნათესაობას, ერთგვარობას ეხება. როგორცმე გასაგები უნდა გახდეს მათი კავშირიცა და მათი ნუმერული სხვაობაც. შემეცნების მხარის წარმომადგენლად აზროვნება გვევლინება, შესამეცნებლად სინამდვილე. სამყარო იგულისხმება. პირველ რიგში აზროვნების ცნება უნდა ვაირკვეს, ნათლად უნდა წარმოვიდგინოთ მისი ფუნქცია შემეცნებაში.

არსებითად სხვადასხვაა აზროვნება შემეცნებელი და აზროვნება შემეცნების ობიექტი, როცა პირველში გნოსეოლოგიური ცნება იგულისხმება, სოლო მეორეში ფსიქიკური პროცესი. ის ფაქტი, რომ აზროვნების შესწავლა წარმოებს ფსიქოლოგიაში, ამტკიცებს იმას. რომ მასაც ისე, როგორც შემეცნების სხვა ობიექტებს, აქვს ის ნიშნები, რომელიც აუცილებელია შემეცნებისათვის. ამ განზომილებაში აზროვნება პრინციპულად არ განსხვავდება ლითონისაგან. ორივე მსოლოდ ფაქტი და ბუნებრივი პროცესია, არაფერს თავის გარეშე არსებულს ისინი არ აღნიშნავენ. საერთოდ არა აქვს მათ აღნიშვნის ფუნქცია. ის, რაც ითქვა ფსიქოლოგიაში აზროვნების ინტენციის შესახებ. მის ნიშნობრიობაზე და ა. შ., ეხება აზროვნებას, როგორც გნოსეოლოგიურ კატეგორიას და არა ფსიქოლოგიურ პროცესს. როცა აზროვნება შემეცნებელი კი არ არის, არამედ შესამეცნებელი. ცხადია, რომ მას შემეცნებლის ნიშნები არ შეიძლება ჰქონდეს. და თუ უამისოდ აზროვნება არაფერია, თუ მას მსოლოდ ფუნქციონალური არსებობა აქვს, მაშინ უკანონოა ლაპარაკი აზროვნების ფსიქოლოგიაზე. მაგრამ, რადგან ეს ასე არ არის.

რადგან აზროვნება არა მარტო სხვისი „ხედვაა“, არამედ თვითონაც არის რაღაც, რისი „ხედვა“ შეიძლება, აზროვნების უსაქოლოგიაიც შესაძლებელი გახდა.

რა არის აზროვნება. როგორც შემეცნება?

ეს არის ორი სინამდვილის, სუბიექტისა და ობიექტის გარკვეულ-ლობის თანაზიარობა¹. როცა ობიექტის გარკვეულობა (Sachsein) სუბიექტის „კუთვნილებად“ იქცევა. ანდა სუბიექტში არსებული გარკვეულობა ეხება და ემთხვევა ობიექტის გარკვეულობას. საქმე ეკავს შემეცნებით აზროვნებასთან. როცა იტყვის: „რომ გარკვეულობა, ლოგოსი სუბიექტის პროვიდენციური ნიშანი კი არ არის, არამედ ყოველივე არსებულს ახასიათებს. ურთიერთობა შემეცნებელსა და შესამეცნებელს შორის გადაულახავ სიძნელედ არ უნდა დაგვესახოს. გნოსეოლოგიის კლასიკურ პერიოდში წამოჭრილი სიძნელე შემეცნებითი მოცემულობისა. უნდა ვიფიქროთ, ხელოვნურია. შემეცნება წარმოდგენილი იყო, როგორც აზროვნების მიერ დაღწევა ისეთი სინამდვილისა, რომელიც არსობრივად უცხოა აზროვნებისათვის. ამგვარი შეხედულების საფუძველს წარმოადგენდა ორი მტკარადებულება: აზროვნებისთვის დამასასაათებელი ლოგოსი. კანონზომიერება მოაზროვნე სუბიექტის ნაწარმოებად იყო წარმოდგენილი, ხოლო რეალური სინამდვილე — ამგვარ კანონზომიერებას მოკლებულ ინსტანციად. საბოლოოდ, მოცემულობის პრობლემა რაციონალურისა და ირაციონალურის შეხვედრის პრობლემად იქცა. ყალბმა წანამძღვრებმა პრობლემის გადაჭრა შეუძლებელი გახადეს.

სულ სხვა მდგომარეობა მყარდება, როცა შემეცნების ობიექტური პირობა, სუბიექტისა და ობიექტის კავშირის საფუძველი, გარკვეულობა, კანონზომიერება ორივეს საკუთრებად და შინაგან ბუნებადაა გამოცხადებული. მოცემულობა-კონტაქტი ამ შემთხვევაში სავსებით გასაგები ჩანს. ეს საერთოდ მოცემულობის შესახებ. როგორ უნდა წარმოვიდგინოთ მოცემულობა ფსიქოლოგიაში. როცა საქმე ეხება ფსიქიკის მოცემულობას?

ის, რაც უნდა მოცემულობად იქცეს ფსიქოლოგიაში. არის ფსიქიკა, რომელიც, ტრადიციული კლასიფიკაციის მიხედვით, სამ კვლევად არის წარმოდგენილი. როცა საკითხი ეხება გრძნობისა და ნებელობის მოცემულობას. პრობლემა ადვილად დასაწახი ჩანს. გრძნობა-ნებელობა უნდა წარმოვიდგინოთ მოცემულობის ობიექ-

¹ ნეად. M. Scheler, Gestimmelte Werke, 10. 1957. გვ. 394 და შემდეგ.

ტად, ხოლო აზროვნება მის სუბიექტად, იმ ინსტანციად. რომელსაც ეძღვევა ეს ობიექტი. საკითხის გადაჭრაც თითქოს არ შეიკავს სიძნელეს. გრძნობა და ნებისყოფა ფსიქიკური მოვლენებია. აზროვნებაც ასეთი მოვლენაა. ცხადია, რომ მოცემულობისთვის საჭირო კონტაქტი აქ არავითარ სიძნელეს არ უნდა შეხვდეს. ერთგვარობა შემეცნების სუბიექტ-ობიექტისა აქ გარანტირებულია.

ნამდვილად საქმის ვითარება ასეთი არ არის. როგორც პრობლემის გააზრება, ისე მისი გადაჭრაც აქ გაცილებით უფრო რთულია და ძნელი. ვიდრე ის არის წარმოდგენილი ამ მსჯელობაში.

ჩერ ერთი. ისაა გასააზრებელი, რომ, ნათქვამის მიხედვით, შემეცნებელიცა და შესაცნობიც ფსიქიკურ ფენომენებად გვევლინებიან. თუ ფსიქიკა, როგორც შემეცნების ობიექტი სავსებით კანონიერი ცნებაა, ამასვე ვერ ვიტყვით ფსიქიკის შემეცნებლის შესახებ. იგი არ შეიძლება იყოს ფსიქოლოგიური კატეგორია. არამედ მხოლოდ გნოსეოლოგიური ცნება. აქ საგნობრივი იგივეობაც რომ დავუშვათ პირობითად. მაინც ვერ ვილაპარაკებთ ფუნქციონალურ იგივეობაზე. აზროვნება ფსიქოლოგიური პროცესი და აზროვნება შემეცნების სუბიექტი, როგორც დავინახეთ, პრინციპულად განსხვავებული აქტებია და ამ განსხვავების უგულებელყოფა შეუმჩნეველს ხდის მოცემულობის პრობლემას ფსიქოლოგიაში. მაგრამ რადგან აზროვნება. რომელსაც ეძღვევა გრძნობა და ნებელობა, ფსიქოლოგიური ფაქტი არ არის, არამედ გნოსეოლოგიური, შემეცნების სუბიექტ-ობიექტის ერთგვარობის საკითხი ზემოთქმულით ვერ გადაწყდება. პირიქით. საკითხი მხოლოდ ახლა დგება, როცა გამოირკვეა, რომ მოცემულობად ნავარაუდევია გრძნობა-ნებელობა ფსიქოლოგიურია. ხოლო მოცემულობის მიმღები გნოსეოლოგიურ კატეგორიას წარმოადგენს. საკითხის შინაარსი ამ შემთხვევაში ასე იაზრება: როგორ არის შესაძლებელი, რომ ლოგიკურ-გნოსეოლოგიური დაუკავშირდეს იმას, რაც არ არის ლოგიკურ-გნოსეოლოგიური სინამდვილე? ფსიქიკა ჩვენ ვიგულისხმეთ ფსიქოლოგიურ ფაქტად?!

თუ ლოგიკურსა და გნოსეოლოგიურს რაციონალურ მომენტად ვიგულისხმებთ, ფსიქოლოგიურს ირაციონალური შინაარსი უნდა ვუწოდოთ. გამოდის, რომ ფსიქოლოგიაშიც მოცემულობის პრობლემა რაციონალურისა და ირაციონალურის კონტაქტის შესაძლებლობის საკითხად გვევლინება და მისი ადვილად გადაჭრის არავითარი საფუძველი არ არის. შემეცნებელსა და შესამეცნებელს შორის აქაც საჭიროა შუამავალი, საერთო და ერთგვაროვანი ინსტანცია.

საკითხის სისრულით წარმოსადგენად დაეუბრუნდეთ ფსიქოლოგიური მოცემულობის შინაარსს. გრძნობა და ნებელობა. როგორც

აზროვნებისგან განსხვავებულნი, აზროვნებას დავეუპირისპირეთ, როგორც ირაციონალური რაციონალურს. მაგრამ თვითონ აზროვნება, როგორც მოცემულობის ობიექტი, შემეცნებელ აზროვნებას თითქოს არ უნდა დავეუპირისპიროთ. ვინაიდან შემეცნების ობიექტიცა და სუბიექტიც აზროვნებაა, მათი ერთგვაროვნობა-რაციონალურობა თითქოს ეჭვს არ იწვევს. მაგრამ, ზემონათქვამიდან ცხადი უნდა იყოს ისიც, რომ მდგომარეობა აზროვნების მოცემულობის შემთხვევაშიც ისეთივეა, როგორც გრძნობა-ნებელობის მოცემულობისას. აზროვნება, როგორც ფსიქოლოგიური პროცესი, ისევე განსხვავდება აზროვნება-შემეცნებლისგან. როგორც აქედან განსხვავდებიან გრძნობა და ნებელობა. ამიტომ მოცემულობის პრობლემა ერთნაირად ისმის მთელი ფსიქიკური ცნობრების მიმართ. რაიმე არსებითი ხასიათის განსხვავებას აქ არსად ადვილი არა აქვს. ფსიქიკის, ფსიქოლოგიის საგნის მოცემულობა იმავე პრობლემასა და სიანელეს შეიცავს. როგორც არის დამახასიათებელი ტრანსცენდენტური სინამდვილის მოცემულობისათვის. იმანენტური ონტიური არსებობა არ გამოირიცხავს გნოსეოლოგიურ ტრანსცენდენტურობას. მეტიც ითქმის, შემეცნების არსი მოითხოვს. შესამეცნებელი სხვა იყოს, ვიდრე შემეცნებელი და შემეცნება. შესამეცნებლის ავტონომიურობა შემეცნების მიმართ იმავე დროს მის ტრანსცენდენტურობას ნიშნავს. განცდები აქედან გამონაკლისს არ წარმოადგენენ.

ამგვარად, შემეცნების წინა პერიოდი, მოცემულობა ფსიქიკის სფეროშიც იგივეა არსებითად. რაც არის იგი ბუნების სივა მოვლენების მოცემულობის შემთხვევაში.

როგორ დგას ფსიქიკურის შემეცნების საკითხი?

ვ. დილთაისა და ფ. ბრენტანოს გავლენით გავრცელდა შეხედულება, რომლის თანახმად, შემეცნებას ფსიქოლოგიაში უალრესად ხელსაყრელი პირობები აქვს. ფსიქიკური მოცემულობა და სტრუქტურა თითქოს საშუალებას იძლევა ფსიქოლოგიაში მიღწეულ იქნას მაღალი რანგის შემეცნება, რომელიც ინდუქციური შემეცნებიდან განსხვავდება აპოდიკტაკურობით და საზრისითი ევიდენტობით.

ამგვარი შეხედულების მცდარობაზე ბევრი ითქვა. საფუძვლად იქვის ქვეშ დადგა როგორც ფსიქიკურის მოცემულობის, ისე განცდათა საზრისიანი კავშირების საბუთი. თვითონ ჰუსერლმა უარყო თავისი „გენიალური მასწავლებლის“ ბრენტანოს დებულება შინაგანი და გარეგანი გამოცდილების ევიდენტურ მოცემულობის მხრივ განსხვავებისა. მ. შელერის ფსიქოლოგიური „იდოლა“ არაა საჭირო იმის დასამტკიცებლად, რომ მოცემულობის პრობლემა და მით უფრო

შემეცნების პრობლემა ფსიქოლოგიაში ადვილად გადასაქრელი არ არის. ამას ადასტურებს ფსიქოლოგიის ფაქტობრივი მდგომარეობა, მისი შემეცნების ახლანდელი დონე. როგორ შეიძლება შევეუთანებოთ ერთმანეთს ფსიქიკურის შემეცნების უპირატესად ხელსაყრელ პირობების არსებობა და ფსიქოლოგიური შემეცნებას ესოდენ დაბალი დონე, ფიზიკალური მეცნიერების არახელსაყრელი პირობები შემეცნებისა და მისი ესოდენი მაღალი შემეცნებითა განვითარება?!

ამოცანა, მაშასადამე, იმაშია, გაირკვეს საქმის ნამდვილი ვითარება. რა უშლის ხელს ფსიქოლოგიის განვითარებას, რატომ არ არის იგი თავის მოწოდების სიძალეზე? საკითხი, მაშასადამე, ფსიქოლოგიური შემეცნების პირიბეზს ესება, მის ცხადყოფას და მისი გაუმჯობესების შესაძლებლობას.

ფსიქოლოგიზმის ძირითადი მანკი და ლოგიკური უმართებულობა იმაში დაინახეს (ჰუსერლი), რომ ფსიქოლოგიამ ინდუქციურმა მეცნიერებამ მოაწადინა სიცხადე და საფუძვლიანობა ნიენივებინა ისეთი მეცნიერებისათვის, რომელიც ინდუქციაზე იმდენად არის ამაღლებული, რომ არაფერს ინდუქციურსა და ჰაპოთეზურს არ შეიცავს და მთლიანად აპოდიქტიკური მსჯელობიდან შედგება. ფსიქოლოგიის შექრა ლოგიაში ნიშნავს, ამას მიხედვით, ლოგიკის მეცნიერული დონის დაქვეითებას, მის გაყალბებას.

ფსიქოლოგია არ უნდა შეიქრას ლოგიაში (და არც სხვა მეცნიერებაში). ეს მოთხოვნა თავისთავად იკულისხმება. ამგვარად საქმე ესება თვითონ ფსიქოლოგიის მეცნიერულ შინაარსს. მის გნოსეოლოგიურ გამართლებას. პირველ რიგში გასარკვევია რას შეიცავს ფსიქიკა ისეთს. რაც ფსიქოლოგიას შესაძლებლად ხდის?

ჰუსერლი იდეალურ და რეალურ მეცნიერებებთან განსხვავებასა და დაპირისპირებას ემყარება. იდეალური მეცნიერებანი, თვითგმარი და ზუსტი მეცნიერებანი არიან, რეალური მეცნიერებანი. მეცნიერებანი ფაქტების შესახებ ჰაპოთეზურ ხასიათს ატარებენ. მათ უეჭველად იდეალური მეცნიერებანი უნდა ედოთ საფუძვლად. მხოლოდ ამგვარად შეიძლება ისინი გახდნენ ნამდვილი მეცნიერებანი, მხოლოდ ამ გზით მიაღწევენ ისინი საჭირო დონეს, მეცნიერულ სიზუსტეს

ჰუსერლის წინააღმდეგ სამართლიანად ამბობდნენ, რომ იგი უმართებულად ართმევს ემპირიას, ფაქტებს ლოგიკურ ნომენტს და ნაძალადევად წარმოიდგენს რეალურ მეცნიერებად ეგოდენ უმწეო

მდგომარეობაში⁹. თუ ლოგიკური, კანონისეული, ყოველი სახის ლოგოსი რეალობას წაერთვა, შეუძლებელი გახდება საერთოდ ემპირიული რეალური მეცნიერება. როგორც კი საქმე მდებარეობს იმაზე, რომ იდეალური მეცნიერებით სული ჩაუვდგათ რეალურ მეცნიერებას, მყისვე დადგება საკითხი ამის კანონიერების შესახებ. ამის ლოგიკური გამართლების შესახებ. თუ რეალურისთვის იდეალური, ლოგიკური უცხოა, მაშინ იგი უცხო და შეუთავსებელი იქნება ყოველთვის და იდეალური მეცნიერების დახმარება რეალური მეცნიერებისადმი შეუძლებელი გახდება. როგორ შეიძლება ფაქტი ისე ვიპოვოთ, რომ ამის შესახებ მას არაფერი ვკითხოთ? ნუთუ წარმოადგინება რამე ისე, რომ მას არავითარი სახე, ბუნება, ნიშან-თვისება, გარკვეულობა არ ჰქონდეს?! მაგრამ თუ ამას ყოველივეს არ შეიძლება მოკლედ ბული იყოს ფაქტი, რატომ არ იქნება საკმაო მისი შემოცნებისათვის ის, რაც სამკაო აღმოჩნდა მის გარკვეულად არსებობსათვის?

რა თქმა უნდა, არსი (Wesen) და ფაქტი სხვადასხვაა. მათი ცალკე განხილვა კანონიერია და საჭირო, მაგრამ კანონიერია მათი ურთიერთმიმართებისა და არსებობის ფორმის განხილვაც. და თუ მართალია იგივე ჰუსერლი, როცა ამტკიცებს, რომ არსი და ფაქტი კორელაციურ ურთიერთობაში იმყოფებიან ერთმანეთთან და რომ ისინი განუყრელი არიან ერთმანეთისაგან¹⁰, მაშინ რატომ უნდა წარმოვიდგინოთ ფაქტი, როცა იგი მეცნიერების საგანი ხდება. არსსა მოკლებულად? რატომ უნდა ჩავაყენოთ რეალურ-ემპირიული მეცნიერება იდეალურზე დამოკიდებულად, როცა მას, მის საგანს თვითონაქვს მისი შემეცნებისათვის საჭირო „იდეალური“? რადგან ლოგოსი ყველგან არის, ლოგიკის გამოყენებაც ყველგან ხდება. მაგრამ ლოგიკისათვის საინტერესო ლოგიკური არაა იგივე, რაც ცალკეულ მეცნიერებათა საძიებელი ლოგოსი. ის, რისგანაც ლოგიკას იცავს ჰუსერლი, ისეთი რამაა. რისგანაც თავი უნდა დაიცვას ფსიქოლოგობა: არც ფსიქოლოგიას უნდა სექპტიციზმი და რელატივიზმი, რომლადანაც თავდასაცავად არსებობს ყველასთვის მხოლოდ ერთი საშუალება — ლოგიკურის უეჭველობა და თავისთავადობა. ფსიქოლოგიზმი, როგორც ირაციონალიზმი, ბრმა ემპირიზმი და ანომორფური ელემენტი ისევე დამღუბველია ფსიქოლოგიისათვის. როგორც ლოგიკისათვის.

მ. პალაგი (M. Palagyi) ლაპარაკობს იმპრესიონისტულ ლოგიკაზე და მას უპირისპირებს სიმბოლიურ ლოგიკას. ამ ტერმინებით

⁹ შიად. W. Moor. დასახ. ნაშრომი, გვ. 32, 252 და შენდ.

¹⁰ იხ. Ed. Husserl, Gesammelte Werke, Band. III, 1953, გვ. 12.

მას სურს ლოგიკური ფორმალიზმისა და ფსიქოლოგიზმის ერთ-ერთი ძირითადი თვისების აღნიშვნა. ფორმალიზმი ანუ ანტიფსიქოლოგიზმი იმით ხასიათდება, პალაგის მიხედვით, რომ მას შემეცნებაში, ლოგიკის დებულებაში სიმბოლიური მიმართება ესახება. ეს საზრისის არსებობას ნიშნავს. აქ საქმე გვაქვს მნიშვნელობის წვდომასთან, აზრის სამყაროსთან. ფსიქოლოგისტური ლოგიკა სენსუალური მასალით იფარგლება და ამით სურს ლოგიკის შექმნა. პალაგი ასეთ ლოგიკას იმპრესიონისტულს უწოდებს და მის წარმომადგენლებად ასახელებს ფ. ბეკონს, ჯ. ლოკს, ჯ. ბერკლისა და დ. იუმს. იმ მასალიდან, რომელიც დასახელებულ ავტორთა განკარგულებაში იმყოფებოდა, რომელსაც ისინი ასახელებენ მეცნიერების საშენ მასალად. არაფრის ისეთის შექმნა არ შეიძლება, რაც გაგების. მნიშვნელობის ცნებებს გაამართლებდა და დაისაქიროებდა. ვანიდან ფსიქოლოგიზმი ირონიის ელფერს ატარებს. წერს პალაგი, შეიძლებოდა ამ მიმართულები-სათვის გვეწოდებინა იმპრესიონიზმი შემეცნების თეორიაში¹¹. იგი, ეს მიმართულება. ავტორის აზრით. ცდილობს მეცნიერება შექმნას ყრუმუნჯი საშუალებებით, ყრუმუნჯი შემეცნებით. ცნებათა სქოლასტიკა შეცვალა შეგრძნებათა, იმპრესიათა სქოლასტიკამ. რომელიც შეგრძნებათა აღქმით ცდილობს ლოგიკურის მიღებას ალოგიკური ელემენტებიდან¹².

იგივე ტერმინი გამოიყენა კ. ბიულერმა მსგავსი ვითარების აღსანიშნავად ფსიქოლოგიაში*. ფსიქოლოგიური იმპრესიონიზმის ტიპიურ წარმომადგენლად ბიულერს მიაჩნია ე. მახი, რომელმაც მთელი სამყარო საკუთარი მეს ჩათვლით განიცადა, როგორც შეგრძნებათა სიმრავლე და კრებადობა. მეცნიერების შესაქმნელად აქ მხოლოდ ერთი მასალა და ერთი საშუალებაა — ეს არის შეგრძნება. ამის ამარა არის ბუნებისმეტყველებაცა და ფსიქოლოგიაც და, რადგან საერთოდ მეტი რამ მახს არაფერი არსებულად არ მიაჩნია, სხვა დანარჩენი მეცნიერებანიც. ფსიქოლოგია. სხვა მეცნიერებათ თავი რომ დავანებოთ, უნდა შეიქმნეს შეგრძნებებისგან, წმინდა სენსუალური მასალისაგან. ბიულერი წუხს, რომ ფსიქოლოგიაში არ მოიძებნება

¹¹ M. Palagyi, Die Logik auf dem Scheidewege, 1903, გვ. 72.

¹² «Auf die Alchemie der Begriffe folgt eine Alchemie der Impressionen», დასახ. ნაშრომი, გვ. 86.

* Karl Bühler, Die Krise der Psychologie, 1929, გვ. 3. E. Mach: «An einem heitern Sommertage im Freien erschien mir einmal die Welt sammt meinem Ich eine zusammenhängende Masse von Empfindungen...» Analyse der Empfindungen, 1922, გვ. 23.

მახის ანტიპოდი, მაგ., მსგავსი პ. კოპენისა, რომელიც შეგარძნებას შემეცნების სფეროდან ერეკება. ფსიქოლოგიაში, ასე ვთქვათ, კოპენისეზური ლოგიკისტი არ გაჩენილა, არავის მოსვლია აზრად. ფსიქოლოგიური მეცნიერება სენსუალური ელემენტებიდან გაეწმინდა და, ამგვარად, წმინდა შემეცნების შექმნა ეცადა, კოპენის მსგავსად¹³.

ის ფსიქოლოგიური მიმართულება, რომელიც სენსუალისტურ, ასოციაციონისტურ ფსიქოლოგიას დაუპირისპირდა, ამ საკითხს არ წყვეტს. აქტის ფსიქოლოგიამ ახალი შინაარსი შემოიტანა ფსიქოლოგიაში და ამით მისი მოქმედების სფერო გაზარდა. მაგრამ იგი არ შეხება მეცნიერების აგების ფაქტორებს, ფსიქოლოგიური შემეცნების გნოსეოლოგიურ პრობლემას¹⁴.

ბურჟუაზიული ფილოსოფიის წარმომადგენელთაგან ამ საკითხს ახლო მიუდგა მ. პალაგი. ფსიქოლოგი, წერს პალაგი, საყვედურს ეუბნება იმას, ვინც ცდილობს ლოგიკა გამოიყენოს ფსიქოლოგიური კვლევის პროცესში. დანაშაულად აქ ის ითვლება, რომ „რეფლექსიური აზროვნება“ შეიქრა ფსიქოლოგიაში და ამით ფსიქიკური სინამდვილე გაყალბდა. ამის ილუსტრაციას, პალაგის თქმით, იძლევა ვ. ვუნდტი, რომელიც მუდამ წინააღმდეგი იყო „რეფლექსიური ფსიქოლოგიისა“. თითქოს უმაღლესი მოვალეობა ყოველი სახის კლასიკური კვლევისა არ იყოს ის, რომ მეცნიერების ყოველ სფეროში შეიტანოს გნოსეოლოგიური და ლოგიკური პრინციპები. შთაბეჭდილება ისეთია, განაგრძობს პალაგი, რომ თანამედროვე ფსიქოლოგია ყოველი სახის გნოსეოლოგიისა და ლოგიკის მიღმა ცდილობს აწარმოოს კვლევა-ძიება. ის ცდილობს თავისი გამოკვლევებიდან ყოველგვარი ლოგიკა გამოაძევეს. თითქოს შემეცნების თეორიასა და ლოგიკას ფსიქოლოგიის მიმართ ძალა არ ჰქონდეთ¹⁵.

¹³ ბიულერი რომ უფრო დაკვირვებით მოჰქიდეოდა მაგ. ვ. შოგან კონცეფციას, ის იქ ნახავდა ამგვარი მოსაზრების ელემენტებს. „Das Psychologische ist auch Logisches. aber... nicht durchgängig der logischen Geltung nach begründetes Logisches“. დასახ. ნაშრომი. გვ. 291. ე. ი. როცა ფსიქოლოგიური მთლიანად დასაბუთდება, ის იქნება წმინდა ლოგიკური, მთლიანად ლოგიკური.

¹⁴ გაგებითი ფსიქოლოგია არსებითად ამ პრობლემაზე იდგა, მაგრამ საკუთრივ ლოგიკის უფლებების დაცვა ფსიქოლოგიაში მას საგანგებოდ არ უძლია. იხ. ა. ბოკორიშვილი, ფსიქოლოგიის პრინციპული საკითხები, III ნაწ., თბილისი, 1962.

¹⁵ M. Palágyi, Naturphilosophische Vorlesungen, Zweite Auf. 1924, გვ. 110.

პალაგი მართებულად აგვიწერს თანამედროვე ფსიქოლოგიაში არსებულ ვითარებას. იმას, რასაც ადგილი ჰქონდა 1924 წ., როცა გამოქვეყნდა ავტორის „ლექციები“-ს მეორე გამოცემა, სწორედ ადგილი აქვს ახლაც. 1920 წელს გამოსულ „ფსიქოლოგიის შესავალში“ (მეორე გამოცემა) ა. ფენდერი ფსიქოლოგიის პირველ მსჯელობად თვლის მის განდგომას გნოსეოლოგიიდან. გნოსეოლოგიურმა კვლევამ, ფენდერის აზრით, მხოლოდ დაამუხრუჭა ფსიქოლოგიის განვითარება. იმის ნაცვლად, რომ ფსიქოლოგიის პრინციპების კვლევა და მისი საგნის დადგენა ვაწარმოოთ ფსიქოლოგიის საფუძველზე, უნდა მოვიმარჯვოთ ჩვეულებრივი გულუბრყვილო თვალსაზრისი ფსიქიკოს შესახებ და იმაზე დაყრდნობით შევუდგეთ ემპირიულ ფსიქოლოგიურ კვლევას. თუ აღმოჩნდება, რომ ჩვენ მიერ გამოყენებული ცნებები არ მართლდებიან, მათ უნდა გაიარონ ლოგიკური განწმენდა. ფსიქოლოგიის შესავალი მაშინ ანართლებს თავის თავს, როცა ის ემყარება ჩვეულებრივ გავრცელებულ შეხედულებებს და მათი ბუნებრივი თვითმდინარების საფუძველზე დაყრდნობით არკვევს ფსიქოლოგიის ნამდვილ საგანსა და ამოცანებს.

ფენდერი აგვარი მსჯელობით ცდილობს ფსიქოლოგიის უწინამძღვრად აეგებას. მაგრამ თუ საერთოდ საჭიროა ფსიქოლოგიისათვის მის ვარეშე მდებარე საფუძველი, ის უსათუოდ უნდა იყოს შეპოწმებული, კრიტიკული თვალსაზრისის წინაშე გამართლებული. რა გვადლევს იმის გარანტიას, რომ გულუბრყვილო თვალსაზრისი სწორი თვალსაზრისია? ფენდერი თვითონაც აღიარებს ყოველდღიურობაში ხმარებული ცნებების ლოგიკური დაზუსტებისა და განწმენდის საჭიროებას¹⁶. რა კატეგორიებით უნდა მოხერხდეს ამ ამოცანის გადაჭრა? აქ სომ ყოველდღიური ცნებები და გულუბრყვილო თვალსაზრისი ვეღარ დაგვეხმარება?!

მართალია, ის, რაზედაც ფენდერი ლაპარაკობს, სავსებით იგივე არ არის, რაც ჩვენ უშუალოდ გვინტერესებს. მაგრამ ისაც იმ პრობლემატიკაში შედის, რომელიც ფსიქოლოგიის თეორიულ განმტკიცებასა და ლოგიკურ ცხადყოფას ემსახურება. მეცნიერების დამოუკიდებლობა ფილოსოფიიდან, ლოგიკიდან განდგომით კი არ მოიპოვება. არამედ ფილოსოფიური და ლოგიკური ანალიზის საფუძველზე. არ არსებობს მეცნიერება და მეცნიერული მუშაობა ფილოსოფიური

¹⁶ A. Pfänder, Einführung in die Psychologie. Zweite Auflage, 1920, გვ. 9. შპრ. ა. ბოჭორიშვილი, ფსიქოლოგიის პრინციპული საკითხები, ნაწილი პირველი, 1957, გვ. 314.

შინაარსის მქონე ცნებების გარეშე. საქმე მხოლოდ იმას ეხება. სტიქიურად და გულუბრყვილოდ მივენდოთ ამ ცნებებს და ისე მოვიხმაროთ ისინი. რომ მივალწიოთ მათ სიცხადეს და გარკვეულობას და შეგნებულად მოვიხმაროთ ისინი კვლევა-ძიების პროცესში.

როდესაც ფსიქიკა წარმოდგენილია ისეთ პროცესად. რომელშიაც სენსუალური მოცემულობის მეტი არაფერი იგულისხმება. როცა ფსიქიკური ცხოვრება შეგრძნებათა მრავალსახიანობად ვაქვს ნაგულისხმევი, შემეცნების აუცილებელ პირობას მოკლებული ვართ. ეს ფსიქოლოგიზმი ა ფსიქოლოგიაშია. ამის მიხედვით მეცნიერების ლოგიკური წყობა ალოგიკური მასალიდან უნდა აიგოს. ეს ალქამიაზე უფრო მიუღებელი და ფანტასტიკური განხრახნავა. თუ ფსიქოლოგიის შექრა ლოგიკაში იმიტომ იწვევს მის გაყალბებას, რომ ამ აქტით ალოგიკური შედის ლოგიკაში, როგორ უნდა მოხერხდეს ფსიქოლოგიის აგება, როგორც მეცნიერებისა, როგორც ლოგიკურად გამართლებული სისტემისა. როცა მის კვლევის საგანში საამისო მასალა არ იგულისხმება? განცდა რომ არაფერს შეიცავდეს პილეტური შინაარსის მეტს. იგი უფორმო ქაოსურ მასალ უნდა წარმოგვედგინა. რისი „რაციონალიზაცია“ სასწაულის დარი იქნებოდა. ფსიქოლოგიის ისტორიიდან ცნობილი ცდები ფსიქოლოგიაში არაფსიქოლოგიური მეცნიერების კანონების შეტანისა და ამ გზით ფსიქიკის შესახებ მეცნიერების შექმნისა არის ულოგიკო შედეგი იმ ულოგიკო დაშვებისა, რომლის მიხედვით ფსიქიკას „საკუთარი კანონზომიერება“ არა აქვს. თუმცა შეუძლებელია იმის დადგენა. რომ ფსიქიკას კანონზომიერება არა აქვს (რომ რამე დაადგინო. იგი კანონსა და კანონზომიერებას უნდა ემყარებოდეს). მაგრამ თუ ასეთს რასმეს დავუშვებთ, აქედან მაინც უნდა გამოვიყვანოთ ლოგიკური დასკვნა: მაშასადამე, მეცნიერება ფსიქიკის შესახებ შეუძლებელია. როგორ შეიძლება ფსიქიკურს მოერგოს სხვა სინამდვილის კანონზომიერება, თუ ის საერთოდ არ ექვემდებარება არავითარ კანონზომიერებას?! თუ ფსიქიკა თავისი ბუნებით ისეთია, რომ კანონზომიერებას არ ეგუება. როგორ უნდა მოხერხდეს მისი დაქვემდებარება უცხო კანონისადმი? ამისთვის ხომ ფსიქიკის ბუნება უნდა შეცვლილიყო. ამისთვის საჭირო იქნებოდა ფსიქიკის ბუნების დაქვემდებარება კანონზომიერების მიმართ: როგორ შეიძლება ცვლილება მოხდეს კანონზომიერების გარეშე? გამოდის. რომ ფსიქიკის კანონზომიერად წარმოდგენისთვის გარეშე ფაქტორის საშუალებით. საჭიროა წინასწარ იყოს მისი. ფსიქიკის. კანონზომიერება გარანტირებული. როგორც კვშმარიტების არსებობის უარყოფა კვშმარიტე-

ბის დადასტურებას ნიშნავს, ისე კანონზომიერების არსებობის უარყოფა კანონზომიერების არსებობის მტკიცებას ნიშნავს: არსებულად რისიმე მიღება და შემდეგ მისი კანონზომიერები! ლარყოფა არის უარყოფა ამ არსებობისა. ეს ელემენტარული ხასიათის ვითარება არ არის ზოგჯერ გააზრებული, რის შედეგადაც პარადოქსულ შეხედულებებს ეძლევათ გავრცელება ფსიქოლოგიაში. მომავალ თაობას უთუოდ უცნაურად მოეჩვენება ის ფაქტი, რომ ფსიქოლოგთა ერთ-ერთი თათბირი იმით დამთავრდა, რომ ფსიქიკურის კანონზომიერების საკითხი ღიად დატოვა და მისი გამორკვევა შემდგომი კვლევა-ძიებისათვის გადადო. თითქოს ყოველგვარი კვლევა-ძიების წინაპირობას კანონზომიერების არსებობა არ წარმოადგენს¹⁷.

როდესაც რომელიმე კანტიანელი მოცემულობისადმი კანონების მიცემა-კარნახზე ლაპარაკობს, გასაგებია, მაგრამ სრულიად გაუგებარია, როცა ამგვარ მსჯელობას აქვს ადგილი ლენინური ასახვის ნიადაგზე მდგომ მკვლევართა შორის. სინამდვილის რომელიმე სფეროში კანონის გარედან შეტანა. თუ გინდ იგი მეორე სინამდვილიდან იყოს გამოტანილი და არა ტრანსცენდენტალური სუბიექტიდან, საქმეს არსებითად არ ცვლის. უკანონო სინამდვილისთვის თანაბრად მიუღებელი და შეუთავსებელია კანონი, სულ ერთია. იქნება იგი ობიექტიდან თუ სუბიექტიდან ნაკარნახევი. „საკუთარი კანონზომიერების“ ცნება პლეონაზმია მხოლოდ: არასაკუთარი კანონზომიერება აბსურდია. მხოლოდ საკუთარი კანონზომიერება არის კანონზომიერება. როგორ შეიძლება ერთი რომელიმე მოვლენის არსებობის ლოგიკური პირობა იყოს მეორე მოვლენის არსებობის ლოგიკური პირობა. როცა იმისთვის, რომ მეორე მოვლენა იყოს, მეორე პირობაც უნდა იყოს. აქედან გამომდინარეობს, როგორც ლოგიკური დასკვნა, რომ კანონზომიერების გავრცელება ერთიდან მეორეზე — მეორის პირველზე დაყვანას, ე. ი. გაუქმებას ნიშნავს. კანტის მიერ თავისთავადობის შემეცნების უარყოფაში სამართლიანად ხედავენ ლოგიკურ

¹⁷ იხ. ა. ბ. კ. რ. ი. შ. ე. ლ. ი., კანონზომიერების საკითხისათვის ფსიქოლოგიაში. ქუთაისის პედაგოგიური ინსტიტუტის შრომები, 1956, ტ. XV. რასაკვირველია, მდგომარეობა იცვლება, როცა ფსიქიკა ცნობიერების ფუნქციონირების წარმოდგენილი. ამ შემთხვევაში აქ იგულისხმება არა სინამდვილე — შეიქცნების ობიექტი, არამედ იმ ობიექტის ხედვა, რომელიც მხოლოდ მაშინ იქნება ნამდვილი, როცა მას საკუთარი არაფერი ექნება, როცა ის მხოლოდ იმის ასახვა იქნება, რაც არის ობიექტში. თუ მას თავის მხრივ ექნება საკუთარი შინაარსი, დაისმება საკითხი მისი შექმენებისა, ხოლო თუ ეს შემეცნება კვლავ საკუთარი შინაარსის მქონედ მოგვევლინება, შემეცნების უსასრულობაში წარმართვას ვერ ავიცილებთ თავიდან. ეს როგორც ცნობილია, ავნოსტიციზმის აღიარებას ნიშნავს.

თანმიმდევრობას, რამდენადაც კანტის თეორიის თანახმად. შემეცნება ნიშნავს მოცემულის სუბიექტურ ფორმირებას¹⁸. გარედან მოტანილი კანონზომიერებით ფსიქოლოგიის საგნის კანონზომიერ მოვლენად დამკვიდრება არის იგივე, რაც მეცნიერების საგნის შექმნა. საგნის შექმნა სულ სხვა რამაა, ვიდრე საგნის შემეცნება. შემეცნებითი აქტიობა ეხება, რასაკვირველია, არა შესამეცნებელ საგანს, არამედ სუბიექტის მომზადებას შემეცნებისათვის, იმ ფსიქოლოგიურ-დიდაქტიკური პირობების შექმნას, რომელნიც ხელს შეუწყობენ იმას, რომ შესამეცნებელში არავითარი სიყალბე არ შეიჭრას, მისი ობიექტურობა მაქსიმალურად იყოს დაცული. სუბიექტის აქტიობა შემეცნების პროცესში იმაზე უნდა იყოს მიმართული, რომ არაფერი შეიცვალოს შესაცნობ სინამდვილეში, სანამ ჩვენ მოცემული საგნის შემეცნებას ვაწარმოებთ. კანტის თეორიაშიც გათიშულია ტრანსცენდენტალური და ემპირიული სუბიექტის ფუნქციები: პირველი ქმნის საგანს, ხოლო მეორე მას მზამზარეულის სახით ხედავს. მაგრამ შემეცნება ხდება არა ამ ხედვით. არამედ ტრანსცენდენტალური სუბიექტის კანონმდებლობის პროცესში და მისი საშუალებით. აქედან წარმოსდგება აპრიორიზმი (ემპირიული სუბიექტის მიმართ) შემეცნებას შინაარსისა.

ეგზისტენციალიზმი, ონტოლოგიზმი შემეცნების თეორიაში. ლოგიკაში იგივე ფსიქოლოგიზმია. ფსიქოლოგიზმია იგი მაშინაც, როცა ის გამოყენებულია ფსიქოლოგიაში. ფსიქიკის არსებობის უეჭველობა თავის ონტოლოგიურობით კი არ არის მნიშვნელოვანი და პირველადი ლოგიკურად. მხოლოდ ლოგიკური არგუმენტაციით ცხადყოფილი არსებობა განცდისა შეიძლება გამოდგეს მეცნიერების საგნად. სანამ განცდა იმპრესიონალურ მდგომარეობას არ შორდება. იგი მხოლოდ პრობლემად შეიძლება იგულისხმებოდეს. ობიექტურ-შემეცნებითი მნიშვნელობა მას მხოლოდ ლოგიკური სანქციის საფუძველზე მიენიჭება. განცდის უარი ობიექტური არსებობის პრეტენზიაზე არ ათავისუფლებს ფსიქოლოგიას განცდის შემეცნებას საგნად დადგენის არგუმენტაციიდან.

ფსიქოლოგიური სენსუალიზმის კონტექსტში გაუგებარი ჩანს როგორც ძიების საჭიროება, ისე შეცდომის შესაძლებლობა ფსიქოლოგიაში. თუ შეგარძნებების მეტი ფსიქიკაში არაფერაა. თუ რაც

¹⁸ «Konsequenterweise hat Kant, nach dem unser Erkennen alles Gegebene subjektiv formt und verwandelt, dem Menschen eben deshalb die Bëgabung... zum Erkennen des Ansichseienden absprechen», M. Landmann, Philosophische Anthropologie, 1955, გვ. 152.

არის ფსიქიკა და ფსიქიკურში ყველაფერი უშუალოდ გვეძლევა. რა არის აქ საძებარი? რისთვის უნდა წარმოებდეს აქ კვლევა-ძიება? თუ ყველაფერი რაც არის ფსიქიკურ სინამდვილეში, მისი განცდითი და ლოგიკური მხარე. მისი მასალისეული შინაარსიცა და კანონისეული მომენტიც მუდამ და ყოველთვის პირდაპირ ეძლევა ცნობიერებას. თუ ფსიქიკის ლოგოსიც განცდასთან ერთად და განცდისეულად არის ცნობიერებას შინაარსი. მაშინ რა საჭიროა ფსიქოლოგიური მეცნიერების არსებობა? განცდა და განცდის ცოდნა ამ შემთხვევაში უნდა ემთხვეოდნენ ერთმანეთს. ერთ-ერთი შედეგი ამგვარი შესედულებისა არის ლოგიკურის. მისი სპეციატივის უკულებელყოფა. ფსიქოლოგიური ფსიქოლოგიზმი. ფსიქიკია შემეცნებისათვის ლოგოსი ისევე აუცილებელია, როგორც ყოველ სხვა მეცნიერებაში. და თუ სწორია ის, რომ ფსიქოლოგია სწორედ თავისი იმპრესიონიზმით აჩენს ფსიქოლოგიზმს სხვა მეცნიერებაში. იმასვე გამოიწვევს იგი ფსიქოლოგიაშიც. ლოგიკას იმპრესიები არ უნდა. ფსიქოლოგიის-ფენის ის საკმარისი არ არის. ლოგიკას ნამდვილი მეცნიერული ფსიქოლოგიიდანაც არაფერი უნდა, რაც მას ნამდვილ მეცნიერებად ჰქვას. ის, ნაწილობრივ მაინც. ლოგიკიდან არის წადებული, უკეთ, ეს არის საერთო ლოგოსის ის გამოვლინება. რომელსაც ადგილი მიეცა ფსიქიკურ სინამდვილეში.

ფსიქოლოგიური კვლევა-ძიების საჭიროებას ზოგა არაცნობიერი ფსიქიკის ცნებით ასახულებს. რადგან ფსიქიკა ცნობიერების ვარჯეთაც არსებობს. საჭიროებს ძიებას, აღმოჩენას, ცნობიერებაში შემოტანას.

ეს მსჯელობა მცდარია¹⁹; უკეთეს შემთხვევაში ამ გზით ფსიქიკის მოცემულობის პრობლემა გადაწყდება. მაგრამ შემეცნების პრობლემისათვის ეს მდგომარეობა არ იქნებოდა საკმარისი. როგორც რომელიმე ლიონის მონახვა დედამიწის წიაღში არ იქნება მისი მეცნიერული შესწავლა. შემეცნება მეტია. ვადრე ცნობიერება. შემეცნების პრობლემა არაა გადაწყვეტილი იმით. რომ მოვლენა ცნობიერა²⁰ ეს მხოლოდ აუცილებელი პირობაა შემეცნებისა.

ფსიქიკური ცხოვრების შემოფარგვლა ნატურალისტურ-იმპრესიონული შინაარსით შემდეგ საკითხებს აყენებს შემეცნების თეორი-

¹⁹ იხ. Н. Лосский, Основные учения психологии с точки зрения волюнтаризма. 1903.

²⁰ არაცნობიერის ვაცნობიერების საკითხს. მის მოცემულობის პრობლემას აქ არ ვახებთ. ჩვენ ამის შესაძლებლობა დავუშვით იმ მოსაზრებით, რომ ნატურალიზმი გამხდარიყო შემეცნების პრობლემის ავტონომია მოცემულობის პრობლემად.

ის წინაშე: როგორ არის შესაძლებელი ამგვარი შინაარსად. ნ შემეც-
ნების სუბიექტის გამოთქმა? სად არის იგი და როგორია მისი სტრუ-
ქტურა? თუ ის იგულისხმება არაფსიქიკურ სამყაროში. როგორ არის
წარმოდგენილი ეს სამყარო და მისი ურთიერთობა იმპრესიონალურ
სინამდვილესთან? შემდეგ, როგორ არის შესაძლებელი შეცდომა
ფსიქოლოგიურ კვლევა-ძიებაში. როცა მთელი ფსიქიკურა ცხოვრე-
ბა. აღროვნების ჩათვლით. არის იმპრესია და მისი ორეული? ანდა.
როგორ არის ქეშმარიტება შესაძლებელი იქ. სადაც. გარდა „ბუნებ-
რივი პროცესისა“. არაფერია?

იმპრესიონიზმს არა აქვს არავითარი საშუალება თავისი მასალი-
დან გნოსეოლოგიურ-ლოგიკური სუბიექტი ააგოს. იმპრესიები ყრუ-
მუნჯი მონაცემებია. რომელთაც არაფერი ესმით მათ მიღმა მდებარე
ვითარების შესახებ. მათი ფსიქიკურობა უსრუნველყოფს მათ განც-
დითს მოცემულობას, მათ შინაგან ცნობიერებას. მაგრამ ეს არა თუ
სხვისი შემეცნებასათვის, არამედ თავისთავის შემეცნებისთვისაც
არაა საკმარისი. განცდითი მოცემულობა და გნოსეოლოგიური მოცე-
მულობა სხვადასხვაა. ფსიქოლოგიურ იმპრესიონიზმს სერაოზულად
რომ ეფიქრა შემეცნების სუბიექტისთვის საკირო ნიშან-თვისებაზე.
იგი უღვევლად მივიდოდა იმ დასკვნამდე. რომ მარტო იმპრესიონსუ-
ლი მასალით ასეთი ცნება ვერ აიკება. ამ ქეშმარიტების გაცნობი-
რება ევვის ქვეშ დააყენებდა წმინდა იმპრესიის ვარგისობას შემეც-
ნების ობიექტად და. საერთოდ. მისი არსებობის შესაძლებლობას ამ
სახით. შემეცნების აქტის წარმოდგენა. როგორც შეგარძნებათა მოცე-
მული კომპლექსისადმი ახალი შეგარძნების მიმატებისა, როგორც ეს
ესმის მასს. გნოსეოლოგიურად გაუაზრებადი დებულებაა. ასეთი
შეხედვლება არც წარმოიქმნებოდა, ფარულად რომ არ ყოფილიყო
გამოყენებულა შემეცნებელი სუბიექტი. რომელიც ხედავს ამ პრო-
ცესს და მას შემეცნების გაფართოებად თვლის. თუ ამასთან დაკავ-
შირებით ვიკითხავთ იმას, თუ რა არის ის. რაც ცხოველს უეშველად
აკლავ. არა აქვს და ამით განსხვავდება იგი ადამიანისგან. უნდა
ვთქვათ. რომ ეს არის, პირველ რიგში. გნოსეოლოგიური სუბიექტი.
ცხოველი არ არის გნოსეოლოგიური სუბიექტი და. მასთანადამე. არც
შეიძლება მას შემეცნებას უნარი მიეწეროს. თუენდ მორტბონის
იმის საბუთი. რომ ის ფსიქოლოგიურ სუბიექტს წარმოადგენს.

ფსიქოლოგიური შემეცნების ბუნების გასარკვევად კონსტრუქ-
ციული მნიშვნელობა აქვს შეცდომის შესაძლებლობას საკითხს ფსი-
ქოლოგიაში.

შეცდომა ფსიქოლოგიაში ორგვარია. განსხვავებით ლოგიკისაგან, სადაც შეცდომა მხოლოდ ერთი ბუნებისაა. ამაში იჩენს თავს ერთ-ერთი ძირითადი განსხვავება ფსიქოლოგიასა და ლოგიკას შორის. შეცდომას აქვს ადგილი ლოგიკაშიც და იგი ყოველთვის ლოგიკური შეცდომაა. სხვაგვარი შეცდომა აქ წარმოუდგენელია: ყოველი პრობლემა, რომელიც კი დგას ლოგიკაში, ლოგიკური ხასიათის პრობლემაა. ამიტომ მისი გადაჭრაც ლოგიკური ოპერაციებით ხდება. პასუხი ლოგიკაში არის ან ლოგიკური ქეშმარიტება ან ლოგიკური შეცდომა. ე. ი. ულოგიკობა.

ფსიქოლოგიაში ორგვარი საკითხი დგას: ლოგიკური და კაუზალური. ჩვენ შეიძლება შევცდეთ ფსიქიკური მოვლენის მიზეზის დასახელებაში, შეიძლება შევცდეთ აგრეთვე ფსიქიკური მოვლენის, გარკვეულობის, მისი რაობის აღნიშვნაში. კაუზალური კანონზომიერება და ქეშმარიტება-შეცდომა ამ ვითარებასთან დაკავშირებული ლოგიკისათვის სრულიად უცხოა, მაგრამ ფსიქოლოგიისათვის არსებითი მნიშვნელობისაა ამ საკითხის არასოდეს უურადღება არ აკლდა. პირიქით, შეიძლება იმის აქმა, რომ ფსიქოლოგია ყოველთვის ცალმხრივად ამხვილებდა უურადღებას კაუზალური კანონზომიერების ძებნაზე და უგულებელყოფდა ლოგიკური შეცდომის შესწავლას ფსიქოლოგიაში. რამდენადაც ჩვენ გვწამს, რომ ყოველ გეცნიერებაში არის ლოგიკა, ისიც უნდა ვიწამოთ, რომ ყოველ მეცნიერებაში არის შესაძლებელი ლოგიკური შეცდომა.

ცალმხრივი, ე. ი. მცდარი შეხედულება უკიდურესი რაციონალიზმისა მიდის იქამდე, რომ მისთვის კაუზალური კანონზომიერებაც ლოგიკური კანონზომიერებაა და ამდენად არსებობს მხოლოდ ლოგიკური შეცდომა და ლოგიკური ქეშმარიტება. ჩვენ ამ შეხედულებას ამგვარი მნიშვნელობით ვერ გავყვებით²². კაუზალობის კონკრეტული კვლევა და შეცდომა-ქეშმარიტება, ამ კვლევის შედეგად მიღებული, არ შეიძლება ლოგიკური შეცდომა-ქეშმარიტებით დავახასიათოთ ამომწურავად.

ვუბრუნდებით საკითხს: როგორ არის შესაძლებელი ლოგიკური ხასიათის შეცდომა ფსიქიკის კვლევის პროცესში? როგორ არის შესაძლებელი ფსიქიკის გარკვეულობა ვერ შევამჩნიოთ. ან ისე ვერ ავსახოთ, როგორც ის არის სინამდვილეში, როცა ფსიქიკური სინამდვილის არსებობის ფორმად ცნობიერება მიგვაჩნია? როცა ფსიქი-

²² იხ. B. Bauch, Über d. Begriff d. Naturgesetzes, Kantstudien, Bd. 19, 1914, W. Moog, დასახ. ნაშრომი, გვ. 11.

კა შინაგანი. უშუალო ცნობიერებით თანხლებულად გვაქვს წარმოდგენილი?

ასეთი საკითხი რომ განიხილოთ. იქიდანაც ჩანს. რომ. როგორც ვნახეთ, მოცემულობა არ არის ჭერ კიდევ შემეცნება. ცნობიერად არსებობა რისამე ჭერ კიდევ არ ნიშნავს მის შემეცნებულობას. ეს ეხება არა მარტო კაუსალური კანონზომიერების შექცევას. არამედ ლოგიკური კანონზომიერების შემეცნებასაც. უნდა ითქვას, რომ ერთადერთი, რაც შეიძლება წინ აღუდგეს ლოგიკური შეცდომის შესაძლებლობას ფსიქოლოგიაში. ისაა, რომ ლოგიკური და ფსიქიკური გაიგივებულია. ფსიქიკის მოცემულობა ლოგიკურის, განსაზღვრულობითი კანონზომიერების მოცემულობად არის წარმოდგენილი. ეს ტლანქი შეცდომა და ეწინააღმდეგება ჩვენი პრობლემის პოსტულატს, იმას, რომ ლოგიკა და ფსიქოლოგია სხვადასხვა მეცნიერებაა. რომ ლოგიკურის წარმოდგენა ფსიქოლოგიურ მოვლენად დაუშვებელია. აშკარა ფსიქოლოგიზმია და იგი, ასეთი შეხედულება, საერთოდ უკანონოდ გახდიდა ჩვენს თემას. მაგრამ, რადგან მივიღეთ დადგენილად, რომ ფსიქოლოგიზმი არც ლოგიკაში და არც სადმე სხვა მეცნიერებაში გამართლებული ვერ იქნება. ისიც უნდა მივიღოთ, რომ ლოგიკური და ფსიქიკური სხვადასხვაა, ერთის შესახებ რაც ითქმის, არ ითქმის ყველაფერი მეორის შესახებ. ეს ეხება მოცემულობის ფორმასაც: ფსიქიკურის მოცემულობა, ამ სიტყვის ზუსტი მნიშვნელობით, და ლოგიკურის, გარკვეულობითი კანონზომიერების მოცემულობა არაა ერთგვარი. არ სორციელდება ერთ სიბრტყეში და ერთი და იგივე საშუალებებით.

განცდის მოცემულობა გრძნობადი აღქმის სახისაა. მას ხშირად შინაგან აღქმას ეძახიან. კანონზომიერების წვდომას სხვა სახელებით აღნიშნავენ. აქ იხმარება — აზროვნება, ინტელექტუალური აღქმა, ინტელექტუალური ინტუიცია, იდეური აბსტრაქცია და ა. შ. როგორც არ უნდა შევაფასოთ ამ ტერმინების უკან მდებარე თეორიები. ერთი რამ მაინც უდავოა: ჩვეულებრივი აღქმა და კანონზომიერების წვდომა განსხვავებული აქტებია, მათი შინაარსის. მათი ობიექტის განსხვავებულობაზე დამყარებული. პლატონის სოკრატის ამოცანა მისი მოსაუბრე-მოკამათე აღქმიდან გადაეყვანა იდეის ქვერეტაზე ამ ვითარების თვალსაჩინო ილუსტრაციაა. სოკრატის მოკამათეს არ აღმოაჩნდა „გონების თვალი“. რომლითაც უნდა დაენახა სილამაზე. თუმცა ის თავისი ფიზიკური თვალით კარგად ხედავდა ლამაზ ცხენს²³.

²³ იხ. Платон, ტ. IX, 1924, გვ. 16.

კანონზომიერება ფსიქიკური სინამდვილისა, როგორც კანონზომიერების ერთ-ერთი გამოვლინება, შეიცავს იმ ზოგად ნიშან-თვისებებს. რომელნიც საერთოდ არაან დამახასიათებელი კანონზომიერებისათვის. ამ ნიშანთა შორის ერთ-ერთი ისაა, რომ ის, როგორც არაფსიქიკური ინსტანცია, შეიძლება არსებობდეს ცნობიერების გარეთ. თავისთავად. განცდის გარეშე. სიამოვნების განცდა შეიძლება ისე, რომ არ იცოდე მისი განსხვავება უსიამოვნებისაგან, თუმცა ეს განსხვავება არ იარსებებდა, სიამოვნება რომ არ ყოფილიყო.

აღწერითი ამოცანა ფსიქოლოგიაში მოვლენების, ფაქტობრივი ცვლილების უბრალო რეგისტრაცია და ლოგიკური კანონზომიერების დადგენა არსებითად განსხვავდება ერთმანეთისაგან. პირველი მოითხოვს დამატებით კვლევა-ძიებას, რომელსაც ახსნას ვეძახათ. თუ არა ეს, თავისთავად აღებული რეგისტრაცია ფსიქიკური მოვლენებისა ჯერ კიდევ მეცნიერულ შინაარსს არ წარმოადგენს. ლოგიკური ურთიერთობის დადგენა მოვლენათა შორის თავისთავად გასაგები ვითარებაა და შემდგომს ახსნას არ საჭიროებს. შეიძლება მხოლოდ ის, რომ მოცემული კონკრეტული ურთიერთობა ცალკეულ მოვლენათა შორის აღმოჩნდეს შემავალი მომენტი. კერძო შემთხვევა მისი ზემდგომი კანონზომიერების მიმართ. ასეთი ვითარების მიგნება დიდი მნიშვნელობისაა და იგი საერთოდ რეკომენდებულია მეცნიერებაში. მაგრამ ასეთი მუშაობა, რასაკვირველია, ახსნა არ არის. აქ არსად კაუზალური კავშირების დადგენა არ იკულისხმება. რაც ახსნისათვის არსებით ნიშანს წარმოადგენს. როგორც ცნობილია, ფსიქოლოგთა შორის ადგილი ჰქონდა რეგისტრაციული დესკრიფციის აღრევას ლოგიკური კანონზომიერების დადგენის ამოცანასთან და ამის ნიადაგზე ე. წ. გაგებითი ფსიქოლოგიის ამოცანა გათანაბრებული იყო რეგისტრაციულ დესკრიფციასთან. ამის მიხედვით ხდებოდა ამ მიმდინარეობის შეფასებაც²⁴. ამგვარ გაუგებრობას არ ექნებოდა ადგილი. ფსიქოლოგიაში ორგვარი კანონზომიერების არსებობა რომ ყოფილიყო სათანადოდ გააზრებული, კერძოდ. შესაფერი ყურადღების ღირსი რამ გამხდარიყო ლოგიკური მომენტი ფსიქიკური ცხოვრებისა. თავის მხრივ, ამგვარი დამოკიდებულება ფსიქოლოგიური კვლევისადმი არის შედეგი ფსიქოლოგიური ფსიქოლოგიზმისა, სწორებითა. იყო ეს მანკი შეგნებული თუ არა, იყო წამოყენებული დიბულება ფსიქიკის არსებობის შესახებ. ლოგიკური კანონზომიერების

²⁴ იხ. ა. ბ. ო რ ი შ ვ ი ლ ი. ფსიქოლოგიის პრინციპული საკითხები, ნაწილი ნესაშე, 1962.

გარეშე, თუ ასეთი დებულება მხოლოდ თავისთავად მაგულისხმევი
 ვარაუდი იყო. მთავარი ამეამად ისაა, რომ საკითხი ამ ასპექტში იქ-
 ნეს განხილული. ჩვენი ამოცანაც, პირველ რიგში, ამ საკითხის წა-
 მოყენებაა. რას ნიშნავს ლოგიკური კანონზომიერების უარყოფა ან მი-
 სი უნებლიე უგულებელყოფა ფსიქოლოგიური კვლევა პროცესში
 დარა საბუთი გვაქვს იმისა, რომ ასეთი უარყოფა დაუშვებელია და
 ფსიქოლოგიისათვის დიდად საზიანო. ჩვენ მცლარ კონცეფციად მი-
 გვაჩნია, როგორც ფსიქიკური კანონზომიერების მოღონადად
 კურ კანონზომიერებად გამოცხადება. ისე ამ კანონზომიერების უგუ-
 ლებელყოფა და ფსიქიკურ სინამდვილეში მხოლოდ კაუზალური ურ-
 თიერთობის დაკანონება. ფსიქოლოგიაში არის ლოგიკის გამოყენე-
 ნა. როგორც ყველა სხვა მეცნიერებაში, მაგრამ ფსიქოლოგია არც
 ლოგიკაა და არც ლოგიკის ცალკეული დარგი. მას, როგორც რეა-
 ლური სინამდვილის მეცნიერებას და რეალურ-კაუზალური კანონი-
 ბის მკვლევარს, საკუთარი ადგილი აქვს მეცნიერებაში და ლოგიკაზე
 არ დაიყვანება. მაგრამ რეალობის შემცველობის გამო ფსიქოლოგია
 და ვერც სხვა მეცნიერება ამავე კატეგორიისა ლოგიკური კანონზომ-
 იერების გვერდის ავლას ვერ გაამართლებს. ლოგიკიდან ფსიქოლო-
 გიის ჩამოშორება იმ მოტივით, რომ ფსიქოლოგია, როგორც სენსუ-
 ალური შინაარსის მქონე, არა თუ არ გაარკვევს ლოგიკურს სფე-
 როს და მას ერთგვარ დასაბუთებას შესცემს. არამედ მთლიანად გაა-
 ყალბებს მას, იმასაც უნდა ითვალისწინებდეს, რომ მხოლოდ ასეთი
 შინაარსით წარმოდგენილი ფსიქიკური ვერაუთარ მეცნიერებას ვერ
 უზრუნველყოფს. ლოგიკის გადარჩენა ფსიქოლოგიისშიდან ისე არ
 უნდა მოხდეს, რომ ფსიქოლოგია ფსიქოლოგიზმის მსხვერპლი გახ-
 დეს. რაც გაყალბებას უქადის ლოგიკას მინარევის ალოგიურობის
 გამო. ვერც ფსიქოლოგიას მისცემს მხოლოდ დასაბუთებას: მარტო
 კაუზალური კანონზომიერებით ფსიქოლოგია მეცნიერებად ვერ გან-
 დებოდა (რომ არაფერი ეთქვათ ფსიქიკურში კაუზალობის დაშვების
 გამართლებაზე და კაუზალობის კონკრეტულ გამოყენებაზე). ბუნერ-
 ლის ცნობილი განცხადება, რომ ფსიქიკას ბუნება არა აქვს, მაგრამ
 სამაგიეროდ მას აქვს არსი (Wesen). ორმავე გაუგებრობის წყარო
 შეიძლება გაჩდეს, როცა მას სათანადო ინტერპრეტაცია არ ახლავს:
 ფსიქიკის შემეცნება უბუნებოდ, ე. ი. ამ შემთხვევაში კაუზალური კა-
 ნონზომიერების გარეშე ისევე განუსორციელებელი ჩანს. როგორც
 მისი შემეცნება მარტო მისი არსის შემეცნებით. ეს ემსგავსებოდა
 იმას, რომ რომელიმე სინამდვილე მარტო ცნებით გამოკვეთქვა და

ამისთვის მსჯელობა არ გამოგვეყენებინა²⁵. რეალური სინამდვილე მართო სტატიკურ მდგომარეობაში გათვალისწინებით არ შეიმეცნება, საჭიროა მისი დინამიკური კონსტიტუცია იქნეს შესწავლილი.

როცა კაუზალურ კანონზომიერებაზე ვლაპარაკობთ, განსხვავებით ლოგიკურ კანონზომიერებიდან, იგულისხმება კაუზალობისთვის დამახასიათებელი „ექტობრიობა“, ის, რომ შედეგი არ ჩანს მიზეზში, მიზეზის ცოდნა არ გვაძლევს თავისთავად შედეგის ცოდნას. ამისთვის გამოცდილებაა საჭირო. ელექტრომაგნიტური ტალღების გარკვეულ რაოდენობას რომ წითელი ფერი შეესაბამება, ხოლო მეორე რაოდენობას მწვანე ფერი, ეს სრულიად შეუძლებელია თვით ამ ტალღების რაოდენობის ცოდნის საფუძველზე გავითვალისწინოთ. ლოგიკა არ გვიკრძალავს იმას, რომ საქმის ვითარება შებრუნებულად წარმოვიდგინოთ. ამ გაგებით, ეს კავშირი ელექტრომაგნიტურ ტალღასა და განსაზღვრულ ფერს შორის არის შემთხვევითი. რაც, რასაკვირველია. რეალურ აუცილებლობას არ გამორიცხავს. პირიქით, ყოველთვის, როცა მოცემულია გარკვეული რაოდენობის ელექტრომაგნიტური ტალღა ამისთვის განკუთვნილ პირობებში. უუპველად განსაზღვრული ფერი წარმოიშობა. როცა ამგვარ კავშირისგან განსხვავებით ლაპარაკობენ შინაგან კაუზალობაზე, არსებითად სხვა ვითარება გვაქვს. ამ შემთხვევაში მიზეზსა და შედეგს შორის ლოგიკურად გასაგები ვითარება იგულისხმება. ზოგჯერ იგი იგივეობის პრინციპზე დაყავთ. ამაზე მსჯელობა აქ უადგილო იქნებოდა. მთავარია ჩვენთვის ის, რომ ტიპიური შემთხვევა კაუზალური ცვლილებისა არსებითად განსხვავდება ლოგიკური კანონზომიერებიდან. ეს მოითხოვს ფსიქიკური ცხოვრების მიმართ იმ თვალსაზრისის გამოყენებას, რომელიც რეალურ-ბუნებისმეტყველური მეცნიერებისთვის არის დამახასიათებელი. ასეა ეს, ყოველ შემთხვევაში, რამდენადაც საქმე ეხება ამ კანონზომიერების მიგნების გზას, მისი ინდუქციურობასა და ემპირიულობას²⁶

²⁵ იხ. M. Palágyi, Die Logik auf dem Scheidewege, 1903, გვ. 76 და შემდეგ.

²⁶ რა თქმა უნდა, კაუზალობის პრინციპის გამოყენება ფსიქიკურის შესწავლაში საგანგებო დასაბუთებას მოითხოვს. ამის მოწინააღმდეგეები ანგარიშგასაწევ მოსაზრებებს ემყარებიან. ვერც ამ საკითხს შეეხებით ამჟამად. ჩვენთვის საკმარისია იმ დებულების მიღება, რომ ფსიქიკურის შესწავლა არ შეიძლება ამოიწუროს ლოგიკური კანონზომიერების მიგნებით. არის ამ სინამდვილეში ისეთი კანონზომიერება, რომელსაც ლოგიკური კანონზომიერებას ვერ ვუწოდებთ. აღმოჩნდება თუ არა ეს კანონზომიერება კაუზალური თუ კიდევ სხვა რამ, ეს ჩვენი დებულებისთვის სულ ერთია.

ლოგიკური კანონზომიერების გამოყენებასთან ფსიქოლოგიაში ხშირად გვაქვს საქმე, მაგრამ ზოგჯერ ამას არ ითვალისწინებენ, ზოგჯერ იგი ლოგიციზმად ცხადდება. ამის საილუსტრაციოდ გავის-სენოთ თვითდაკვირვების მეთოდის შესახებ ო. კონტის მიერ გამოთქმული ცნობილი მსჯელობა: დაკვირვება გულისხმობს სუბიექტის და ობიექტის არსებობას და კონტაქტს მათ შორის. თვითდაკვირვება ისეთ მეთოდს ეწოდება, რომელშიაც სუბიექტი და ობიექტი ერთია. აქ არ არის დაკვირვებისთვის საჭირო ორი ინსტანცია. ამიტომ იგი შეუძლებელია, თვითდაკვირვება განუხორციელებელი რამ არის.

ო. კონტის ეს მოსაზრება ზოგმა ლოგიციზმად გამოაცხადა. აქ თითქოს ლოგიკური სქემა მიუყენეს ფსიქიკურ სინამდვილეს და ამ გზით გამოიყვანეს დასკვნა თვითდაკვირვების შეუძლებლობის შესახებ. ნამდვილად კი, ფაქტობრივად ასეთი დაკვირვება არსებობს და მისი უარყოფა ფაქტის, სინამდვილის უარყოფა არისო. როცა ასეთი შეუთანხმებლობაა ფაქტსა და ლოგიკურ მოთხოვნას შორის, უპირატესობა ფაქტს უნდა მიენიჭოს. ამით ისიც იქნება აღიარებული, რომ სინამდვილე მეტია ლოგიკურზე და მისი უფლების დაცვა საჭიროა, რათა ლოგიკისტური შეცდომა იქნესო დაძლეული.

ამჯვარი მსჯელობა ო. კონტის მოსაზრების გამო, რასაკვირველია, უმართებულოა, იგი შედეგია ფსიქოლოგისტური თვალსაზრისისა.

კონტის მოთხოვნა, რომ თვითდაკვირვებისთვისაც, როგორც ყველა დაკვირვებისთვის, უნდა დადასტურდეს ორი განსხვავებული ინსტანციის არსებობა, სუბიექტისა და ობიექტის სახით, სავსებით ლოგიკურია და სავალდებულო. აქედან გამონაკლისი არ შეიძლება არსებობდეს, რადგან იგი ანალიზურად გამოდის დაკვირვების ცნებიდან, რომლის ნიშნები უნდა ახლდეს დაკვირვების ყოველ ნაირსახეობას. ის გარემოება, რომ ზოგმა ფსიქოლოგმა ეს მოთხოვნა ვერ შეარიგა საქმის ობიექტურ ვითარებასთან, ნიშნავს კონტის მეორე დებულების გაზიარებას. ამ დებულების მიღების შემდეგ ლოგიკურია ის დასკვნა, რომელიც კონტმა გააკეთა: თვითდაკვირვება შეუძლებელი ჩანს. ამ დასკვნას ვინც არ იღებს, ემყარება თვითდაკვირვების არსებობის ფაქტს. ან კი როგორ უარყოს იგი, როცა მას ყოველ ნაბიჯზე ხედავს?! დასკვნა? დასკვნა ისაა, რომ კონტის მსჯელობა ლოგიკურად მართებულად არის აღიარებული, მაგრამ ფსიქიკური სინამდვილისადმი მისი მიყენება დაუშვებლადაა გამოცხადებული. ესაო და ფსიქიკური სინამდვილე არ უნდა განიცდიდეს ძალდატანებასო. ლოგიკური სქემების გამოყენებით, არ უნდა შეიქრასო

ლოგიკიზმი ფსიქოლოგიაში. გამოდის, რომ ლოგიკა უნდა იყოს თავისთვის, არ ჩაერიოს ფსიქოლოგიის საქმეში, რადგან ფსიქოლოგიის მბრძანებელი მხოლოდ ფსიქიკური სინამდვილეაო. ის, რაც ლოგიკის მიხედვით შეუძლებელი ჩანს, სავსებით შესაძლებელიაო ფსიქოლოგიურად. თუ გვერყვიან, რომ ასეთი რამის აღიარება სასწაულის დაშვებას ნიშნავს, წერს თ. ლიპსი. ცნობიერების ეს მოვლენებია, რომელსაც მართლად განსხვავებულ სასწაულს წარმოადგენსო²⁷

ნამდვილად, როგორც ცნობილია, თვითდაკვირვების დასაბუთება არ მოითხოვს ლოგიკის მოთხოვნის უკუღებულყოფას და არც ფსიქიკაში არსებული საქმის ვითარება არის ისეთი რამ, რაც ლოგიკის მოთხოვნას ეწინააღმდეგება. საქმის ახლო დაკვირვებამ ნათელჰყო, რომ თვითდაკვირვების სუბიექტი და ობიექტი არაა ერთი და იგივე. რომ ფსიქიკურ მოვლენებს აქვთ ყველაფერი, რაც მათი დაკვირვებისა და შემეცნებისთვის არის საჭირო და არაერთარი კონფლიქტი მას ლოგიკასთან არა აქვს. ამ საკითხშიც გადამწყვეტი მნიშვნელობა უნდა მიენიჭოს ცნობიერებისა და ფსიქიკის ფუნქციონალურ განსხვავებას²⁸ და მესა და განცდის გათიშვას²⁹. თუ ამას ყოველივეს მხედველობაში მივიღებთ, არც სასწაულის დაშვება დაგვეჭირდება თვითდაკვირვების დასადგენად და არც ლოგიკური მოთხოვნის უკუღდება. ლოგიკურის მოთხოვნებისადმი ანგარიშის გაწევა ლოგიკიზმი არ არის.

არის მეორე სახის საფრთხე: ლოგიკურის გამოვლინება ფსიქიკურში ფსიქიკურის ლოგიზაციად არის გაგებული. თითქოს იმის გამო, რომ ფსიქიკა ლოგიკურის მიერ იქნა გამოყენებული თავისი გამოვლინების ემპირიულ საშუალებად, ფსიქიკა ლოგიკურ მოვლენად იქცა. ეს შეუძლებელია. ლოგიკური შემთხვევით კი არ უკავშირდება ფსიქიკურს, არამედ ამ უკანასკნელის არსებობის აუცილებელი ფორმაა. იგი მისი გარკვეულობის ერთ-ერთი მომენტია. ამდენად, ჩვენთვის მოხსნილია საკითხის იმგვარი დაყენება ლოგიკურისა და ემპირიულის დაკავშირების შესახებ, როგორც იცის იდეალისტურმა ფილოსოფიამ პლატონიდან დაწყებული დღემდე. ფსიქიკას არ ესაჭიროება ლოგიკურის ძებნა, მაგრამ ეს ესაჭიროება ფსიქოლო-

იხ. ა. ბოკორიშვილი, სხსნითი და გაგებითი ფსიქოლოგიის ურთიერთობისათვის, 1934, ქუთაისი, გვ. 16.

²⁸ იხ. А. Т. Бочоршвили, Психика как предмет психологии, „მომბე“, № 3, 1961.

²⁹ ა. ბოკორიშვილი, თვითდაკვირვების მეთოდის რაობისა და მისი პრინციპული შესაძლებლობის შესახებ, ფსიქოლოგია, ტ. X, 1956.

გიას, მეცნიერებას ფსიქიკის კანონზომიერების შესახებ. არც ეს სპეციალური მეცნიერება არ არის ლოგიკურის გარეშე, მაგრამ არც ერთი არ არის ისეთი, რომ ამ კანონზომიერებით ამოწურავდეს თავის მუშაობას. აი ეს, არალოგიკური (და არა ანტილოგიკური) პომენტია, რაც მეცნიერებათა სპეციფიკას ქმნის. ეს „დანაშთი“ არ უნდა წარმოვიდგინოთ, როგორც დროებითი მოვლენა, რომელიც მომავალში ლოგიკურ-რაციონალურ შინაარსად გადაიქცევა. ყოველთვის ექნება ადგილი ისეთ მომენტს, რომლის დაყვანა (ან აყვანა) ლოგიკურზე შეუძლებელი იქნება. სამყაროს მართო ლოგიკა ვერ შეისწავლის. ამისთვის ცალკე რეგიონების შესატყვისი სპეციალური მეცნიერებანია საჭირო. უნივერსალური რაციონალიზმის გამარჯობა შეუძლებელია.

ფსიქიკა ერთ-ერთი რეგიონია ლოგიკურის გამოვლენისა. მის პრინციპული უპირატესობა სხვა რეგიონებთან არა აქვს. ამ განუმოვლებლს უკულებელყოფა. ე. ი. იმის ვარაუდი, რომ ფსიქიკის არის თუ ერთადერთი არა, ყველა სხვაზე უპირატესი სფერო ლოგიკურის გამოვლენისა მიიწ. იყო ის ერთ-ერთი მოტივი. რომელმაც ფსიქოლოგიზმის წარმოქმნა შეაპირობა. ფსიქიკა რომ ამგვარ პრივილეგიას შეიცავდეს. ფსიქოლოგია თავის თავს უზრუნველყოფდა ბოლო რიგში ლოგიკური კანონზომიერების შესწავლით ფსიქიკურ სინოვილეში. მაგრამ. ნამდვილი სურათი ჩვენი მეცნიერებისა სულ სხვაა: იგი ბევრ სხვა მეცნიერებაზე უფრო ღარიბად გამოიყურება ლოგიკურობის მხრივ.

მეორე მხრივ, არც ის შესედულებაა სწორი, თითქოს ფსიქიკიდან და ფსიქოლოგიიდან ლოგიკისათვის საინტერესო რამის მოღება შეუძლებელი იყოს.

თუ ფსიქოლოგია წარმოვიდგინეთ მსოფლიო ინდუქციურ-პიპოთეზური მსჯელობების კრებულად. ცხადია, ლოგიკა მისგან არაფერს წაიღებს. მაგრამ. რატომ. რა უფლებით უნდა წარმოვიდგინოთ ფსიქიკა ისეთ უარყოფით გამოსაკლისად, რომ მან ვერაფერა მოაწოდოს ლოგიკას ლოგიკური? თუ მაგ., მათემატიკისა და სხვა ზუსტი მეცნიერების განვითარება ლოგიკის გამდიდრებას იწვევს. რატომ უნდა ვიფიქროთ, რომ ფსიქოლოგიას ამის შესაძლებლობა პრინციპულად უნდა წაერთვას?³⁰ ფსიქოლოგს აქვს უფლება და ვალდებუ-

³⁰ ლოგიკის გამდიდრება სპეციალური მეცნიერების მონაოვარის ანალიზის საფუძველზე არ ნიშნავს ლოგიკის დამოკიდებულებას ამ მეცნიერებაზე. აქ საქმე ეხება არა ლოგიკურის წარმოქმნას ან დასაბუთებას სპეციალური მეცნიერების საშუალებით, არამედ თავისთავადისა და დასაბუთებულის გამოვლენას.

ლაც არის იოცნებოს ფსიქოლოგიის ისეთ მდგომარეობაზე, მისი გან-
ვითარების ისეთ დონეზე, როცა ლოგიკა ადაპირებს თვალს მის-
კენ ახალი, ლოგიკისათვის ჭერ კიდევ უცნობი ფორმის აპოდქტი-
კური მსჯელობისა და დასკვნების გადმოსატანად ლოგიკაში. ერთ-
ერთი ძირითადი პირობა ამისა იქნებოდა ფსიქოლოგიზმის დაძლევა
ფსიქოლოგიაში⁶ ლოგიციზმს იმდენი ხიანი არ მოუტანია ფსიქო-
ლოგიისათვის. რამდენიც მას მოუტანა ფსიქოლოგიზმმა. უთუოდ
ფარულად მოქმედი ფსიქოლოგიზმის გამოვლინებაა იმის მტკიცება,
რომ ფსიქიკურს შეიძლება არ ჰქონდეს საკუთარი კანონზომიერება
და ამიტომ ან ფსიქოლოგია საერთოდ შეუძლებლად უნდა ვცნოთ ან-
დამისთვის სხვა რომელიმე სინამდვილიდან შემოვიტანოთ იგი. თუ
ფსიქიკურში მხოლოდ სენსუალური მასალა ვიგულისხმეთ. თუ ფსი-
ქოლოგიურ იმპრესიონიზმის თვალსაზრისზე დავდებოთ. ამგვარი
მსჯელობა აუცილებელი გახდება.

როგორც აღინიშნა, ლოგიციზმი ფსიქოლოგიაში შეიძლება გაჩ-
ნდეს და ისიც რამდენიმე სახეობისა, მაგრამ ლოგიციზმთან ბრძოლა
არ უნდა იქცეს იმად, რომ გვერდი აუუაროთ თვით ფსიქიკურში არ-
სებულ ლოგიკურ კანონზომიერებას. ვინ არ დაგვეთანხმება დღეს
იმაში, რომ ზოგადი ფსიქოლოგიის ის თავი. რომელსაც აზროვნების
ფსიქოლოგია ეწოდება, მნიშვნელოვან ნაწილში ლოგიკაა და არა
ფსიქოლოგია?! ასეთი ელემენტების შეცვლა რეალური განცდებით,
რომელთაც ადგილი აქვთ ჩვენს ცნობიერებაში, როცა მისი აქტები
ძიმართული არიან ლოგიკურ ვითარებაზე. აუცილებელია, თუ გვსურს
შევექმნათ ნამდვილი ფსიქოლოგია აზროვნებისა, შემეცნებისა. მაგ-
რამ, თავის მხრივ. ამ განცდების შესწავლა შეუძლებელი გახდებოდა.
თუ მის წიაღში საკუთარი ლოგიკური ხასიათის კანონზომიერება არ
ყოფილიყო დადასტურებული. აზროვნების სტრუქტურა მაშინ იქნე-
ბა ნაჩვენები. როცა იგი განცდებში იქნება ამოკითხული და არა ლო-
გიკის სახელმძღვანელოდან გამოტანილი. აზროვნების განცდითი
პროცესი მაშინაც კი, როცა მისი ობიექტი-შინაარსი მცდარია, ლოგი-

ემპირიულად მოცემულობას საპეციალური მეცნიერების საგანში. ლოგიკური არა-
სოდეს ემპირიულ კატეგორიად არ გადაიქცევა იმის გამო, რომ იგი ემპირიულში
გამოვლინდა. ლოგიკურისთვის ეს გამოვლენა შემთხვევითია, თუმცა იგი არაა შემ-
თხვევითი იმ სინამდვილისათვის, სადაც ის იქნა შემჩნეული: ეს სინამდვილე ვერ
იქნებოდა ამ კანონზომიერების გარეშე.

* იხ. ა. ბ. კ. რ. შ. ვ. ი. ლ. ფსიქოლოგიის პრინციპული საკითხები, ნაწ.
I, 1957, გვ. 7: „ფსიქოლოგიზმის დაძლევა... ფსიქოლოგიასაც ისე ეხება, როგორც
სხვა მეცნიერებას, და თუ ფსიქოლოგიის დაძლევა ასე ძნელია საერთოდ, იგი ორ-
მაგად ძნელია ფსიქოლოგიაში“.

კურია და თვითონ არავითარ შეცდომას არ შეიცავს. და ეს არა იმი-
ტომ. რომ აზროვნება-განცდა ლოგიკური კანონზომიერების გარეთ
დგას. არამედ იმიტომ, რომ ლოგიკური კანონზომიერება როგორც
ლოგიკის წმინდა სამყაროში, ისე რეალურ ვითარებაში არასოდეს
მცდარი არ არის. კანონს საერთოდ და ლოგიკურ კანონს კერძოდ. არ
შეიძლება გზიდან გადახვევა ახასიათებდეს. ეს თავისთავად იგულის-
ხმება. აქსინას საჭიროებს ის. თუ როგორ ხდება ამ კანონების „დარ-
ღვევა“ მათ საწინააღმდეგო მიმართულებით სვლა“.

მ. პალაგიმ ყურადღება გაამახვილა იმ განსხვავებაზე. რომელიც
არსებობს გრძნობად აღქმასა და „ცოდნას“ შორის მათი რეფლექ-
სურად მიმართვის უნარის მიხედვით. „მესმის. რომ ზარი ჟღერს“.
აქ მეორე წინადადება, ზარი ჟღერს, ობიექტურ საქმის ვითარებას
გადმოგვცემს, წერს პალაგი. პირველი წინადადება ფსიქიკურ პრო-
ცესზე მოგვითხრობს. ეს პროცესი იმაში მდგომარეობს. რომ ვიღაც
ისმენს ზარის ხმას. თვითონ მისი მოსმენა, ე. ი. მოსმენის მოსმენა
არ ხდება, არ შეიძლება მოხდეს. იგივე ითქმის სხვა შეგრძნებებზეც:
ხედვის ხედვა (როცა „ხედვა“ ორივე შემთხვევაში შეგრძნების აქტს,
თვალის მოქმედებას ნიშნავს) და შეხების შეხება შეუძლებელია. ამ-
გვარია მდგომარეობა გრძნობისა და ნებისყოფის შემთხვევაშიც. არც
გრძნობის გრძნობა და არც ნებელობის ნებელობა არ განსორციელ-
დება. მაგრამ, განაგრძობს პალაგი, სავსებით კანონიერია გამოთქმა:
„მე ვიცი, რომ ვიცი“. „მე ვიცი, რომ მნებავს“. „მე ვიცი, რომ
ვგრძნობ“. „მე ვიცი, რომ ვხედავ“. ეს იმას ნიშნავს, დაასკვნის ავ-
ტორი, რომ ცოდნას შეუძლია რეფლექსურად მიუბრუნდეს რო-
გორც თავის თავს, ისე სხვა ფსიქიკურ მონაცემებს.

ამით სურს პალაგის ფსიქიკურ ცხოვრებაში ორგვარი ჯგუფი მო-
ვლენებისა დაადგინოს, ზოგად-აბსტრაქტული და კონკრეტულ-საე-
ციალური. ამ გზით სურს მას დაადგინოს განსხვავებული საგანი ლო-
გიკისა და ფსიქოლოგიისათვის³².

³¹ იხ. Н. Грот, К вопросу о реформе логики. 1882, გვ. 298 და
შემდეგ შეად. ერ. აბაშიძე, ე. წ. ლოგიკური შეცდომების ფსიქოლოგიისათვის.
დ. უზნაძის სახელობის ფსიქოლოგიის ინსტიტუტის შრომები. ტ. X, 1956. გვ. 201
და შემდეგ

³² M. Palagy, Der Streif der Psychologisten und Formalisten in
der modernen Logik, 1902. გვ. 71 და შემდ.

აქ ამ უკანასკნელ საკითხს არ ვეხებით, ვფიქრობთ, რომ მისი მიუღებლობა ადვილად შეიძლება დამტკიცდეს. ჩვენი საკითხისათვის მნიშვნელობა აქვს იმას, რომ ნათლად ჩანს გრძნობადი მონაცემების იმპრესიონისტული ხასიათი. ისინი ვერც სხვაზე და ვერც თავისთავზე შემეცნებითად ვერ მოგვითხრობენ. ამაში პალაგი მართალია. მაგრამ ის, რაც მან ცოდნას, ცოდნის აქტს მიაწერა, ნამდვილად სხვა რამ არის. იგი არ არის ერთ-ერთი განცდა სხვა განცდათა შორის, როგორც ეს პალაგის ჰგონია, არამედ ცნობიერება, რომელიც მოწოდებულია შინაარსად ყოველთვის სხვა რამ ჰქონდეს და საკუთარი შინაარსის უქონლობის გამო. შემეცნების უსასრულობაში წარმართვისაგან გვიფარავს. ფსიქოლოგია ფსიქოლოგიზს ვერ დააღწევს თავს. თუ მან შემეცნებელ სუბიექტად იმპრესიონისტული მასალა დასახა. ამ საფრთხეს ვერც პალაგი აუვლის ჯეირდს. თუ „შემეცნების აქტები“ და ფსიქიკური პროცესები არ განასხვავა. ისიც უნდა აღინიშნოს, რომ „ცოდნა“ იმისი, რომ „მე ვიცი“, რომ „მე ვიცი, რომ ვხედავ“ და ა. შ.. შეიძლება არ იყოს საგანგებოდ რეფლექსიურად მომართული მოქმედების შედეგი. იგი თავისთავად მოცემული ფაქტის სახითაც გვეძლევა. ის არის. რასაც შინაგან ცნობიერებას ეძახიან. ზოგჯერ შინაგან გრძნობასაც, რომლის არსებობას პალაგი უთუოდ იმიტომ უარყოფს. რომ ამაში ის გულისხმობს იმპრესიონისტულ აქტს³³, რაც სრულიად გაუმართლებელია. რასაკვირველია. როცა ამბობენ. რომ „ხედვის ხედვა“ ხდებაო, არაფერ გულსხმობს იმას, რომ აქ „ხედვა“ ორივე შემთხვევაში თვალთ ხედვას ნიშნავს, ამით აიხსნება. რომ არ ამბობენ ჩვეულებრივ სმენის სმენის შესახებ: „სმენა“ ვერ ეგუება არაიმპრესიონულ შინაარსს. „ხედვა“ შეიძლება ვისმართო ცნობიერების აქტის გამოსათქმელადაც.

ე. წ. კანონზომიერების მონიშნა, როცა იგი ანტიფსიქოლოგიზმიდან არის წარმოქმნილი. ადვილად გადადის ლოგიციზმში. ამის თვალსაჩინო მაგალითს იძლევა ე. მოგი. ის თითქოს ლოგიციზმს უარყოფს და ლოგიზმით კმაყოფილდება, მაგრამ აქ საზღვრის გავლება შეუძლებელი ხდება იმ კონცეფციის ნიადაგზე. რომელსაც გვაწვდის მოგი.

ძირითადი დებულება მოგისა ისაა. რომ კანონზომიერება ყოველი სახისა არის ლოგიკური ხასიათის, ლოგიკისადმი დაქვემდებარებული. ემპირიული კანონზომიერება. როგორც ლოგიკური კანონზო-

³³ M. Palágyi, Die Logik auf dem Scheidewege, 1903, გვ. 101 და შემდეგ.

მიერებაცან არსებითად განსხვავებული. მოგის აზრით, არ არსებობს. ლოგიკურის უფლებების დაცვის საქმეში ის უფრო შორს მიდის, ვიდრე მაგ., ჰუსერლი. თუ ჰუსერლი ემპირიულ სამყაროს საკუთარ კანონზომიერებას უნარჩუნებს (თუმცა არაზუსტა და მარად ჰიპოთეზურს), მოგი ამის საწინააღმდეგოდ ამტკიცებს, რომ ემპირიული კანონზომიერებაც ლოგიკურია. რეალურსა და იდეალურ მეცნიერებას შორის ის განსხვავება არ არსებობს. რომელსაც ჰუსერლი ვარაუდობსო. ბუნების კანონები არიან ბუნების მიმართ სპეციალიზებული ლოგიკური კანონებიო. ბუნება არის ის, რაც არის მოქცეული ლოგიკის კანონების ქვეშ³⁴. კანონი. პირველ რიგში. უნდა იყოს ლოგიკური კანონი. რათა ის საერთო კანონად ჩაითვალოს. თავისთავად აღებული ემპირიული, წერს მოგი, მთლიანად უსათუველოა³⁵. მისი დამსაბუთებელი არის ლოგიკური კანონი. იგივე ითქმის კალზალობის შესახებ. არც ფიზიკური და არც ფსიქოლოგიური კანონები არ არიან მხოლოდ ემპირიული კანონები. არ არსებობს განსხვავება ლოგიკურსა და ბუნების კანონებს შორის.

მოგის მოსაზრებაში სწორი და არასწორი ერთმანეთშია გადასლართული. მართალია, ლოგიკურის საწინააღმდეგო კანონზომიერება შეუძლებელია. ასეთი რამ იქნება არა კანონზომიერება. არამედ უკანონობა. მაგრამ ისიც სწორია, რომ ლოგიკური კანონზომიერება ვერ ამოწურავს. ვერ გადმოსცემს ყოველი სახის კანონზომიერებას. როგორც აღინიშნა, არის ისეთი მტკიცე თანმიმდევრობა მოვლენებისა. მაგ., კალზალური, სადაც ერთის გამოყვანა მეორედან ლოგიკური ოპერაციების გზით შეუძლებელია. საკითხი. ბოლოს, რეალობის ეგზისტენციალობის დასაბუთებამდე მიდის. ლოგიკურიდან რომ ეგზისტენციალურს ვერ გამოვიყვანოთ, ეს ლოცესთან ერთად მოგს უეჭველ ქეშმარიტებად მიაჩნია. მაგრამ ამაში იგი მხოლოდ იმას ხედავს, რომ შემეცნების უბოლოვადობის გამო, ყოველთვის იქნება ისეთი მომენტი, რომელიც ჭერ კიდევ ლოგიკურად განსაზღვრული არ არის. რეალურ-ემპირიული, ეგზისტენციალური, ამის მიხედვით, არის „ჭერ კიდევ განუსაზღვრელი“ და ამის გამო ლოგიკურის აუცილებელი კორელატი.

მოგი აქ საკითხის შეცვლას ახდენს: ლაპარაკია ეგზისტენციალობის დასაბუთებაზე და არა ეგზისტენციალურის შემეცნებაზე. ეს ორი სხვადასხვა რამაა. ერთი არის ყოფიერების (Sein) საკითხი. მეო-

³⁴ იხ. ვ. მოგის დასახ. ნაშრომი, გვ. 204.

³⁵ «Das Empirische für sich ist gänzlich haltlos...» იქვე, გვ. 205.

რე მისი თვისობრივი გარკვეულობის (Sosein). ლოგიკურ-კანონი ყოფიერებას ეგზისტენციალურად ვერ წარმართავს. ამისთვის ისევ ეგზისტენციალურია საჭირო. ესენციალურ-ლოგიკე კრა მარტო ვერასოდეს ვერ იქნება საკმარისი პირობა ყოფიერებასა³⁶. თუ ყოფიერება ლოგიკურად ვერ აიხსნება, ვერ დაიშლება, ეს იმას უნდა ნიშნავდეს, რომ არსებობს კანონზომიერების სფერო ლოგიკურიდან დამოუკიდებელი, მისგან გასხვავებული, მაგრამ არა მისი საწინააღმდეგო. ლოგიკურის ფართო მნიშვნელობით გაგების შემთხვევაში. ლოგიკურის ლოგიკური მოწინააღმდეგე ისევ ლოგიკურის რკალში მოთავსდებოდა.

თუ რეალობაში მეტი არაფერია, გარდა ლოგიკურის კორელატისა. რომელშიაც იჯულისხმება განსაზღვრებადი, ტრანზიტული ცნება. მაშინ რეალობა უნდა ლოგიკურში გაითქვიფოს, ლოგიკურად უნდა ითარგმნოს მთლიანად. ეს კი შეუძლებელია. ამიტომ აქვს სპეციალურ მეცნიერებას საკუთარი ადგილი შემეცნების სისტემაში. ულოგიკოდ ის მეცნიერება არ იქნება, მაგრამ ალოგიკურის გარეშე ის თვითყოფი მეცნიერება ვერ გახდება.

ეგზისტენციალობა ლოგიკურობისთვის არაა საკმარისი, თუ მას საერთოდ აკლია ლოგიკურობა, თუ ის არის მარტო არსებობა. გარკვეულობის გარეშე. მაგრამ ასეთი არსებობა არ არსებობს. ნამდვილ არსებობას ლოგიკური პირობა ჭირდება საარსებო პირობასთან ერთად. ფილოსოფიური აზროვნება უნდა მიიმართოს იმისკენ, რომ ყოფიერებისა და გარკვეულობის, ეგზისტენციალურისა და ესენციალურის აუცილებელი კავშირი გასაგები გახდეს. შეიძლება ითქვას, რომ მათი განუყრელი კავშირის ცნება შესაბამის თეორიების კრატერიუმად უნდა მივიჩნიოთ. თეორია, რომელიც მათ კავშირს გაუგებრად, შეუძლებლად დაგვისახავს, ამის გამო იგი მიუღებლად უნდა მივიჩნიოთ. მიუღებლად უნდა მივიჩნიოთ ისეთი მოსაზრებაც. რომელიც ერთ-ერთ მათგანს სპეციფიკურობას დაუკარგავს და მის მეორე ინსტანციად გადაქცევას შეეცდება.

ფსიქოლოგია ამ ასპექტში არაფრით პრინციპულად არ განსხვავდება ბუნებისმეტყველებისაგან. ფსიქიკის აღება კვლევის საგნად არა-

³⁶ „ეგზისტენციალობა“ აქ იხმარება ძველი მნიშვნელობით. ასე ხმარობს მას მოგიც. თანამედროვე ბურჟუაზიული ფილოსოფიის ეგზისტენციალიზმში (ჰაიდელგერი, იასპერსი...) ერთ პუნქტში მაინც, შესაძლებლად მიიჩნევენ უესსენციო ეგზისტენციალობას. ეს მეორე უკიდურესობაა იმის საპირისპიროდ, რომ ეგზისტენციალობა დაჰყავთ ესენციალობაზე, პლატონიზმის გადალახვისთვის უესსენციო არსებობის დაშვება არაა საჭირო. ეს მეორე სახის შეცდომაა. იხ. M. Landmann Philosophisch Anthropologie, 1955, გვ. 235.

ვიტარ პრივილეგიას არ ანიჭებს ფსიქოლოგიას: ლოგიკური მომენტის მოპოვება და მისი მეცნიერული სისტემისათვის გამოყენება იმგვარივე საქმეა აქ. როგორცაა იგი ფიზიკაში აზროვნება, როგორც ფსიქოლოგიური პროცესი, იმაზე მეტად არ შეიცავს ლოგიკურს, რამდენსაც შეიცავს გრძნობა, ნებელობა, ფიზიკური მოძრაობა, ბიოლოგიური პროცესი... ხოლო ეგზისტენციონალური მომენტი ფსიქიკასაც ისე ახასიათებს, როგორც რომელიმე სხვა ბუნების მოვლენას.

რა თქმა უნდა, აქ ლაპარაკია ეგზისტენციონალიზმის ომარტივეს შემთხვევაზე, მის ელემენტარულ ცნებაზე. როცა არსებობს სპეციფიკური ნიშნების შესახებაა მსჯელობა. ფიზიკურ და ფსიქიკურ არსებობას შორის თვალსაჩინო განსხვავებაა, მაგრამ ამას ლოგიკის მიმართ დამოკიდებულების საკითხისათვის მნიშვნელობა არა აქვს. იგი, ეს განსხვავება, ანგარიშგასაწევეია საკუთრივ ფსიქოლოგიის აგებისათვის. მისი ბუნებისმეტყველებისგან განსხვავების გარკვევისათვის.

იგივე ითქმის კაუზალობის შესახებაც. ის, რომ ფსიქიკურს მიჰართ ამ ცნებას ვიყენებთ და ამით მას ლოგიკურისგან განვასხვავებთ, ეს იმას კიდევ არ ნიშნავს, რომ კაუზალობა ფსიქოლოგიაში და ფიზიკაში ერთგვარია³⁷. არც ეს საკითხია ჩვენი მსჯელობის საგანი. საკმარისია ის, რომ რადიკალური კაუზალობა ფსიქიკურისთვის სავალდებულოა და, მაშასადამე, ფსიქოლოგია არ დაიყვანება პრინციპულად ლოგიკაზე. ლოგიკაში აქაც ისეთივე მანკიერია აზრთაწყობაა, როგორც ფსიქოლოგიაში.

ლოგიკა რეალურად შეუძლებელი იქნებოდა ფსიქოლოგიის გარეშე. წერს მოგი. ეს დებულება არის დასკვნა ლოგიკურისა და ემპირიულის ურთიერთობის შესახებ გ. ნსაზღვრული შეხედულებიდან. რადგან შემეცნება იწყება გამოცდილებიდან (კანტი), ხოლო გამოცდილება ფსიქიკური პროცესის სახით გვეძლევა, ეს პროცესი უნდა მივიჩნიოთ პირველ პირობად ლოგიკურის რეალიზაციისათვის.

მაგრამ, სად არის გარანტია იმისი, რომ იდეალურა სოწმინდის მქონე ლოგიკა, ასე ვთქვათ, ლოგიკა თავისთავად, არ შეირყვინება, არ დამახინჯდება მაშინ. როცა დადგება მისი ე. წ. რეალიზაციის მომენტი? რა მნიშვნელობა ექნება პრაქტიკულად წმინდა ლოგიკის სისწორეს, თუ ის განხორციელების მომენტში ფსიქოლოგიისტურ მო-

³⁷ შეიძლება დამტკიცდეს, რომ ფსიქოლოგიაში შესაფერო იყოს კაუზალობის ფუნქციონირება (განსხვავებით ონტოლოგიური ცნებიდან) ცნება. ეს სავანგებო კვლევას მოითხოვს. იხ. I. M. Bochenski, Die Zeitgenössischen Denkmethoden, 1954, გვ. 114.

მეტებს შეითვისებს? ჩვენ ხომ უშუალო და გამოყენებითი ურთი-
ერთობა გვაქვს რეალიზებულ ლოგიკასთან. ლოგიკასთან, როგორც
ფაქტობრივად არსებულ მეცნიერებასთან?!

რადღან ფსიქიკა, ფსიქოლოგიის საგანი, საკუთარი შინაარსის მქო-
ნეა და ლოგიკის საგნიდან განსხვავებულია, მისი ჩართვა, შერევა
ლოგიკის შინაარსში, რასაკვირველია, ლოგიკის ფალსიფიკაციას გა-
მოიწვევს. რა საშუალება გვაქვს ამგვარი ფალსიფიკაციის თავიდან
ასაცილებლად?

პრინციპულად აქ მხოლოდ ერთი საშუალება შეიძლება იყოს:
უნდა არსებობდეს ისეთი უნარი ადამიანის შემშემცნებელ აპარატში,
რომელიც ლოგიკურს წმინდად შეიმეცნებს, არაფერს უცხოს არ მი-
უმატებს. ფსიქიკა, როგორც საკუთარ შინაარსის მქონე, როგორც
განცდა. ამ ამოცანას ვერ შეასრულებს (სხვა სიძნელეებსაც რომ გვე-
რდი ვეუაროთ). ამისთვის მოწოდებულია ცნობიერება, რომელიც,
თანახმად მისი ფუნქციისა, მუდამ სხვაზეა მიმართული. მაგრამ სხვა
აქვს მას შინაარსად და ამითაა იგი ვარგისი შემეცნებისათვის³

გარდა ამისა, როგორ გამოვალთ მოჭადოებელი რკალიდან, რო-
მელიც იმაში მდგომარეობს. რომ ემპირიულში ლოგიკურის ამოცნო-
ბა ლოგიკურის ცოდნას გულისხმობს? თუ ლოგიკას აქვს საშუალება
ემპირიულ გამოცდილებამდე ლოგიკურს წვდეს რაღაც სხვა. არა-
ემპირიული გზით, რაღად ჰირდება მას ემპირიის გამოყენება, როცა
მასთან ევოდენ საშიში ფსიქოლოგიზმი არის დაკავშირებული? და,
ბოლოს, რატომ უნდა შემოვზღუდოთ ლოგიკურის გამოვლინების ემ-
პირიული სფერო ფსიქიკით. როცა სინამდვილის არც ერთი სფერო
ამ თვისებას მოკლებული არ არის? როცა ლოგიკური მომენტი ყო-
ველი მეცნიერების რეალურ მონაცემებში იგულისხმება? ხომ არ
ვიფიქროთ. რომ მოვის კონცეფციის მიხედვით (და ამ თვალსაზრისს
შეგნებულად თუ შეუგნებლად ბევრი იზიარებს), ყოველი მეცნიერე-
ბის ემპირიული მონაცემი პირველად ფსიქიკის სახით არის მოცემუ-
ლი და შემდეგ უნდა მოხერხდეს როგორღაც არაფსიქოლოგიურ გა-
მოცდილებასთან მისვლა? გამოცდილების ამგვარი თეორია ჩვენ ზე-
მთ დავახასიათეთ, როგორც საბაზი კონკრეტულ-შინაარსეული
ფსიქოლოგიზმისა.

კიდევ უფრო მეტ ექვს იწვევს მოვის ცნება ლოგიკურის ტენ-
დენციისა გამოყენებისაკენ რეალობაში და რეალობის ნორმირებისა.

³ ბევრი რამ ელობება ცნობიერებას თავისი ამოცანის შესრულების ეამს, მაგ-
დამ ის ფაქტი, რომ იგი ძირითადად, ფუნქციონალურად ამისთვისაა მოწოდებუ-
ლი, იძლევა იმის საშუალებას, რომ უცხო ელემენტები ჩამოაშოროს ლოგიკე-
რის ემპირიულ გამოვლინებას.

კენა რა ესაქმება წმინდა ლოგიკურს რეალობასთან, როცა რეალობა მას ვერაფერს ლოგიკურს ვერ მისცემს? სხვა რომ არა იყოს რა. ლოგიკურისადმი ტენდენციის მიწერა ნამდვილი პერსონაფიკაცია და მითოლოგიაა. ამას ადასტურებს ისიც, რომ ავტორი ლოგიკურს გაშლა-განვითარების უნარსაც მიაწერს და ამდენად გენეზისი ლოგიკაში პოზიტიური ფუნქციის მატარებლად გვევლინება. ეს მთლიანად გააუქმებდა ავტორის მონაპოვარს ფსიქოლოგიზმის დაძლევისათვის. ბრძოლა პროცესში.

ამგვარი აზრთაწყობისადმი შესაფერისია იმის მტკიცებაც, რომ ეგზისტენციალური თავის მხრივ არ არის ინდიფერენტულად განწყობილი ლოგიკურის მიმართ, რომ მას სურს შეიძინოს ლოგიკური დასაბუთება³⁹. თითქოს ეგზისტენციალური ინსტანცია თავისთავად შესაძლებელი იყოს ლოგიკურის გარეშე!⁴¹

შემეცნების საგანი სხვა რამედ არ უნდა გადაიქცეს შემეცნების პროცესში, შემეცნების გამო. ეს აღარ იქნება მაშინ შემეცნება. ონტოლოგიურში ლოგიკურის ამოკითხვამ ონტოლოგიური ლოგიკურად არ უნდა აქციოს. ამგვარივე შეცდომა გვექნება. თუ ლოგიკურის გადაქცევა მოხდა ონტოლოგიურ სინამდვილედ. პალაგი უარყოფს პუსერლის დებულებას რეალურისა და იდეალურის გათიშვის შესახებ. ეს დაპირისპირება მოგს აკმაყოფილებს და თვითონაც მათი დაახლოებას, კორელატური ურთიერთობის მოძებრება. მაგრამ ურთიერთობის დამყარების საშუალება. მის მიერ წამოშობილი. არ არის უფრო ააიმედო, ვიდრე პალაგისეული. თუ შოგი მართალია იმაში, რომ ლოგიკურისა და იდეალურის ფსიქოლოგიზაცია და ემპირიზაცია დაუშვებელია. არ არის მართალიც, როცა არსებითად ფსიქოლოგიურისა და ემპირიულის ლოგიზაციასა და იდეალიზაციას ასდენს⁴² რეალურის გადაქცევა იდეალურად იმავე წონის შეცდომაა, როგო-

³⁹ ვ. შოგი, დასახ. ნაშრომი, გვ. 260.

⁴⁰ იქვე.

⁴¹ «Prinzipiell ist das Logische nicht empirisch und das Empirische, für sich genommen, nicht logisch...» შოგი, დასახ. ნაშრომი, გვ. 259.

⁴² «...ist das Empirische selbst unbestimmter Inhalt, und es ist bei allen Bestimmten ein Unbestimmtes. Noch—nicht—logisches vorhanden», W. Moog, Logik, Psychologie, Psychologismus, 1919. გვ. 264.

«...sowohl der Logiker, als auch der Psychologe stets mit der Hinlenkung einer psychischen Tätigkeit auf eine psychische Tätigkeit beschäftigt sind...» M. Palágyi, Der Streit der Psychologen und Formalisten in der modernen Logik, 1902. გვ. 66.

რაცაა შეცდომა იდეალურის გადაქცევისა რეალურად. ყოველი მეცნიერება გამოყენებითი ონტოლოგიაა. როგორც ყოველი მათგანი გამოყენებითს ლოგიკას წარმოადგენს. არც შიშველი ონტოლოგიზმი და არც შიშველი ლოგიციზმი საქმის ნამდვილ ვითარებას ვერ გამოსახავს. აქედან დუალისტური ხასიათის დასკვნის გამოტანა მთლიანობის ცნების უგულვებელყოფა იქნებოდა. მთელი სიმძიმე ამ საკითხში ამ ცნებამ უნდა იდოს თავის თავზე. ჩვენ ვერც ამ საკითხს შევეხებით აქ, აღვნიშნავთ მხოლოდ იმას, რომ სადაც მთლიანობა ამიერიდან უნდა დამყარდეს უკვე არსებულ ინსტანციათა შორის. იქ ნამდვილ მთლიანობაზე ლაპარაკი უსაფუძვლოა. თუ რომელიმე ინსტანციას შეუძლია ერთ რომელიმე მომენტში იარსებოს, იყოს მეორე ინსტანციისგან განხლოვებულად. ვერასოდეს ამ ინსტანციების კავშირი იმ სახეს ვერ მიიღებს, რაც მთლიანობას გაამართლებდა. ნატორპიცა და ჰუსერლიც აქ იდეალურისა და რეალურის, არსობრივისა და ფაქტობრივის კორელაციაზე ლაპარაკობენ. მაგრამ ამ ავტორების ფუძისეული მოსაზრებები ნამდვილ კორელაციას ვერ დაადგენენ, ვერ დაასაბუთებენ. აქ არსებითად ლაპარაკია კორელაციის წარმოდგენის ფსიქოლოგიურ ან, უკეთეს შემთხვევაში, ფორმალ-ლოგიკური კორელაციის აუცილებლობაზე და არა ისეთ კორელაციაზე, რომელიც საჭიროა საქმისათვის. კორელაციის (წარმოდგენის) აუცილებლობა და აუცილებლობითი კორელაცია სხვადასხვაა. იდეალურისა და რეალურის, ლოგოკურისა და ფსიქოლოგიურის კორელაცია აუცილებლობის ფუნქციაა და არა პირიქით. განსაზღვრებადი. როგორც ასეთი, განსაზღვრულია. თუ ის შემეცნების სუბიექტურ მხარეს ასახავს, თუ ის სუბიექტის მდგომარეობაა მხოლოდ, მისი გამოყენება ჩვენი პრობლემისათვის საერთოდ უაზრობაა. საკითხი ეხება საგანთა ობიექტურ ვითარებას და არა სუბიექტის ინტელექტუალურ მდგომარეობას, მის შემეცნებით პროცესს.

სავსებით სამართლიანად აღნიშნავს მოგი. რომ ლოგიკურის დადგენა ფსიქოლოგიაში თითქმის არავის უცდია, თუმცა ეს უაზრესად მნიშვნელოვანია: ამაზე არის დამოკიდებული კონსტიტუცია ფსიქოლოგიისა როგორც მეცნიერების. მაგრამ, თუ ფსიქოლოგიური მეცნიერების კონსტიტუცია ამით დასრულებულად მივიჩნით, ფსიქოლოგია ამოვა რეალურ მეცნიერებათა რიგიდან და ძალაუვნებურად გახდება ლოგიკის და (სხვა მეცნიერების) მეტოქე, ფსიქოლოგიზმი ფსიქოლოგიისათვის სასიცოცხლო აუცილებლობად გადაიქცევა. ფსიქიკის ლოგოსი მეცნიერული დამხმარე მომენტია ფსიქოლოგიისათვის, იგი საშუალებაა ფსიქიკის, შემეცნებისათვის. ფსიქოლო-

გის ამოცანა არ არის ფსიქიკის ლოგიზაცია და არც მისი იმპრესიონიზაცია. ფსიქიკას თვითონ აქვს შემეცნებამდე იმდენი ლოგიკური. რამდენიც საჭიროა მისი შემეცნებისათვის და იმდენი რეალობა-ეგზისტენციალობა, რამდენიც საჭიროა ფსიქოლოგიის რეალურ მეცნიერებად დადგენისათვის. ფსიქიკის შემეცნებამ ის უნდა ასახოს, რაც არის ფსიქიკაში. ფსიქოლოგიური მეცნიერებისათვის ეს საეგზეო საკმარისია, არც სხვა მეცნიერებიდან და არც სხვა სინამდვილიდან მეცნიერულობის სესხება არაა საჭირო და არც შესაძლებელი.

ამგვარად: ფსიქოლოგიზმი სუბიექტივიზმია და მის წინააღმდეგ ბრძოლა მეცნიერების ყოფნა-არყოფნისათვის ბრძოლაა. ფსიქოლოგიზმი და მეცნიერული შემეცნება შეუთავსებელია ერთმანეთთან. კერძოდ. ფსიქოლოგიზმი ლოგიკაში არის ლოგიკის დამახინჯება, გადაგვარება. ფსიქოლოგისტური ლოგიკა შინაგანი წინააღმდეგობის შემცველი ცნებაა. იგი მოკლებულია საფუძვლიანობას და სრულიად უვარგისია დასაბუთების ხელმძღვანელობისთვის.

ფსიქოლოგიზმის საფრთხიდან (თეორიულად) არც ერთი მეცნიერება არ არის დაზღვეული, მაგრამ ყველაზე მეტად ამ მანკისგან ზიანი მიადგა ლოგიკას. ამჟამად საერთოდ ცნობილია. რომ ამ საქმეში უმთავრესი ბრალი მიუძღვის აზროვნების ცნების მრავალმნიშვნელობას, ამ მნიშვნელობათა სათანადოდ გაუთიშაობას. როცა ლოგიკისა და ფსიქოლოგიის საგანი (ნაწილობრივ) ერთ მოვლენად. ერთ პროცესად ცხადდება, ფსიქოლოგიზმიდან თავის დაღწევა უკანა რიცხვით მიღებული ღონისძიებით შეუძლებელია.

ფსიქოლოგიზმი ისევე საზიანოა ფსიქოლოგიისათვის. როგორც ლოგიკისათვის. ის ფაქტი, რომ ფსიქოლოგიზმზე ფსიქოლოგიაში არ ყოფილა დღემდე გამახვილებული ყურადღება. იმით აიხსნება, რომ საფუძვლიანად არ ყოფილა შესწავლილი ფსიქოლოგიის გნოსეოლოგია, ფსიქიკის შესწავლის მეთოდოლოგია. ლოგიკური მომენტის დაცვა, მისი სიწმინდისათვის ზრუნვა ფსიქოლოგიაშიც. როგორც სხვა მეცნიერებაში, უპირველესი გნოსეოლოგიური ამოცანაა. ლოგიკურობის შერყვნა მეცნიერულობის შერყვნაა. რამდენადაც ეს ოთქმის ყოველ მეცნიერებაზე, ერთ-ერთ ძირითად მეთოდოლოგიურ პრინციპად უნდა მივიჩნიოთ ლენინის დებულება, რომ ყოველი მეცნიერება არის გამოყენებითი ლოგიკა. ამ დებულების უგულებელყოფამ წარმოქმნა ფსიქოლოგიური სენსუალიზმი, რომელიც ფსიქოლოგიური ფსიქოლოგიზმის გამოვლინებას წარმოადგენს. ემპირიული ფსიქოლოგიის მანკიერების დასაძლევად არაა საკმარისი ფსიქიკის შინაარსის ახალი მონაცემებით შევსება (არათვალსაჩინო მო-

მენტები ფსიქიკაში. გეშტალტები, სტრუქტურულ-მთლიანობითი ხასიათი და ა. შ.). პირველ რიგში ფსიქოლოგიას მეთოდოლოგია უნდა განიკურნოს იმპრესიონიზმის სენიდან და შეივსოს იგი გარკვეულობისადმი მიმართული ლოგიკური თვალსაზრისით. ეს მოგვეცემს ფსიქოლოგიური სკეპტიციზმისა და ნიპილიზმის დაძლევის საშუალებას. იმის რწმენას, რომ კანონზომიერების ძებნა ფსიქიკურ სინამდვილეში არ შეიძლება უშედეგო იყოს.

ფსიქოლოგიზმის დაძლევის ერთ-ერთი პირობაა ცნობიერებისა და განცდის ფუნქციონალური განსხვავების დადგენა. სანამ ეს ამოცანა არაა გადაჭრილი, მანამ ლოგიკურის შემეცნება და, მასთანადამე. მისი გათიშვა ფსიქიკურიდან შეუძლებელია.

არსებობს ფსიქოლოგიზმის სხვადასხვა სახეობა. ისინი თანაბრად საზიანოა მეცნიერებისათვის, თუმცა მათ წინააღმდეგ ბრძოლის საშუალებები სხვადასხვაა. იგივე არ ითქმის ლოგიციზმის შესახებ. ლოგიციზმის შინაარსი არსებითად ყველგან არის ერთი: ეს არის რეალობის, ყოფიერების თავისებურების უგულვებელყოფა, ლოგიკური კანონზომიერების გამოცხადება ერთადერთ კანონზომიერებად. ლოგიკის დამოუკიდებლობა ეგზისტენციალური დასაბუთებიდან არ ნიშნავს ეგზისტენციალურის გათქვეფას ლოგიკურში, რეალობის ლოგიზაციას. არსებობენ ისეთი კანონებიც, რომელნიც მოგვითხრობენ ისეთ ვითარებაზე, რომელსაც ლოგიკა სინათლეს ვერ მოჰყვანს, საზრისიანად ვერ წარმოიდგენს. ეგზისტენციალურს თავისი უფლებები აქვს. მას ლოგიკა ვერ დაისაკუთრებს.

არც ლოგიციზმი და არც ეგზისტენციონალიზმი. აი სწორი მეთოდოლოგიური მიმართულება. ლოგიკურისა და ეგზისტენციონალურის ერთიანობა ნაწარმოები ფაქტი კი არ არის, არამედ პირველადი მდგომარეობაა. ეგზისტენციალობა (არასპეციფიკური მნიშვნელობით) ახასიათებს ე. წ. იდეალურსაც. ამდენად შეგვიძლია ვთქვათ: ყოველგვარი მეცნიერება შეიძლება განიხილოს, როგორც გამოყენებითი ონტოლოგია. ორგვარი კანონზომიერება, ლოგიკური და ონტოლოგიური. მხოლოდ იმას ეჩვენება დუალიზმად, ვინც მათ მორიგებას ხედავს ერთ-ერთის დაყვანაში მეორეზე. ჰეშმარიტი კორელატივიზმი ერთიანობას არ გამორიცხავს. არამედ გულისხმობს თავის საფუძველში.

11. ფსიქოლოგიზმი და ანტიფსიქოლოგიზმი სოციალისტურ განიშნულების თეორიაში

შესავალი

ლოგიკა ფსიქოლოგიზმის დაძლევის ძირითადი საშუალებაა. ლოგიკურის ცნების ადეკვატური გააზრება არის ლოგიკი უმოუკიდებლობის აუცილებელი წინამძღვარი. მეცნიერების დასაბუთებლად პირველი პირობა არის ლოგიკის დასაბუთებულობა სხვა მეცნიერებათაგან დამოუკიდებლად. ყოველი ნაკლი და ხარვეზი ლოგიკის დასაბუთებულობაში აუცილებლად და უკლებლივ ვრცელდება სხვა მეცნიერებაზე. ლოგიკა თვითონ უნდა იყოს ლოგიკურად უნაკლო, რათა მან წარმატებით შეასრულოს მეცნიერებათა სისტემის აგებაში ფუნქციონირების ფუნქცია. რადგან „მეცნიერება გამოყენებითი ლოგიკაა“. ლოგიკის მეცნიერულ სიმტკიცეზე იქნება დამოკიდებული მეცნიერების ბედი. პირველ რიგში. მამასადამე. ლოგიკის თვის ზრუნვა გვმართებს: ის დაცული უნდა იყოს ყოველგვარი პეტერეგენული ელემენტისაგან. ამ გაგებით „წმინდა ლოგიკის“ ცნება ვამართლებულია. ამ ცნების რეალიზაციას ემყარება ლოგიკის დაცვა ფსიქოლოგიზმიდან. „ფსიქოლოგიზმმა“ იმდენად სრულად და დამახასიათებლად გამოხატა ის საფრთხე, რომელიც ლოგიკას წახდენით ემუქრება, რომ ფაქტიურად ამ ტერმინმა იკისრა ისეთი ოდიოზური ცნებების წარმომადგენლობა, როგორცაა ანთროპომორფიზმი, ფიზიოლოგიზმი, ბიოლოგიზმი, ისტორიზმი და სხვა ამგვარია. „ფსიქოლოგიზმი“ ალოგიურობის გამომსახველად გვევლინება და ეს ამ შემთხვევაში მიზანშეწონილად შეიძლება ჩავთვალოთ: ლოგიკის გაყალბება ალოგიურის მასთან „შერევა“-ს უნდა მიეწეროს. ფსიქოლოგიზმის წინააღმდეგ ბრძოლა, ამგვარად, ლოგიკურობის დაცვის ფართო ამოცანად უნდა ვიაზროთ. სადაც საკუთრად ფსიქოლოგიიდან მომდინარე ზიანი მხოლოდ ერთ-ერთ მომენტს წარმოადგენს.

ფსიქოლოგიზმით არის დაავადებული არა მარტო ლოგიკური შინაარსი, არამედ ის (ტექნიკური) იარაღიც, რომელმაც ეს შინაარსი სოციალურ ფაქტად, კულტურის კუთვნილებად უნდა აქციოს. ეს იარაღი არის ენა, რომელმაც ლოგიკურთან ერთად ალოგიურს შეიწოვა და ამ გზით ხელი შეუწყო იმ აღრევას, რომელიც ფსიქოლოგიზმის სახით გამოვლინდა. ეს გარემოება დიდი ხნის წინ იქნა შემჩნეული და სათანადო ღონისძიებაც იქნა დასახული. საერთო სახელი ამ ღონისძიებებსა არის „ენის კრიტიკა“ შექცევების კრიტიკამ სიტყ-

ვის კრიტიკა მოითხოვა და სათანადო გაზოკვლევამ მტკიცედ დაიჭირა ადგილი ლოგიკის შესავალში ან მის პირველ რიგში. ჩვენი საკითხი— სიტყვის მნიშვნელობის რაობისა, ამგვარი გამოკვლევის სფეროს ეკუთვნის, მის ერთ-ერთ მომენტს შეადგენს.

როდესაც სიტყვაზე ვლაპარაკობთ, არ უნდა გავუშვათ მხედველობიდან შემდეგი საყურადღებო გარემოება: სიტყვას უსათუოდ აქვს ერთი ძირითადი დანიშნულება, მაგრამ ყოველთვის არ არის იგი გაცნობიერებული და, რაც მთავარია, პრაქტიკული გამოყენების დროს ხშირია ისეთი შემთხვევა, როცა სიტყვა იხმარება არა თავისი პირდაპირი დანიშნულებისამებრ. არამედ. პირველ რიგში. რომელიმე სხვა ფუნქციისათვის, რომელიც სიტყვის ძირითად ამოცანასთან შედარებით სრულიად უმნიშვნელოა. სიტყვა რომ მაინც ამ შემთხვევაშიაც თავის ძირითად ფუნქციას საეხებით მაინც არ კარგავს, ამის მიზეზი ის კონკრეტული სიტუაციაა, რომელიც სიტყვის გარკვეული შინაარსის გადაცემას უზრუნველყოფს. სიტყვის (ენის) ობიექტური ბუნება იმაშიც გამოვლინდება, რომ ის, როგორც კულტურის ფაქტი, ინდივიდის წინაშე წამოჭრილ მოთხოვნილებას კი არ ემსახურება. არამედ ობიექტური ღირებულების მქონე საქმეს. მართალია, პრაქტიკის ადამიანი ყოველგვარ ღირებულებას უტილიზაციის თვალსაზრისით უყურებს და მას უფლებაც აქვს ამისი. მაგრამ მკვლევარისათვის მოვლენის თავისთავადობაა საძიებელი ამოცანა. როგორც რომელიმე მათემატიკური ფორმულა ან მუსიკალური სიმფონია არ დაფასდება იმის მიხედვით, თუ როგორ არიან ისინი გამოყენებული ამა თუ იმ პირის მიერ, ისე სიტყვაც არ შეიძლება იმისდამიხედვით ვიკლიოთ. თუ რა გამოყენება აქვს მას შემთხვევით რომელიმე ინდივიდის ხელში. სიტყვას, როგორც ყოველგვარ მოვლენას, ემპირიულად მრავალი განზომილება და, მაშასადამე, გამოყენებაც აქვს. მაგრამ მისი არსი ყოველთვის ერთია და საძიებელიც, პირველ რიგში. სწორედ ეს არის. ამ თვალსაზრისითაც უნდა განიხილოს სიტყვის კვლევის ისტორია. ყოველთვის ერთი და იგივე „სიტყვაში“ არ იგულისხმებოდა და ამიტომ კვლევის პროგრესის დაფასება ამ ცნების დაზუსტების ხარისხსაც უნდა უწევდეს ანგარიშს. რადგანაც განვითარებაში მყოფი მოვლენა თავის ბუნებას ყოველთვის აშკარად არ გამოავლენს, საჭიროა იმ მომენტის დადგენა, როცა მოვლენის არსებითი ნიშანი მაქსიმალური (ემპირიულად) სიცხადით გვეძლევა. მაგალითად, ფსიქოლოგი ამა თუ იმ განცდის არსის გასაგებად ამ განცდას იმ მომენტში აკვირდება, როცა მისი განვითარება კულმინაციურ წერტილს აღწევს. სიტყვის შესასწავლად ოპტიმალური პი-

რობა ნ-სი მეცნიერული მიზნებისათვის გამოყენების მომენტშია მოცემული. აქ სუბიექტის პირადი ინტერესები მოხსნილია და სიტყვა პიროვნების გამოვლინების შთაბეჭდილებას კარგავს. შესაძლებელია რომ სიტყვა პრაქტიკულ და სუბიექტურ ამოცანების საფუძველზე აღმოცენებულიყო და ამ ამოცანებს ემსახურებოდეს პირველ რიგში, მაგრამ წარმოშობის მიხედვით ვის აქვს უფლება წარმოშობილი მოვლენის ღირებულება შეაფასოს? მართალია, მოვლენის წარმოშობის ისტორიის და მისი გამომწვევი ფაქტორების ცოდნას აქვს მნიშვნელობა არა მარტო „ფსიქოლოგიურად“, ე. ი. არა მარტო ადამიანის განვითარების გაგებისათვის, არამედ აგრეთვე თვით ძირითადი პრობლემის კვლევის დროსაც. მაგრამ ეს ყველაფერი ემპირიულ-ფსიქოლოგიური საშუალებებია კვლევისათვის და არა ლოგიკური საფუძვლები. კრიტიკისტული თვალსაზრისი აქ უღაო ქეშმარიტებად უნდა მივიჩნიოთ.

სიტყვა მრავალგანზომილებიანია და. მაშასადამე, მისი განხილვა სხვადასხვა თვალსაზრისით უნდა მოხდეს. რასაკვირველია. დასრულებული სისტემის შექმნის თვალსაზრისით აუცილებელია წინასწარი იყოს ცნობილი ყოველი შესაძლებელი საკითხი. რომელიც სიტყვის მიმართ უნდა დადგეს. აუცილებლობა აღნიშნულ საკითხთა ნუსხის წინასწარი ცოდნისა სისტემატური ამოცანიდან გამომდინარეობს: მხოლოდ იმ შემთხვევაში შეიძლება დარწმუნებული ვიყოთ თეორიის (სისტემის) სრულყოფილობაში. როდესაც გვაქვს საფუძველი ვიფიქროთ, რომ მოვლენა ყოველმხრივ არის განხილული და არც ერთი პრობლემა საკვლევი ობიექტის შესახებ არ არის გამორჩენილი მხედველობიდან. რამდენადაც თეორიის სრულყოფისათვის აღნიშნული მოთხოვნილება არ შეიძლება იწვევდეს დავას. იმდენადვე აუცილებელია ამ ამოცანის გადაჭრის შესაძლებლობის საკითხმა პრინციპული ხასიათის უთანხმოებას მისცეს დასაბამი. პრინციპულის-თქო, ვამბობთ, იმიტომ, რომ აქაც თავს იჩენს ის შეურიგებელი უთანხმოება, რომელიც აპრიორულ და აპოსტერიორულ მიმდინარეობებთან არის დაკავშირებული. სამწუხაროდ. ჩვენ არ შეგვიძლია ჩვენი მოსაზრება ამ საკითხზე აქ წარმოვადგინოთ. აღნიშნავთ მხოლოდ. რომ დღემდე ცნობილი შემთხვევითი ხასიათის ცდები ამ საკითხის დადებითად (ე. ი. აპრიორულად) გადაჭრის შესახებ არ მიგვაჩნია დამაკმაყოფილებლად. ჩვენ ძაინც გადავდივართ სიტყვის პრობლემატიკის ერთ-ერთ მომენტზე იმ საბუთით. რომ არა გვაქვს პრეტენზია სიტყვის სრულყოფილი (ყოველმხრივი) თეორია მივაწოდოთ მკითხველს.

სიტყვის პრობლემატიკაში განსაკუთრებით დაუბუშვებელია ონტოლოგიური პრობლემა. რომელიც მხოლოდ ახლობან იყო საერთოდ შემჩნეული. ჩვენი საკითხის (და აგრეთვე სიტყვის სხვა პრობლემების) გადაჭრას ეს გარემოება განსაკუთრებით აძნელებს და უნდა ვიფიქროთ, რომ ონტოლოგიური პრობლემის ასე თუ ისე გადაჭრა თავის გავლენას მოახდენს ჩვენი საკითხის გადაჭრაზედაც.

როგორ უნდა გავიგოთ „სიტყვის მნიშვნელობის პრობლემა“? როგორც საკითხის ფორმიდან ჩანს. საძიებელი აქ არის არა. ასე ვთქვათ. სიტყვა თვითონ (ეს საკითხის ონტოლოგიური დაყენება იქნებოდა), არამედ ის, რაც მის შინაარსს, მის მნიშვნელობას წარმოადგენს. მაშასადამე, აქ თავიდანვე სიტყვა ისეთ განზომილებაშია მოქცეული, რომ თვითონ კი არ გვევლინება ონტიურ არსად. არამედ მხოლოდ დამოკიდებულ მიმართებაში იმყოფება რომელიღაც ონტიურ არსთან. რასაკვირველია, აქ ნაგულისხმევი მიმართება იქნება, რომ მისი ობიექტი. როგორც არ უნდა იყოს მისი სპეციფიკა. მაინც ონტიურ არსად იგულისხმება. გამოსარკვევი ეს სპეციფიკაა მხოლოდ. მაგრამ უაღრესად საყურადღებოა მუდამ მხედველობაში გვექონდეს ის გარემოება. რომ აქ საძიებელი სპეციფიკა ყოველთვის ონტიურ არსის სპეციფიკაა, თუნდ თავისთავად. როცა ის სიტყვის მიმართების საგანს არ შეადგენს. არც იყოს ონტიური არსი (მაგ., იყოს სიმბოლო).

„მნიშვნელობას“ რამდენიმე მნიშვნელობა აქვს¹³. ჩვენ ვეხებით მის იმ მნიშვნელობას, რომელიც სიტყვის „შინაარსს“, მის მიერ „აღნიშნულ“ „ნაგულისხმევ“ ობიექტს (ამ სიტყვის ფართო მნიშვნელობით) ეხება.

„სიტყვის“ მნიშვნელობაც განმარტებას საჭიროებს. აქ იგი ისეთი აზრით იხმარება. რომელიც შეიცავს როგორც წინადადებას. ისე მთლიანად „ენას“, „მეტყველებას“. სიტყვის მნიშვნელობის პრობლემა იგივეა, რაც მეტყველების პრობლემა; რასაც „აღნიშნავს“ სიტყვა. იმასვე აღნიშნავს საერთოდ ენაც. ჩვენ სიტყვაზე ვლაპარაკ-

¹³ შპეტი რუსული ენისათვის რამდენიმე მნიშვნელობას ასახელებს: 1. ტერმინი „მნიშვნელობის“ ამოწმურადაც ეს მნიშვნელობანი მას არ მიეძინა. მის მიერ დასახელებული მნიშვნელობანი „მნიშვნელობისა“ შემდეგია: 1. „важность“ („это для меня имеет значение“, 2. „роль“ (его значение в этом деле второстепенно“), 3. „ценность“ („значение этой работы преувеличено“), 4. „действительность“ в смысле нем. Gultigkeit — „эта бумага потеряла свое значение“), 5. „равнозначность“ („профессиональный билет имеет значение удостоверения личности“), 6. „сила“ („это не имеет юридического значения“) და სხვ. Шпет, Внутренняя форма слова, 1927, გვ. 75.

კობთ, სხვათა შორის, იმიტომაც, რომ მნიშვნელობის სემასიოლოგიური საკითხის გარჩევა სიტყვასთან დაკავშირებით უკვე ტრადიციულ იქცა.

ჩვენი პრობლემა უფრო ნათელი გახდება, როცა სიტყვის სტრუქტურას წინასწარ გავეცნობით ზოგადად მინც.

სენსუალიზმის საფუძველზე მდგომი აზროვნება სიტყვაში მართავ შედგენილობას გულისხმობდა. ხშირ შემთხვევაში აქ ასახელებდნენ ბგერათა კომპლექსს, წარმოდგენას ანუ იდეას და საგანს. რომლის წარმოდგენაც ზოგჯერ თვით სიტყვის მნიშვნელობად ცხადდებოდა. მეოცე საუკუნეში ამ საკითხს საგანგებო ყურადღება მიაქციეს ე. ჰუსერლმა და ჰ. გომპერცმა. ჰუსერლის აზრით, სიტყვის სტრუქტურაში ოთხი მომენტი უნდა გავარჩიოთ: 1. ფიზიკური, 2. ფსიქიკური (Kundgabe), 3. მნიშვნელობა და 4. დასახელება⁴⁴. რამდენადმე ემსგავსება ამას გომპერცის აზრი. გამოთქმაში (Aussage) ის განასხვავებს სამ ძირითად და ორ სეკუნდარულ მომენტს. ძირითადია: ა) გამოთქმის ბგერა (Aussagelaute), გ) გამოთქმის შინაარსი (Aussageinhalt), გ) გამოთქმის საფუძველი (Aussagegrundlage), ხოლო სეკუნდარულში ნაგულისხმევია: დ) თვითონ გამოთქმა (Aussage selbst) და ე) გამოთქმული საქმის ვითარება (ausgesagte Sachverhalt)⁴⁵.

განსხვავება ამ ორ ავტორს შორის ამ საკითხშიდაც საკრძნობია. უთანხმოების შერიგებას ვერ ვიკისრებთ მით უმეტეს. რომ ჩვენი პრობლემისათვის ამას არა აქვს არსებითი მნიშვნელობა. ის, რასაც ჩვენ ვეძებთ სიტყვის სტრუქტურაში, ორივე მკვლევარის მიერ გარკვევით არაის აღნიშნული როგორც მეტყველების ძირითადი მომენტი. მართალია, ჩვენი გამოკვლევის შედეგად მიღებული დასკვნა გომპერცის ტერმინოლოგიის შეცვლას (ამაზე ქვემოთ) მოითხოვს, მაგრამ ეს ამთავად აუცილებლობას არ წარმოადგენს. მნიშვნელოვანია ჩვენთვის ის, რომ გომპერცი გამოთქმის შინაარსს (Aussageinhalt) მკაცრად განასხვავებს როგორც გამოთქმის საფუძვლიდან (Aussagegrundlage), ისე გამოთქმის ბგერისგან (Aussagelaute) და მის პრობლემას განცალკევებულად წარმოგვიდგენს. ამის მიუხედავად, გომპერცის მიერ საკითხის დაყენება არ ემთხვევა ჩვენსას. პირველა სემასიოლოგიური პრობლემა, მისი აზრით, არის შემდეგი: რო-

⁴⁴ E. Husserl, Logische Untersuch., Bd., II, Teil, 1, 1928, გვ. 33.

⁴⁵ H. Gomperz, Weltanschauungslehre, Bd. II, Noologie, გვ. 79

გორ არის მოცემული ცნობიერებაში გამოთქმის შინაარსი. როცა ყველასათვის ცხადი უნდა იყოს, რომ ის არც აღქმით და არც წარმოდგენით არ არის პრეზენტირებული? ჩვენ პირველ რიგში გვიანტერესებს არა სიტყვის (გამოთქმის) შინაარსის პრეზენტაცია ცნობიერებაში, არამედ თვით ამ შინაარსის ონტიური ბუნება. მისი ყოფადობის ფორმა. გომპერცისათვის ჩვენი საკითხი, რასაკვირველია. უცხო არ არის და გულმოდგინედაც არჩევს იგი მას, მაგრამ მისი საკითხის დაყენება ისეთია, რომ ზოგი ძირითადი რამ უკვე გადაჭრილად იგულისხმება სიტყვის შინაარსის ბუნების შესახებ. მართლაც და, საკითხის დაყენება — როგორი ფსიქოლოგიური საშუალებებით არის მოცემული სიტყვის შინაარსი ცნობიერებაში -- გულისხმობს იმას, რომ ცნობიერება და მეტყველების შინაარსი „არსებობენ“ ცალ-ცალკე დროში და უნდა მოხდეს ერთგვარი შუამავლობის აქტი, რომ გამოთქმის შინაარსის „რეალიზაცია“ შესაძლებელი გახდეს. ეს გულისხმობს იმას, რომ გამოთქმის შინაარსი წინასწარ განსაზღვრულად იგულისხმება: ის შეიძლება მხოლოდ ისეთი იყოს, რომელიც ფსიქიკური მოვლენით წარმოდგება ცნობიერების წინაშე. მაგრამ საკითხი შეიძლება იმასაც ეხებოდეს. თუ რამდენად არის აუცილებელი ყველაფერი, რაც კი გამოთქმის შინაარსია, ფსიქიკურად იყოს წარმოდგენილი. საკითხი. — არსებობს თუ არა ცნობიერებასა და გამოთქმის შინაარს შორის უშუალო დამოკიდებულება, გომპერცის მიერ საკითხის დაყენებით იმთავითვე გამოორი-ცხულია. ამიტომ მისი თვალსაზრისი მხოლოდ ფსიქოლოგიურ ამოცანას ემსახურება და ამ მხრივ იგი უნაკლოა. მაგრამ სემასიოლოგიური პრობლემა მაინც კანონიერ პრობლემად (და ღია პრობლემად) დარჩება, თუ აღმოჩნდება, რომ ზოგი გამოთქმის შინაარსი მაინც, საერთოდ. მოკლებულია ფსიქოლოგიურ პრეზენტანტს. ამ უკანასკნელზე საკითხი დგება მხოლოდ იმის შემდეგ, რაც ცნობიერებისათვის საპრეზენტაციო ობიექტი მოცემულია. როგორ შეიძლება პრიმარულის არსებობის და ბუნების საკითხი სეკუნდარულზე იყოს დამოკიდებული? რადგანაც სიტყვის შინაარსის არსებობა ფაქტია, დაუშვებელია საკითხის ისე დაყენება, რომელიც რაიმე მხრით მის ბუნების წინასწარ დადგენას გვავალებს; რადგანაც შემეცნების ამოცანა დგას ჩვენს წინაშე, შეუძლებელია ყოველგვარი შემეცნების პირობას — სიტყვის მნიშვნელობას — თავს მოვახვიოთ გარეშე ინსტანციის (ამ შემთხვევაში — ფსიქიკურის) რომელიმე მოთხოვნა შემეცნების სამსახურის მოტივით. სიტყვის სტრუქტურის ანალიზი არ გამოორი-ცხავს არც ერთი კანონიერი საკითხის დაყენებას, მაგრამ თუ რას მი-

ვაქციოთ ამა თუ იმ შემთხვევაში ყურადღება, ეს სავსებით ჩვენი ამოცანიდან გამომდინარეობს. სიტყვის სტრუქტურა აქ მხოლოდ ორიენტაციის საშუალებას გვაძლევს.

ჩვენი საკითხის დაყენება სიტყვის მიმართებაში აღებას მოასწავებს. წინასწარ უნდა ვიცოდეთ, რის მიმართებაზეა აქ ლაპარაკი რასთან, რა არის ნაგულისხმევი სიტყვაში. გამოთქმაში და როგორ არის წინასწარ ნაგულისხმევი „მისი შინაარსის“ მნიშვნელობა?

„სიტყვაში“, როდესაც იგი „მისი შინაარსის“ მიმართ დაპირისპირებაშია აღებული, შეიძლება იგულისხმებოდეს ე. წ. ბგერათა კომპლექსი და საძრებელი იყოს ის, რაც ამ კომპლექსით „აღინიშნება“. საქმის ვითარებას ვერ შეცვლის იმის თქმა, რომ სიტყვა მხოლოდ მაშინ არის სიტყვა, როცა მას შინაარსიც აქვს და. მაშასადამე, ცარიელ ბგერათა კომპლექსის მიმართება რომელიმე მოვლენისადმი არ არის სიტყვის მიმართების პრობლემა. რა თქმა უნდა, ბგერათა კომპლექსი მხოლოდ მნიშვნელობის აქტის წყალობით იქცევა სიტყვად, მაგრამ არც თვით მნიშვნელობას და არც მნიშვნელობის აქტს (Bedeutung) სიტყვას არავინ ეძახის. არც შეიძლება მნიშვნელობის აქტს (მით უმეტეს თვით მნიშვნელობას) ეწოდოს სიტყვა, რადგან პირველი არსებითად სუბიექტურია და შეიძლება. თავისთავად აღებული, პიროვნების თვითნებითობას არ აღუდგეს წინ, ხოლო მეორე თავისი არსით ობიექტურია და ამდენად პიროვნებისათვის ობიექტური მოთხოვნების სუბიექტი. რასაკვირველია. „ბუნებრივად“ ჩვენ ბგერათა კომპლექსთან სიტყვის შემთხვევაში გარკვეული შინაარსიც გვეძლევს, მაგრამ რადგან ეს ორი მომენტი მაინც არის, საკითხი დგება მათ მიმართების შესახებ. აქ შეიძლება აბსტრაქციაზე ვილაპარაკოთ, თუმცა ისიც უნდა აღინიშნოს, რომ აბსტრაქცია აქ ბუნებრივად მოცემული მთლიანის ანალიზს არ ისახავს მიზნად, არამედ „ხელოვნურად“ შექმნილ მთლიანობას ულის და შემადგენელ მომენტებს ცალკე წარმოგვიდგენს. მით უმეტეს კანონიერია მართო ბგერათა კომპლექსზე ვილაპარაკოთ და მისი მიმართების ობიექტის სპეციფიკა ვეძებოთ.

არ არის ზედმეტი იმის აღნიშვნა, რომ „სიტყვაში“ (მისი შინაარსიდან აბსტრაქციის შემდეგ) ყველა ერთსა და იმავეს არ გულისხმობს. ზოგი მკვლევარი წმინდა არტიკულაციის ფაქტს მუხებში ეძებს (ვ. ჰუმბოლტი). რაც იმას უნდა ნიშნავდეს, რომ სიტყვის მატერიალური მხარის შედგენილობა მართო ობიექტური და აქუსტიკური გრძნობადი მონაცემებით არ შემოიფარგლება. ჩვენ ამას დავუმატებთ წარმოდგენის სახით არსებულ დანაწევრებულ ბგერასაც და, ამგვარად,

სიტყვის ცნებას კიდევ უფრო ვაფართოებთ. შინაგანი მეტყველება სიტყვას შეიცავს არა მარტო იმიტომ, რომ აქ მოტორული პროცესების მეტ-ნაკლებ გამოვლინებასთან გვაქვს საქმე, არამედ უმთავრესად იმიტომ, რომ აქ წარმოდგენილია სიტყვის გრძნობადი მხარე⁴⁶.

როდესაც სიტყვის (ბგერათა კომპლექსის) შინაარსზეა ლაპარაკი, ერთი გაუგებრობაა მოსალოდნელი. შეიძლება იფიქროს ვინმემ, რომ ბგერათა კომპლექსი წარმოადგენს ერთგვარ ცარიელ ფორმას. რომლის შინაარსიც, ცალკე აღებული, უფორმო მასალას წარმოადგენს. არა, ბგერათა კომპლექსი თავისთავად შინაარსს არ არის მოკლებული არც მაშინ, როცა მას ვუყურობთ არა როგორც ფიზიკურ მოვლენას, არამედ როგორც ნოეტური შინაარსიდან განცალკევებულ გრძნობად მოცემულობას. ბგერათა კომპლექსს, მაშასადამე, გარდა იმ შინაარსისა, რომლის ბუნების გარკვევასაც ჩვენ ვცდილობთ. კიდევ ჰქონია ორი სხვა შინაარსი (ფიზიკური და ფსიქიკური). განსხვავებით იმ შინაარსიდან, რომელიც ბგერათა კომპლექსს აქვს მის (გარეთ) მიმართების განზომილებაში. ამ შინაარსებს შეიძლება იმანენტური შინაარსი ვეწოდოთ, ხოლო პირველი სახის შინაარსს — პირობით ტრანსცენდენტური, ეს უკანასკნელი თავისთავად აღებული, არ არის ფორმას მოკლებული და არც არის ბგერითი ფორმა მისთვის საარსებო აუცილებლობა. თუ სიტყვას (ბგერათა კომპლექსს) ტრანსბგერითი შინაარსისაყენ აქვს ინტენცია და ამის გარეშე მისი გაგება შეუძლებელია, თვით ამ შინაარსს არავითარი მიმართულება არა აქვს ბგერათა კომპლექსისადმი, ის სავსებით ინდიფერენტულია სიტყვიერი გაფორმების მიმართ⁴⁷. რამდენადაც ეს ვითარება ჩვენ მოვლენათა არსობრივი ანალიზიდან გამოგვეყავს, ჩვენთვის მოხსნილია საერთოდ საკითხი ორ ინდიფერენტულად განწყობილ მოვლენათა შორის არსებული კავშირის შესახებ: ტრანსცენდენტური შინაარსის ინდიფერენტულობა ბგერათა კომპლექსის მიმართ გადაულახავ პრობლემას მხოლოდ იმისათვის შეიძლება წარმოადგენდეს. ვინც ბგერათა კომპლექსში შემეცნების ძი-

⁴⁶ აქ შექანიკური კავშირის დაშვება არ არის აუცილებელი: ა) ჩვეულებრივ ინდივიდს ეს კავშირი ეძლევა, ბ) და განიცდება ისე, თითქოს იგი მართლა ბუნებრივი მთლიანი იყოს. შეად. Husserl-ის დასახელებული შრომა, გვ. 40.

⁴⁷ ჩვენთვის არ არის უცნობი ისეთი შეხედულება, რომელიც სრულიად განსხვავებულად წარმოადგენს სიტყვის (ბგერათა კომპლექსის) როლს მის ტრანსცენდენტური შინაარსის (ჩვენი ტერმინოლოგიით) მიმართ და ამ შინაარსის დაყოფილებულებას სიტყვასთან, მაგრამ აქ ამ შეხედულებას ვერ გავარჩევთ. მკითხველი თვითონ მიხვდება იმას, თუ რა მოსაზრება მოგვეპოება აღნიშნული თვალსაზრისის წინააღმდეგ.

რითად პირობას ხედავს. კავშირი ტრანსცენდენტურ შინაარსსა და ბგერათა კომპლექსს შორის პირობითია (იძიო და არა phisic); ამ კავშირის შესაძლებლობა ტრანსცენდენტური შინაარსის ცნობიერებაში მოცემულობას ემყარება.

ფიზიცი სტური თეორია

სიტყვის მნიშვნელობა სიტყვის გარემდებარეა. მნიშვნელობის პრობლემა სიტყვაში მხოლოდ ამ წინამძღვარის საფუძველზე შეიძლება წამოიჭრას. სადაო შეიძლება იყოს არა აღნიშნული გარემდებარეობა მნიშვნელობისა სიტყვის მიმართ, არამედ მისი ბუნების ასეთი თუ ისეთი გაგება.

ყველაზე ადრე შეიძლება დაიბადოს აზრი, რომ სიტყვის მნიშვნელობა არის საგანი, ნივთი. სიტყვა არის რომელიმე რეალურად არსებული საგნის (ბუნებრივის თუ ხელოვნურის, სულ ერთია) სახელი; მის აღსანიშნავად ხმარებული თვალსაჩინო, გრძნობადი ნიშანი. აქ „საგანში“, პირველ რიგში, ფიზიკური მოვლენა იგულისხმება. აზროვნება შინაგანის, ფსიქიკურის აღნიშვნის საკითხით ჯერ კიდევ არ არის დაინტერესებული. როგორც ფილოსოფიური აზროვნება პირველ რიგში ყურადღებას გარე სინამდვილეს აქცევს, ისე სიტყვის თეორიაც პირველ რიგში ნივთის ასპექტში ვითარდება. რელიგიური გადმოცემის მიხედვით, ადამს დავალებული ჰქონდა ედემში არსებული საგნებისათვის სახელები დაერქმია. ამით თითქოს საფუძველი ჩაეყარა პირველად ენას.

გომპერცი, რომელიც ასეთ შეხედულებას უკიდურეს ნომინალიზმს უწოდებს, შემდგენაირად წარმოიდგენს მას: „გამოთქმას აქვს მხოლოდ 2 არსებითი ელემენტი: გამოთქმითი ბგერა (Aussage-laute) და გამოთქმის საფუძველი (Aussagegrundlage) და ამიტომ აგრეთვე მხოლოდ ერთი არსებითი რელაცია, აღნიშვნის რელაცია (Bezeichnung)“. ყოველ ცნებაში უნდა გავარჩიოთ მხოლოდ ორი რამ: სახელი და საგანი. ერთი სახელი აღნიშნავს ბგერ საგანს; ერთი და იგივე საგანი აღნიშნულია მრავალი სახელით. პირველ შემთხვევას ვგულისხმობთ, როცა ცნებას ზოგადს ვეძახით. რადგან მხოლოდ სახელი არის ზოგადი; მეორეს ვგულისხმობთ მაშინ, როცა საგნის სხვადასხვა გაგებას ვაწარმოებთ, რადგან განსხვავებული მხოლოდ სახელებია“⁴⁸.

⁴⁸ H. G o m p e r z, Weltanschauungslehre, Bd. II, Noologie 1 Hälfte, 1909, 83. 190—191.

ფილოსოფიის ისტორიაში ჩვენ ვხვდებით ასეთ შეხედულებებს, რომელნიც სავსებით ამართლებენ გომპერცის მიერ მოცემულ დახასიათებას. ეპიკურის აზრით, არსებობს მხოლოდ ბვერა (Stimmlaut) და „ის, რაზედაც არის ლაპარაკი“—სწორი და არა-სწორი ბგერების პრედიკატები. Upavarsna-ს მიხედვით. გვიამბობენ, „მხოლოდ ასოები არიან სიტყვა“, „სიტყვის საზრისის (Sinn) შემეცნება ენება ასოებს“. სიტყვა „ძროხა“-ს საზრისი შემეცნებელია, თუ მასში შემავალი ასოები ვიცით. როსცელინის აზრით. ის რასაც სახელი აღნიშნავს. არის საგანი; ერთი სახელი ერთ საგანს აღნიშნავს. მხოლოდ ეს მიმართება საგნისადმი აძლევს სახელს საზრისს. სიტყვებს, რომელნიც აღნიშნავენ ერთსა და იმავე საგნებს, აქვთ ერთი და იგივე საზრისი. გამოთქმები: „ცხენი“ და „ცხენის ფერი“, „სიბრძნე“ და „სული“—ერთსა და იმავე საზრისს შეიცავენ. „რანი არიან სახელები? სახელწოდებანი საგნებისა, თუ ჩვენი იდეებისა საგანთა შესახებ? რომელი ამ შეხედულებათაგანი არის უფრო სწორი?“—კითხულობს ჯ. ს. მილი და უპასუხებს: „პირველი არის ჩვეულებრივი შეხედულება; უკანასკნელი ეკუთვნის ზოგიერთ მეტაფიზიკოსებს, რომელნიც ფიქრობენ, რომ ამ შეხედულების შემოღებით მნიშვნელოვან დისტინქციას ახდენენ“. „...არსებობს საკმაო საფუძველი მივსდიოთ ჩვეულებრივ შეხედულებას და ჩავთვალოთ სიტყვა მზე მზის სახელწოდებად და არა ჩვენი იდეისა მზის შესახებ“. „ამგვარად, სიტყვა უნდა მივიჩნიოთ იმის სახელწოდებად, რაც სიტყვაში უნდა გვესმოდეს, როცა ჩვენ მას ვხმარობთ, იმის სახელად, რაც ჩვენ გვაქვს მხედველობაში, როდესაც რამეზე ვლაპარაკობთ, ერთი სიტყვით, იმის სახელად. რომლის შესახებაც ჩვენ გვსურს ცნობის შეტყობინება, როცა ჩვენ ვსარგებლობთ ამა თუ იმ გამოსახულებით“⁴⁹.

ჯერ კიდევ აბელარმა (Abaelard) გაილაშქრა როსცელინის წინააღმდეგ და გარკვევით აღნიშნა, რომ ერთსა და იმავე საგანზე შეიძლება სხვადასხვა გამოთქმა არსებობდეს. სოკრატეს შესახებ შეიძლება ითქვას, რომ ის არის სოკრატე, ადამიანი, სხეული და სუბსტანცია. თუმცა ეს განსხვავებული სახელები შეესატყვისებიან ერთსა და იმავე მოვლენას, საზრისი, რომელაც ამ სახელებში იგუ-

⁴⁹ Логика, გვ. 15—16.

ლისსმება, მაინც არ არის ერთი და იგივე⁵⁰. როგორც არ ემთხვევა საზრისი ნივთს (Sache), ისე არ ემთხვევა იგი არც სახელს. სახელი არის მხოლოდ უბრალო ბგერათა კომპლექსი (Stimmklang), რომელიც ყოველთვის ინდივიდუალურია და არავითარ შემთხვევაში ზოგადი. გარდა ამისა, არა აქვს არავითარი აზრი რომელიმე საგანზე ბგერათა კომპლექსის გამოთქმას. ეს იქნებოდა მოვლენის (Sache) გამოთქმა მოვლენაზე, რაც აბსურდია. ზოგადია არა ბგერათა კომპლექსი (Stimmklang), არამედ მასთან დაკავშირებული საზრისი, resp. ამ საზრისით განსულიერებული ბგერათა კომპლექსი, მეტყველება (Sermio). გარდა ამისა, საზრისი არის რაღაც მთლიანი. ხოლო ბგერათა კომპლექსი მრავალი ნაწილისაგან შედგება. აქედან ასკვნის ავტორი, რომ გამოთქმა შეიცავს სამ მომენტს: მეტყველების ფორმას, საზრისს და საგანს.

ჟ. ს. მილი ეწინააღმდეგება ჰობსის შეხედულებას. რომლის თანახმად სახელი აღნიშნავს არა საგანს, არამედ იდეას. მილის მიზანია სახელის, მეტყველების ობიექტურობა დაიცვას და ამ მიზნით ობიექტი, საგანი გამოაცხადოს სახელდების საფუძვლად. როცა ჩვენ ვამბობთ: „მზე არის დღის მიზეზი“, არ ვფიქრობთ, რომ ჩვენი იდეა მზისა იყოს თითქოს დღის მიზეზი. არამედ თვით რეალური მზე. მზე—საგანი მიგვაჩნია დღის გამოძწვევ მიზეზად. ამგვარად, გამოთქმა ორწევროვან მოვლენად არის ნაგულისხმევი. სიტყვას, სახელს (მათ შორის განსხვავებას არ ექცევა ყურადღება) საკუთარი შინაარსი არა აქვს. იგი უბრალო ნიშანია საგნისა და საგანზე მითითებით ამოიწურება მისი ფუნქცია. თუ რაოდენ მართებულია სიტყვის, სახელისა და ნიშნის გაიგივება. ეს ზემონათქვამიდან ცხადია. ამ ცნებათა განსხვავების გარეშე, შეუძლებელია სიტყვის მნიშვნელობის პრობლემის გადაჭრაზე ლაპარაკი.

საინტერესოა, რომ მილი სრულიად გვერდს უვლის ძირითად სიძნელეს, როცა ამბობს, რომ სახელი იმას ქვია. რაც იგულისხმება მისი ხმარების დროს. ჯერ ერთი, სიტყვა რამდენიმე ფუნქციას ასრულებს ერთსა და იმავე დროს (ის შეიძლება გვაძლევდეს მნიშვნელობას და მიუთითებდეს საგანზე და სხვ.) და საჭიროა ზუსტად გაირკვეს ის, თუ რომელ ფუნქციაზეა ლაპარაკი; გარდა ამისა, განაცხადი არ არის, რომ საკითხი სწორედ იმის განსაზღვრაა. თუ რა არის ის, რაც იგულისხმება? რომ სიტყვა იმას ქვია, რაც იგულისხმება მისი ხმარების დროს, სწორია, მაგრამ ეს ხომ ტავტოლოგიაა?!.. როცა ვამბობთ: „მზე იწვევს დღეს“. შეიძლება ჩვენი გამოთქმის მი-

⁵⁰ გომპერტის ზემოდასახელებული შრომა. გვ. 82—83.

ზანი იყოს გავაგებინოთ სხვას ჩვენი აზრი, რომ „მზე იწვევს დღეს“ და ამ კამოთქმას ნაგულისხმევიც სწორედ ეს ჰქონდეს. რამდნადაც კამოთქმა არის სუბიექტის გამომქლავება (Äusserung), ის სწორედ იმის „გამოჩენა“ უნდა იყოს. რაც არ ჩანს (იხ. ზემოთქმული); მზეს კი არ ჰქირდება „გამოჩენა“, არამედ აზრს მზის შესახებ: მეტყველება, როგორც სუბიექტის გამოვლინება (Äusserung), მხოლოდ ისეთ მოვლენის მიმართ გამოიყენება, რომელიც თავისთავად უხილავია.

სიტყვა რომ ფიზიკურ მხარეს უნდა შეიცავდეს, ამის აუცილებლობა მის კომუნიკაციურ ფუნქციიდანაც გამომდინარეობს: იმისათვის, რომ ერთი სუბიექტიდან რამე გადაეცეს მეორეს, მისი ფიზიკური გადამტანია აუცილებელი, მაგრამ ამავე დებულებიდან გამომდინარეობს დასკვნა, რომ სიტყვის შინაარსი არ შეიძლება იყოს ფიზიკური ფაქტი: რად დასჭირდებოდა ფიზიკურს ისეთი მოძენტის დართვა. რომლითაც ის „ხილული“ გახდება, როცა ის უამისოდაც ხილულია?! სიმბოლური გამოხატულება და, საერთოდ, გამოსახვა მხოლოდ იმას ჰქირდება, რაც თავის საკუთარ ობიექტურ „სახეს“ მოკლებულია. ფიზიკური შეიძლება გამოდგეს სიტყვისათვის საშუალებად. რომლითაც აღინიშნება „უხილავი“ და „უსახო“ სინამდვილე. მაგრამ თვით ამ უსახო სინამდვილეს, ე. ო. სიტყვის მნიშვნელობას, არასოდეს იგი არ ჰქმნის.

მაგრამ მთავარი ეს მაინც არ არის. როდესაც ისეთ საგანზე ვლაპარაკობთ, როგორიც არის მზე, მხედველობაში უნდა ვიქონიოთ რს გარემოება, რომ, რადგან მზე არის (ჩვეულებრივი წარმოდგენისათვის) ერთი, შეიძლება ადვილად მოხდეს სახელისა და სიტყვის აღრევა ერთმანეთში. რა თქმა უნდა „მზე“ ამ სპეციფიკური გარემოების გამო შეიძლება სახელიც იყოს და სიტყვაც. სწორედ ამიტომ ვგმართებს „მზე“ ავიღოთ იმ გაგებით, როგორც ეს მეცნიერულ ტერმინოლოგიაშია მოცემული და მაშინ დავრწმუნდებით, რომ სიტყვა „მზე“ სრულიად არ გულისხმობს იმას, რასაც იმაში გულისხმობს გულუბრყვილო მეტყველება და არც ის, რასაც იმაში მილი ვაჩაუდობს.

გულუბრყვილო და ჩვეულებრივი წარმოდგენით მზე არის რეალურ-ემპირიული მოვლენა, რომელიც გარკვეულ დროს გაჩნდა და გარკვეული სტრუქტურის სახით ჩამოყალიბდა გარკვეულ დროსა და სივრცეში. მილის აზრით, მზე, რომელსაც სახელად ჰქვია „მზე“ — დაიყვანება შეგრძნებებზე. ავტორი ებრძვის მხოლოდ „მზის“ — „საგანს“ წარმოდგენებზე დაყვანას. მეცნიერებისათვის მზე

არის მატერიალური მასა, რომელსაც ესა და ეს ტემპერატურა აქვს და სხვ. — ეს არის გარკვეული მნიშვნელობა, რომელიც, რასაკვირველია, ემპირიულ რეალობას, დრო და სივრცით განსაზღვრულს. არ წარმოადგენს. ის არც არასოდეს გაჩენილა და არც რაიმე განვითარების და სტრუქტურისზაციის საფეხურები გაუვლია მას.

ამგვარად, მზე შეიძლება სხვადასხვა სახით წარმოვიდგინოთ და საკითხიც ის არის, რომელი მათგანი უნდა ჩავთვალოთ სიტყვა „მზის“ შინაარსად, მის მნიშვნელობად.

უნდა გვანსოვდეს, რომ სიტყვის მთელი თავისებურება. ყველა. ფერი ის, რითაც იგი ასრულებს თავის ფუნქციებს და არსებითად განსხვავდება ფიზიკური საგნიდან, რის გამოც სიტყვის კვლევა გონითმეცნიერებას ეკუთვნის, გამომდინარეობს იმ ობიექტიდან. რომელიც მის მნიშვნელობას ქმნის. ბგერათა კომპლექსი, თავისთავად აღებული, მხოლოდ „ფიზიკური“⁵¹ მოვლენაა და არავითარი უპირატესობა სხვა „ფიზიკურ“ მოვლენების წინაშე მას არა აქვს.

მაგრამ რა უპირატესობა და თავისებურება ანასიათებს სიტყვას ფიზიკურ მოვლენასთან შედარებით? რით განსხვავდება „ბგერათა კომპლექსი“ სიტყვისაგან?

ბგერათა კომპლექსი თავისთავად გარკვეული ფიზიკური პროცესია, რომელსაც დასაწყისი და დასასრული აქვს დროში. არასოდეს ერთი და იგივე კომპლექსი დროს ერთ განაკვეთს არ შორდება. მისთვის სრულიად უცხოა ხანგრძობა (Dauer). არ შეიძლება გამეორდეს და თავის ინდივიდუალურ-კონკრეტულ სახეს გასცდეს.

სიტყვა არ არის ფიზიკური პროცესი, არამედ კულტურის ფაქტი; ის შეიძლება მრავალჯერ გამეორდეს და მაინც იგივედ დარჩეს. „აღამიანი“; როგორც ბგერათა კომპლექსი, მილიონჯერ და მილიარდჯერ მოხდა; თითოეული მათგანი აბსოლუტურად სხვადასხვა პროცესი: — ყო ბუნების პროცესის თვალაზრისით. სიტყვა „აღამიანი“, რომელსაც ახლა ჩვენ ვხმარობთ, იგივეა, რაც იქნა ნახმარი ათასეული წლის წინ. სიტყვა პრინციპულად „უკვდავია“, რადგან არ წარმოადგენს დროში მიმდინარე პროცესს: ის, რაც მეორდება და იგივედ რჩება, მარადიულია ამ სიტყვის ლოგიკური (და არა ონტოლოგიური) მნიშვნელობით. სიტყვა შეიძლება დაიკარგოს და მოინახოს. ბგერათა კომპლექსზე ეს არ ითქმის, ის ხ დ ე ბ ა (ПРОИСХОДИТ) და არ არის (НЕ ЕСТЬ).

თავისთავად ცხადია, რომ ჩვენ მაგალითში ფიზიკური მოვლენა ვერ შექმნის ბგერათა კომპლექსში იმას, რაც სიტყვისათვის არის

⁵¹ ამ ცნების დაზუსტება ქვემოთ გვაქვს მოცემული.

დამახასიათებელი. საიდან უნდა გაჩნდეს ეგოდენ განსხვავებულ ნიშნები, როგორცაა სიტყვისა და ფიზიკური მოვლენის ნიშნები. როდესაც საქმე გვაქვს მხოლოდ ერთი ფიზიკური მოვლენის (ბგერათა კომპლექსის) მეორის (მზე) დაკავშირებასთან? სიტყვის შინაარსი რომ ფიზიკური მოვლენა იყოს, სიტყვას ის ბედი უნდა ეწიოს, რაც ფიზიკურ მოვლენას, უკანასკნელის მოსპობა, როგორც ფიზიკური სხეულისა, პირველის მოსპობასაც უნდა ნიშნავდეს. მზის (ფიზიკური სხეულის) არც მოსპობა და არც გამრავლება აბსოლუტურად არაფერს ცვლის სიტყვა „მზეში“. სიტყვას აქვს საზრისი (ამ დებულებას ყველა აღიარებს). ფიზიკურის დაკავშირება ფიზიკურთან ვერ შექმნის საზრისს. რადგან ფიზიკურისთვის საზრისი უცხო ცნებაა.

გ. ს. მილი ემპირიულ საგანში შეგარძნებათა კომპლექსს გულისხმობს. ამდენად შეიძლებოდა გვეთქვა, რომ ჩვეულებრივი გაგება საგნისა მილისას ეწინააღმდეგება. რამდენადაც შეგარძნება ფსიქიკურია. მილის თეორიაც ფსიქოლოგისტურად უნდა გამოგვეცხადებია. მაგრამ მილი სიტყვიერად მაინც ებრძვის ასეთ თეორიას და „ფიზიკალური“ თეორიის დამცველის შთაბეჭდილებას ტოვებს. ხოლო მისი განცხადება. რომ სიტყვა იმას ქვია, რასაც გულისხმობენ მისი გამოყენების დროს, იმას უნდა ნიშნავდეს, რომ მას აქ ის შინაარსი აქვს ნაგულისხმევი. რომელსაც „საქმის ვითარებით“ (Sachverhalt) აღნიშნავენ. ამას გვაფიქრებინებს ისიც, რომ მილი არ უარყოფს, რომ სიტყვა იდეასაც აღნიშნავს⁵². რას უნდა გულისხმობდეს მისი მსჯელობა იდეების შესახებ. თუ არა ამ იდეებს?! მაშ, რას ებრძვის მილი? აშკარა შინაგანი წინააღმდეგობისგან მილის შეხედულების თავის დაღწევა, ჩვენი აზრით, შესაძლებელია მხოლოდ შემდეგნაირად: როდესაც ჩვენ სიტყვას ვხმარობთ, შესაძლებელია მრავალმა ფსიქოლოგიურმა პროცესმა იჩინოს თავი. საჭიროა მკაცრად გავთიშოთ ერთიმეორისაგან ის, რაზედაც არის ლაპარაკი, იმისგან. რაც შემთხვევით დანართს წარმოადგენს და სუბიექტის ფსიქოლოგიურ მდგომარეობას გამოხატავს. საკითხს ქრის არა ის, თუ რას ეხება სიტყვა. არამედ ის, თუ რას ამბობს სიტყვა, რას გულისხმობს იგი. საქმე იმაში კი არ არის, სიტყვა ფიზიკურზეა ნათქვამი. თუ ფსიქიკურზე, არამედ იმაში, თუ რა არის გადაქცეული სიტყვის ინტენციის ობიექტად. იდეა (წარმოდგენა), რომელიც მე მიჩნდება მაშინ, როცა

⁵² „სახელებით ანუ სახელწოდებებით მე აღნიშნავ ყოველთვის თვით საგანთა სახელებს და არა მხოლოდ ჩვენს იდეებს საგნების შესახებ“. დასახ. შრომა, გვ. 16.

მე მზის შესახებ ვლადიმერს. სულ სხვა განზომილებაშია მოცემული, ვიდრე „იგივე“ იდეა. როცა სიტყვა მასზეა ინტენდირებული. საყენარისია იდეა (წარმოდგენა) გავხადოთ სიტყვის შინაარსად, რომ მან სულ ახალი ნიშნები შეიძინოს და უკუაგდოს ყველა სასის მოსაზრება, რომელიც იდეას შესრულებასა და მის სიტყვისათვის გამოუსადეგობას ეხება. აქ არავითარი უპირატესობა ფიზიკურს ფსიქიკურის წინაშე არ აქვს. თავისთავად, მარტო იმიტომ რომ ესა თუ ის ფაქტი ფიზიკური ან ფსიქიკურია, ის სიტყვის შინაარსად არ გამოდგება. მაგრამ ფაქტობრივად მაინც რომ ხერხდება ორივეს „აღნიშვნა“, ამის საფუძველი ორივეს ერთი უნდა ჰქონდეთ და საქმეებელიც სწორედ ეს არის. მილი ამ პრობლემას აღნიშნულ ადგილზე ვერ ხედავს, მაგრამ მის გენიას მაინც არ ღარჩა შეუძენველი ის. რითაც უნდა გადაწყდეს ეს პრობლემა. სპენსერის წინააღმდეგ მილი წერს: „სპენსერი ფიქრობს, რომ „ერთი და იგივე“ არ შეიძლება ეწოდოს იმ ნიშნებს. რომელთა წყალობითაც სოკრატე და ალკივიადე არიან ადამიანები. ეს იმიტომ, რომ სოკრატე და ალკივიადე არ არიან ერთი და იგივე ადამიანი. ის ამტკიცებს, რომ ნიშანი—ადამიანობა ცალკეულია ცალკეულ ადამიანში...“ ყოველ ზოგად ცნებას, რომ ვთვლიდეთ არა „ერთიანობად სიმრავლეში“, არამედ იმდენ განსხვავებულ ცნებად, რამდენიცაა ცალკეული საგნები, მაშინ ზოგადი ტერმინები სულაც არ განხდებოდნენ“⁵³.

იგივე სხვადასხვა მოვლენაში, ყველგან ყოფნის მიუხედავად მაინც ერთია, აი ის, რაც ცნებისათვის არის აუცილებელი, მილის აზრით; ჩვენ ვიტყვი: სიტყვის არსი ამავე ფაქტს ემყარება; მხოლოდ იგივეს, უცვლელს შეუძლია ბგერათა კომპლექსს მიანიჭოს სიტყვის თვისება, ფიზიკური „აქციოს“ კულტურულ ღირებულებად. ცნობილია, რომ ჯ. ს. მილმა აღნიშნული მომენტი თავის ლოგიკურ გამოკვლევებში ვერ გამოიყენა⁵⁴ და იმიტომ მის წინააღმდეგ მიმართული ჰუსერლის მკაცრი კრიტიკა მან სავსებით დაიმსახურა. მიუხედავად იმისა, რომ მილი რეალობაზე, საგანზე აპელაციით ანტიფსიქოლოგისტის შთაბეჭდილებას ახდენს, იგი მაინც ფსიქოლოგისტად რჩება⁵⁵.

⁵³ Дж. С. Милль, Система логики, Москва, 1900, гл. 141—142.

⁵⁴ ჩვენ მიერ ციტირებული ადგილის შესახებ ჰუსერლი ამბობს, რომ მილი სპენსერის მიმართ მართალი იყო, მაგრამ მისი კრიტიკა თითონ მილსაც ეხება.

«Der Einwand ist wichtig, trifft aber nicht weniger die eigene Lehre Mills, Logisch. Unters. Bd. 11, Teil 1, 1928, გვ. 117.

⁵⁵ იხ. Husserl, Logisch. Unters. Bd. 1.

როდესაც ვ. ჰუმბოლტი ენის წარმოშობის საერთო-ადამიანურ მოტივზე ფიქრობდა, მას ცნობიერებაში სიმღერის წარმოშობის ფაქტი წარმოუდგა. როგორც სიმღერა, ისე მეტყველებაც ადამიანის ბუნების სიღრმეში იღებსო თავის დასაბამს. ბუნებრივია, რომ პირველ რიგში (ქრონოლოგიურად) სიტყვაში სუბიექტურ-ინდივიდუალური ამოცანის გადაჭრა შეიძლება იგულისხმებოდეს. გასაგებია, რომ თეორია, რომელიც ამ მომენტში ხედავს სიტყვის არსებით ფუნქციას. მის მნიშვნელობასაც ფსიქიკურ პროცესებში ეძებს. იმისათვის, რომ ადამიანი ალაპარაკდეს, მას რაღაც განცდა უნდა ჰქონდეს, რაღაც უნდა „აწუხებდეს“, რომლის სხვისთვის გაზიარებასაც პიროვნების სასიცოცხლო ინტერესები მოითხოვს. სიტყვის (ენის) შინაარსი, მაშასადამე, არის ის განცდა, რომელიც აქვს მოქმედს; მეტყველების ამოცანაა გამგონეს ალუძრას იმის მსგავსი განცდა, რაც აქვს მოქმედს და ამ გზით სათანადო კავშირი და ურთიერთგაგება დაამყაროს ადამიანთა შორის.

ამგვარად, ეყრება საფუძველი იმ თეორიებს. რომელთაც, თუ ჩვენი შემდგომი მსჯელობა მივიღეთ მხედველობაში, ფსიქოლოგისტური უნდა ეწოდოს. საერთო ამ თეორიებისათვის ის არის, რომ მათ მიხედვით სიტყვის შინაარსი, მისი მნიშვნელობა. არსებობს სუბიექტურში, როგორც მისი ფსიქიკური მდგომარეობა. განსხვავება ამ თეორიათა შორის ემყარება განსხვავებული განცდის დასახელებას სიტყვის შინაარსად. განცდა ყველგან რჩება.

ფსიქოლოგისტურ თეორიათა შორის, რომელნიც ფსიქიკურს აცხადებენ სიტყვის შინაარსად, მის მნიშვნელობად, ცნობილია ოთხი ძირითადი მიმდინარეობა: ნომინალისტური, კონცეპტუალისტური, ვოლუნტარული და პატემპირისტული. პირველი ინდივიდუალურ წარმოდგენას ასახელებს სიტყვის შინაარსად, მეორე—ზოგად წარმოდგენას, მესამე — მისწრაფების განცდას, ხოლო მეოთხე — გრძობათა სპეციფიკურ სახეს. სახელწოდებანი — ნომინალიზმი, კონცეპტუალიზმი, მართალია, ცნების და არა სიტყვის თეორიადაა ცნობილი, მაგრამ ამან გაუგებრობა არ უნდა გამოიწვიოს. ისტორიულად სიტყვის მნიშვნელობის პრობლემა ცნების საკითხთან ერთად ირჩეოდა და არსებითადაც არის ამ ორ საკითხს შორის მჭიდრო კავშირი.

რამდენადაც ნომინალიზმისათვის დამახასიათებელია გამოთქმის მხოლოდ ორ მომენტად დანაწევრება, მის სანიმუშო წარმომადგენ-

ლად როსცელინი შეიძლება ჩაითვალოს. მაგრამ ამ შემთხვევაში არა მარტო ეს მომენტია მნიშვნელოვანი. არამედ უმთავრესად ის, რომ სიტყვის მნიშვნელობად აღიარებულია არა საგანი. არამედ წარმოდგენა. ამ უკანასკნელ შეხედულებას სრულიად გარკვევით ვკადღევინებ ჰობსი და ბერკლი.

„მეტყველების ზოგადი გამოყენება იმაში მდგომარეობს, რომ ჩვენი მეტყველება გონებაში გადავაქციოთ სიტყვიერ მეტყველებად ანუ აზრთა კავშირი სიტყვათა კავშირად“. „პირველი გამოყენება სახელებისა მდგომარეობს იმაში, რომ ისანი თამაშობენ მეხსიერებისათვის ნიშნების ფუნქციას, მეორე --- იმაში, რომ ბევრი აღამიანი, რომელნიც სარგებლობენ ერთი და იგივე სიტყვებით, აღნიშნავენ ერთი მეორისათვის თავის ცნებებს ანუ აზრებს ყოველი ნივთის შესახებ და აგრეთვე თავის სურვილებს, შიშს და სხვა გრძნობებს. ასეთი გამოყენების გამო, სახელებს ეწოდებათ ნიშნები“⁵⁶. მასმასაღამე, სიტყვის პირველი და უკანასკნელი ამოცანა სუბიექტის სამსახურია, მისი განცდების აღდგენა და სხვისთვის გასაგებად გაფორმება.

სახელები, ჰობსის აზრით, არის ინდივიდუალური, მაგ. პეტრე და უნივერსალური, მაგ., აღამიანი. „...მსოფლიოში არაფერია უნივერსალური, გარდა სახელებისა. რადგან ყოველი დასახელებული ნივთი არის ინდივიდუალური და ერთეულებრივი“⁵⁷.

ბერკლის აზრით, ლოკი ცდება, როცა ზოგადი სახელების საფუძვლად ზოგადი (განყენებული) იღება მიაჩნია. სახელი იმიტომ კი არ ხდება ზოგადი, რომ ის თითქოს იყოს ერთი ზოგადი იდეის ნიშანი, არამედ იმიტომ, რომ ის არის ნიშანი მრავალი კერძო იდეისა. ზოგადი იდეა არ არსებობს. ამის ორგვარი საბუთი არსებობს: ფსიქოლოგიური და ლოგიკური. ჩვენი თვითდაკვირვება ყოველ ნაბიჯზე გვარწმუნებს იმაში. რომ ყოველი ჩვენი იდეა არის ინდივიდუალური, სპეციფიკური ნიშნების მქონე. ჩვენ არ შეგვიძლია გვქონდეს ისეთი სამკუთხედის იდეა, რომელიც არ არის არც თანასწორგვერდიანი, არც არათანასწორგვერდიანი. როცა ვამბობთ „მოდრაობა პროპორციულია დახარკული ძალის“, „მოდრაობა“ არ გვაქვს წარმოდგენილი მოძრავი საგნის გარეშე და რომელიმე განსაზღვრული სიჩქარისა და მიმართულების გარეშე. არც შეიძლება ლოგიკურად ზოგადი იდეის წარმოდგენა. რადგან თვით ცნება ზოგადი იდეისა შეიცავს ლოგიკურ წინააღმდეგობას. მართლაც და. ზოგადი იდეა,

Г о б с. Левинафан. 1936, გვ. 52.

⁵⁷ იქვე, გვ. 53.

მაგ. კუთხისა ყოველგვარ კუთხეს უნდა შეიცავდეს. ე. ი. ის უნდა იყოს ერთსა და იმავე დროს სწორი, ბლაგვი და მახვილი კუთხეც. რაც ლოგიკურად განუხორციელებელია. „განყენებული იდეა სამკუთხედისა შეუძლებელია უკვე იმიტომაც, რომ ის შეიცავს თავისთავში მოწინააღმდეგე. ურთიერთის გამომრიცხველ ატრიბუტებს“⁵⁸. მართალია, აბსტრაქცია შესაძლებელია. მაგრამ საქმე ის არის, როგორ გავიგებთ ამას. ბერკლის აზრით, აბსტრაქცია იმაში გამოიხატება. რომ ჩვენ ყურადღებას შევაჩერებთ ინდივიდუალური იდეის ერთ რომელიმე მომენტზე და სხვა მომენტებს უყურადღებოდ დავტოვებთ. ამ გზით ჩვენ ვაღწევთ იმას, რომ ჩვენი მსჯელობა რომელიმე ინდივიდუალური იდეის შესახებ ვრცელდება ყველა სხვა მსგავს იდეებზე. „როდესაც მე ვამტკიცებ რომელიმე თეორემას სამკუთხედის შესახებ, შეიძლება ითქვას, რომ მე მაქვს მხედველობაში სამკუთხედის ზოგადი იდეა. მაგრამ ეს არ უნდა გავიგოთ ასე. რომ ჩემში მართლა იყოს იდეა ისეთი სამკუთხედისა. რომელიც არ იყოს არც თანასწორგვერდიანი, არც არათანასწორგვერდიანი. არც თანასწორფერდიანი. მე მაქვს სამკუთხედის ზოგადი იდეა მხოლოდ იმ აზრით. რომ ამ წუთში ჩემ მიერ განხილული სამკუთხედი არის წარმომადგენელი ყველა სწორხაზოვანი სამკუთხედებისა და ამ აზრით შეიძლება იწოდოს იგი როგორც ზოგადი“⁵⁹. რა გვადლევს იმის რწმენას. რომ ინდივიდუალურ შემთხვევაზე ნათქვამს ძალა აქვს იმ შემთხვევებისათვის, რომელნიც მტკიცების დროს არ ყოფილან მიღებული მხედველობაში? „დავამტკიცე რა თეორემა კერძო სამკუთხედზე. — წერს ბერკლი, — მე დარწმუნებული ვარ. რომ ჩემი მტკიცება ვრცელდება ყველა სამკუთხედზე საერთოდ იმიტომ. რომ მტკიცებისას მე არ ვღებულობდი ანგარიშში არც კუთხეების თვისებას და არც გვერდების სიდიდეს იმ სამკუთხედისას, რომელზედაც სწარმოებდა მტკიცება. მართალია, იმაში არიან ყველა ეს სპეციფიკურებანი. მაგრამ ჩვენს მტკიცებაში მე ერთჯერაც არ მიხსენებია ისინი“⁶⁰. ზოგადი (განყენებული) იდეა არ არსებობს, მაგრამ არსებობს ინდივიდუალური იდეა, რომელსაც ზოგადი მნიშვნელობა აქვს. „სიტყვა ხდება ზოგადი, როდესაც მას გახდიან ნიშნად არა ზოგადი აბსტრაქტული წარმოდგენისათვის, არამედ მრავალი ინდივიდუალური წარმოდგენისათვის, ის აღძრავს მაშინ ჩვენს სულს, რათა რომელიმე ამ წარმოდგენებიდან, სულერთია რომელი. წარმოქმნას“⁶¹. შეიძლება

⁵⁸ „ტრაქტატი“, § 17.

⁵⁹ იქვე, § 15.

⁶⁰ იქვე, § 17.

⁶¹ ციტატები მოგვყავს გომპერტის დასახელებული შრომიდან, იხ გვ. 104.

წარმოდგენაში რამე არსებობდეს და ყურადღების საგანს არ შეაღ-
გენდეს. პეტრე შეიძლება განვიხილოთ როგორც ადამიანი, და აგრეთ-
ვე როგორც ცოცხალი არსება, მაგრამ ეს არ ნიშნავს იმას, რომ პეტ-
რეზე, როგორც ადამიანზე ან როგორც ცოცხალ არსებაზე ფიქრის
დროს მხოლოდ ზოგადი ნიშნები იყოს ცნობიერებაში. არა! ცნობიე-
რებაში ამ შემთხვევაშიაც ინდივიდუალური წარმოდგენა არსებობს
ყველა პარტიკულარული ნიშნებით, მაგრამ ეს ნიშნები ამ შემთხვე-
ვაში ყურადღების ობიექტს არ წარმოადგენენ.

ნიშნავს თუ არა ეს იმას, რომ ყოველი სიტყვა ყოველთვის
თვალსაჩინო წარმოდგენას შეიცავს? ბერკლი ამაზე უარყოფით პა-
სუხს იძლევა და აქ არ სედავს იგი თავის თეორიის საწინააღმდეგოს.
რადგან მცირე ყურადღებაც საკმარისია, ამბობს ფილოსოფოსი იმა-
ში დასარწმუნებლად, რომ თვით უმკაცრეს აზრთაწყობაშიაც არ
არის აუცილებელი, რომ შინაარსიან სახელებს ახლდეს თან წარმოდ-
გენები. როგორც მათემატიკური ოპერაციებისას ალგებრული მნიშ-
ვნელობის მატარებელი ასოების სმარება ხდება ისე, რომ მათი რიც-
ხობრივი მნიშვნელობა ოპერაციის ყოველ ცალკე მომენტში არ ცნო-
ბიერდება, ისე სდება კითხვისა და ლაპარაკის დროსაც. უფრო მეტიც:
„აფექტები: შიში, სიყვარული, სიძულვილი. ალტაცება, ზიზღი და
სხვ. აღმოცენდებიან ჩვენში უშუალოდ გარკვეული სიტყვების აღქ-
მით ისე, რომ შუამავალ წარმოდგენებს არა აქვთ ადგილი“⁶². „განა
საკმარისი არ არის სიტყვა „საფრთხე“ იმისათვის, რომ მან შიში გა-
მოიწვიოს, მიუხედავად იმისა, რომ ჩვენ არავითარი გარკვეული
უბედურება არა გვაქვს წარმოდგენილი და საერთოდ ისე, რომ საფრ-
თხის არავითარი წარმოდგენა არ გვქონდეს“⁶³.

ი უ მ ი ს თეორია, მართალია, მჭიდროდაა დაკავშირებული ის-
ტორიულად და არსებითადაც ბერკლის შეხედულებასთან, მაგრამ ამ
უკანასკნელის უბრალო გამეორებას იგი არ წარმოადგენს. იუმი
ცდილობს ეს თეორია — „უფრო ზუსტად ჩამოაყალიბოს და ზოგ-
ჯერ იგი ფ ს ი ქ ო ლ ო გ ი უ რ ა დ გაადრმოს“⁶⁴. თვით გავება ბერ-
კლის თეორიისა იუმის მიერ არ არის სავსებით სწორი, როგორც ამა-
ზე თავის დროზე მიუთითა ჰუსერლმა. ბერკლი არ თვლიდა ზოგად
სახელს რეპრეზენტაციის ერთადერთ და აუცილებელ პირობად; მისი

⁶² ციტატები მოვეყავს გომპერცის დასახ. შრომიდან, გვ .196.

⁶³ იქვე.

⁶⁴ Husserl. Log. Wnters. Bd. II, 1928, გვ. 186.

აზრით (იუმის აზრით), არ არსებობს ზოგადი იდეა (ლოკის მნიშვნელობით); ის, რასაც ამ სახელით აღნიშნავენ, არის ნამდვილად ინდივიდუალური, რომელიც დაკავშირებულია რომელიმე სახელთან. რომელიც ინდივიდუალურ იდეას აძლევს უფრო ფართო მნიშვნელობას და შემთხვევის დროს იწვევს მესხიერებაში მის მსგავს სხვა ინდივიდუალურ იდეებს⁶⁵. „ხაზის ზოგადი იდეა, ჩვენი ყოველგვარი განყენებებისა და სიმახვილის მიუხედავად, ცნობიერებაში გამოვლინებისას, ატარებს თვისებისა და რაოდენობის ზუსტ ხარისხს. თუ გინდ ეს იდეა იყოს სხვა იდეების წარმომადგენელი, რომელთაც აქვთ სხვადასხვა ხარისხები ერთისა და მეორისა“⁶⁶. „ფილოსოფიაში საყოველთაოდ მიღებული პრინციპი ამბობს, რომ ბუნებაში ყველაფერი ინდივიდუალურია და სრული. აბსურდია — დავუშვათ რეალურ არსებულად სამკუთხედი, რომლის გვერდები და კუთხეები არ იყვნენ ერთმანეთთან გარკვეულ მიმართებაში. მაგრამ თუ ეს დაშვება აბსურდია ფ ა ქ ტ ბ რ ი ვ ს ი ნ ა მ დ ვ ი ლ ე შ ი, ის უნდა იყოს ისეთივე აბსურდი იდეაშიც“... განყენებული იდეები თავისთავად არიან ინდივიდუალური, თუმცა, როგორც წარმომადგენლები, ისინი შეიძლება გახდნენ ზოგადიც. ხატი, რომელიც არსებობს ჩვენ სულში, ინდივიდუალურ ობიექტის ხატია, თუმცა მისი გამოყენება ჩვენს მსჯელობაში ისეთია, თითქოს ის იყოს ზოგადი⁶⁷. ამგვარად, ჩნდება პარადოქსალური დებულება, რომელიც ამბობს, „რომ ზოგადი იდეები, ინდივიდუალური თავის ბუნებით, არიან ზოგადი ვითარცა (სხვა იდეების) წარმომადგენლები“⁶⁸. როგორ ახერხებს იდეა ასეთი ფუნქციის შესრულებას? როგორ ხდება ის ისეთ იდეად, რომელიც ზოგადის შთაბეჭდილებას ახდენს („თითქოს იყოს ზოგადი“)?

ზოგადი სახელი მრავალ ერთნაირ იდეასთან არის ასოციაციით დაკავშირებული იმიტომ, რომ ხშირად განიცდება მათთან ერთად. ამ გზით იქმნება ჩვეულება, რომლის ძალით საერთო სახელი ქმნის ჩვენს სულში ლტოლვას იმ იდეას გარდა, რომელიც სიტყვის უშუალო შინაარსს შეადგენს. ისეთებიც გამოიწვიოს ცნობიერებაში, რო-

⁶⁵ თეორიის ფორმულირება ეკუთვნის იუმს. იგი ამას ბერკლის შეხედულებების გამოთქმად თვლის და თვითონაც მას ეთანხმება მთლიანად. ნამდვილად ბერკლის შეხედულება ცოტა სხვაგვარია. შეად. Hysserl-ის დასახელებული შრომა, გვ. 185.

⁶⁶ Юм, Трактат о человеческой природе, 1906, გვ. 22.

⁶⁷ იქვე, გვ. 23.

⁶⁸ იქვე, გვ. 29.

მელნიც ემსგავსებიან ამ იდეას და ამასთან ერთად შეადგენენ ერთ განსაზღვრულ კლასს იდეებისას⁶⁶. მაგრამ არ უნდა გვეგონოს, რომ იდეა — წარმომადგენელი და ზოგადი სახელი — ყოველთვის გააყენობიერებს ყველა იდეებს, რომელთაც მსგავსება აქვთ ერთმანეთთან. იმ იდეებს, რომელთაც ახასიათებთ რაიმე მსგავსება. ჩვენ ჩვეულებრივ, აღვნიშნავთ ერთი სახელით და ამაში ხელს არ გვიშლის ამ იდეათა შორის არსებული განსხვავება რომელიმე სხვა თვალსაზრისით. სიტყვას არ შეუძლია გააცოცხლოს ცნობიერებაში ყველა იდეა, რომელთაც შეეხება მისი მნიშვნელობა. ეს არც არის საჭირო. საკმარისია, თუ სიტყვა, გარდა შესაფერის იდეა-წარმომადგენლისა, აღძრავს ჩვენში ჩვევას, რომელიც ამ შემთხვევაში არის პოტენციალური ძალა მრავალ იდეათა რეპროდუქციისა, რომელიც რეალურად ხორციელდება, თუ ამის საჭიროება დადგება. „მაგრამ რადგანაც აღდგენა ყველა იდეებისა, რომელთა მიმართაც შეიძლება სახელი იყოს გამოყენებული, უმეტეს შემთხვევაში შეუძლებელია, ჩვენ ვამოკლებთ ამ მუშაობას ნაწილობრივი ხატის საშუალებით და ამ შემოკლებას შეაქვს მხოლოდ უმნიშვნელო უხერხულობა ჩვენს მსჯელობაში“⁷⁰.

როგორც ცნობილია, ნომინალიზმს ბევრი მიმდევარი ჰყავდა და ახლაც არიან მისი მიმდევრები, მაგრამ ჩვენი ამოცანისათვის სხვა ავტორების გარჩევა არ არის აუცილებელი. პრინციპულად ახალ ისინი ჩვენი საკითხისათვის არაფერს გვაძლევენ და არსებითადაც ნომინალისტური თვალსაზრისი იმდენად მარტივია, რომ მისი ყოველმხრივი გარჩევა ჩვენ მიერ ციტირებულ ადგილებითაც შესაძლებელია. მართალია, განხილულ ნომინალისტურ თეორიებში კვლევის პირდაპირ მიზანს სიტყვის მნიშვნელობის საკითხი არ წარმოადგენს. მაგრამ რამდენადაც ზოგადის საკითხი სიტყვის პრობლემას ბუნებრივად უკავშირდება, ძალაუნებურად სიტყვის მნიშვნელობის საკითხიც იჭრება.

ნომინალიზმი ერთგვარი ნაბიჯია წინ იმ შეხედულებასთან შედარებით, რომელიც ზემოთ გავარჩიეთ. სიტყვის შინაარსად საგნის გამოცხადება და გამოთქმაში მხოლოდ ორი მომენტის აღიარება ბევრათა კომპლექსისა და გამოთქმის საფუძვლისა — მთლიანად აუქმებს სიტყვის არსებით ნიშანს და ჩვენი პრობლემის გადაჭრას კი არა, მის უარყოფას წარმოადგენს. თუ სიტყვას თავისი საკუთარი ში-

⁶⁶ Юм, трактат о человеческой природе, 1746, гл. 26, ижев, гл. 24.

⁷⁰ „საგანი“ აქ იხმარება არაფილოსოფიური მნიშვნელობით, იგი უახლოვდება „ნივთს“.

ნაარსი არ აქვს, სიტყვის პრობლემა მოიხსნება და, საერთოდ, სიტყვა დაკარგავს ფილოსოფიურ პრობლემატიკაში მისთვის დღემდე დამკვიდრებულ ადგილს. ნომინალიზმი სიტყვის შინაარსს ეძებს და ზოგადი იდეის უარყოფის შემდეგ პირდაპირ ნივთზე კი არ მიუთითებს. არამედ, გამოთქმის საფუძვლის ნიადაგზე, მასალის ერთგვარ ფსიქოლოგიურ გადამუშავებას გულისხმობს და ამ გზით აღწევს სიტყვის შინაარსის ჩამოყალიბებას.

რამდენადაც ნომინალიზმი აზროვნების, შემეცნების საკითხს ეხება, მისი ძირითადი დებულება ასე შეიძლება გამოითქვას: ინდივიდუალური წარმოდგენები და, განსაკუთრებით, ფანტასმები შეადგენენ ლოგიკური აზროვნების არსებით ელემენტებს⁷¹. რამდენადაც, ასე თუ ისე, რა გაგებით, სულერთია, მიღებულია, რომ ენობრივი გამოთქმა აზროვნების გარეგამოვლინებაა, გასაგებია, რომ სიტყვის პრობლემისათვის აზროვნების და შემეცნების საკითხს არსებითი მნიშვნელობა ენიჭება. ეს გარემოება გვიკარნახებს ნომინალიზმის ძირითადი დებულება აზროვნების პრობლემის ასპექტშიდაც განვიხილოთ.

პირველი შეხედვით, ნომინალიზმის დებულება ემპირიულად მოცემული ფაქტის შთაბეჭდილებას ტოვებს. როდესაც, მაგალითად, სამკუთხედზე ვმსჯელობთ. ჩვენს ცნობიერებაში შეგვიძლია რომელიმე ინდივიდუალური წარმოდგენა სამკუთხედისა დავადასტუროთ. ეს წარმოდგენა არის ამ შემთხვევაში სამკუთხედზე მსჯელობის ფსიქოლოგიური ეკვივალენტი, რომელიც აზროვნებას საფუძვლად უდევს და მის საოპერაციო საგანს წარმოადგენს. მაგრამ როგორ უნდა ვიაზროთ ფსიქოლოგიური ეკვივალენტის საკითხი. როცა აზროვნება, მაგალითად, 1000 ეხება? წარმოდგენა 1000 ერთეულისა ისე, როგორც ეს მოხერხდა სამკუთხედის შესახებ, რასაკვირველია, შეუძლებელია. რადაც წარმოდგენა ამ შემთხვევაშიაც უნდა გაჩნდეს. მაგრამ არა ვეაქვს საფუძველი ვიფიქროთ. რომ ეს წარმოდგენა ადეკვატურია 1000-ისადმი, „...ვინაიდან არ არსებობს ისეთი წარმოდგენა 1000-ის შესახებ, რაც როგორმე განსხვავდებოდეს 999-ისა და 998-ის წარმოდგენიდან“⁷². ჯერ კიდევ დეკარტმა აღნიშნა, რომ ათასკუთხედის წარმოდგენა შეუძლებელია, მისი მხოლოდ აზროვნებაა შესაძლებელი, მაგრამ ნომინალიზმი გამოსავალს იმაში ხედავს. რომ ყოველი ნიშანი, რომელმაც ერთჯერ უკვე თვალსაჩინოდ განსაზღვრა თავისი შინაარსი, შეიძლება ყოველ ცალკე მომენტში აღარ საჭიროებდეს ამ შინაარსის „განადღებას“ და შემოკლებუ-

⁷¹ გო მ პ ე რ ც ი, დასახ. ნაშრ., გვ. 180.

⁷² იქვე.

ლად იხმარებოდეს. მთავარია, რომ პრინციპულად შესაძლებელია საჭიროების დროს მოხდეს ყოველგვარი რთული ლოგიკური შინაარსის ფსიქოლოგიური დაშლა (ან აგება) წარმოდგენის თვალსაჩინო ელემენტებიდან. პოტენციალური შესაძლებლობის ცნება აქ გვანთავსუფლებს ენერჯის იმ განუსაზღვრელი ხარჯვისაგან. რომელსაც მოითხოვს ყოველი სიტყვისათვის ადეკვატური თვალსაჩინო შინაარსის მოძებნა. საჭიროა მხოლოდ ვიცოდეთ ის წესი. რომლითაც შეგვიძლია საჭირო თვალსაჩინო შინაარსის მოძებნა⁷². მაგრამ ასეთი გამოსავალი ხომ ვერ გვიშველის იმ შემთხვევაში, როცა გამოთქმას შინაარსის მთლიანი რედუცირება ინდივიდუალურ წარმოდგენებზე შეუძლებელია? შეგვიძლია თუ არა დავიცვათ დებულება. რომ ყოველ გამოთქმას ერთი რომელიმე იდეა ან ერთი რომელიმე ჭკუფი იდეებისა შეესატყვისება და მხოლოდ ისინი გამოხატავენ მას ადეკვატურად? გომპერცი ამ კითხვაზე სამართლიანად გვაძლევს უარყოფით პასუხს:

ერთმნიშვნელოვანი პარალელიზმი გამოთქმის საზრისსა თვალსაჩინოებას შორის არ არსებობს.

კიდევ უფრო რადიკალურად ეწინააღმდეგება ნომინალიზმს ფაქტი. რომ ხშირად გვესმის სავსებით ნათლად გამოთქმის აზრი. მაგრამ ვერავითარი წესით შესატყვისი თვალსაჩინო წარმოდგენის შექმნა ვერ ხერხდება⁷³.

ბოლოსაც სენსუალისტურ ფსიქოლოგიას აკრიტიკებენ. ჩვეულებრივ ვიურტებურგის სკოლის ექსპერიმენტულ შედეგებს იმოწმებენ იმის დასაბტკიცებლად, რომ ჩვენმა ცნობიერებამ ბევრი რამ იცის ისეთი, რისი თვალსაჩინო წარმოდგენა არ შეიძლება. ეს უკანასკნელი დებულება დღეს აღარ უნდა სჭირდებოდეს დამცველს. საინტერესო დღეს შეიძლება ის კი არ იყოს. აქვს თუ არა ყოველ ლოგიკურ შინაარსს თვალსაჩინო ადეკვატური ეკვივალენტი (ამაზე უარყოფითი პასუხი უდავო კეშმარტებას წარმოადგენს), არამედ ის, თუ რამდენად შეიძლება და შეიძლება თუ არა, საერთოდ, ლოგიკური ფსიქოლოგიური ეკვივალენტი არსებობდეს. საკითხის შემჩნევას ხელს უშლის „ეკვივალენტის“ გაგების სხვადასხვაობა. ის შეიძლება იხმარებოდეს „კორელატის“ მნიშვნელობით და მაშინ ლოგიკურის ფსიქოლოგიურ ეკვივალენტად ყოფნა მეტს არაფერს ნიშნავს გარ-

⁷² იუმი ამ წესის გამოყენების ილუსტრაციასაც გვაძლევს, იხ. დასახელებული ნაშრომი, გვ. 26.

⁷³ G o m p e r z, დასახ. ნაშრ., გვ. 182.

და იმისა, რომ აზროვნების პარალელურად გვეძლევა იმედროყო-
ლად რომელიღაც თვალსაჩინო ფსიქიკური განცდა. არსებობს თუ
არა ყოველთვის ისეთი განცდა, ეს ემპირიული კვლევის საქმეა. რად-
განაც არავითარი აუცილებლობა ლოგიკური ხასიათისა არ არსე-
ბობს, რომელიც ფსიქოლოგიური კორელატის არსებობას ყოველთ-
ვია მოითხოვდეს⁷⁵. ყოველ შემთხვევაში, ეს საკითხი მხოლოდ ფსი-
ქოლოგიურია და ჩვენი პრობლემისათვის ამ შემთხვევაში უმნიშვნე-
ლო.

მეორე მნიშვნელობა „ეკვივალენტისა“ ლოგიკური ხასიათისაა.
აქ იგულისხმება ის ფსიქოლოგიური შინაარსი, რომელიც აზროვნე-
ბა, კონსტიტუციაში იღებს უშუალო მონაწილეობას. ე. წ. ზომიერი
ნომინალიზმი იმის შიშით, რომ სიტყვამ საზრისი არ დაკარგოს. რა-
დაც არ უნდა დაუჯდეს, სიტყვისათვის წარმოდგენის (თვალსაჩინო
შინაარსის) მოძებნას ცდილობს. უამისოდ თითქოს სიტყვა უშინაარ-
სო ბგერად იქცეოდეს. ცხადია, აქ ლოგიკური და ფსიქოლოგიური
საბოლოოდ გაიგივებულია. მხოლოდ ასეთ შეხედულებაშია ერთ
გვარი (თუმცა სრულიად მიუღებელი) გასაგები აზრი. თუ „ფსიქო-
ლოგიურ ეკვივალენტში“ ვიგულისხმებთ ლოგიკურის შემცველს.
მაშინ გადაჭრით უნდა ითქვას, რომ ამოცანა საერთოდ უაზროა. საქ-
მე ჩვენი წარმოსახვის განსაზღვრულობაში, წარმოდგენის ძალის სი-
სუსტეში კი არ არის, არამედ იმაში, რომ წარმოდგენა და აზროვნება
პრაქტიკულად სხვადასხვა სიბრტყეში მდებარეობენ. „სქვრეტდე —
ეს სწორედ იმას ნიშნავს. რომ არ აზროვნებდე“⁷⁶.

თეორიები, რომელნიც ცნებაში, სიტყვაში ისეთ საშუალებებს
ხედავენ. რომელნიც ვითომდა ჩვენი წარმოსახვითი უძღურობის სა-
კომპენსაციოდ გვევლინებიან, გაუგებრობის ნიადაგზე არიან აღმოცე-
ნებული. სამკუთხედის ნათლად წარმოდგენა შესაძლებელია, მაგრამ
ეს ზედმეტად არ ხდის მის აზროვნებისათვის სრულიად ახალ აქტს.
თვალსაჩინო ხატით მოცემული, რაც უნდა სრული და ინტენსიური
იყოს იგი, მაინც არაფერს გვაძლევს აზროვნებისათვის. ამიტომ. თუ
დავუშვებთ იმას, რომ სიტყვის შინაარსი, მნიშვნელობა, ლოგიკური
ბუნებისაა, მისი ან მისი ეკვივალენტის (ამ ტერმინის „შემცველის“
მნიშვნელობით გაგების შემთხვევაში) ძებნა წარმოდგენებში (და სა-
ერთოდ ფსიქიკურში) უაზროა.

⁷⁵ აქ შეიძლება ლაპარაკი ყოველგვარი ხატის ეკვივალენტად მოვლინების
ვერდენტობაზე. შეად. A. Reinach, *Gesammelte Schriften*.

⁷⁶ Husserl, *Log. Unt. B. II*, გვ. 168.

ნომინალიზმის ღირსება შედარებით მის წინამორბედ „ფიზიკალურ“ თეორიასთან იმაში დავინახეთ. რომ ის ცდილობს მაინც სიტყვის საკუთარი შინაარსი მონახოს. მაგრამ, რამდენადაც ასეთ შინაარსად მას მაინც კონკრეტულ-ემპირიული ფაქტი მიაჩნია, ის ვალდებულია ყველა იმ სიტყვებს გაუწიოს ანგარიში, რომელიც ქ. ს. მილის და მის მსგავს თეორიებს ელობებათ წინ. გარდა ამისა. რამდენადაც ნომინალიზმმა მაინც იკისრა გამოთქმის საფუძვლის გვერდით შინაარსიც დაძებნოს, მის წინაშე სპეციფიკური სიტყველ ჩნდება. რომელიც აღნიშნულ ცნებათა ურთიერთ მიმართებას ესება.

გომპერცი ზომიერი ნომინალიზმის წინაშე შემდეგ ორ პრობლემას აყენებს: 1. როგორ არის შესაძლებელი მრავალი სხვადასხვა გამოთქმის საფუძვლის ნიადაგზე აღმოცენდეს ერთი და იგივე გამოთქმის შინაარსი (აბსტრაქციის პრობლემა) და 2. ერთსა და იმავე გამოთქმის საფუძველზე მრავალი სხვადასხვა გამოთქმის შინაარსი (ინტელიგიბელური ნაწილის პრობლემა)? „როგორ იქნება ეს შესაძლებელი, თუ, ზომიერი ნომინალიზმის თანახმად, გამოთქმის შინაარსი ემთხვევა გამოთქმის საფუძვლის ინდივიდუალურ წარმოდგენას?“⁷⁷ „სამკუთხედი“-ს საზრისი სხვადასხვა იქნება იმისდა მიხედვით. თუ რას გულისხმობს ამ სიტყვის მთქმელი: მახვილკუთხიანს თუ ბლაგვეკუთხიანს, ე. ი. სხვადასხვა საფუძველზე ერთი გამოთქმის მიღება ვერ ზერხდება. ან კიდევ, თუ ისეთ სიტყვების შინაარსს ვეძიებთ, როგორიც არის „სხეული“, „შენობა“ და „ხელოვნების ძეგლი“ რომელიმე, ინდივიდუალური სხეულის, შენობის და ხელოვნების ძეგლის წარმოდგენაში, მაშინ შესაძლებელია, რომ მთქმელს სამივე შემთხვევაში პიზანს ტაძრის წარმოდგენა გაუჩნდეს და, მაშასადამე, სამივე სიტყვას ერთი და იგივე შინაარსი მიენიჭოს. ერთი და იგივე ობიექტი სხვადასხვა შინაარსის გამოთქმის საშუალებას არ გვაძლევს⁷⁸. რომ ინდივიდუალური იდეა ვერ უზრუნველყოფს სიტყვის შინაარსის ზოგადსა და ერთმნიშვნელოვან ბუნებას, ეს იუმპაც შენიშნა. ის წერს: „თანასწორგვერდიანი სამკუთხედის იდეა, რომლის სიმაღლე უდრის ერთ დიუმს, გამოგვადგება, როცა ჩვენ ვლაპარაკობთ ფიგურაზე. სწორხაზოვან ფიგურაზე, სწორფიგურაზე. სამკუთხედზე და თანასწორგვერდიან სამკუთხედზე. ამგვარად, ყველა ამ ტერმინს ახლავს ამ შემთხვევაში ერთი და იგივე იდეა“⁷⁹. რა უფლება გვაქვს

⁷⁷ Gomperz, დასახ. ნაშრომი, გვ. 183.

⁷⁸ «Durch diese beide Konsequenzen würde jedoch die Möglichkeit logischen Verkelirs in gleicher Weise aufgehoben». Gomperz, დას. ნაშრ., გვ. 183.

* ი უ მ ი, დასახ. ნაშრ., გვ. 25.

სხვადასხვა ტერმინისათვის გამოვიყენოთ ერთი და იგივე იდეა: თუ ეს იდეა ინდივიდუალურია და არ შეიცავს არაფერს ისეთს, რაც აღნიშნულ ტერმინებში მეორდება ერთიანობის ნიშნის დაუქარგავად?

რამდენადაც საკითხი ზოგადის არსებობას ეხება, ნომინალიზმმა ან უნდა აღიაროს ზოგადის არსებობა სიტყვის სახით. ან ზოგადი ილუზიად გამოაცხადოს და ამ ილუზიის (რომელიც მთელი მეცნიერების ილუზიად გამოცხადებას ნიშნავს) ახსნაში დაინახოს თავისი ამოცანა. როსცელინის აზრით, ზოგადი არის მხოლოდ სახელი (აქედან წარმოიშვა „ნომინალიზმი“). სიტყვა „მხოლოდ“ აქ სრულიად არ ამცირებს ფაქტის მნიშვნელობას. საკმარისია გაირკვეს იმის „მიზეზი“, თუ რატომ და რა „საშუალებით“ არის სახელი ზოგადი. რომ მყისვე ნათელი გახდეს, რომ ყველაფერი შეიძლება ამ ნიშნის მატარებლად ჩავთვალოთ, თუ მას ამისათვის საჭირო ასპექტში განვიხილავთ. მართლაც და, თუ სახელში ვიგულისხმებ დრო და სივრცეში განსაზღვრული ინდივიდუალური პროცესი დანაწევრებული ბგერებისა, იქ ზოგადის ძებნა უნაყოფო იქნება. მაგრამ თუ სხვადასხვა დროსა და ადგილას გამოთქმული სიტყვა იგივე სიტყვად ვცანით და საამისო საბუთიც მოვძებნეთ, საქმე გვექნება სწორედ ზოგადის ნამდვილ არსებობის აღმოჩენასთან. ის, რის გამოც სახელი, მიუხედავად ბგერათა სხვაობისა და ინდივიდუალობისა, მაინც იგივედ განიცდება, არ არის არც ფიზიკური და არც ფსიქიკური. თუ ფიზიკურ ბგერათა აბსოლუტური სხვაობის მიუხედავად მაინც გვაქვს საშუალება და უფლება ვილაპარაკოთ ერთსა და იმავე სახელზე. რა გვიშლის ხელს ასე მოვიქცეთ წარმოდგენების და. საერთოდ, ყოველი ემპირიული მოვლენის მიმართ? ხომ არ უნდა ვიფიქროთ საერთოდ. რომ სხვაობა იგივეობას გულისხმობს და ინდივიდუალობა — ზოგადობას?

ნომინალიზმის ის სახეობა, რომელიც როსცელინით არის წარმოდგენილი. იმით განსხვავდება რეალიზმისაგან, რომ ზოგადის სფეროს სრულიად დაუსაბუთებლად სახელის ფარგლებში ამწყვდევს. მაგრამ აქ გაჩერება ლოგიკურად შეუძლებელია: ან ზოგადი ყველგან უნდა დავუშვათ, სადაც კი ის პირობები მოგვეპოვება (ეს კი ყველგანაა), რომელიც სახელს აქვს. ან მეორე გზა ვცადოთ. სადაც ზოგადი ილუზიადაა გამოცხადებული, ე. ი. უარყოფილია ნამდვილი ზოგადის არსებობა. ამ უკანასკნელ გზაზე მიუთითებს იუმი. „ხატი, რომელიც არსებობს ჩვენ სულში, ერთეული ობიექტის ხატი,“

თუმცა მისი გამოყენება ჩვენ მსჯელობებში ისეთია. თ ი თ ქ ო ს ის ი ყ ო ს ზ ო გ ა დ ი“ (ხაზი ჩვენია—ა. ბ.). ვაუგებარია, როგორ თამაშობს ხატი, რომელიც ინდივიდუალურია, ზოგადის როლს: ხომ არ უნდა ვიფიქროთ, რომ ხატი ამას ასრულებს არა იმის გამო, რომ ის ხატია და. მაშასადამე, ინდივიდუალური, არამედ იმიტომ, რომ ის სხვა განზომილებაშია აღებული, სადაც ხატზე ლაპარაკი არც შეიძლება? ანდა, საიდან იცის იუმმა, რომ აღნიშნული ხატი ფუნქციობს ზოგადის მსგავსად? უსათუოდ. უნდა ვიკულისსმით. რომ იუმმა (ისე. როგორც ყოველი მოაზროვნე არსება) აღქურვლია ორგვარი „ხედვის“ უნარით. ერთის საშუალებით იგი ხედავს ზოგადს (უამისოდ მას არც ეცოდინებოდა, თუ როგორია მისი ფუნქცია. რომელი ფუნქციაა ის. რომელიც მას ჰგავს), ხოლო მეორის საშუალებით ამ ინდივიდუალურ ხატს. რომლითაც. არსებითად. არის დასაბუთებული ის აზრი, რომ აღნიშნული ხატი არ შეიძლება იყოს ზოგადი, მით უფრო მეტად მტკიცდება ის აზრი. რომ ზოგადის სამყარო სულ სხვა განზომილებაა და სრულიად დამოუკიდებელია თავისი მნიშვნელობით ინდივიდუალურისაგან. იუმის ფილოსოფიის წინამძღვარი, რომლის მიხედვით ყოველივე შემეცნებითი ღირებულების მქონე მოვლენა თვალსაჩინო-სენსუალურ სინამდვილეში უნდა ჰპოვებდეს თავის გამართლებას, ხელს უშლის ზოგადის სფეროს შემჩნევას. მაგრამ იგი უაქტობრივად მაინც მოქმედებს. წინააღმდეგ შემთხვევაში გამოთქმა — „თ ი თ ქ ო ს ის ი ყ ო ს ზ ო გ ა დ ი“ — იუმის ცნობიერებაში არ გაჩნდებოდა. პრობლემატური და საძიებელი ზოგადის არსებობა კი არ არის. არამედ მისი არსებობის ფორმა. — სინამდვილის ის განზომილება, რომელიც ზოგადის სამყაროს წარმოადგენს.

ნომინალიზმი კრიტიკულ მომენტში წარმოდგენის ტიპური ელემენტის ცნებას მიმართავს და ამით თითქოს აშკარა დამარცხებისკენ თავის დაღწევას ახერხებს. ყურადღების კონცენტრაციის საშუალებით შესაძლებელია ინდივიდუალურ წარმოდგენებში შემავალი ტიპური ნიშნები გამოიყოს და ასოციაციის საშუალებით დაუკავშირდეს ბევრათა კომპლექსს. იმისთვის, რომ შეიქმნას სიტყვა — „მხატვრული ნაწარმოები“; საჭიროა ყურადღების კონცენტრაცია მოხდეს, მაგ., ეკლესიის შენობისა და სიმფონიის საერთო, ტიპურ, ნიშნებზე და გამოიყონ ისინი სხვა ნიშნებისაგან. მაგრამ ნომინალიზმის განკარგულებაში არსებული საშუალებებით ასეთი ოპერაციის ჩატარება ფსიქოლოგიურად განუხორციელებელია. მხატვრული ნაწარმოებია, მაგალითად, ტაძარიცა და სიმფონიაც. პირველი გვეძლევა მხედველობითი და შეხებითი შეგრძნებებით, მეორე—ტონების მეშ-

ვეობით. სადაა აქ ის წარმოდგენა. რომელიც ხელოვნების ორივე ნაწარმოებს ახასიათებს? როგორ შეუძლია ყურადღებას მხედველობითი და შესებითი კომპლექსებიდან სხვა რამ გამოიტანოს, იუ არა მხედველობითი და შესებითი წარმოდგენები, ხოლო ტონების კომპლექსიდან სხვა რამ თუ არა ტონითი შინაარსები?⁷⁹

ენის კონცეპტუალისტური თეორიებიდან შევჩერდებით ლოკის თეორიაზე. სადაც ძირითადად მოცემულია ამ თეორიის სრულნი სახე.

ენა, ლოკის აზრით, სოციალური ცხოვრების უდიდესი იარაღია. გასაგებია, რომ ადამიანს თავიდანვე აქვს დანაწევრებული ბგერების წარმოშობის ბუნებრივი უნარი. ენისათვის ეს უნარი თუმცა აუცილებელია. მაგრამ არ არის საკმარისი. იმისათვის, რომ ენა წარმოიშვას, საჭიროა ადამიანს ქონდეს იმის უნარიც, რომ დანაწევრებული ბგერები თავის წარმოდგენის ნიშნად აქციოს და ამ გზით სხვისათვის მისაწვდომი გახადოს თავისი საკუთარი აზრი. შემდეგი ნაბიჯი, რომელიც უნდა გადაიდგას იმისათვის, რომ ენამ თავისი მისია შეასრულოს, არის ბგერების საშუალებით ზოგადი წარმოდგენის აღნიშვნა. სიტყვების ხმარება, მათი სიმრავლის გამო, უალრესად გაძნელებული იქნებოდა ყოველი ცალკე იდეისთვის საკუთარი სახელი რომ მიეცემა. იმით, რომ ბგერა ზოგადი წარმოდგენის ნიშანი გახდა, ერთი სიტყვა მრავალი წარმოდგენის აღსანიშნავად იხმარება და, ამგვარად, ენერგიის უდიდესი ეკონომია ხდება. ერთეულებრივი სახელების გვერდით ჩნდებიან ზოგადი სახელები. „ზოგადი ხდებიან ის სახელები, რომლითაც შენაცვლებული არიან ზოგადი იდეები. ერთეულებრივად სახელები რჩებიან მაშინ, როცა ერთეულებრივი არიან მათ მიერ აღნიშნული იდეები“⁸⁰.

სიტყვა გრძნობადი ნიშანია, რომლითაც ხილული ხდება უხილავი იდეა. ეს არის სიტყვის დანიშნულება. მისი მნიშვნელობა არის ის იდეა, რომლის შემნაცვლელად, გრძნობად ნიშნადაც იგი გვევლინება, მაგრამ იდეა (წარმოდგენა) ვინმეს საკუთრებაა. ვის იდეას აღნიშნავს სიტყვა?

ორი მიზნისათვის ქირდება სიტყვა ადამიანს. ის მას ეხმარება საკუთარი იდეის მოგონებაში და საშუალებას აძლევს სხვას გააგებინოს თავისი აზრი. პირველ რიგში, მაშასადამე, სიტყვა მთქმელს ემსახურება; მთქმელის წარმოდგენაა ის, რაც ისეთ გაფორმებას იღებს. რომელიც სხვისთვისაც მისაწვდომი ხდება. მოლაპარაკის

⁷⁹ Gomperz, დასახ. ნაშრ., გვ. 185—186.

⁸⁰ Локк, Опыт человеческого разуме. Пер. Савина, Москва, 1898, гл. 397.

იდეები — ეს ისაა, რის ნიშნადაც ჩვენ გვევლინებიან სიტყვები, მაგრამ ამ უკანასკნელთ ვერაფერ ვერ გამოიყენებს უშუალოდ, ვერსად. თუ არა თავისი საკუთარი „იდეების“ მიმართ. სიტყვა ცარიელ ბგერად გადაიქცეოდა, რომ მას უცნობი იდეის მიმართ გამოიყენებდნენ. რადგან არსებობენ ზოგადი სახელები (სიტყვები), უნდა ზოგადი მნიშვნელობაც არსებობდეს. მნიშვნელობას მოკლებული სიტყვა არ არსებობს უბრალოდ იმიტომ, რომ ასეთი ცნება შინაგან წინააღმდეგობას შეიცავს. ლოკი ამ დებულებას ემყარება და ეძებს ზოგად მნიშვნელობას იდეებში. ასეთი გზა ნაკარნასევია მისი გნოსოლოგიური პრინციპებით. რადგან ყველაფერი, რაც ჩვენ ცნობიერებამდე აღწევს, იდეაა, ზოგადი სახელის მნიშვნელობაც იდეა, სახელდობრ, ზოგადი იდეა უნდა იყოს. თავისთავად ბგერათა კომპლექსი. როგორც რეალური (ფიზიკური) ფაქტა, ინდივიდუალურაა და ის მხოლოდ ზოგადი იდეისაგან შეიძლება იღებდეს ზოგადობის ნიშანს. მაგრამ არსებობს თუ არა ზოგადი იდეა. და თუ არსებობს, რით განსხვავდება იგი ინდივიდუალური იდეისაგან?

ლოკის აზრით, რეალურად არსებობს მხოლოდ ინდივიდუალური. მხოლოდ როგორც იდეა შეიძლება ზოგადი არსებობდეს. ინდივიდუალურისაგან ზოგადი იმითაც განსხვავდება. რომ პირველი მოცემულია, ხოლო მეორე აბსტრაქციის შედეგს წარმოადგენს. როდესაც რომელიმე ინდივიდუალური იდეა ასეა განცდილი, რომ მისი ადგილის და დროის ნიშნები არ არის მიღებული მხედველობაში, ის ზოგად იდეად იქცევა. ზოგადში ახალი არაფერია, პირიქით. იმაში არის უფრო ცოტა ნიშანი წარმოდგენილი და სწორედ ამიტომ ეხება იგი უფრო მეტს, უფრო დიდი მოცულობისაა. ვიდრე ინდივიდუალური იდეა. ზოგადი იდეები „არაინ ჩვენი სულის ფიქციები და მონაგონი“⁸¹. მათი შემუშავება (წარმოდგენა) არ არის ადვილი, როგორც ეს პირველი შეხედვით შეიძლება ეგონოს ადამიანს. „განა არ არის საჭირო, მაგ.. ძალისხმევა და დამაბულობა. რომ შევქმნათ სამკუთხედის ზოგადი იდეა?“ „ის არ უნდა იყოს არც ბლაგვეკუთხიანი, არც სწორკუთხიანი, არც თანასწორგვერდიანი, არც თანასწორფერდიანი, არც არათანასწორგვერდიანი; ის უნდა იყოს ყველაფერი და იმავე დროს არაფერი. ნამდვილად ის არის რაღაც არასრულყოფილი, რომელსაც არსებობა არ შეუძლია. იდეა, რომელშიაც თავს იყრის სხვადასხვა, ერთმანეთისადმი შეუთავსებელი ნაწილები. თუმცა, თავის უძლურობის გამო, სული გრძნობს ასეთი

⁸¹ ЛОКК, დასახ. ნაშრ., გვ. 600.

იდეების მოთხოვნილებას და ყოველმხრივ მიისწრაფვის მათეკნ სო-
ციალური ცხოვრების მოწყობისა და ცოდნის გაფართოების მიზნით,
რამდენადაც ის (სული) თავის ბუნებით ინტენსიურად არის განწყო-
ბილი ამ ორივე მიზნისაკენ. მაგრამ გვაქვს საფუძველი დავინახოთ ამ
იდეებში ჩვენი უსრულობის ნიშანი⁸².

აღამიანს არ შეუძლია თავისი სიტყვები საგანთა თვისების ანუ
სხვისი სულის ისეთი წარმოდგენის ნიშნად აქციოს, რომელნიც არ
არიან მის საკუთარ სულში. ყველას თავისი საკუთარი ენა აქვს. მცო-
დნე და უმეცარი, მეცნიერი და არამეცნიერი — ყველა საკუთარი
იდეით ავსებს ბგერის შინაარსს. სიტყვის გრძნობადი ნიშანი შეიძ-
ბა სხვადასხვა აღამიანმა ისმაროს ერთნაირი, მაგრამ ეს ბგერათა კომ-
პლექსი ყველამ თავის ინდივიდუალურ. სხვებისგან განსხვავებულ
იდეას მიუყენოს. ვერავინ ვერ მიუყენებს ბგერათა კომპლექსს ისეთ
იდეას. რომელიც მას არ გააჩნია. მართალია, ხშირად სიტყვებს აკუ-
თვნებენ მალულად სხვის იდეებს და ნამდვილ საგნებს, მაგრამ ამ შე-
მთხვევაში საქმე გვაქვს სიტყვის შეუფერებელ გამოყენებას-
თან, რომელსაც სიტყვის მნიშვნელობის საკითხში შეაქვს სიბნელე
და არეულობა⁸³.

საინტერესოა, რომ სიტყვა ხშირი ხმარების შედეგად იდეის გა-
მოწვევას ახერხებს ისე. თითქოს იგი იდეის ადეკვატური საფუძველი
იყოს. ამ ფაქტს უნდა მიეწეროს იმ მცდარი თეორიის წარმოშობა,
რომლის თანახმადაც, სიტყვასა და მის შინაარსს შორის არის ბუ-
ნებრივი კავშირი მაშინ, როდესაც ნამდვილად მათ შორის კავშირი
სავსებით ჩვენ თვითნებითობას ემყარება.

სიტყვის მნიშვნელობა, მაშასადამე, არის იდეა. ორგვარია იდეა,
ორგვარია სიტყვაც. სიძნელე სიტყვის მნიშვნელობის პრობლემისა
ლოკმა მხოლოდ ზოგადი სახელების მიმართ შენიშნა. რადგან ინდი-
ვიდუალური. საერთოდ. არ წარმოადგენს პრობლემას, მის შემცვლე-
ლი კერძო სახელიც პრობლემას არ შეიცავს. რამდენადაც იმისათვის,
რომ არსებობდეს სიტყვა-სახელი- ლოკს ორი მომენტი საკმარისად
მიაჩნია, ის სახელსა და სიტყვას შორის არავითარ პრინციპულ გან-
სხვავებას არ ხედავს. მხოლოდ იმიტომ, რომ ზოგადი რეალურად მო-
ცემულად არ იგულისხმება და მხოლოდ შემდეგში უნდა შეიქმნას
აბსტრაქციის საშუალებით ინდივიდუალური მოცემულობის საფუძ-
ველზე, ჩნდება მესამე მომენტი — ზოგადი სიტყვის შინაარსი —
ბგერათა კომპლექსისა და ინდივიდუალურ იდეას შორის. მაგრამ რად-

⁸² Л о к к, დასახ. ნაშრ., გვ. 600.

⁸³ იქვე, გვ. 401.

გან ეს მომენტი მხოლოდ აქ იჩენს თავს და ყოველი სახელისათვის არ ითვლება აუცილებელ პირობად. მისი პრინციპული მნიშვნელობაც ლოკისათვის მიუწვდომელი დარჩა.

მაგრამ არას თუ არა გადაჭრალი ლოკის მიერ სიტყვათა ერთი ჯგუფის (ზოგადი სახელების) პრობლემა მაინც?

შეიძლება უკვე გამორკვეულად ჩავთვალოთ, რომ აღნიშნული თეორია ოდნავადაც ვერ აკმაყოფილებს აზროვნების თანამედროვე პრობლემატიკას და სრულად არ უწყევს ანგარიშს იმ უდაოდ დადგენილ ფაქტს, რომელიც გამოთქმის სტრუქტურაშია მოცემული.

ნომინალიზმთან შედარებით, ლოკის კონცეპტუალისტურ თეორიას ის უპირატესობა აქვს, რომ ნათლად გრძნობს სიტყვის მნიშვნელობის ძირითად პრობლემას. სიტყვა ზოგადია, მაშასადამე. უნდა სადმე სიტყვის მიღმა მოიძებნოს ისეთი რამ, რაც ამ ზოგადობას გასაგებად გახდის და ამით დაასაბუთებს მას. ნომინალიზმი გრძნობს იმას, რომ მისი ზოგად ფილოსოფიურ შეხედულებაზე დაყრდნობით სიტყვის ზოგადობას ვერ დაასაბუთებს. აშკარად გამოავლენს საერთოდ ზოგადის ილუზიად გამოცხადების ტენდენციას⁸¹. ლოკი დარწმუნებულია, რომ ზოგადი სიტყვა კანონიერი მოვლენაა და ცდილობს მისი გაგება მოგვეცეს. საკითხის გადაჭრას ავტორი „ზოგადი იდეის“ ცნებაში ხედავს. ამ ცნების შესაძლებლობაზე და ძალაზეა, მაშასადამე, მთელი კონცეპტუალისტური თეორიის ბედი დამყარებული.

როგორ უნდა გვესმოდეს „ზოგადი იდეა?“ გომპერტი ამ ცნების ოთხგვარი მნიშვნელობით გაგებას თვლის შესაძლებლად. ზოგადი, რასაკვირველია, არ არის აღქმაში და არც მის პირდაპირ რეპროდუქციაში. რჩება ერთი შესაძლებლობა — წარმოსახვის ძალა, რომელიც ზოგად ფანტაზმებს გვაწვდის.

„ადამიანი საერთოდ“ შეიძლება გავიგოთ როგორც ისეთ ნიშანთა კრებული, რომელიც ხშირად გვხვდება ადამიანთა შორის ან როგორც ისეთი ნიშნების კომპლექსი, რომელიც, თანახმად რომელიმე ნორმატული პრინციპისა, უნდა ჰქონდეს იდეალურ ადამიანს. ან როგორც ისეთი სურათი, როგორიც გვაქვს. როცა ადამიანს ისეთ მანძილზე ვხედავთ, თუმცა გარკვევით ვიცით, რომ ადამიანთან გვაქვს საქმე, მაგრამ არ ვიცით ქალია იგი თუ ვაჟი, ახალგაზრდა თუ მოხუცი, ან კიდევ როგორც მოგონებული რომელიმე სურათი ადამიანისა, რომელიც, თუმცა ხასიათდება ზოგიერთი დეტალით. მაგრამ

⁸¹ იხ. Н. Лосский, Обоснование интуитивизма, 1908, გვ. 261; შტრ. აგრეთვე იუმის გარჩევა ზემოთ.

მინც არ არის ნათელი, არაფერი შეგვიძლია ვთქვათ. მაგ., მისი თვალების ფერის ან ცხვირის ფორმის შესახებ და სხვა. ასეთი ფანტასმები საერთოდ არსებობენ, მაგრამ შეიძლება თუ არა ისინი გამოთქმის შინაარსად ჩავთვალოთ? რასაკვირველია, არა! ჭერ ერთი, არიან ზოგადი მნიშვნელობის გამოთქმები, რომელთა შესახებ ვერც ერთი სახე აქ ჩამოთვლილი ფანტაზმებისა არ შემუშავდება და მეორე ის რომ იქაც, სადაც ზოგადის ფანტაზმი შესაძლებელია შემუშავდეს. უკანასკნელი არ არის პირველის წარმომადგენელი⁸⁵.

„ფერის“ ყველასთვის ნაცნობი გამოთქმაა. ის ყველას ესმის და ყველა მართებულად იყენებს მას პრაქტიკაში, მაგრამ ვის შეუძლია თქვას. რომ „ფერის“ შესატყვისი ზოგადი ფანტაზმი არსებობს? შეუძლებელია, წარმოდგენა „ფერისა საერთოდ“ დავადასტუროთ ყვირთელ. ლურჯ. თეთრ ფერებში. მხატვრული ნაწარმოების სახით ხან სიმფონია ვეძლევა, ხან ტაძარი, რაოდენ ბუნდოვანი და გაურკვეველი უნდა იყოს წარმოდგენა, რომ მას მოეუნახოთ ადგილი სიმფონიაშიც და ტაძარშიც?⁸⁶

გამოთქმის შინაარსად მხოლოდ ის შეიძლება გამოდგეს, რაც თავის ბუნებით გამოთქმის საზრისს ემთხვევა. რადგან გამოთქმა — „ადამიანი საერთოდ“ ერთია — ერთ საზრისს შეიცავს, ერთსა და იმავეს უნდა წარმოადგენდეს ისიც, რაც ამ საზრისის როლში გამოსვლის პრეტენზიას აცხადებს. სათანადო ფანტაზმები, რომელთაც ზემოთ გავეცანით, ოთხი გვარის შეიძლება იყვნენ. თითოეულ გვარში მრავალი სხვადასხვა სახის ფანტაზმი შეიძლება იგულისხმებოდეს. გარდა ამისა, ეს ფანტაზმები სხვადასხვა ინდივიდში სხვადასხვაა და ერთსა და იმავე ინდივიდშიც ყოველთვის ერთნაირი არ არის; თუ ყოველივე ამას მხედველობაში მივიღებთ, აღმოჩნდება, რომ ზოგადი იდეა, როგორც ზოგადი ფანტაზმი გაგებულნი, ოდნავადაც ვერ აკმაყოფილებს გამოთქმის იდენტობის მოთხოვნილებებს და. მასასადამე, ვერც ჩაითვლება მის შინაარსად⁸⁷.

„ს ი ტ ყ ვ ი ს მ ნ ი შ ვ ნ ე ლ ო ბ ა ს რ ო მ... წ ა რ მ ო დ გ ე ნ ე ბ ი ქ მ ნ ი დ ე ს. ს ი ტ ყ ვ ი ს მ ნ ი შ ვ ნ ე ლ ო ბ ა უ ა ლ რ ე ს ა დ და უ დ ე გ ა რ ი მ ო ვ ლ ე ნ ა ი ქ ნ ე ბ ო დ ა და, რ ა ც მ თ ა ვ ა რ ი ა, ე რ თ მ ა ნ ე თ ი ს გ ა გ ე ბ ა ს რ უ ლ ი ა დ შე უ ძ ლ ე ბ ე ლ ი გ ა ხ დ ე ბ ო დ ა. ე ნ ა გ ა უ გ ე ბ რ ო ბ ი ს წ ყ ა რ ო ი ქ ნ ე ბ ო დ ა ა რ ა გ ა გ ე ბ ი ნ ე ბ ი ს სა შ უ ა ლ ე ბ ა“⁸⁸.

⁸⁵ Н. Лосский. დასახ. ნაშრ., გვ. 171.

⁸⁶ იქვე, გვ. 173.

⁸⁷ Gomperz, დასახ. ნაშრ., გვ. 172.

⁸⁸ არნ. ჩიქობავა, ენათმეცნიერების შესავალი, 1952, გვ. 214.

ლოკი ზოგადს ეძებს ფსიქიკურში იმიტომ. რომ რეალბაში, მისი აზრით, ყველაფერი ინდივიდუალურია. თითქოს ფსიქიკური რეალური არ იყოს! წარმოდგენაში არსებობა და სინამდვილეში არსებობა მხოლოდ მაშინ შეიძლება ერთი მეორეს დაუპირისპირდეს, როცა წარმოდგენილში იგულისხმება მხოლოდ ნაგულისხმევი (bloss Gemeintes), ხოლო ნამდვილად არსებულში არსებული. რომელიც შეესატყვისება ნაგულისხმევს. როცა წარმოდგენაში რეალური ფსიქიკური არსებობა იგულისხმება. რეალობის თვალსაზრისით მისი დაპირისპირება ნამდვილად არსებულთან დაუშვებელია. ხოლო, თუ წარმოდგენას „ნაგულისხმევად“ გავიგებთ, მაშინ მისი დაპირისპირება „ნამდვილად“ არსებულთან თუმცა კანონიერია. მაგრამ „წარმოდგენა“ ამ შემთხვევაში ფსიქიკურს აღარ ნიშნავს. რადგან „ნაგულისხმევი“ — ნიშნავს: არ არსებობს რეალურ-ფსიქიკურად“.

ზემოთ აღვნიშნეთ, რომ ენა ურთიერთშორის საშუალებად მხოლოდ იმიტომ გახდა, რომ მისი ობიექტურობა ადამიანთა კოლექტივისათვის სავალდებულო ინსტანციის სახით გვევლინება. ლოკაც აღნიშნავს, რომ ენა არის ადამიანთა ურთიერთობის მძლავრი იარაღი, მაგრამ სიტყვის მნიშვნელობა რომ მართლა ის იყოს, რასაც ლოკი ასეთად თვლის, ამაზე უვარგისს ამ საქმისათვის ვერავინ მოიგონებდა. თანახმად „იდეოლოგიური“ თეორიისა, ყველამ მხოლოდ თავისი საკუთარი წარმოდგენა იცის და ყველა მხოლოდ თავის წარმოდგენის აღსანიშნავად ხმარობს ბევრათა გარკვეულ კომპლექსს: სხვისი იდეების გამოსახვა ისე არ შეიძლება. როგორც ორ ენაზე — ნაცნობ და უცნობ ენაზე — ლაპარაკი. სენსუალიზმის ნიადაგზე აღმოცენებული სოლიპსიზმი აქაც თავს იჩენს. სრულიად გაუგებარია, როგორ თამაშობს ენა შუამავლის როლს ადამიანთა შორის. როცა ყველას თავისი საკუთარი ენა აქვს და ყველას მხოლოდ ის ესმის, რაც თვითონ იგულისხმება ამა თუ იმ ბევრათა კომპლექსში. ფსიქოლოგიაში დღეს გამორკვეულია, რომ ფსიქოლოგიური მონადიზმი (სუბიექტივიზმი) და ამაზე აშენებული ანალოგიის თეორია ფსიქოლოგიური მასალის შეკრებასაც ვერ უზრუნველყოფს. ასეა ამ შემთხვევაშიც: თუ ყოველგვარი სიტყვა მხოლოდ ამას აღნიშნავს. რაც მტკმელისა და გამგონის უშუალო ფსიქოლოგიურ განცდაშია, ვერავინ ვერასოდეს სიტყვაში ვერ ამოიკითხავს იმისგან განსხვავებულს, რაც მან უკვე იცის, მაგრამ მაშინ რა აზრი აქვს საერთოდ ენის არსე-

⁸⁹ Husserl, Log. Unters. Bd. II, Teil 1, 1928, გვ. 133.

ბობას? როგორ მოახერხებს იგი ადამიანთა ინტელექტუალურ დაკავშირებას და ცოდნის გავრცელების ფუნქციის შესრულებას?

კონკრეტულიზმს უახლოვდება ზოგი ნიშნის მიხედვით მ ა ხ ის თეორია. ზოგადი ცნება არ არის, მახის აზრით, ცარიელი სიტყვა. ამას ამტკიცებს უაღრესად აბსტრაქტული ცნებების გაგებისა და მათი სწორად გამოყენების ფაქტი, მაგრამ არც მომენტანური წარმოდგენა გვეძლევა ცნების ხმარების დროს და არც წარმოდგენა, რომელიც შეიძლება ფარავდეს ცნების შინაარსს. ამის მიზეზი იმაში უნდა ვეძიოთ, რომ თვით ცნება არ არის მომენტანური წარმონაქმნი⁹⁰. ცნებას ხანგრძლივი ისტორია აქვს და მხოლოდ იმ შემთხვევაში შეიძლება მისი სრული გაგება-ახსნა, თუ ნათლად იქნება წარმოდგენილი მისი წარმოშობის პირობები. ეხა იმით ხასიათდება, რომ რამდენიმე მოვლენას ერთი კლასისას ერთი სიტყვით აღნიშნავს; რაღაც არის, მაშასადამე, ზოგადი, რომელიც სიტყვის შინაარსს უნდა ქმნიდეს. რა არის ზოგადი? რას აღნიშნავს სიტყვა?

ფიზიკურ სინამდვილეში ზოგადი, როგორც ასეთი, არ არსებობს. „გენერალიებს არ ახასიათებთ ფიზიკალური რეალობა“⁹¹. ზოგადი არ არის არც ჩვენი ცნობიერებას რეცეფციულ აქტებში. ყოველი ცვლილება ფიზიკურში სათანადო დიფერენციულ ცვლილებას იწვევს ჩვენში და ამიტომ არც ეს სფერო გამოდგება ზოგადის ასახსნელად. რ ჩ ე ბ ა რ ე ა ქ ც ი უ ლ ი ფ უ ნ ქ ც ი ე ბ ი ჩ ე ე ნ ი ო რ გ ა ნ ი ზ მ ი ს ა . გარემოს მრავალფეროვანი ცვლილება იწვევს სხვადასხვა სახის რეაქციებს ორგანიზმში, მაგრამ მრავალსახიანობა ორგანიზმის რეაქტივებისა არის გაცილებით მცირე, ვიდრე მრავალსახიანობა გარემოს ცვლილებებისა. გარემოს ცვლილებები არაფრით არ არიან შეზღუდული, ხოლო ორგანიზმის რეაქციებს ევალუბათ, თერმოსტატის მსგავსად, ორგანიზმი შეინახონ სტაციონალურ მდგომარეობაში. ამიტომ რეაქტივების მრავალფეროვნება დაყვანილი უნდა იქნეს მინიმუმამდე. „ცოცხალი არსებანიც ხომ თერმოსტატები არიან?“⁹²

სადაც სიტყვათა მარაგი მცირეა, განსაკუთრებით იქ იჩენს თავს ის ფაქტი, რომ სიტყვა ყოველთვის არ ფარავს ცნებას და ერთი სიტყვით სხვადასხვა ცნება აღინიშნება, მაგრამ სიტყვის მნიშვნელობა მაინც მტკიცე ხდება იმიტომ, რომ ბიოლოგიურად მნიშვნელოვან რეაქტივათა რიცხვი არ არის ძალიან დიდი. „ყოველი სიტყვა იხმარება მაშინ ობიექტთა ერთი კლასის აღსანიშნავად, ერთი გ ა რ კ ვ ე უ-

⁹⁰ Э. М а х. Познание и заблуждение, 1909, гл. 131.

⁹¹ М а с h, Wärmelehre, гл. 416.

⁹² Э. М а х, Научно-популярные очерки, 1909. № 305.

ლი რეაქციით. ბიოლოგიურად მნიშვნელოვანი რეაქციების მრავალსახიანობა გაცილებით მცირეა, ვიდრე მრავალსახიანობა სინამდვილის ფაქტებისა. ეს გარემოება აძლევს ადამიანს პირველად საშუალებას მოახდინოს სინამდვილის ფაქტების ლოგიკური კლასიფიკაცია⁴³.

„ჩვენი უნარი განსხვავებისა უფრო დიფერენცირებულია. ვიდრე ჩვენი რეაქციების ხასიათი. რეაქციებს. რომელთაც ჩვენ ვარჩევთ განსაზღვრულ დროში, შეესატყვისება შეგარძნებათა სასელწოდება“⁴⁴. სიტყვის ზოგადობის საფუძველს მახი ფიზიოლოგიურში, ორგანიზმის რეაქციებში ექვს:

მახის შეხედულებას პრინციპულად ემთხვევა მიუნსტერბერგის აზრი⁴⁵.

როგორ უნდა შევავასოთ მახის მორტირული თეორია? ცხადია, რეაქციული უნარის დიფერენციაციის ჩამორჩენილობას სენსორული დიფერენციაციის განვითარებასთან შედარებით არ შეიძლება რაიმე ბიოლოგიური მნიშვნელობა არ ჰქონდეს. მაგრამ დიფერენციაციის განუვითარებლობის გააგივება ზოგადობის ნიშნთან მხოლოდ გაუგებრობაა და მეტი არაფერი. შეიძლება უაღრესად დიფერენცირებული იყოს ზოგადი და პირიქით. ეს შემთხვევითია თვით ზოგადის ცნების მიმართ. მახის თეორიით გამოდის, რომ ორგანიზმის რეაქციის უნარმა ისეთივე დიფერენციაციას რომ მიაღწიოს, როგორსაც მიაღწია სენსორიუმმა, ზოგადი ცნება არ უნდა შემუშავდეს (როგორც კონცეპტუალისტი, მახი ცნების მხოლოდ შემუშავებაზე ლაპარაკობს). მაშასადამე; ცნება მოტორიუმის განუვითარებლობას ემყარება და ამდენად სრულად შემთხვევითია. თუ ჰივილებთ იმას მხედველობაში, რომ განვითარება დიფერენციაციის გზით მიდის. უნდა ვიფიქროთ, რომ ოდესმე, როცა მოტორიუმში სათანადოდ განვითარდება, ბიოლოგიურ მოთხოვნილებათა რიცხვი გაიზრდება (ის ხომ თანდათან იზრდება?!), ცნებაც გაქრება. ცნობილია, რომ ცხოველის და ბავშვის რეაქციები უფრო დიფერენცირებულია და გაურკვეველი. მახის თეორიით უზოგადესი ცნებებიც აქ უნდა გვხვდებოდეს. ლოკმა ჩვენი სულის განუვითარებლობა ზოგადის საფუძველად გამოიყენა; უამისოდ არც სიტყვა იქნებოდა საჭირო და არც ზოგადი იღეა. ეს უკანასკნელი აღარ გამოდგებოდა ჩვენი სულის უძღურების მომას-

⁴³ Э. Мах, Позн. и заблужд., гл. 303.

⁴⁴ Э. Мах, Научно-популярные очерки, гл. 305.

⁴⁵ H. Münsterberg, Grundzüge der Psychologie, 1900, гл. 552.

წავებლად. მახიც ჩვენი ორგანიზმის არათანასწორ განვითარებაზე ამყარებს ცნების (სიტყვის) წარმოშობის ფაქტს.

დავუშვათ, რომ ადამიანის ცნობიერებაში ლოგიკური კლასიფიკაცია მახის მიერ ნაჩვენები გზით შემოდის. იბადება კითხვა: რას ემყარება ამ კლასიფიკაციის სისწორე, ობიექტურობა? მოტორული რეაქცია ხომ ვერ შექმნის რეალობაში იმ სისტემას, რაც ამ რეალობას არა აქვს? ცხადია, ჩვენი საკითხი თავისთავად სისტემის შესახებ სრულიად არ აწუხებს მახს. კონცეპტუალიზმის ძირითადი შეცდომა — ლოგიკურ-ობიექტურისა და რეალურ-ფსიქოლოგიურის აღრევა ერთმანეთში — აქაც იჩენს თავს და რა გასაკვირია, რომ ამ გზით ვერავითარ მნიშვნელოვან შედეგს ვერ მივაღწიოთ ვერც ლოგიკისათვის და ვერც ფსიქოლოგიისათვის.

გარდა ამისა, სრულიად გაუგებარია, როგორ შეუძლია რეაქციის ცნებას უზრუნველყოს სიტყვის მნიშვნელობის ერთიანობა და სიმტკიცე, როცა ფაქტია, რომ ერთი და იგივე სენსორული ობიექტი სხვადასხვა რეაქციას იწვევს სხვადასხვა ადამიანში და ერთსა და იმავე ადამიანში სხვადასხვა დროს? ის, რაც უნდა შეიძინოს ბგერათა კომპლექსმა იმისათვის, რომ იგი სიტყვად იქცეს, შეუძლებელია ბიოლოგიურ მოთხოვნილებათა მსგავსებას ემყარებოდეს. მახის მიერ (ზოგადი) სიტყვის შინაარსად ცნების გამოცხადება ე. წ. „დელოლოგიური“ თეორიიდან არ განსხვავდება, რადგან „შეგრძნებათა ელემენტები“. რომელზედაც შეიძლება უკანასკნელ ინსტანციაში ცნების ნიშნების დაყვანა, აზიან ფიზიკური და ფსიქიკური ფაქტები“⁹⁶. ცხადია, რომ რა მოდიფიკაციაც არ უნდა განიცადოს შეგრძნებაში, თანახმად აბსტრაქციის⁹⁷ კონცეპტუალური თეორიისა. შეგრძნების სუბიექტურობა მაინც ვერ შეიქმნის ლოგიკური ამოცანისთვის გამოსაღვე ობიექტურობას.

თუ კონცეპტუალისტური თეორიის აზრს იმაში კი არ დავინახავთ უმთავრესად, რომ აქ კონცეპტად წარმოდგენა ნავარაუდევო, არამედ იმაში, რომ ცნების შინაარსი საერთოდ მოცემული კი არ არის, არამედ შექმნილი სუბიექტის ამა თუ იმ სახის მოღვაწეობით, მაშინ ტენის ვოლუნტარისტული თეორიაც⁹⁸ კონცეპტუალის-

⁹⁶ Э. Мах, Позн. и служба, გვ. 141.

⁹⁷ აბსტრაქციის სენსუალისტური თეორიის საფუძვლიან კრიტიკას გვაძლევს ჰესერლი. იხ. Log. Unters. Bd. 11, Teil 1, 1928, გვ. 137—225.

⁹⁸ ასე ვუწოდებთ ამ თეორიას, რადგან გადაწყვეტ როლს აქ მისწრაფება თამაშობს.

ტურად შეიძლება ჩავთვალოთ. ლოკისა და მახის მსგავსად. ტენიც აღიარებს, რომ სიტყვის შინაარსი ზოგადია და ეს ზოგადი სადმე როგორმე უნდა არსებობდეს. როდესაც ლოგიკოსები და გრამატიკოსები ამბობენ, რომ საზოგადო სახელი არის ზოგადი და განყენებული, ისინი სწორად მსჯელობენ. სიტყვა არის ზოგადი იმიტომ, რომ შეეხება მთელ გვარს, მოვლენათა მთელ ჯგუფს, ხოლო განყენებული იმიტომ, რომ მიუთითებს ერთგვარ გამოთიშვაზე და ამდენად განუყოფელის ნაწილს შეადგენს. ზოგადი და განყენებული ნიშნები სიტყვისა მჭიდროდაა დაკავშირებული ერთმანეთთან. სიტყვა იმიტომაცაა ზოგადი, რომ განყენებულია. სახელის შინაარსი, მაშასადამე, არ არის უაქტო. არამედ ფაქტის განუყრელი ნაწილია. რასაკვირველია, ამ ნაწილის არც აღქმა შეიძლება და არც (გრძნობადი) წარმოდგენა. რადგან ასეთი რამ შეიცავს შინაგან წინააღმდეგობას. „...წმინდა მრავალკუთხედი არის ფიგურა მრავალი მხარეებით, მაგრამ ეს მხარეები არ შეადგენენ გარკვეულ რიცხვს და ამიტომ არც შეიძლება ამაზე არავითარი გამოცდილება. არავითარი გრძნობადი წარმოდგენა“. „ვინმეს რომ დავავალოთ, რომ დაინახოს ან წარმოისახოს მრავალი მხარეები და იმავე დროს არ დაინახოს და არ წარმოისახოს არც სამი, არც ოთხი, არც, საერთოდ, რომელიმე რიცხვი, ნიშნავს იმას, რომ ერთსა და იმავე დროს დავავალოთ და კიდევაც ავუკრძალოთ ვინმეს ერთი და იგივე ოპერაცია“. „შეუძლებელია წარმოვიდგინოთ სიდიდე და ფორმა ისე, რომ ეს სიდიდე და ფორმა არ იყოს ასეთი და ასეთი. ე. ი. გამსაზღვრული“⁹⁹. ხატი, რომელსაც იწვევს ჩვენში სიტყვა, არის ბუნდოვანი და ცვალებადი, ხოლო ის მნიშვნელობა, რომელსაც ჩვენ ვიგებთ სიტყვაში, არის ზუსტი და მტკიცე. ათასკუთხედის წარმოსახვა რომ ვცადოთ, რაგინდ წარმოსახვის დიდი ძალაც არ გამოგვანდეს, მაინც ვერ გავცილდებით ოც. ოცდაათ ხაზს, ხოლო შინაარსი ათასკუთხედისა უფრო ძნელი არ არის გასაგებად, ვიდრე სამკუთხედისა. ამგვარად, „ის, რაც მე მესმის (გამეგება), არ არის ის, რასაც მე წარმოვისახავ, და ჩემი ცნება არ არის მერყევი ფიგურა, რომელიც მას სდევს თან“¹⁰⁰.

წარმოსახვა და გაგება არ არის, მაშასადამე, ერთი და იგივე. სწორია ისიც, რომ ცნებას ჩვენ ვწვდებით არა წარმოსახვით, არამედ გაგების აქტით. „მაგრამ. — განავრძობს ავტორი, — ეს ცნება არსებობს; ჩემში არის რაღაც, რაც წარმოადგენს ათასკუთხედს და მას ზუსტად შეესაბამება. რაში მდგომარეობს ეს შინაგანი წარმომადგენელი... რა ხდება ჩემში, როცა... მე ვაზროვნებ ჩემ მიერ გაგონილი

⁹⁹ И. Тэн, Об уме и познании, С.-Петербург, 1872, гл. 11.

¹⁰⁰ იქვე.

ზოგადი სიტყვის საშუალებით... განყენებულ ნიშანს?..¹⁰¹ მნიშვნელობის (ცნების) წარმომადგენელი წარმოდგენა არ არის, ის ყოველთვის ინდივიდუალური ბუნებისაა. უნდა ისეთი რამ მოინახოს ადამიანის ცნობიერებაში, რაც ინდივიდუალობის ნიშანს არ საჭიროებს და ამდენად ზოგადის რეპრეზენტაციის ფუნქციისათვის გამოდგება. ასეთ რეპრეზენტანტის როლს, ტენის აზრით, ასრულებს მისწრაფება „როდესაც ჩვენ დავინახეთ საგანთა მთელი რიგი, რომელთაც ერთი და იგივე თვისება აქვთ, ჩვენ განვიცდით ერთგვარ მისწრაფებებს, მისწრაფებას. რომელიც შეესატყვისება ამ თვისებას და მხოლოდ მას. აი, ეს მისწრაფება იწვევს ჩვენში სახელს“. „ჩვენ არა გვაქვს, სწორად რომ ვთქვათ, ზოგადი იდეები, ჩვენ გვაქვს მისწრაფება დასახელებისაკენ და სახელები. მაგრამ ყოველგვარი მისწრაფება თავის თავად არ არის რამე ცალკეული“¹⁰². „როდესაც ჩვენ მრავალი აღქმებიდან გამოვყოფთ ზოგად იდეას, ჩვენ ყოველთვის ვიპოვით ჩვენში... ერთგვარი მისწრაფების სიჭარბეს, რომელიც იწვევს გამოსახულებას და სხვა გამოსახულებათა შორის — სახელს“¹⁰³.

ტენის თეორიას აქვს მსგავსება ნომინალისტურ თეორიასთანაც. როცა ჩვენ გვესმის რომელიმე უბრალო ბგერათა კომპლექსი, ის არავითარ ინდივიდუალურ წარმოდგენებს არ უკავშირდება, ხოლო როცა ჩვენ გვესმის სიტყვა „ხე“, „ჩვენ ჩვენდა უნებურად წარმოვისახავთ მუხას, ალვის ხეს, მსხალს, რომელიმე სხვა ხეს და, როცა ვხედავთ რომელიმე ხეს, ჩვენდა უნებურად წარმოვთქვამთ სიტყვა ხეს“¹⁰⁴. ე. ი. სიტყვა გვაწვდის არა ზოგად იდეას, არამედ რამდენიმე ინდივიდუალურ წარმოდგენას. სპეციფიკური და ორიგინალური ტენის კონცეფციაში მისწრაფების ცნებაა. ამ ცნებას აქვს დაკისრებული ზოგადობის ფუნქციის შესრულება და ამას ის თითქოს იმით ახერხებს, რომ ის არ არის რაიმე ინდივიდუალური, რაიმე განსაზღვრული. რამდენადაც, მაშასადამე, მისწრაფების ემინენტური მნიშვნელობა მის გაურკვეველობას ემყარება, ტენი ახლოს დგას ლოკთან და რაც ამ უკანასკნელზე ითქვა, ძალაშია ტენის თეორიის მიმართაც.

რაც შეეხება თვით მისწრაფების გამოყენებას სიტყვის ზოგადობის და, საერთოდ, მისი მნიშვნელობის წარმოქმნის საკითხს, ტენი არ არის უკეთეს მდგომარეობაში, ვიდრე სხვა ფსიქოლოგისტები. თვით

¹⁰¹ И. Тэп, დასახ. ნაშრომი, გვ. 12.

¹⁰² იქვე, გვ. 15—16.

¹⁰³ იქვე, გვ. 15.

¹⁰⁴ იქვე, გვ. 16.

ტენმა ნათლად და სწორად დაუპირისპირა ერთმანეთს თვალსაჩინო წარმოსახვითი სურათი და სიტყვის მნიშვნელობა და აქედან უნდა დაენახა მას, რომ მეორის ეკვივალენტის ძებნა პირველში არც შეიძლება და არც საჭიროა. რატომ უნდა ვეძებდეთ მნიშვნელობის გაგების (გაცნობიერების) შემდეგ კიდევ მის თვალსაჩინო ეკვივალენტს, თუ წინასწარ არ არის მიღებული სენსუალისტური დებულება, რომ ცნობიერებაში არსებობისათვის უსათუოდ თვალსაჩინოების ნიშანი საჭირო? რადგანაც ცხადია, რომ ზოგადის განხორციელება წარმოდგენაში ლოგიკურ წინააღმდეგობას შეიცავს, უნდა შეწყდეს ასეთი ძიება საერთოდ. რა პრინციპული უპირატესობა შეიძლება მიენიჭოს მისწრაფებას წარმოდგენასთან შედარებით? მთავარი, რაც წარმოდგენას უვარგისად აქცევს სიტყვის მნიშვნელობისათვის. მისი ფსიქიკურობა, მისწრაფებასაც ახასიათებს. გაურკვეველობა. უსრულლობა — ლოგიკური მნიშვნელობის მიმართ მიზუსთა და არა პლიუსი, ხოლო, როგორც განცდა აღებული, მისწრაფებაც ინდივიდუალურია და გარკვეული. მისწრაფება საბოლოო ანგარიშში ასოციაციაზე დადის, ასოციაციაზე, რომელიც არსებობს სახელსა და გარკვეული კლასის ინდივიდუალურ წარმოდგენათა შორის. მაგრამ ცხადია, რომ ის, რაც შეიძლება შემთხვევით დაუკავშირდეს სახელს (სიტყვას), არ არის მისი (ლოგიკური) შინაარსი. ასოციაცია არ შეიძლება არ იყოს შემთხვევითი: „ხემ“ მე მომაგონა მუხა, მსხალი... მაგრამ შეიძლებოდა მომაგონებოდა ნაძვი, ცაცხვი. ლოგიკურად განსხვავებული მდგომარეობა არ გვექნებოდა. მაგრამ, თუ „ხე“-ს გაგებისათვის, სულერთია, მრავალი ინდივიდუალური წარმოდგენიდან, რომელი იქნება რეპროდუცირებული. არსებითი მნიშვნელობა არც ერთ წარმოდგენას არ ჰქონია. მაგრამ, რადგან (საილუსტრაციოდ) მაინც ყოველი ხე გამოსადეგია ამისათვის, ცხადია, რომ ის, რაც არის „ხეს“-ს შინაარსი, ყოველ ხეშია და იმავე დროს, რადგან ის არის ერთი, არც ერთი კონკრეტული ხის საკუთარ ნიშანს არ შეადგენს.

ფსიქოლოგისტურ თეორიებს მივაკუთვნებთ ჩვენ პ. გომპერცის თეორიასაც. გომპერცი თავისი პატემპირისტული სისტემის შექმნისას განსაკუთრებულ ყურადღებას აქცევს საერთოდ სემასიოლოგიის საკითხებს და ამით აიხსნება, რომ თავისი ნოოლოგიის პირველი ნაწილი მან დაუთმო საკუთრივ სემასიოლოგიის ძირითად პრობლემებს, რომელთა რიცხვს იგი ძირითადად ოთხი საკითხით შემოფარგლავს¹⁰⁵. იმ დიდი მნიშვნელობის გამო, რომელიც აქვს, ჩვენი აზ-

¹⁰⁵ Heinrich Gomperz, Weltanschauungslehre, Bd. 11. Noologie/I Hälfte, Einleitung und Semasiologie. Jena, 1928.

რით. გომპერცის შრომას, საჭიროა მასზე ცალკე დაიწეროს. აქ კი ამ შრომას მხოლოდ ჩვენი პრობლემის თვალსაზრისით შევხებით და ისიც მოკლედ.

როდესაც გამოთქმის საფუძველი სუბიექტთან ურთიერთობაში მოდის, ის სუბიექტში გამოიწვევს წარმოდგენას ან გრძნობას. გომპერცის აზრით, წარმოდგენა, როგორც არ უნდა იყოს იგი: ზოგადი თუ ინდივიდუალური, სიტყვის შინაარსის როლს ვერ ითამაშებს. ავტორი ვრცლად არჩევს „იდეოლოგიური“ თეორიის მნიშვნელობას ამ საკითხში და ბევრ მართებულ დებულებას აყენებს მის წინააღმდეგ. ბუნებრივია, რომ, რადგან ავტორის წინასწარი შეხედულებით გამოთქმის საფუძველიდან მხოლოდ წარმოდგენის და გრძნობის მიღება შეიძლება, წარმოდგენის გამორიცხვის შემდეგ ყურადღება თავისთავად გრძნობებზე ჩერდება. აქ უნდა მოიძებნოს ის, რითაც არის გამოთქმა დაკავშირებული გამოთქმის საფუძველთან, — აქ უნდა მოიძებნოს გამოთქმის შინაარსი.

გამოთქმის საფუძველი უბრალო განცდის შემთხვევაშიც იწვევს ჩვენში გრძნობათა მთელ კომპლექსს, რომელსაც გომპერცი გამოთქმის საფუძვლის ტოტალურ იმპრესიას ეძახის. ეს უკანასკნელი პირველად მოცემული სახით არ გამოდგება გამოთქმის შინაარსად. საჭიროა ამ მასალამ ერთგვარი გადამუშავება განიცადოს. რომ აღნიშნული ფუნქცია შეასრულოს. ორი სპეციფიკურად განსხვავებული გამოთქმის საფუძველი არასოდეს არ გვაძლევს მსგავს ტოტალურ იმპრესიას, მაშინ როდესაც ისინი მაინც ძლიერ ხშირად გაიგებიან ერთი და იგივე გამოთქმის შინაარსით. ზოგადი შთაბეჭდილება, რომელსაც იწვევენ ჩვენში პიზას ტაძარი და მე-9 სიმფონია. ძლიერ განსხვავებულია. მაგრამ, ამის მიუხედავად, ისინი გაერთიანებული არიან ერთ გამოთქმაში — „მხატვრული ნაწარმოები“. რა არის დასახელებულ ორ ობიექტში ისეთი, რომ მათი ერთი ტერმინით აღნიშვნა შესაძლებელია? „...ეს სდება, სახელდობრ, იმიტომ, რომ ორივე იწვევს ჩვენში მოწონების გარკვეულ გრძნობას, მოწონების ისეთს თავისებურ გრძნობას, რომელსაც იწვევენ მხოლოდ მხატვრულად და გეგმაშეწონილად დანაწევრებული ობიექტები და არა ბუნების საგნები“¹⁰⁸. ტოტალური იმპრესიის სხვაობა არ ქმნის დაბრკოლებას ერთი შინაარსის გამოსათქმელად, ვინაიდან სხვადასხვა იმპრესიებს. მათი სხვაობის მიუხედავად, აღმოაჩნდათ საერთო გრძნობითი ელემენტი. ტოტალური იმპრესია ორი ტიპის გრძნობებს შეი-

¹⁰⁸ Gomperz, დასახ. ნაძრ., გვ. 221.

ცავს: ისეთს, რომლითაც ერთი ტოტალური იმპრესია მეორისგან განსხვავდება და ისეთს, რომელიც მათ საერთო აქვთ. პირველს ავტორი უწოდებს ინდივიდუალურს, ხოლო მეორეს — ტიპიურ მომენტს და ამის მიხედვით ინდივიდუალური მომენტების ჯამს ეძახის ინდივიდუალურ ტოტალურ იმპრესიას, ხოლო ტიპიური მომენტების ჯამს — ტიპიურ ტოტალურ იმპრესიას. ამთავითვე ცხადია, რომ გამოთქმის შინაარსთან მეტი კავშირი უნდა ჰქონდეს ტიპიურ ტოტალურ იმპრესიას. რომ ამ უკანასკნელ ცნებასთან უნდა იყოს სიტყვის შინაარსის პრობლემის გადაკრა. დაკავშირებული. ეს იქიდან ჩანს, რომ გამოთქმის ორ სხვადასხვა საფუძველს მაშინაც აქვს საერთო ელემენტი, როცა მათ წარმოდგენის არც ერთი ელემენტი არ აერთიანებთ; მიუხედავად იმისა, რომ ერთი ობიექტი შეიძლება სმენის ორგანოს საშუალებით მივიღოთ (სიმფონია), ხოლო მეორე მხედველობის საშუალებით (ტაძარი), მაინც აღმოაჩნდეთ მათ საერთო ელემენტი (სპეციფიკური მოწონება). რომელიც გამოთქმის (Aussage) შინაარსად იქცევა.

მაგრამ აღამიანთა შორის არსებული ლოგიკური ურთიერთობის ახსნა გრძნობის საშუალებით განსაკუთრებულ ეჭვს იწვევს. თვით გომპერცი ენერგიულად იცავს იმ აზრს, რომ აზრის ლოგიკურ ვალენტობას არ უნდა შეეხოს ცალკე პიროვნებათა ფსიქოლოგიური თავისებურება. თუ წარმოდგენებზე ითქმის, რომ ისინი იცვლებიან პიროვნებიდან პიროვნებამდე, რაღა ითქმის მაშინ გრძნობების შესახებ, როდესაც ისინი უსუბიექტურესი არიან ყველა განცდათა შორის? ხომ უდაოა ყველასთვის, რომ ერთი და იგივე მოვლენა სხვადასხვა პირში ძალიან ხშირად განსხვავებულსა და საწინააღმდეგო გრძნობებსაც კი იწვევს? თუ წარმოდგენა უარყოფილ იქნა გომპერცის მიერ იმიტომ, უმთავრესად, რომ ის სუბიექტურ-ინდივიდუალური ხასიათისაა და, მაშასადამე, ლოგიკურის რეპრეზენტანტი ვერ იქნება. განა უფრო მეტი საბუთით არ ითქმის ეს გრძნობის შესახებ. რომელიც კიდევ უფრო მეტად ატარებს პიროვნულ ხასიათს?

გომპერცი ამ მოსაზრებას შემდეგნაირად უპასუხებს: ინდივიდუალური და ტიპიური ტოტალური იმპრესიის გვერდით არსებობს სინგულარული და გენერალური ტოტალური იმპრესია. თუ პირველი წყვილი სხვადასხვა გამოთქმის საფუძველში არსებულ ინდივიდუალურ და ტიპიურ მომენტებს გამოსახავს, მეორე წყვილი ენება ერთი და იგივე გამოთქმის საფუძველის მიერ გამოწვეულ სინგულარულ და გენერალურ შთაბეჭდილებას. ამ ახალი დისტინქციით კიდევ უფრო მივეუახლოვდით ლოგიკურ შინაარსს. ახლა ჩვენ უნდა

ვთქვათ, რომ „...გამოთქმის შინაარსი ცნობიერებას ევლინება არა მხოლოდ როგორც ტიპიური, არამედ როგორც აგრეთვე გენერალურ-ტოტალური იმპრესია“¹⁰⁷. გამოთქმის შინაარსის ცნობიერება იმით განსხვავდება გამოთქმის საფუძვლების მიერ გამოწვეული გრძნობითი შთაბეჭდილებიდან, რომ ამ უკანასკნელიდან გამორიცხულია ყველაფერი, რაც მასში პიროვნულსა და ცვალებადს წარმოადგენს და მხოლოდ ის არის დატოვებული, რაც საერთო გვაროვნულ მომენტს შეადგენს, ზნეობაც გრძნობას ემყარება, — ამბობს გომპერცი, — მაგრამ ზნეობის ნორმების ობიექტური ხასიათი ამის გამო არავის უარყვია.

გამოთქმის შინაარსის განწმენდა სინგულარული მომენტებისგან ხდება სოციალური ურთიერთობის საფუძველზე¹⁰⁸.

როგორც იყო აღნიშნული, გენერალურ-ტიპიური ტოტალური იმპრესია არის ლოგიკური ცნობიერების მასალა. ის არის ფაქტების (Tatsache) აზრითი ექსტრაქტი, რომელიც შეადგენს იმ მომენტს, რომელშიაც გამოთქმის შინაარსი უკავშირდება გამოთქმის საფუძველს. ეს მომენტიც, რომლის საშუალებითაც ხერხდება გამოთქმის შინაარსის მიმართება იმისადმი, რაზედაც არის იგი ნათქვამი. გომპერცი გამოთქმის შინაარსის ამ მხარეს სემასიოლოგიურ მატერიას ეძახის და მისი გამოთქმის ფორმად მიაჩნია მეტყველების კატეგორიზაციული ნაწილები. ამას დაერთვის სინკატეგორიზაციული ნაწილები. რომელნიც სემასიოლოგიურ ფორმას გადმოცემენ.

სემასიოლოგიის პირველი პრობლემა პატემპირიული თეორიის მიერ იჭრება შემდეგნაირად: გამოთქმის შინაარსი წარმოდგენილია ცნობიერებაში როგორც გამოთქმის საფუძვლის გენერალურ-ტიპიური ტოტალური იმპრესიის დანაწევრებული კომპლექსი. გამოთქმის შინაარსი რომ გამოთქმის საფუძვლის გულისხმობას ახდენს, ეს იმით აიხსნება, რომ მასში არიან გრძნობის ის ელემენტები. რომელნიც გამოთქმის საფუძვლის ნიადაგზე აღმოცენდებიან მისი უბრალო აღქმის შემთხვევაშიაც. გამოთქმის შინაარსი რომ მოცემულ გამოთქმის ყველა საფუძველს გულისხმობს. ეს იმით აიხსნება, რომ ტიპიური ტოტალური იმპრესია ყოველი ცალკეული გამოთქმის საფუძვლის ინდივიდუალურ ტოტალურ იმპრესიაშია მოცემული¹⁰⁹. „გამოთქმის საზრისი (Sinn) ცნობიერებაში შეიძლება დადას-

¹⁰⁷ G o m p e r z, დასახ. ნაშრ., გვ. 224.

¹⁰⁸ იქვე, გვ. 229.

¹⁰⁹ იქვე, გვ. 238.

ტურდეს მხოლოდ როგორც გ რ ძ ნ ბ ა თ ა კომპლექსი და ეს კომპლექსი არის იმავე დროს დამოუკიდებელი თანმხლები წ ა რ მ ო დ გ ე ნ ე ბ ი დ ა ნ¹¹⁰.

ყოველ აზრს არა აქვს ადეკვატური გამოხატულება წარმოდგენაში, მაგრამ, სადაც ასეთი გვხვდება, წარმოდგენა მნიშვნელოვან როლს თამაშობს აზრის მიმართ. მაგრამ ეს მნიშვნელობა გამოიხატება მხოლოდ ტოტალური იმპრესიის გამოწვევაში¹¹¹.

როდესაც საკითხი ეხება ანტილოგიკურ ცნებებს, რეპრეზენტაციის ფუნქციას ასრულებს მათი რეალიზაციის წესი. მრგვალი ოთხკუთხედის შესაფერისი გრძნობათა კომპლექსი არ შემუშავდება, რადგან ტოტალური იმპრესია „მრგვალი“ და „ოთხკუთხედი“ ერთ კომპლექსში არ გაერთიანდებიან. ამ განცდას ერთვის იმ წესის ცოდნა, რომლითაც მოხდებოდა მისი რეალიზაცია, რომ ასეთი რამ შესაძლებელი ყოფილიყო. ანალოგიური მდგომარეობაა 1000-ის განცდის შემთხვევაში, მაგრამ იმ განსხვავებით, რომ „მრგვალი ოთხკუთხედის“-ს რეალიზაციის შეუძლებლობა ემყარება შეუთავსებლობას, ხოლო 1000-ის შემთხვევაში ჩვენი სინთეტიური უნარის სისუსტეს. უმაღლესი არსება (ღმერთი) შესძლებდა 1000-ის ინტუიტურად შემეცნებას, მაგრამ ადამიანი ამ შემთხვევაში იძულებულია სიმბოლური შემეცნებით დაეკმაყოფილდეს. ეს სიმბოლური გავება მდგომარეობს იმ წესის ცოდნაში, რომლითაც ჩვენ აღნიშნული სიდიდის მიღწევა შეგვიძლია ერთეულების თანდათან მიმატების გზით¹¹².

როგორც აღინიშნა, გომპერცი გამოთქმის შინაარსად წარმოდგენას არ თვლის. ცხადია, მან ის უნდა აღმოაჩინოს გრძნობაში, რაც წარმოდგენას არ მოეპოვება, ხოლო სიტყვისათვის აუცილებელ საჭიროებას შეადგენს. „მხატვრული შემოქმედება“ ისეთ საგნებს ეხება, რომელთაც საერთო წარმოდგენითი შინაარსი არ მოეპოვებათ. ასეთი შინაარსის მოძებნა აუცილებელია; ეს საჭიროა სიტყვის („მხატვრული შემოქმედება“) არსებობის გამართლებისათვის. გომპერცის აზრით, გრძნობა ისეთი ფსიქიკური ფენომენია, რომელიც „იდეურად“ საესებით განსხვავებულ ობიექტებს ერთნაირად ახასიათებს. ეს ერთიანობაა, რაც აძლევს გრძნობას უპირატესობას წარმოდგენის წინაშე. რომ გრძნობა სუბიექტურია და ინდივიდუალური *par excellence*, — ეს გომპერცმაც კარგად იცის.

¹¹⁰ G o m p e r z, დასახ. ნაშრომი, გვ. 241.

¹¹¹ იქვე, გვ. 238.

¹¹² იქვე, გვ. 243.

მაგრამ მაშინ, როცა წარმოდგენითი მასალა სიტყვისათვის შესაფერის ზოგადის გამომუშავების საფუძველს არ გვაძლევს, გრძნობა ამისათვის სავსებით გამოსადეგია. მაშასადამე, ყურადღების ცენტრში ისეთი გრძნობის არსებობა უნდა იყოს, რომელსაც სხვადასხვა საგანი იწვევს ჩვენში. შეიძლება თუ არა ასეთი გრძნობა არსებობდეს?

ცხადია, თუ „გრძნობამ“ თავისი ჩვეულებრივი მნიშვნელობა არ დაკარგა, ის იდენტურობის იმ მოთხოვნილებას ვერ დააკმაყოფილებს, რომელსაც სიტყვის შინაარსი საჭიროებს. სიტყვა კულტურის კუთვნილებაა; მაშასადამე, მისი შინაარსი თავისი ინტენციით მაინც მარადიულია. გრძნობა კი შეიძლება იყოს მხოლოდ დროში მიმდინარე პროცესი; მას აქვს დასაწყისი და დასასრული; იგი მომენტანური და არავითარი უპირატესობა არ აქვს სხვა რეალური ფაქტების წინაშე. ბევრათა კომპლექსი რომ კულტურულ ღირებულებად იქცეს, ისეთ რამეს უნდა დაუკავშირდეს, რაც სუბიექტურობას და წარმავლობას დასძლევს: გრძნობა კი ასეთ ფუნქციას ვერ აიღებს თავის თავზე. რასაკვირველია, შეიძლება ლაპარაკი გრძნობაზე, მაგრამ ამ შემთხვევაში ჩვენ გრძნობა გვევლინება გამოთქმის საფუძველად და არა გამოთქმის შინაარსად. როგორ უნდა წარმოგვედგინა, გომპერცის თეორიით, მაგ., სიტყვა „სიამოვნების“ სტრუქტურა? რა არის აქ სიტყვის შინაარსი და რაა სიტყვის საფუძველი? შეუძლებელია „სიამოვნების“ საფუძველი იყოს საგანი. რომელიც ამ გრძნობას იწვევს. სიტყვა სიამოვნებას გამოთქვამს და არა მის მიზეზს. რჩება ასეთი გამოსავალი: თვით სიამოვნება. როგორც განცდა. არის გამოთქმის საფუძველი. მაგრამ რა არის მაშინ გამოთქმის შინაარსი? გრძნობა, რომელსაც იწვევს გრძნობა ჩვენში? გრძნობის გრძნობა? რადგანაც პატემპრისტული თეორია სიტყვის შინაარსის თვისთვად არსებობას არ აღიარებს და მას სუბიექტის (ემოციონალურ) რეაქციაში ეძებს, გრძნობის აღმნიშვნელის შესადგენად იძულებულია მხოლოდ ერთს მონაცემს (გრძნობას) დაეყრდნოს. გაუგებარია, ამ ერთიდან როგორ მიიღება ორი: გამოთქმის შინაარსი და გამოთქმის საფუძველი.

სიტყვის შინაარსი, გომპერცის თეორიით, აზრითი ხასიათისაა. მაგ. „Kunstwerk“ არ შეიძლება წარმოდგენებისაგან შემდგარად ვიგულისხმოთ. მაგრამ როგორ არის ეს ცნება მიღებული გრძნობისგან? ავტორი აქ ასახელებს სპეციფიკურ მოწონებას, რომელსაც აქვს ადგილი პიზას ტაძრის ნახვისა და მეცხრე სიმფონიის მოსმენისას. ეს მოწონება ხასიათდება ისეთი ნიშნებით, რომელიც შესაფერისია კულტურის ობიექტისათვის და უცხოა ბუნებისათვის, ე. ი. მოწონება ბუნებისა „ბუნებითია“, სპეციფიკურია, ხოლო კულტურისა სრულიად განსხვავებული. დგება მორიგი საკითხი: რით განსხვავდება სიმ-

ფონიის მოწონება კულტურის ისეთი ობიექტის მოწონებისგან. როგორც არის ქვემოთ? ცხადია, იმით. რომ პირველი ხელოვნების ეგზემპლარის მოწონებაა. ხოლო მეორე — არა, ე. ი., ბოლოს და ბოლოს, გამოდის, რომ პიზას ტაძარი და მეცხრე სიმფონია გაერთიანებულია ისეთი მოწონებით, რომელიც ხელოვნებისადმი მიმართული¹¹³: იმისათვის, რომ აღნიშნული ობიექტები ერთნაირად მოგვეწონოს, საჭიროა წინასწარ ორივე ერთნაირ ობიექტებად. ხელოვნების ობიექტებად, ვცნოთ. საკითხი, მაშასადამე: წრეში ტრიალებს: გრძნობა მოწოდებულია იმისათვის, რომ აზრითა შინაარსი მიაწოდოს სიტყვას, ხოლო იმისათვის, რომ შესაფერისი გრძნობა („ხელოვნებითი მოწონება“) გაჩნდეს, მოცემული ობიექტები წინასწარ გაგებული უნდა იქნენ. როგორც ხელოვნების ობიექტები. მაგრამ მეტყველებას იმისთვის, რომ შექმნას გამოთქმა „Kunstwerk“ არაფერი ჭირდება, გარდა იმ „აზრისა“, რომელიც პიზას ტაძარს და მეცხრე სიმფონიას რომელიმე მხრით აერთიანებს. როდესაც ამ „აზრს“ დაერთვის გრძნობა, ის საკითხი, რომელიც ჩვენ წინაშე დგას, უკვე გადაჭრილია.

იდეოლოგიური თეორია ერთ-ერთ სიძნელეს მაშინ წააწყდა, როცა მის წინაშე აბსურდული შინაარსის და უზოგადესი ცნებების ფსიქოლოგიური რეალიზაციის საკითხი დადგა. შეუძლებელია მრგვალი ოთხკუთხედის წარმოდგენა და არც 1000 შეიძლება წარმოდგენაში განხორციელდეს. როგორ ცდილობს ამ სიძნელის დაძლევას გომპერცი?

შეიძლება უყოყმანოდ ითქვას, რომ აქ ჩვენი ავტორი იდეოლოგიის თვალსაზრისზე დგება და ძალაუნებურად მის მარცხს იზიარებს. აბსურდული შინაარსი (მრგვალი ოთხკუთხედი) არ შეიძლება განხორციელდეს, ამბობს გომპერცი, მაგრამ ჩვენ ვიცით წესი, რომლითაც იგი უნდა განხორციელდებულყო. რომ, საერთოდ, მისი განხორციელება შესაძლებელი იყოს. მაგრამ ოდნავი დაფიქრებაც საკმარისია იმისათვის, რომ გომპერცის ახსნა სრულიად მიუღებლად მოგვეჩვენოს. „მრგვალი ოთხკუთხედი“ არ არის გამოთქმის შინაარსის თვალსაზრისით შეუძლებელი და პრობლემატური; ის ჩვენსავსებით გვესმის და ვაფასებთ კიდევაც მას როგორც აბსურდს. გარდა ამისა, ცოდნა იმ წესისა, რომლითაც უნდა განხორციელდეს ეს აბსურდი, არის არა პატემპირისტული. არამედ იდეოლოგიური. რომელსაც სამართლიანად ებრძვის ავტორი.

¹¹³ Gomperz. დასახ. ნაშრომი, გვ. 221.

არც ის ახსნა არის დამაკმაყოფილებელი. რომელსაც გომპერცი გეძღვეს 1000-ის ფსიქოლოგიური წარმოთქმის გასაგებად. უმაღლესი არსებისათვის ათასი ინტუიტიურად არის მისაწვდომი. ჩვენ კი იძულებული ვართ სიმბოლოს მივმართოთ. დასძენს ავტორი. მაგრამ ამ შემთხვევაში სიმბოლო ხომ მხოლოდ ტექნიკური საშუალებაა და არა შემეცნების წყარო: მხოლოდ ის შეიძლება სიმბოლოს საშუალებით აღინიშნოს, რაც სხვა გზით როგორმე წინასწარ ცნობილია. იმისათვის, რომ ათიანებით ათასს მივალწიოთ. ათასი წინასწარ უნდა იყოს ცნობილი. გომპერცის შესახებ შეიძლება ითქვას ის, რაც მან თქვა ლოკის იმ მოსაზრების შესახებ, რომელიც ეხება ზოგადი სამკუთხედის წარმოდგენის შეუძლებლობას ჩვენ მიერ. ეს უსრულყოფილობა უფრო ახასიათებს ლოკის თეორიას, ვიდრე ადამიანის გონს¹¹⁴.

რა გზითაც არ უნდა მივიდეთ ათასის გაგებამდე, სულერთია, ბოლოს. მაინც. უნდა მივალწიოთ თვითონ მას და მისი ფიქსაცია მოვახდინოთ სათანადო აქტის საშუალებით. თუ 999-ის წარმოდგენა არ განსხვავდება სპეციფიკურად 1000-ის წარმოდგენისაგან (გომპერცის მაგალითია, რომელიც მან კონცეპტუალიზმის წინააღმდეგ გამოიყენა). იგივე ითქმის ამ რიცხვების მიერ გამოწვეული გრძნობების შესახებაც. საერთოდ, უნდა ითქვას, რომ განსაზღვრული აზრით გომპერცის თეორიაც კონცეპტუალისტურია. მართალია, ის იღვას არ ემყარება და ამით იდეოლოგიური თეორიიდან იმიჯნება, მაგრამ თუ კონცეპტუალიზმისთვის არსებითად ჩავთვლით არა მასალის ბუნებას (ეს იქნებოდა არსებითი სენსუალიზმისათვის), არამედ სუბიექტის აქტიობით კონცეპტის შედგენის ფაქტს, პატემპირისტული თეორია კონცეპტუალისტურად უნდა ჩაგვეთვალოს¹¹⁵. იდეოლოგიური (ლოკი) და ვოლუნტარული (ტენი) კონცეპტუალიზმისგან განსხვავებით, გომპერცის თეორიისათვის ემოციონალური კონცეპტუალიზმი შეიძლება გვეწოდებინა.

კ რ ი ტ ი ც ი ს ტ უ ლ ი თ ე ო რ ი ა

ენის კრიტიციკისტული თეორიებიდან ჩვენ შევჩერდებით მხოლოდ კასირერის შეხედულებაზე.

¹¹⁴ Gomperz, დასახ. ნაშრ., გვ. 174.

¹¹⁵ გომპერცი თავის წინამორბედთა შორის ჰესერლსაც ასახელებს. ის ადგილი, რომელიც მას ამ აზრის დასამტკიცებლად მოჰყავს, სრულიად არ გამოდგება ამისათვის. კონტექსტიდან აშკარად ჩანს, რომ აქ „გრძნობა“ სხვა მნიშვნელობით იხმარება, ვიდრე გომპერცის მიერ არის იგი ნაშმარი.

კასირერი თავის თეორიას ენის შესახებ საერთოდ¹¹⁶ და კერძოდ ჩვენი პრობლემის გადაჭრას იმ ფილოსოფიურ მიმართულებაზე ამყარებს. რომელიც „მარბურგის ფილოსოფიური სკოლის“ სახელით არის ცნობილი. კასირერი უპირისპირებს ერთიმეორეს ორგვარ შეხედულებას გონებას ფუნქციის შესახებ რეალობის მიმართ, საერთოდ, და ამას ასე წარმოგვიდგენს: ერთი შეხედულება, უძველესი და უფრო გავრცელებული, სინამდვილეს, როგორც ცნობიერების ობიექტს, მოცემულად გულისხმობს და ცნობიერებას მის ყოველ გამოვლინებაში უყურებს. როგორც მოცემულის უბრალო გამეორებას. რაც უფრო წმინდაა ცნობიერების საკვე. მით უფრო ხშირია არსებული სტრუქტურის გამეორება. მეცნიერების, ხელოვნებისა და ენის მუშაობა აქ გაგებულია. როგორც მიბაძვა (mimesis) იმისადმი. რაც არსებობს თავისთავად სინამდვილეში.

მეორე თვალსაზრისი. რომელსაც საფუძველი ჩაუყარა კანტმა, სუბიექტის (ცნობიერების) როლს წარმოიდგენს აქტიური შემოქმედების სახით. აქ „მოცემული“ გაგებულია არა როგორც საკუთარი გარკვეულობის მქონე ფაქტი, არამედ როგორც ამოცანა. ეს ამოცანა თავისებურია იმით, რომ მისი გადაჭრა თუმცა გონებას ევალება და ამდენად გადაჭრის პროცესი ლოგიკური სფეროა, მაგრამ, რამდენადაც საკითხის გადაჭრა „მოცემულის“ გეშტალტიზაციაში, იმის განსაზღვრებაში მდგომარეობს. რომლის გარეშე „მოცემული“ ცნობიერების მოცემულობად ვერ ჩაითვლება. ეს პროცესი იმავე დროს საგნის, ობიექტის შექმნის პროცესიც არის. ობიექტურობა, რომელზედაც აქ შეიძლება იყოს ლაპარაკი. იგივეა, რაც განსაზღვრულობა. ეს უკანასკნელი ლოგიკური ცნებაა და მხოლოდ გონებიდან შეიძლება გამომდინარეობდეს. „საგანი თავის თავად“, რომელიც პირველი შეხედულების თანახმად შემეცნებას წინ უსწრებს და, მაშასადამე, მოთავსებულია შემეცნების „უკან“, მის დაწყებამდე. ამ შეხედულების თანახმად, არის შემეცნების დასასრულში, მის „წინ“. მაგრამ ეს „წინ“ მუდმივია და ამდენად „საგანი“ მოცემული კი არ არის, არამედ მოსაპოვებელი, შეიძლება ითქვას, მიუღწეველი იდეალი. სუბიექტის თვითმოქმედების აქტი, რომელიც ანხორციელებს ამ იდეალისკენ სვლას, საფუძველად უდევს არა მარტო შემეცნებას. არამედ ცნობიერების ყოველგვარ მოქმედებას. მისი გამოვლინების ყოველგვარ სახეობას. ყოველი ახალი აქტი ცნობიერების თვითმოქმედები-

¹¹⁶ იხ. ა. ბოკორიშვილი. სიტყვის მნიშვნელობის ტრანსცენდენტალური თეორიის კრიტიკისათვის. დ. უნაძის სახელ. ფსიქოლ. ინსტიტუტის შრომები, ტ. Xiv, 1963.

სა შლის ახალ პერსპექტივს საგნობრიობის სფეროში. რადგან ყოველგვარი მოქმედება ცნობიერებისა სინთეზში გამოიხატება, ხოლო რასაც გონების სინთეზი შეეხება, საგნობრიობად იქცევა. საგნობრიობის ობიექტურობის კონსტიტუტივური საფუძველი არის სინთეზი, რომელიც სუბიექტიდან მომდინარეობს. კასირერი ამ უკანასკნელ თვალსაზრისზე დგას და თავის ამოცანას იმაში ხედავს, რომ ენის ფსიქოლოგიისა და ფილოსოფიის პრობლემის გადაჭრის დროს მტკიცედ გაატაროს იგი.

შეიძლება თუ არა ენის „გენეზისის“ საკითხი ფსიქოლოგიის ცნობილ მეთოდების, — ექსპერიმენტის და თვითდაკვირვების. — საშუალებით ვიკვლიოთ?

კასირერი პრინციპულად შეუძლებლად თვლის ასეთ გზას. „ვერც ექსპერიმენტი და ვერც თვითდაკვირვება ვერ გვიჩვენებენ აქ ჩვენ სანდო გზას, ეს იმიტომ, რომ ორივე მოქმედებს ენობრივად უკვე გაფორმებულ სამყაროში. ორივე წინასწარ გულისხმობს მეტყველებას იმის ნაცვლად, რომ ის „status nansens“-ის მდგომარეობაში აღწეროს“¹¹⁷.

ცხადია, რომ, განცდათა მოცემულობის საფუძველზე, შეუძლებელია ენის ფორმირების აღწერა. განცდათა აღწერა, გარდა იმისა, რომ უკვე არსებულ მეტყველებას ემყარება, ე. წ. „წინსვლის“ გზაა. კონსტრუქციაა. ჩვენი პრობლემის გადასაჭრელად კი „უკანსელის“ ან, როგორც ნატორპი უწოდებს, რეკონსტრუქციის მეთოდია საჭირო.

კასირერის კონცეფციაში ჩვენი პრობლემა ასეთ სახეს იღებს: სიტყვას მნიშვნელობა—საგანი არა აქვს მოცემული. უნდა მოიძებნოს ცნობიერებაში ისეთი მომენტი, როცა მეტყველების წარმოქმნა ხდება. რამდენადაც მეტყველების ძირითადი ფუნქცია ობიექტის შექმნაა. ცნობიერებაში მას ის მომენტი უნდა უკავშირდებოდეს, რომელიც საგნობრივი წარმოდგენის სახელწოდებითაა ცნობილი.

განვითარებულ ცნობიერებაში სიტყვა და მისი მნიშვნელობა გვეძლევა. როგორც ერთიმეორეში შეზრდილი. თვით პროცესი შეზრდისა უშუალო დაკვირვებისათვის მიუწვდომელია. ამ პროცესის გასაგებად ტრანსცენდენტალური მეთოდია საჭირო: უნდა გავიხსენოთ ის მიზანი, რომელსაც ესწრაფვის ყოველგვარი საგნობრივი წარმოდგენა. ეს მიზანია გონითი მთლიანობის შექმნა.

¹¹⁷ E. Cassirer, Die Sprache und der Aufbau der Gegenstandswelt, გვ. 137. «Bericht über den XII Kongress der Deutschen Gesellschaft f. Psychologie» (1931) Fischer, Jena, 1932 («Aufbau»).

ენის ფუნქცია ერთ-ერთი სახეა გონის მოქმედების გამოვლინებისა. გონება თავის არსებობას სინთეზში გამოხატავს; ენაც, როგორც გონების პროდუქტი, სინთეტიურ მთლიანობას ემსახურება. გასაგებია, მაშასადამე, რომ სიტყვის აქტის მიერ ხელზღუდული სუბიექტური შინაარსი ობიექტის განსაზღვრულობას და სიმტკიცეს იძენს. ის არის უმშვენიერესი და უმნიშვნელოვანესი საშუალება და ინსტრუმენტი წმინდა „საგანთა სამყაროს“ მოსაპოვებლად და ასაგებად¹⁸.

კასირერის მსჯელობა ისეთ შთაბეჭდილებას ტოვებს, რომ ის სიტყვაში ხედავს უძირითადეს აპრიორულ-ტრანსცენდენტალურ კატეგორიას, რომელიც შემეცნების სინთეტიურ ამოცანას და ბუნებასაგნის შექმნას საფუძვლად უდევს. ამ შთაბეჭდილებას სავსებით ეგუება „მარბურგის სკოლის“ ის ძირითადი დებულება, რომლის მიხედვით გონების სინთეტიური მოქმედება არის შემქმნელი შემეცნების საგნისა, ხოლო მოცემული, მზამზარეული საგანი უარყოფილია.

სოფისტებიდან დაწყებული დღემდე ხშირად გაისმის ხმა ენის უძლეურობის შესახებ. უმთავრესად სინამდვილის კონკრეტულ მრავალფეროვნებაზე მიუთითებენ, როგორც ისეთ ფაქტზე, რომელიც ენის განსაზღვრული საშუალებებით შეუძლებელია აღნიშნულ იქნეს. ენა, სიტყვა ერთია, ხოლო საგნები დაუსრულებელი რაოდენობის. როგორ შეიძლება ერთმა მრავალი გადმოგვეცეს?

კასირერი სწორედ ამ ერთობაში ხედავს ენის ძალას, მის იმ უნარს, რომლითაც მან ისე უნდა „გააფორმოს“ მრავალსახიანობა „მოცემულისა“, რომ გონებისათვის გასაგები და „მისაღები“ იყოს.

რომ საგანს თავისი სახე იმთავითვე ჰქონდეს მზა სახით მოცემული, სიტყვა ვერ შესძლებდა მის დაუფლებას და მისი მომწესრიგებელი მუშაობა შეუძლებელიც იქნებოდა და უკანონოც. მაგრამ რადგან საგანი არ არსებობს გარეშე ენისა, ენას ნამოქმედარი საგნისათვის სავალდებულოა. ენას თავისი საგანი კი არ ეძლევა, არამედ თვით მის მიერ არის იგი შექმნილი. აქედან გასაგებია ის მთლიანობა, თანაშეზრდა სიტყვასა და მის მიერ აღნიშნულს შორის, რომელზედაც ჩვეულებრივ მიუთითებენ.

შეცდომაა, ამბობს კასირერი, როცა აღქმას და ცნებას უპირისპირებენ როგორც ინდივიდუალურს და ზოგადს. სავსებით ინდივიდუალური, სინგულარული აღქმა, რომელიც სენსუალიზმმა და სკეპტიკურმა ენის კრიტიკამ უმაღლეს ნორმად და შემეცნების იდეალად დასახა. არსებითად არის პათოლოგიური ფენომენი, ფენომენი, რო-

¹⁸ E. Cassirer, დასახ. ნაშრომი, გვ. 335.

მელიც ჰყარავს თავის დასაყრდენს ენაში. რის გამოც მას გონის სამყაროში შეღწევის უმნიშვნელოვანესი გზა ეხურება¹¹⁹.

საგნის ცნობიერება არსებითად ემყარება და გულისხმობს ისეთ მიმართებას, რომელიც ენისათვის არის არსებითი და რომელიც ენაში პოვებს თავის პირველ და პროტოტიპულ გამოვლინებას. შემცდარია როგორც სენსუალისტური ფსიქოლოგიის. ისე რაციონალიზმის აზრი საგნის ცნობიერების შესახებ. არც წარმოდგენათა ასოციაციას შეუძლია ამის მოცემა და არც სილოგისტურ პროცესად მისი წარმოდგენა დასაშვები. მიმართება. რომელიც აქ არის მოცემული, სპეციფიკური, უძირითადესია და ამიტომ ყოველგვარი ცდა მისი რელექციისა უარყოფილი უნდა იქნეს. მიმართება წარმოდგენისა და საგანს შორის (საგნის ცნობიერება) არ არის მიმართება მიზეზსა და შედეგს შორის ან ასახვასა და მის ორიგინალს შორის. არამედ ისეთი, როგორც არის გადმოცემის საშუალებასა და გადმოსაცემ საგანს შორის. ნიშანსა და მასში გამოსახულ საზრისს შორის¹²⁰.

საგნის ცნობიერების მეორე არსებითი მომენტი — მიმართება საგანსა და მის თვისებებს შორის აგრეთვე ემყარება სახელის მთლიანობას.

როგორც იყო აღნიშნული, საგნობრივი ცნობიერებისათვის დამახასიათებელი მიმართება სპეციფიკურია. მისი ხასიათი სიმბოლურობაში გამოიხატება, რომელსაც სენსუალისტური ფსიქოლოგიისათვის პრინციპულად მიუწევდომელია. რადგან იგი არსებითად „ბრმა“ სიმბოლოს მიმართ.

კასირერის უდაო დამსახურებად უნდა ჩაითვალოს. რომ მან პირველმა მოგვცა ენის იმანენტური „ენერგეტიული“ ფუნქციის მნიშვნელობის აღწერა სულიერი ცხოვრების ფორმირებაში საერთოდ და. გარდა ამისა. მისივე დამსახურებაა ის. რომ დაწვრილებით შეეხო ენის ადგილს და მნიშვნელობას. შემეცნების დიალექტიკურ პროცესში.

კასირერის ენის ფილოსოფია დასრულებული სისტემაა. ნეოკანტიანური მიმართულების თვალსაზრისით აგებული. იდეალისტური თეორიის წინააღმდეგ მიმართულ აზროვნებას კასირერის სისტემა აძლევს კრიტიკის საუკეთესო ობიექტს.

ენის ფუნქცია ავტორს „მასალის“ ფორმირების სახით აქვს წარმოდგენილი. აქ კანტის თვალსაზრისი მთლიანად არის დაცული. მით

¹¹⁹ E. Cassirer, Philosophie der symbolischen Formen. Dritter Teil. Phänomenologie der Erkenntnis. 1929, გვ. 259—270 (Symb. Formen).

¹²⁰ E. Cassirer, დასახ. ნაშრ., გვ. 273.

უფრო აშკარაა (კანტის კრიტიკის შედეგ) თანამედროვე აზროვნებისათვის მისი მიუღებლობა. ვინც გნოსეოლოგიაში ასახვის თეორიის ნიადაგზე დგას, მისთვის აშკარაა, რომ ენა, თუ იგი თავის საგანს კი არ ასახავს, არამედ თვითონ ქმნის მას, შემეცნებისათვის თავის მნიშვნელობას კარგავს. შემეცნების თეორიის მიზანია იმ „ფორმის“ შესწავლა, რომელიც აქვს თვითონ შემეცნების საგანს და არა ენის (ან სუბიექტის) მიერ შექმნილი ფორმისა. მართალია, სიტყვის შინაარსთან დაკავშირება ფსიქოლოგიურად უპრეზენტაციოდ არ დარჩება, მაგრამ ამას, გარდა ფსიქოლოგიურისა, სხვა მნიშვნელობა ვერ მიეწერება. ლოგიკა და გნოსეოლოგია საჭიროებენ ენის სტრუქტურაში ის გაარკვიონ, რაც ობიექტურ შემეცნებას ედება საფუძვლად. რაც ენის მეცნიერულ იარაღად არსებობას გასაგებად გახდის.

ენის აღნიშნული ფუნქციის დასაბუთება ტრანსცენდენტალურ სინთეზზე მითითებით არ არის დამარწმუნებელი. აქ კასირერი ახალს არაფერს გვაძლევს. ემპირიული მასალა, რომელიც გამოყენებული აქვს ავტორს, აღნიშნული საკითხის შესახებ არსებითს და ახალს არაფერს ამბობს.

სიტყვის ძალა. კასირერის აზრით, იმაშია, რომ ის ერთაა წინააღმდეგ „მოვლენათა სიმრავლისა“. ძირითადი კითხვა სწორედ აქ დგება: რა უფლებით ახერხებს ერთი მრავალის წარმომადგენლად იყოს? რა არის მისი დასაყრდენი. როგორც ერთის? და თუ ობიექტურ სამყაროში ასეთი ერთი არ არის, რა აძლევს ენას მეცნიერულ მნიშვნელობას?

ეს საკითხები კასირერის კონცეფციაში ვერ პოვებენ თავის დამაკმაყოფილებელ გადაჭრას. ამას პრინციპულად ეწინააღმდეგება ტრანსცენდენტალური ფილოსოფიის თვალსაზრისი. „წარმოდგენის თეორიას“ მნიშვნელობის პრობლემაზე კასირერი ებრძვის, მართალია, მაგრამ ამ ბრძოლაში ის იმარჯვებს არა იმით, რომ მნიშვნელობის წარმოდგენითი თეორია დაარღვია, არამედ იმით, რომ მან არსებითად მოხსნა აღნიშნული პრობლემის ჩვეულებრივი დაყენება: სიტყვის მიღმა არსებული თავისთავადში საქმის ვითარება მან გააუქმა და, რამდენადაც საკითხი მოცემულობის გარკვეულობას ეხება, სიტყვის მნიშვნელობა სიტყვის პროდუქტად აქცია. თუ წარმოდგენა, როგორც გარკვეული ფორმა განცდისა, სიტყვას ემყარება, შეუძლებელია სიტყვის საზრისის მიმცემ მომენტად თვით ეს წარმოდგენა გამოვაცხადოთ. უფრო სწორი იქნება ამ შემთხვევაში თუ ვიტყვით, რომ, რამდენადაც წარმოდგენის (და ყოველი მოვლენის) საზრისი იმ სისტემაში, იმ წესშია, რომლითაც იგი გარკვეულ ადგილს

იჭერს კოსმოსში, სიტყვა უნდა გამოცხადდეს წარმოდგენისადმი საზრისის მიმცემად, როგორც მისი განმსაზღვრელი.

სიტყვისა და მისი მნიშვნელობის მთლიანობაში მოცემულობას არ შეიძლება მიენიჭოს ლოგიკური მნიშვნელობა. ასე რომ იყოს, სრულიად გაუგებარი იქნებოდა საყოველთაოდ ცნობილი ფაქტი, რომ სხვადასხვა ბგერითი კომპლექსი სავსებით ერთსა და იმ-ვე შინაარსს აღნიშნავს. იმთავითვე არსებული მთლიანობა შეიძლება ვიგულისხმოდ მხოლოდ მეტყველებითი ინტენციასა და ინტენსიურებულ შინაარსს შორის. მათი ფსიქოლოგიურად დაცილება დროში არ შეიძლება (თუმცა ეს შეიძლება, რასაკვირველია, ლოგიკურად. მნიშვნელობის აქტი არ ქმნის მნიშვნელობას). რაც შეეხება სიტყვას, როგორც გარკვეულ ბგერათა კომპლექსს, მისი „შერწყმა“ მნიშვნელობასთან მისი განცდის მომენტში შეუძლებელია „გამოცდილების“ გენეტიურ გავლენას არ განიცდიდეს. ხოლო ასეთი წარმოშობის ფაქტისადმი ტრანსცენდენტალ-ლოგიკური მნიშვნელობის მიწერა თვითკასირერისთვისაც არ უნდა იყოს მისაღები.

ჰუმბოლტის ცნობილი გამოთქმა — ენა არის *energeia* — კასირერმა თავისებურად გამოიყენა. მან რეკონსტრუქციის მეთოდის გამოყენებით ისეთი მომენტები აღწერა ჩვენ სულიერ ცხოვრებაში, როდესაც სიტყვა და საგანი არ არიან გათიშული, სადაც სიტყვა-საგნის ნიშნად განიცდება. რა თქმა უნდა, ამ სტადიაში სიტყვის მნიშვნელობის პრობლემა არც დადგება. მხოლოდ მაშინ, როდესაც სიტყვის სიგნიტური ფუნქციაა შეგნებული, ჩვენ საქმე გვაქვს ნამდვილ სიტყვასთან, სადაც სიტყვა საგანთან არის შეზრდილი იმგვარად, რომ ისინი ერთ ონტიურ არსად არიან გამოცხადებული, სიტყვასთან არა-გვაქვს საქმე. მხოლოდ წინა რიცხვით შეიძლება ამ მომენტისათვის „სიტყვა“ გამოვიყენოთ. რადგან ფსიქოლოგიურად აღნიშნული მდგომარეობა უსწრებს წინ ნამდვილი სიტყვის გაცნობიერებას, შეიძლება, პირიქით, ამ მდგომარეობას სიტყვის წარმოქმნა ვუწოდოთ. მაგრამ უნდა გვახსოვდეს, რომ ნამდვილი სიტყვა ეს არ არის და, მაშასადამე, სიტყვის თეორია მას ვერ იღებს დასაყრდენ წერტილად. სიტყვის თეორიამ სიტყვის ისეთი ეტაპი უნდა აიღოს დაკვირვების საგნად, სადაც სიტყვა სრული სიწმინდით და თავის არსის მაქსიმალური გამოვლინებით არის მოცემული. ჰუმბოლტის „*Energeia*“ შეიძლება გავიგოთ არა როგორც რეალური გენეზისის მოთხოვნა, არამედ იმ „შინაგანი ფორმის“ დადგენა, რომელიც ყო-

ველგვარი ლოგიკური გაფორმების საფუძველია და ამით ყოველგვარი კმნადობის უძირითადეს პირობას წარმოადგენს.

სოციალოგიისტური თეორია

ენათმეცნიერებაში მნიშვნელობა სხვადასხვა თვალსაზრისით იკვლეოდა იმისდა მიხედვით. თუ რა იგულისხმებოდა ამ ცნებაში¹²¹. მხოლოდ უკანასკნელ ხანებში გახდა ეს ცნება კვლევის საგნად ჩვენთვის საინტერესო თვალსაზრისით. საკითხის ამ თვალსაზრისით გარჩევის ლოგიკური წინამძღვარი იმ განსხვავებების შემჩნევა იყო, რომელიც არსებობს ნიშანსა და სიტყვას შორის. მიღება იმ აზრისა, რომ სიტყვა, მაგ., ობიექტური საგნის მიმართ ნიშნის როლში გამოდის, არ აუქმებს სიტყვის მნიშვნელობის საკითხს. სიტყვა ერთის მიმართულებით მეტია. ვიდრე ნიშანი და ამ მეტშია სწორედ მისი სპეციფიკა და მნიშვნელობის ფუნქციობის სფერო. მაგრამ ამ ვითარების გაცნობიერება კიდევ არ არის საკმარისი იმისათვის. რომ მნიშვნელობის რაობის განსაზღვრაში შეცდომისგან ვიყოთ დაზღვეული. მიუხედავად იმისა, რომ მნიშვნელობის როლი სიტყვისათვის ყველას მიერ არსებით მომენტადაა აღიარებული და იმის გარეშე სიტყვის არსებობა შეუძლებლად არის ცნობილი, მაინც წარმოიშენენ მნიშვნელობის ისეთი განმარტებები, რომელნიც მას ართმევენ სწორედ იმას, რითაც არის იგი სიტყვისათვის ღირებული.

მთავარი დამახინჩება აქაც ფსიქოლოგიზმიდან მომდინარეობს. ცნობილი კ. მარტი წერს: „მნიშვნელობა ეწოდება იმ ფსიქიკურ ფენომენს. რომლის გამოწვევაც მსმენელში ევალება ენობრივ გამოხატულებას“. „მეტყველების საშუალებებს... თავის პირველ ინტენციად აქვთ — გამოიწვიონ მსმენელში სათანადო ფსიქიკური მდგომარეობანი შუალობითად. ამ ფუნქციას და აგრეთვე ამ სულიერ მდგომარეობის შინაარსს ჩვენ ვუწოდებთ მნიშვნელობას“¹²². მარტის მსგავსად ზოგიერთი სხვა მკვლევარიც სიტყვის მნიშვნელობაში ფსიქიკურ შინაარსს გულისხმობს. რომ სიტყვის მნიშვნელობა არ შეიძლება ფსიქიკური მოვლენა იყოს. ამაში ჩვენ დავრწმუნდით ზე-

¹²¹ იხ. Weisgerber, Leo, Sprachwissenschaft und Philosophie zum Bedeutungsproblem. 'Blätter für Deutsche Philosophie. Bd. 4, Heft 1, 1930; გვ. 17 და ა. შ. (Bedeutung).

¹²² ციტატი მოტანილია Weisgerber-ის შრომიდან: Neuromantik in der Sprachwissenschaft, Germ-Romisch. Monatsschrift, XVIII, Jahrg, 1930, გვ. 248.

მთ. ფსიქოლოგიზმის წინააღმდეგ წამოყენებული მოსაზრებების გამოკრება აქ ზედმეტია. საინტერესოა, რომ ფსიქოლოგიზმსა და ანტიფსიქოლოგიურ ცნობილ მიმდინარეობას შორის წამოიჭრა ახალი მიმართულება, რომელიც თუმცა ფსიქოლოგისტურ თეორიებს ებრძვის და არსებითად უარყოფს მათ, მაგრამ არც იმ შეხედულებას მაინც არ იზიარებს მნიშვნელობის შესახებ, რომელსაც, მაგალითად, პუსერლი მეთაურობს. ასეთი კომპრომისული თვალსაზრისი საკმაოდ ვავრცელებულია, მაგრამ, რამდენადაც ვიცით, ყველაზე ენერგიულად და სისტემატურად ამ შეხედულებას იცავს ვ ა ი ს გ ე რ ბ ე რ ი. მან სპეციალური შრომა უძღვნა მნიშვნელობის საკითხს და რამდენიმეჯერ შეესო მას თავისი პოლემიკური ხასიათის წერილებში. ვაისგერბერი უარყოფს ფსიქოლოგისტურ თეორიას მნიშვნელობის შესახებ და ზემოთ მოყვანილი მარტის სიტყვების გამო შემდეგს წერს: რომ ამ შემთხვევაში მოძღვრება მნიშვნელობის შესახებ იქნებოდა მოძღვრება მსმენელში აღძრული ფსიქიკური მდგომარეობის შესახებ. ყოველი შემდგომი ნაბიჯი მარტის პოზიციისა აწყდება გადაუჭრელ წინააღმდეგობად. „რომელთაც თავისი საფუძველი აქვთ მნიშვნელობის პრობლემის ფსიქოლოგისტურ გაგებაში¹²³. მოძღვრება მნიშვნელობის შესახებ ამ შემთხვევაში ფსიქოლოგიის ნაწილი უნდა ყოფილიყო. მაგრამ ასეთი დასკვნა გამოუვალ სიძნელეებში გვაგდებას.

პირველ რიგში. მაშასადამე, უნდა დავძლიოთ ფსიქოლოგიზმი. როგორ ფიქრობს ვაისგერბერი ამ ამოცანის განხორციელებას? ამის გასაგებად საჭიროა ჭერ გავეცნოთ ავტორის საერთო შეხედულებას ენაზე.

პრობლემა ენის არსებობის შესახებ. ავტორის აზრით, ამჟამად არ არის აქტუალური, რადგან იგი, როგორც თეორიაში, ისე პრაქტიკაში, გადაჭრილია დადებითად¹²⁴. მხოლოდ ინდივიდუალურ-ფსიქოლოგიურად განწყობილ ეპოქას ახასიათებს ენის არსებობაში ეჭვის შეტანა. ფ უ ნ კ ე ს (და სხვების) აზრი, რომ ენა და მეტყველება არსებობენ მხოლოდ როგორც ფსიქოლოგიური მდგომარეობანი, არ არის, ავტორის აზრით, სწორი. მართალია, ენა არ არსებობს სადმე ობიექტურ სინამდვილეში, გარეშე ენობრივი კოლექტივისა, მაგრამ, რამდენადაც მისი არსებობა არის არსებობა სოციალური, იგი

¹²³ «Neuromantik», გვ. 248.

¹²⁴ იქვე, გვ. 242.

ინდივიდუალურზე მალა დგას¹²⁵. სიტყვა „ენა“ ოთხი სხვადასხვა მნიშვნელობით იხმარება. თითოეული მათგანი კვლევას სპეციფიკურა გზაზე მიუთითებს და სხვადასხვა მეცნიერებათა ობიექტი ხდება¹²⁶.

ძირითადი მომენტი ენაში არის ის, რაც თავის ყველაზე ნათელ გამოვლინებას მშობლიურ ენაში კვლევს: მხოლოდ მშობლიურ ენაში იღებს ინდივიდიცა და ხალხიც ენობრივ მონაპოვარს მთელი სისრულით. საკითხი ენის ფუნქციის, მიღწევის (Leistung) შესახებ სწორად ასეთ გადაკრას იღებდა: ენა არის შეტყობინების საშუალება. „ენა არის გამოსახულება ანუ. უფრო ზოგადად, გარე გამოვლინება“. დავას მხოლოდ ის იწვევდა. თუ რომელია ძირითადი ფუნქცია ენისა: შეტყობინება თუ გამოსახულება. იყვნენ ისეთი მკვლევარებიც. რომელნიც შემარჩებელ თვალსაზრისზე იდგნენ და გამოვლინების ცნებაში ცდილობდნენ ორივე ფუნქციის გაერთიანებას

ვაისგერბერის აზრით. არავინ უარყოფს იმას, რომ ენა შეტყობინების საშუალებაა. მაგრამ, როცა ზოგიერთი მკვლევარი ენის ფუნქციას ამით ამოწურავს¹²⁷. უეკველ შეცდომას ჩადის და ცალმხრივად აშუქებს საკითხს. კითხვა ასე შეიძლება დაისვას: ნუთუ არაფერი ენობრივი არ არის მაშინ, როცა ოდესღაც ნათქვამს ვიგებთ¹²⁸. უკვე ეს მითითება მსმენელზე ააშკარავებს განხილული თეორიების ცალმხრივობას; ისინი უგულვებელყოფენ სოციალურ მომენტს. რომელიც არსებითია ყოველი ენობრივი მოვლენისათვის და რომლის გარეშეც ენის ფუნქციების გაგება არ შეიძლება.

თუ სწორია ის აზრი, რომ ენის ერთადერთი დანიშნულება არის გარეგამოვლინების საშუალება იყოს, სრულიად გაუგებარია. რატომ მიმდინარეობს ჩვენი აზროვნება ენობრივი ფორმით. ჩვეულებით ამის ახსნა იმიტომ არის მიუღებელი. რომ გარეგამოვლინებაში მონაწილე აზროვნება უმნიშვნელო ნაწილია აზროვნებისა. გაცილებით უფრო დიდი ნაწილი აზროვნებისა მიმდინარეობს „შიგნით“. გამო-

¹²⁵ «Das Kulturgut Sprache existiert nicht als (dingliche) Realität irgendwo 'ausserhalb der Sprachgemeinschaft), sondern als eine Wirklichkeit in der Gesamtheit und damit über dem Einzelnen». Muttersprache und Geistesbildung. 1929 («Muttersprache»), გვ. 46.

¹²⁶ «Neuromantik», გვ. 243.

¹²⁷ Schuchardt, ენა არის შეტყობინება, Marty: «Sprache-absichtliche Kundgabe».

¹²⁸ «Muttersprache», გვ. 8.

უთქმელად. როგორ შეიძლება უმნიშვნელო ნაწილმა თავისი წესი უკარნახოს მასზე გაცილებით დიდ ნაწილს?¹²⁹ თუ იმას იტყვიან, რომ აზრის ენობრივ გაფორმებას მასში სიცხადე შეაქვს, ამით უკვე აღიარებულია, რომ აზრი მზამზარეულად არ ეძლევა ბგერათა კომპლექსს და საჭიროა, მაშასადამე, დადგინდეს ხასიათი და მოცულობა ამ ზეგავლენისა¹³⁰.

როდესაც ჩვენ ვასახელებთ რომელიმე მოვლენას, მაგალითად, ფერს, სახელი გულისხმობს არა გრძობად შთაბეჭდილებას, არამედ ცნებას, რომლისადმიც არის დაქვემდებარებული გრძობადი შთაბეჭდილება. როცა, მაგალითად, ვასახელებთ „მიხაკის ფერს“, ასეთ პროცესს აქვს ადგილი: „შეხედვა, მიხაკის ფერად ათვისება. დასახელება ფერის ცნებისა, რომელშიაც შედის შთაბეჭდილება“¹³¹. საგნის ცნებითი გაგება, მისი შინაარსის მოცემულობა უმჭიდროეს კავშირშია სიტყვიერ აღნიშვნასთან. სახელი და ცნება სიტყვის ორი მხარეა. ენის ცოდნას არა მარტო მეტყველებისათვის აქვს მნიშვნელობა, მას მჭიდრო კავშირი აქვს ადამიანის მთელ აზროვნებასა და მოქმედებასთან. რით აიხსნება ის ფაქტი, რომ ჩვენი აზროვნება დანახულ ცხოველს არ აითვისებს, როგორც გარკვეულ დრო და სივრცეში მოცემულ მოვლენას, არამედ გარკვეული გვარის წარმომადგენელს? თუ იდეის თანდაყოლილობას უარყოფთ. მაშინ. ვაისგებების აზრით. რჩება მხოლოდ ასეთი პასუხის შესაძლებლობა: „სასელდობრ იმიტომ. რომ ჩვენ ენობრივი ნიშნის, ცხოველის სახელის დახმარებით.... ვაღწევთ იმას, რომ მისი შესატყვისი ცნებები შეექმნათ“¹³². ვერც ასოციაციონური ფსიქოლოგია და ვერც გეშტალტფსიქოლოგია ვერ ხსნიან ცნების წარმოშობას, რადგან არც ერთი მათგანი არ ითვალისწინებს ენობრივი მომენტის მნიშვნელობას ცნების წარმოშობაში¹³³. არ არსებობს არც ერთი ლოგიკური ცნება. რომელიც არ უნდა იყოს გაფორმებული ენობრივად, რის გამოც იგი ენის შემადგენელი ნაწილია¹³⁴.

რას ემყარება ენის შინაარსის ერთგვარობა? როგორ არის შესაძლებელი ურთიერთობა, ურთიერთგაგება?

¹²⁹ «Muttersprache», გვ. 12.

¹³⁰ იქვე.

¹³¹ იქვე, გვ. 17.

¹³² იქვე, გვ. 25. შეად.: Isidor: «Nisi enim nomen scieres, cognitio rerum perit» (თუ შენ არ იცნობ სახელს, საგნის ცოდნასაც ბოლო ვდება).

¹³³ იქვე, გვ. 30.

¹³⁴ იქვე, გვ. 65.

ეს არ ემყარება არც რეალურ-საგნობრივს და არც „ლოგიკურს“ საგანთა იგივეობა აქ იმიტომ ვერ აგვიხსნის ურთიერთობის ფაქტს, რომ მეტყველება არასოდეს არ ენება თვით საგნებს, არამედ მხოლოდ მათ გაგებას ჩვენ მიერ¹³⁵.

არ არის სწორი, თითქოს ენები ერთმანეთისაგან მხოლოდ ფორმით. ბგერათა კომპლექსით, განსხვავდებიან. ენათა შორის არსებობს აგრეთვე განსხვავება შინაარსის მიხედვითაც¹³⁶. დ რ ე ვ ს ი ს აზრით. გრამატიკა მრავალია, ხოლო ლოგიკა ერთი. ექვი შეაქვს ამაში ვაისგერბერს¹³⁷.

ჰუმბოლტმა მიუთითა პირველად ენის შინაგან ფორმაზე. როგორც ენის არსებით მომენტზე. ვაისგერბერი ამ ცნებაში გულისხმობს ამა თუ იმ ენის მთელ შინაარსს, როგორც ცნებითს, ისე სინტაქსურს¹³⁸. ურთიერთგაგება სხვადასხვა ადამიანთა შორის იმდენად არის შესაძლებელი, რამდენადაც ერთგვარია მათი სოციალური ბუნება. მათი ენების შინაგანი ფორმა.

როგორია ვაისგერბერის თეორია სიტყვისა და მისი მნიშვნელობის შესახებ? წინააღმდეგ რიგი ავტორებისა. ვაისგერბერი იმ აზრს იცავს, რომ სიტყვა აბსტრაქტი კი არა, კონკრეტია. ის არის გარკვეული დასრულებული მთლიანი, რომელსაც დამოუკიდებელი შინაარსი აქვს¹³⁹. სიტყვის კვლევას დიდ დაბრკოლებას უქმნის ის გარემოება, რომ არ არის დაზუსტებული სიტყვასთან დაკავშირებული პრობლემების ხასიათი. ყველაზე მეტი საფრთხე დაკავშირებულია ტერმინ „მნიშვნელობასთან“. ერთი მხრივ. რიგი მკვლევრებისა ხაზგასმით აღნიშნავს, რომ მნიშვნელობის პრობლემა ძირითადი პრობლემაა ენათმეცნიერებაში და ამ საკითხის კვლევამ სრულიად უნდა შეუტევლოს სახე თანამედროვე ლინგვისტიკას. მეორე მხრივ. ავტორის აზრით, მნიშვნელობის პრობლემა თუ სათანადოდ არ იქნა

¹³⁵ «Muttersprache», გვ. 51.

¹³⁶ იქვე, გვ. 73.

¹³⁷ იქვე, გვ. 76. «Wie vollends eine Logik, die aus einer anderen Sprache erwachsen ist, aussieht, das kann man erst beurteilen, wenn eine solche aus einer nichtindogermanischen Sprache vorliegt, dass dabei die eine Logik bestehen bliebe, ist äusserst unwahrscheinlich».

¹³⁸ იქვე, გვ. 86.

¹³⁹ Weisgerber, Vorschläge zur Methode und Terminologie der Wortforschung («Wortforschung»). Indogerm. Forschungen, Bd. 46. 1928, გვ. 307. იხ. აგრეთვე «Muttersprache», გვ. 12.

გაგებული. დიდ საფრთხეს უქმნის ენათმეცნიერებას. იგი მას მრულ კზაზე წაიყვანს.

სიტყვის რაობის განსაზღვრაზე არსებით გავლენას ახდენს „მნიშვნელობის“ გაგება. ამ ტერმინში ზოგი გულისხმობს სიტყვის იმ ფუნქციას, რომელიც გონით შინაარსზე მითითებაში გამოიხატება. სიტყვა აქ გაგებულია როგორც უბრალო კომპლექსი ბგერებ-სა. რომელსაც „შიგნით“ არაერთარი შინაარსი არა აქვს. შინაარსი ამ შემთხვევაში სიტყვის გარემდებარედ იგულისხმება, რომელზედაც მითითებაში გამოიხატება სიტყვის მნიშვნელობა. მეორენაირი გაგება მნიშვნელობისა ამ ცნებაში გულისხმობს სიტყვის იმანენტურ შინაარსს, მის „შიგნით“ არსებულ აზრს. აქ სიტყვა აღარ არის ბგერათა უბრალო კომპლექსი, არამედ გონითი შინაარსის მქონე მოვლენა თუ მნიშვნელობის პირველი გაგების შემთხვევაში სიტყვის კვლევაში იგულისხმება მხოლოდ ბგერათა და მათი ცვალებადი ფუნქციების გათვალისწინება. მნიშვნელობის მეორენაირად გაგებისას, სიტყვის კვლევაში მისი გონითი შინაარსის კვლევა იგულისხმება და ამდენად სიტყვის კვლევის მნიშვნელობა იზრდება; მას. საერთოდ, ენიკება ცენტრალური ადგილი კულტურის პრობლემების კვლევის მიმდინარეობაში.

ვაისგერბერი „მნიშვნელობის“ მეორე გაგებას თვლის მისაღებად და ამდენად მნიშვნელობა სიტყვის შემადგენელ ნაწილად მიაჩნია¹⁴⁰. ჯერ კიდევ Hase-მ მოგვცა მნიშვნელობის განმარტება. რომელიც გამორიცხავს მნიშვნელობის დაშვებას ენობრივი ფაქტის გარეშე. მისი აზრით, მნიშვნელობა არის ცნება იმდენად, რამდენადაც ეს უკანასკნელი დაკავშირებულია სიტყვასთან, როგორც მის ნიშანთან. ამ განმარტების მიხედვით, დასძენს ვაისგერბერი, „მნიშვნელობა არის მხოლოდ მიმართების ცნება“¹⁴¹. მნიშვნელობის მოძღვრების ძირითადი შეცდომა იმაში მდვომარეობს, რომ ის ივიწყებს „მნიშვნელობის“ მიმართებით ხასიათს. მნიშვნელობის ყალბი გაგება მოამზადა ისეთი ლექსიკონების არსებობამ. სადაც ერთი სიტყვა ახსნილია სხვადასხვა სიტყვების საშუალებით ერთსა და იმავე ენაში. დაიბადა აზრი, თითქოს თვით მნიშვნელობა სიტყვის იმანენტური შინაარსი კი არ იყოს. არამედ მისგან დამოუკიდებელი ფაქტი. ამ შეცდომის გავრცელებას ხელი შეუწყო სიტყვაზე არსებულმა მცდარმა შეხედულებამ. რომლის თანახმად სიტყვაში იგულისხმება მხო-

¹⁴⁰ «Wortforschung», გვ. 312.

¹⁴¹ Die Bedeutungslehre—ein Irrweg der Sprachwissenschaft? Germ-Rom. Monatsschrift, XV. Jahr. 1927 («Irrweg»), გვ. 170.

ლოდ ბეერთა უბრალო კომპლექსი. რომელსაც მნიშვნელობა შემდეგში უკავშირდება ასოციაციის კახონის საფუძველზე იქაც კი. სადაც ლაპარაკია სიტყვის „სულსა“ და „სხეულზე“. უპირატესობა ეძლევა „სხეულს“, წინააღმდეგ შემთხვევაში გაუგებარი იქნება ასეთი გამოთქმა: „სიტყვამ შეიცვალა თავისი მნიშვნელობა“. ე. ი. სიტყვა იმავე სიტყვად დარჩა, მაგრამ მან შეიცვალა შინაარსი.

იმისათვის, რომ აღნიშნულ საბედისწერო შეცდომას თავი დავაღწიოთ, საჭიროა, ავტორის აზრით, უკუგდებულ იქნეს ის აზრი ენის შესახებ, რომლის მიხედვით გონითი შინაარსი დასრულებული სახით ეძლევა ენას. რომელიც ამ შემთხვევაში მისი გადაცემის უბრალო საშუალებაა და მეტი არაფერი. ნამდვილად კი „სიტყვა არის განუყოფელი კავშირი ბგერითი და შინაარსობრივი ნაწილებისა“¹⁴². სიტყვის მნიშვნელობა, თუ ის მის გარეთ არსებულად წარმოვიდგინეთ, არ არსებობს. მნიშვნელობა არის სიტყვაში. სახელდობრ, როგორც სიტყვის ბგერითი ნაწილის ფუნქცია. მნიშვნელობა ყოველთვის მოდის ბგერითი ნაწილიდან. მნიშვნელობის აქტიდან და „ნიშნავს“ შინაარსის მხარეს იმდენად, რამდენადაც ეს შინაარსი მიმართულია ბგერითი ნაწილისაკენ. როგორც მის ნიშნისაკენ. ჰაახეს (Haase) შეხედულებაში ის კორექტივია შეტანილი, რომ „სიტყვის“ ადგილზე იმართება „სიტყვის ბგერითი ნაწილი“ ანუ „სახელი“ („Name“). მხოლოდ ასეთად გაგებული „მნიშვნელობა“ არის უფლებამოსილი დარჩეს მეცნიერებაში¹⁴³. ვაისგერბერი სიტყვის შემდეგ ფორმულას გვაძლევს: $W = N \times B$, სადაც W ნიშნავს სიტყვას. როგორც ფსიქოლოგიურ საკუთრებას (Besitz). N —სახელის ფსიქოლოგიურ ეკვივალენტს, B —ცნებას. როგორც ფსიქოლოგიურ მონაპოვარს; ნიშანი X მიუთითებს იმაზე, რომ კავშირი სახელსა და ცნებას შორის არ არის შემთხვევითი, ასოციაციური. არამედ ისეთი, რომელშიაც ცნება და სახელი ორივე განუყოფლად ერთიმეორეს განსაზღვრავენ¹⁴⁴. სიტყვაზე შეიძლება ლაპარაკი მხოლოდ როგორც ისეთ მთლიანზე, რომელსაც ყოველთვის ორი მხარე აქვს: სახელი და ცნება. როცა ცნება სახელის მიმართების საგნად არის აღებული, ის არის მნიშვნელობა¹⁴⁵.

ერთ-ერთი უპირატესობა, რომელიც აქვს, ვაისგერბერის აზრით, მის თეორიას, თავს იჩენს ე. წ. სიტყვის მნიშვნელობის ცვალებადო-

¹⁴² «Irrweg», გვ. 172.

¹⁴³ «Bedeutung eines Wortes—ja das ist etwas, was es nicht gibt, wenigstens nicht in dem geläufiger Sinne», Irrweg, გვ. 180.

¹⁴⁴ «Muttersprache», გვ. 28.

¹⁴⁵ იქვე, გვ. 35.

ბის საკითხის გადაჭრის დროს. ისტორიულად მრავალგზის ნაწკ-ლები საკითხი აქ მარტივად იწყება. იცვლება არა სიტყვის მნიშვნელობა. არამედ მიმართება სახელისა ცნებისადმი. სიტყვის მნიშვნელობა იმიტომ ვერ შეიცვლება, რომ, თუ მნიშვნელობას ვაისგერბერივით გავიგებთ. მისი შეცვლა სიტყვის შეცვლაა და არა „მხოლოდ“ მისი მნიშვნელობისა. ამ უკანასკნელის გარეშე სიტყვა არ არსებობს. თუ „მნიშვნელობაში“ სიტყვის გარეშე მდებარე მოვლენას ვიკულისხმებთ, არც მაშინ შეიცვლება სიტყვის მნიშვნელობა. რადგან ასეთი რამ არ არის სიტყვის მნიშვნელობა, მისი იმანენტური შინაარსი. „შეიძლება იყოს მრავალმნიშვნელოვანი სახელები. მაგრამ არა მრავალმნიშვნელოვანი სიტყვები“¹⁴⁶.

ვაისგერბერის ზოგად-ენობრივი თეორიის შეფასებას აქ არ შევუდგებით. დაკვირვებული მკითხველი ადვილად მიაგნებს ჩვენ შრომაში იმ მოსაზრებებს, რომელნიც შეიძლება მის წინააღმდეგ იქნეს წამოყენებული. ზოგად-ენობრივი თეორიის საგანგებო კრიტიკა იმიტომაც არ არის აუცილებელი, რომ სიტყვის თეორიის გარჩევის შედეგები არსებითად განსაზღვრავენ ენის თეორიის ღირებულებასაც.

ვაისგერბერი სამართლიანად ებრძვის ფსიქოლოგისტურ თეორიებს სიტყვის მნიშვნელობის საკითხში, მაგრამ თვითონ ისეთ პოზიციას იკერს, რომელიც ლოგიკურად არ წარმოადგენს ფსიქოლოგიზმის გადალახვის საშუალებას. სოციალურია სიტყვა და მისი შინაარსი. მაშასადამე, ინდივიდს იგი ევლინება როგორც სავალდებულო. ამაში ხედავს ავტორი სუბიექტივიზმისა და ინდივიდუალიზმის დაძლევის საბუთს. მაგრამ, განა ბევრი უნდა იმის მიხვედრას, რომ სოციალურით, როგორც უმრავლესობით, დადგენილი მომენტი ლოგიკურ ვალდებულებას ვერ შექმნის? რაოდენობა ლოგიკურ-ობიექტურ ინსტანციას ვერ წარმოქმნის: ის, რაც თავისთავად არ არის ობიექტური, სოციალურის ძალით ასეთად ვერ გადაიქცევა¹⁴⁷. ობიექტური სინამდვილიდან მიღებულ შთაბეჭდილებათა კოლექტურად გადამუშავების ფაქტები, რომელსაც ვაისგერბერი განსაკუთრებულ ყურადღებას აქცევს. მხოლოდ ენის ფსიქოლოგიისთვის შეიძლება იყოს საინტერესო. სიტყვის პრინციპული, საგნობრივი ანალიზისათვის ამას არავითარი მნიშვნელობა არა აქვს. ვაისგერბერის წინააღმდეგ შეიძლება გავიმეოროთ ის, რაც იყო ნათქვამი კასირერის თეორიის იმ მომენტის წინააღმდეგ, რომელიც ეხება გარედან მოცემულ „მასალის“ გადამუშავებას სიტყვის საშუალებით. სინამდვილის ათვისე-

¹⁴⁶ «Muttersprache», გვ. 35. იხ. აგრეთვე «Irrweg», გვ. 173.

¹⁴⁷ იხ. ამაზე ქვემოთ.

ბაში რომ სუბიექტურ-ისტორიული მომენტები მონაწილეობენ. ეს ყველასათვის ცნობილია. ფაქტია ისიც, რომ ემპირიულად მოცემული სიტყვა ყოველთვის შეიცავს მეტ-ნაკლება რაოდენობით ისეთ დანართს, რომლის საფუძველიც ლოგიკური თვალსაზრისით შემთხვევითი ხასიათისაა. ამოცანა ის არის, მივაკნოთ არსს. სიტყვის კულტურულ დანიშნულებას. ე. ი. იმას, რის გამოც იგი გარდაუვალ ღირებულებად იქცევა. ვაისგერბერის გზა, რაც ფსიქოლოგისტურად გავებული ჰუმბოლტის გზაა, სოციალურას საფარით სუბიექტურ-ფსიქოლოგისტურის პრინციპული დაკანონებაა. შემეცნებითი გზა კი ამ მომენტიდან განთავისუფლებაა, ცვალებადის და ისტორიულის¹⁴⁸ მიღმა უცვლელისა და მარადიულის ძებნაა. ვაისგერბერის თეორია რომ მართალი იყოს, ლინგვისტიკა, რომლიც დამოუკიდებლობასაც ავტორი იცავს, სოციალური ფსიქოლოგიის ნაწილი იქნებოდა, მაგრამ ცხადია, რომ სოციალური ფსიქოლოგიაც ფსიქოლოგიაა და მისი ცნებებით სხვა მეცნიერებაში შექრა ჩვეულებრივ ფსიქოლოგიზმიდან არაფრით განსხვავდება? განსხვავება, რომელიც შეიძლება არსებობდეს ინდივიდუალურ და სოციალურ გარემოში მიმდინარე ფსიქიკურ პროცესებს შორის, ეხება ფსიქიკურის სტრუქტურას. გეშტალტს და არა მის ლოგიკურ ღირებულებას.

ვაისგერბერი დიდ მნიშვნელობას ანიჭებს სიტყვის შინაარსის იმანენტობის დებულებას. ამით თითქოს აღდგენილია სიტყვას ღირსება და მოძებნილია მნიშვნელობის ნამდვილი ადგილი. რასაკვირველია. აქ არ არის იმანენტობაზე ლაპარაკი იმ აზრით, რა აზრითაც იმანენტურ ფილოსოფიაში. საგანი, იმანენტური ცნობიერებისათვის. ტრანსცენდენტურია, ვაისგერბერის აზრით. სიტყვისათვის. ის, რაც „შიგნით“ არის სიტყვაში, შთაბეჭდილებაა. ე. ი. ფსიქიკური პროცესია, საგნით გამოწვეული¹⁴⁹. სიტყვაში რომ, ასე თუ ისე, სამყაროს განცდის აღბეჭდვა ხდება და ამით სიტყვა უდიდეს ფსიქოლოგიურ წყაროს წარმოადგენს, უეჭველი ქეშმარიტებაა, მაგრამ შემეცნებას (სიტყვას) განა მართო ფსიქოლოგიური ამოცანა აქვს? განა ჯან მართო ის აინტერესებს, თუ როგორ გვეჩვენება სამყარო? არა! ძირითადი ამოცანა იმის გაგებაა, თუ როგორია თავის თავად სამყარო. ის, რაც სიტყვაში იმანენტურად არის, ბევრათა კომპლექსთან არის შერწყმული, არ არის სიტყვის შინაარსი, რადგან მხოლოდ ის არის შინაარსი. რასაც სიტყვა გამოთქვამს, ხოლო გამოსათქმელ

¹⁴⁸ არც ისტორია ეძებს ცვალებად ფაქტებს როგორც საბოლოო მიზანს. მისი ამოცანაა ცვალებად ფაქტებში მარადიულობისადმი მიახლოება დადასტურება.

¹⁴⁹ ამ შთაბეჭდილების კოლექტიური გადამუშავება არ ცელის აქ არაფერს.

არ შეიძლება სხვაგან იყოს. თუ არა სიტყვის „წინ“ როგორც მისი საგანი (Gegen-stand). იმანენტური მხოლოდ ის შეიძლება იყოს სიტყვაში. რასაც მასთან განვიცდით. რაშიაც „ვართ“ და არა ის. რასაც ვამბობთ; ის. რაშიაც „ვართ“. ის არასოდეს არ არის გონითი შინაარსი.

ვაისგერბერი ენერგიულად ებრძვის ბგერათა კომპლექსისა შინაარსის კავშირის ასოციაციის სახით წარმოდგენას. მართლაც და, როცა ინდივიდი მოცემულ სიტყვას ეცნობა. განსაკუთრებით კი მის სრული დაუფლების შემდეგ. არავითარ ასოციაციას ბგერასა და გონითი შინაარსს შორის ის არ ამჩნევს. ამიტომ აქ ხშირად შერწყმაზე და გეშტალტზე ლაპარაკობენ, მაგრამ თუ აქედან ბგერათა კომპლექსის და გონითი შინაარსის იმთავითვე განუყრელობა ვალიართ. გადაულახავ სიძნელებებს შევხვდებით. ბგერათა კომპლექსი რომ იმანენტურად შეიცავდეს შინაარსს, სიტყვის ვაგონებასა და გაგებას შორის არავითარი განსხვავება არ იქნებოდა, და ვისაც სმენის ნორმალური ორგანო აქვს, მას ყველა ენა ეცოდინებოდა. ცხადია, ასეთი უცნაური აზრის დაცვას არავინ იკისრებს. ვაისგერბერი თითქოს იმას იცავს, რომ სიტყვა მხოლოდ მაშინ არის სიტყვა, როცა მნიშვნელობა აქვს და რომ მართო ბგერათა კომპლექსი არ წარმოადგენს სიტყვას. რასაკვირველია. თავისთავად არც ეს დებულებაა სადაო. საკითხი შეიძლება ეხებოდეს მხოლოდ ამ დებულების გამოყენებას კვლევადების დროს. სიტყვა რომ ყოველთვის მნიშვნელობას შეუცავს. ნაშნავს თუ არა ეს იმას. რომ არა გვაქვს უფლება ვილაპარაკოთ ცალკე სიტყვაზე და ცალკე მნიშვნელობაზე? პირველ რიგში: როგორია მიმართება სიტყვისა მნიშვნელობისადმი: თანაბარი (ორმხრივი) თუ ცალმხრივი? ვაისგერბერის თეორიის სპეციფიკურობა იმაში გამოიხატება, რომ ამ თეორიით მნიშვნელობა ისევე საჭიროებს სახელს, როგორც სახელი მნიშვნელობას; მხოლოდ მაშინ არის ასე თუ ისე შინაარსი (ცნება) მნიშვნელობა. როცა იგი სახელზეა მიმართული და მასში თავის აღმნიშვნელს ხედავს. რა თქმა უნდა, „მნიშვნელობა“ ამ გაგებითაც შეიძლება ვიხმართ (ტერმინოლოგიური კამათი აქ არ გვინტერესებს). მაგრამ ანგარიში უნდა მივცეთ თვით პრობლემატიკის შინაარსს, მის აღნაგობას.

ვაისგერბერგის თეორიით. ყველაფერი შეიძლება იყოს მნიშვნელობად, რადგან ყველაფერი შეიძლება სასელისადმი¹⁵⁰ მიმართებაში დავაყენოთ. მაგრამ ამ ყველაფერის ყოველი მომენტი ხომ არ გამოდგება იმისთვის, რომ სიტყვის ის მისია იქნეს განაორციელებული. რომელზედაც არის მისი ღარებულება დამყარებული? რომ თავისთავად ყველაფერი იმის გამო რომ როგორღაც არსებობს, არ შეიძლება სიტყვის შინაარსი იყოს, ეს ვაისგერბერგსაც აქვს აღიარებული: ფსიქოლოგიზმთან მისი ბრძოლა ხომ მეტს არაფერს ნიშნავს. გარდა იმისა, რომ ფსიქოლოგიური მასალა სიტყვის (ენის) შინაარსად არ გამოდგება? მაგრამ რადგან ყოველგვარი მასალა არ შეიძლება გამოდგეს, ვარგისობის კრიტერიუმის საკითხი დგება. ეს კი მნიშვნელობის დამოუკიდებლობის პრინციპული აღიარებაა. ყველაფერი შეიძლება სიტყვის მნიშვნელობის როლში გამოვიდეს. მაგრამ მხოლოდ იმ პირობით, თუ ის კრიტერიუმით გათვალისწინებულ მოთხოვნილებას დააკმაყოფილებს. ეს საჭირო თვისებები კი სიტყვის შინაარსის პრინციპულად თვითონ უნდა ჰქონდეს. ამით საძიებელი ტრანსცენდენტში მნიშვნელობისა აღიარებულია.

ვაისგერბერი ებრძვის მნიშვნელობის ჰუსერლისებურ გაგებას¹⁵¹. და ცნების რეალობას და გარკვეულობას ენაში მიღწეულად თვლის. ამ მოსაზრებამ განსაზღვრა მისი ულტრა-ფსიქოლოგისტური შეხედულება ლოგიკაზე. ენის სხვაობიდან მან ლოგიკის სხვაობაზე დაასკვნა. მრავალი ლოგიკის აღიარება ლოგიკის პრინციპული უარყოფაა. ფსიქოლოგიზმთან ბრძოლამ ვაისგერბერი უკიდურეს ფსიქოლოგიზმამდე მიიყვანა. ამის მიზეზი მისი სოციოლოგიზმაა.

ძირითადი დებულებები

როგორც ყოველგვარი ფაქტი, სიტყვაც მრავალი თვალსაზრისით შეიძლება განვიხილოთ. თუ რამდენნაირი შეიძლება იყოს სიტყვის განხილვის წესი, არ არის საბოლოოდ დადგენილი: მეცნიერების განვითარება ქმნის ახალ თვალსაზრისს. რომელიც სიტყვის ახალს, დღევანდეს უცნობ ასპექტს გამოავლენს. ყოველი თვალსაზრისი კანონიერია, თუ კვლევის ძირითადი წესები დაცულია. კითხვა რა არის

¹⁵⁰ ა მ ა ნ ი სახელში გელისხმობს საკუთარ სახელს და არა ბგერათა კომპლექსს. მისი აზრით, მნიშვნელობა აქვს მხოლოდ სიტყვას და არა სახელს. იხ. «Die menschliche Rede», 1925, გვ. 48.

სამწუხაროდ, ა მ ა ნ ი ს შეხედულების გარჩევა ამ შრომაში ვერ მოხერხდა.

¹⁵¹ იხ. «Bedeutung», გვ. 38.

სიტყვა — მხოლოდ მაშინ არის გარკვეული, როცა წინასწარ ცნობილია. თუ რომელი მეცნიერება აყენებს მას. სიტყვა, როგორც იგი მეცნიერული კვლევის პრაქტიკაში ვკვებლინება, არ წარმოადგენს კვლევის ერთ საგანს. შეიძლება ითქვას. სიტყვა იმდენია, რამდენი განსხვავებული მეცნიერებაც იკვლევს მას. მაგრამ, რადგან ყოველთვის მაინც სიტყვასთან გვაქვს საქმე აღნიშნულ შემთხვევებში. დგება კითხვა „თვით“ სიტყვის შესახებ, ე. ი. იმის შესახებ, რაც იგივედ რჩება, მიუხედავად განსხვავებული თვალსაზრისით კვლევისა. სიტყვა თავისთავად, ე. ი. სხვადასხვა ასპექტში იგივედ მოვლენილი. ფენომენოლოგიური კვლევის საგანია. სიტყვის სხვადასხვა ემპირიულ ასპექტში რეალიზებულ ფაქტებს სხვადასხვა ემპირიული მეცნიერებანი იკვლევენ. უძირითადესი ამოცანაა, გაირკვეს იმის ნიშანი. რასაც სახელად ჰქვია „სიტყვა“. ჩვენი ამოცანაა: რა აქვს ამას, „სიტყვით“ აღნიშნულ „ფაქტს“ შინაარსად, რა არის ამის მნიშვნელობა? ცხადია, ჩვენი ამოცანა პირველ საკითხს გადაჭრილად გულისხმობს. სიტყვის მიგნების საშუალება ცნობილი უნდა იყოს მანამ, სანამ მის „შიგნით“ ნაგულისხმების, მისი მნიშვნელობის კვლევას შევუდგებოდეთ. ჩვენ არ ვიკვლევთ სიტყვის არსს, ჩვენ ვეხებით მის ჟუნქციას, მაგრამ, რადგან სიტყვა „მოცემულად“ იგულისხმება, საჭიროა იმის თქმა, თუ რა არის ამ მოცემულში ნაგულისხმევი. რას ვგულისხმობთ, როცა სიტყვაზე ვლაპარაკობთ? პასუხი ამ კითხვაზე იმით რთულდება, რომ სიტყვის არსი არ არის დადგენილი, მაგრამ რადგანაც ყოველგვარი მნიშვნელობა, თავისთავად აღებული, კანონიერია და ადეკვატური აღწერის შემდეგ არ იწვევს გაუგებრობას. ჩვენ შეგვიძლია იმით დაეკმაყოფილდეთ, რომ საკუთარი გაგება ნათელვყოთ ობიექტურად. სიტყვა ჩვენ გვაინტერესებს როგორც საყოველთაო კულტურის ფაქტი. ასეთი ფაქტის არსებობა არ იწვევს დავას. უდავოა აგრეთვე სიტყვის ზოგიერთი ზოგადი ნიშანი. შესაძლებელია, სიტყვის სადავო და გაურკვეველ ნიშნებს ნათელი მოვფინოთ იმით, რომ მათი გაგების შეთანხმება ვცადოთ უკვე ცნობილ და უდავო ნიშნებთან. ეს წესი კვლევისა იმის გარანტიას გვაძლევს, რომ მცდარი თეორია ვამხილოთ და ჭეშმარიტისათვის გზა გავკაფოთ.

რა ნიშნებია ისეთი, რომლის გარეშე სიტყვა, როგორც საკაცობრიო კულტურის ფაქტი, არ წარმოიდგინება? პირველ რიგში, სიტყვა უნდა იყოს გრძნობადი (sinnlich) ფორმის მატარებელი. არ ყოფი-

ლა და არც იქნება სიტყვა. რომელიც ამ ნიშანს მოკლებულია. ყველაფერი, რასაც გრძნობადი ფორმა აქვს. რასაკვირველია, არ არის სიტყვა. გრძნობადი ფორმა, რომელიც სიტყვას აქვს, სხვადასხვაა: ერთსა და იმავე სიტყვას შეიძლება მრავალი გრძნობადი ფორმა ჰქონდეს. აქედან ცხადია, რომ გრძნობადი ფორმა მხოლოდ საერთოდ არის აუცილებელი სიტყვისათვის. ყოველი კონკრეტული ფორმა სიტყვისათვის შემთხვევითია და ამდენად ამ ფორმით სიტყვის ბუნება არ განისაზღვრება. სიტყვის გრძნობად ფორმაში ბგერა (ან) იგულისხმება, რომელიც ემპირიული პროცესის სახით წარმოიქმნება. ყოველი ემპირიული პროცესი განისაზღვრება დრო და სივრცით; ის ხდება გარკვეულ ადგილზე და გრძელდება დროის გარკვეულ მონაკვეთში. ამის შემდეგ ის არ არსებობს, იგი სამუდამოდ ისპობა. თუ სიტყვა (ენა) გრძნობადი ფორმით ამოიწურება, ის განსაზღვრული აზრით არარსებულად უნდა ჩავთვალოთ. გასაგებია, რომ, როდესაც ენის ფილოსოფიაში ფსიქოლოგისტური და ნატურალისტური თვალსაზრისი გაბატონდა, ენის არსებობა კითხვის ქვეშ დადგა¹². მეტყველებისგან განსხვავებით ენაში მარადიული (Bleibende) იგულისხმება. რასაკვირველია. ერთგვარი არსებობა აქვს თქმასაც. მეტყველებასაც, მაგრამ ასეთი არსებობა რომ სიტყვისთვის, ენისთვის ყოფილიყო საკმარისი, აღნიშნული საკითხიც არ წამოიჭრებოდა. გამოთქმის აქტის შემდეგ, მის განვლის და მოსპობის შემდეგ სიტყვიდან თუ არაფერი რჩება, მისი კულტურის ობიექტთა შორის მოთავსება შეუძლებელი გახდება; ის, რაც მხოლოდ დრო და სივრცით გამოაყენებს თავის არსებობას, კულტურას არ მიეკუთვნება. აქედან ასეთი დასკვნა გამომდინარეობს: სიტყვის (ენის) კულტურისადმი მიკუთვნების საფუძველი მის გრძნობად ფორმაში არ მოიპოვება. ასეთი საფუძველი სიტყვის შინაარსში, მნიშვნელობაში, უნდა მოიძებნოს. რადგან უდავოა, რომ სიტყვა (ენა) კულტურის ობიექტია. ხოლო სიტყვის (ენის) ფორმა ამ ფაქტს ვერ ხსნის. საჭიროა მისი შინაარსის იმგვარი თეორია, რომელიც აღნიშნულ ფაქტს გასაგებად გახდის.

რა არის საჭირო იმისთვის, რომ სიტყვამ (ენამ) ადამიანთა შორის ურთიერთობის დამყარება შესძლოს? რასაკვირველია, აქ არის ლაპარაკი სპეციფიკურ ურთიერთობაზე. ადამიანთა შორის ურთიერთობა სამ ჯგუფად შეიძლება დავყოთ: ფიზიკურად, ფსიქიკურად და ლოგიკურად. ფიზიკური ურთიერთობა სიტყვასთან არ არის დაკავშირებული და. საერთოდ. ახალ პრობლემას არ შეიცავს. ზოგადი კა-

¹² იხ. G. Ipsen, Sprachphilosophie der Gegenwart, 1930, გვ. 11.

ნონი ფიზიკურის ზემოქმედებისა ფიზიკურზე აქ სავსებით ძალაშია და მოვლენის ამომწურავ ახსნას გეძლევის. ფსიქიკური ურთიერთობა ადამიანთა შორის ერთ-ერთი უძნელესი პრობლემაა, მაგრამ არც ეს საკითხი გვიანტერესებს ამჟამად. ადამიანთა შორის ფსიქიკური კავშირი ზოგჯერ გათანაბრებულია ენობრივ კავშირთან და პირველის ახსნა მეორის ახსნადაც ითვლება; მაგრამ ეს. რასაკვირველია, ასე არ არის. იმისთვის, რომ ერთმა ადამიანმა მეორესთან ფსიქოლოგიური კავშირი დაამყაროს. საკმარისია ისეთი ფაქტი, რომლითაც საერთოდ ერთი ადამიანი გამოიწვევს მეორეში აზრს. რომ ამ მეორეს საქმე აქვს განცდის მატარებელ არსებასთან. ფსიქიკური კავშირი არსებობს მაშინაც, როცა ერთი ადამიანის ნათქვამი სრულიად ვერ გაიგო მეორემ, როცა ერთის ქცევა თუმცა გაგებული იყო როგორც ქცევა, მაგრამ ნამდვილი საზრისი ამ ქცევისა მიუწვდომელი დარჩა. გაუგებრობის ფაქტის არსებობა ფსიქიკური და ლოგიკური კავშირის განსხვავების ნათელი ილუსტრაციაა. აქედან ცხადია, რომ ფიზიკურის დასახელება. როგორც ურთიერთობის საშუალებისა. მხოლოდ ურთიერთობის ფსიქიკურ სახეს შეიძლება ეხებოდეს¹⁵³. ლოგიკურისათვის. გარდა ამისა, ახალი ინსტანცია უნდა მოიძებნოს. ურთიერთგაგებისათვის საჭიროა მეტი, ვიდრე ის, რასაც გაუგებრობის. არგაგების გამოწვევა შეუძლია. უნდა არსებობდეს სიტყვაში ერთი და იგივე რალაც. რაც ურთიერთობაში მყოფი ადამიანებისაგან დამოუკიდებელია და ამდენად მათთვის ყველასათვის თანაბრად სავალდებულო.

სიტყვის შესახებ არსებული ცნობილი თეორიების გარჩევამ დაგვარწმუნა იმაში, რომ სიტყვის შინაარსი არ შეიძლება სხვა რამე იყოს. თუ არა მნიშვნელობა. არ არის და არც შეიძლება არსებობდეს სიტყვა. რომელიც მნიშვნელობას არ შეიცავს. რამდენადაც ეს დებულება უდავოა და მისი აზრი ადვილად მისაწვდომი, იმდენადვე ძნელია იმ საკითხის გარკვევა, თუ რა არის ეს მნიშვნელობა და რით აძლევს მნიშვნელობა სიტყვას (ბგერათა კომპლექსს) იმ თვისებას. რომლითაც სიტყვა ბუნების მოვლენებიდან იმიჯნება და კულტურის ობიექტთა შორის იმ კვიდრებს თავის ადგილს. ბუნებრივს ერთვის ხელოვნური სიძნელე. მეცნიერებაში და. სამწუხაროდ, ფილოსოფიაშიც ნატურალისტური აზროვნებაა გაბატონებული, რომელიც უძლურია არაემპირიული რამ დაინახოს. მნიშვნელობა არ არის მოვლენა ამ სიტყვის ემპირიული გაგებით. ამით აიხსნება ის (ჩვენთვის უდავო) ფაქტი, რომ ყოველგვარი ცდა მნიშვნელობის ფსიქიკური ან

¹⁵³ რამდენად მართებულად, სხვა საკითხია.

ფიზიკური პროცესის სასით წარმოდგენისა მარცხით დამთავრდა. თითქოს სავსებით ნათელი უნდა იყოს, რომ მნიშვნელობის გაგების ნატურალისტური გზა ძირშივე შემცდარია. მაგრამ სანამ მნიშვნელობის შესახებ საკმარისი პოზიტიური მონაცემები არ გვაქვს. ნატურალისტური თეორიებს აღმოცენება არ შეიძლება შეუძლებლად მივიჩნიოთ.

ჩვენი პასუხი იმაზე, თუ რა არის სიტყვის მნიშვნელობა, ასეთია: სიტყვის მნიშვნელობა არის მნიშვნელობა. ეს დებულება არ არის ტავტოლოგია, რადგან „მნიშვნელობა“. რომელიც აქ არის ორჯერ ნახმარი, ერთსა და იმავეს არ ნიშნავს. „მნიშვნელობა“ წინადადებაში „რა არის სიტყვის მნიშვნელობა?“ — შემდეგს გულისხმობს: „რა არის ის. რასაც სიტყვა გამოთქვამს?“ „რა არის ის, რაზედაც არის სიტყვა მიმართული?“ „მნიშვნელობა“ აქ „მიმართებას“ უდრის¹⁵⁴. ამიტომ ჩვენი დებულება ასედაც შეიძლება გამოითქვას: „სიტყვის მიმართების ობიექტი არის მნიშვნელობა“, „სიტყვის ინტენცია მიმართულია მნიშვნელობაზე“ ან კიდევ: „ის, რასაც სიტყვა გამოთქვამს. არის მნიშვნელობა“.

რადგან აქამდე მოვედით. უკან წასვლა აღარ შეიძლება: ან მნიშვნელობას უნდა მიეწეროს ის ნიშნები, რომლის წყალობითაც სიტყვა—სიტყვაა, და ან სიტყვა გამოთქმაზე დავიყვანოთ და ამით მისი არარსებობა ვაღიაროთ. წინსვლისათვის იმაში გაწრთვანა საჭიროა, რომ ვისწავლოთ იდეალური ობიექტების „ხედვა“. თანამედროვე მეკლევარათა შორის ამ მიმართულებით ყველაზე დიდი ღვაწლი ჰუსერლს მიუძღვის. ჩვენ გვქონდა შემთხვევა ცალკე შრომაში გადმოგვეცა ჰუსერლის შეხედულება მნიშვნელობის რაობაზე¹⁵⁵. ამიტომ აქ დაწვრილებით აღარ შევჩერდებით ამაზე. აღვნიშნავთ მხოლოდ ზოგ რამეს. რაც ამ ცნების სწორად გაგებისათვის არის საჭირო.

მნიშვნელობა არ არის მეტაფიზიკური ცნება. ის სათანადო თვალსაზრისზე მდგომ ადამიანს ისეთივე უშუალოდ ეძლევა, როგორც ფერი და ტონი. თვალსაზრისი, რომელზედაც აქ არის ლაპარაკი, მხოლოდ იმას გვავალებს, რომ რაიმე მოცემული განვიხილოთ მისი რაობის და არა მისი არსებობისა და წარმოშობის მიხედვით. რაობა ის აუცილებელი ნიშანია, რომლის გარეშეც არაფერი არ არის. მნიშვნელობა და რაობა ერთია, საჭიროა მხოლოდ რაობა რეალო-

¹⁵⁴ ტავტოლოგია იქნებოდა, მაგ. ასეთი გამოთქმა: „სიტყვის მნიშვნელობა არის მიმართება“.

¹⁵⁵ იხ. მნიშვნელობა და გამოსახულება (Husserl)

ბის ნიშნით არ შემოიფარგლოს. რაობას რომ არსებობა ვერ განსაზღვრავს, ეს ყველასთვის აშკარა უნდა იყოს. მხოლოდ ის შეიძლება რეალურად არსებობდეს, რასი რაობაც თავისთავად არის და მეორე რაობას არ ეწინააღმდეგება. მნიშვნელობა არ არის ის. რისიც სხვა შინაარსზე დაყვანა შეიძლება. „არ შეიძლება მისი შემდგომი დეფინიცია. ის არის დესკრიპტიულად უკანასკნელი“¹⁵⁶. როგორც ემპირიული ინტუიცია აღარ მოითხოვს ფერის განმარტებას. ისე ინტელექტუალური ინტუიციაც, რომელიც გვაძლევს მნიშვნელობას, არ საჭიროებს შემდგომ „ახსნა-დასაბუთებას“. რომ გენეზისის თვალსაზრისი აქ სრულიად უადგილოა, ეს იქიდანაც ჩანს, რომ მნიშვნელობა თვით არის (უარყოფითი) პირობა არსებობის, რეალობის. მნიშვნელობას კი არ ჰქირდება რეალობა, არამედ, პირიქით. რეალობა (ემპირიული) არის მნიშვნელობის „გამოვლენა“. მნიშვნელობის გაგება არ შეიძლება წარმოშობის ცნებაზე იყოს დამყარებული¹⁵⁷.

არ უნდა ვიფიქროთ, რომ მნიშვნელობა არის თავისებურია არსებობა ემპირიულის გვერდით. ასეთი წარმოდგენა მნიშვნელობისა იქნებოდა მისი მეტაფიზიკური ჰიპოსტაზირება. რასაც ყველაზე ენერგიულად თვით ჰუსერლი ებრძვის¹⁵⁸. ფერი, რომელიც ემპირიულ მოვლენად ითვლება, მყისვე მნიშვნელობად გადაიქცევა, როგორც კი ის განხილული იქნება თავის არსში, მის ფერობაში. მთელი ემპირიული რეალობა მნიშვნელობის სამყაროდ გადაიქცევა, თუ მას არსებობის ყოველ მომენტს ჩამოვაცლით და მხოლოდ თავისი საკუთარი რაობით წარმოვიდგენთ. ეს ოპერაცია (ფენომენოლოგიური რედუქცია) არის არა ახლის შექმნა (მნიშვნელობა არ იქმნება), არამედ ემპირიულის დაბრუნება იმასთან, რაც „იყო“ იგი ყოველთვის. ე. ი. შესაძლებლობის იდეალურ სამყაროში. რასთანაც არ უნდა ჰქონდეს საქმე სიტყვას (ენას), ფიზიკურ თუ ფსიქიკურ რეალობასთან. ის, რასაც იგი გამოთქვამს, მაინც იდეალურ სამყაროში. მნიშვნელობის სამყაროში. თავსდება. ე. წ. ფენომენოლოგიური რედუქცია (ჰუსერლი)

¹⁵⁶ Husserl. Log. Unters. Bd. II, გვ. 183.

¹⁵⁷ „Логика понимания „из происхождения“—та же, что в аргументе, который пишушему это пришлось слышать от одного близкого ему юного существа, изобразившего в диктанте „щепку“ через „ять“ и мотивировавшего это тем, что „щепка“ происходит от „польна“. Шпет, „Эстетич. фрагменты“, II, гв. 41.

¹⁵⁸ «Sie (მნიშვნელობანი. ა. ბ.) sind darum nicht Gegenstände, die wenn nicht irgendwo in der «Welt», so in einem topos ovpavius oder im göttlichen Geiste existieren, denn solche metaphysische Hypostasierung wäre absurd». Husserl, დასახ. შრომა, გვ. 101.

შეიძლება მეტი არაფერი იყოს გარდა იმის შეგნებულად შესრულებისა, რასაც სიტყვა „სტიქიურად“, თავის არსებობის ფაქტით. მარტივად, და უბრალოდ ასრულებს¹⁵⁹.

ავიღოთ ასეთი გამოთქმა: „სოკრატეს გუშინ ტკიოდა თავი“. აქ არის გამოთქმა და ის, რაც არის გამოთქმული, ე. ი. აქტი და შინაარსი. ეს გამოთქმა შეიძლება მრავალჯერ გამოორდეს დროსა და ადგილის ძახედვით. გამოორების რიცხვი პრინციპულად განუსაზღვრელია, ხოლო გამოთქმული მნიშვნელობა ამის მიუხედავად ყოველთვის და ყოველგან არის ერთი. ამ სიტყვის ზუსტი გაგებით. ამ მავალითში ჩვენ ადვილად ვარჩევთ სამ მომენტს: გამოთქმას (აქტს). გამოთქმულ მნიშვნელობას და ფაქტს, რომელიც, ვთქვათ, გუშინ მოსდა (სოკრატეს თავის ტკივილი). მნიშვნელობა და ფაქტი (საგნობრიობა) ერთი და იგივე რომ არ არის, ამაში დარწმუნება ადვილად შეიძლება: ფაქტი შეიძლება მოისპოს, დღეს სოკრატეს შეიძლება თავი აღარ ტკიოდეს, მაგრამ გამოთქმა: „სოკრატეს გუშინ თავი ტკიოდა“ მაინც არ კარგავს თავის მნიშვნელობას. სიტყვამ „გუშინ“ აქ გაუგებრობა არ უნდა გამოიწვიოს. ის, მართალია, სუბიექტური, ოკაზიონალური გამოთქმაა. მაგრამ მისი 'შეცვლა ობიექტური გამოთქმით ფაქტობრივადაც შესაძლებელია და ამიტომ თავიდან აცილებულია სუბიექტივიზმის და რელატივიზმის საფრთხე¹⁶⁰.

გამოდის თითქოს ასე: მნიშვნელობა არის ფაქტის გამოთქმა, „ასახვა“, რომელიც იმის შემდეგ, რაც თვითონ „ფაქტად“ იქცა. სხვას საფუძვლად აღარ საჭიროებს და წარმავალ სამყაროდან მარადიულში გადადის. ამ ტრანსფორმაციის მიზეზს ზოგი მკვლევარი ხედავს ინტელექტის. გონის მუშაობაში: რასაც გონი თავის ოპერაციის საგნად აიღებს, მას იგი მარადიულობის, უცვლელულობის ნიშნით აღბეჭდავს.

როგორც არ უნდა შევაფასოთ აღნიშნული მოსაზრება. ერთი რამ მაინც თითქოს ძალაში რჩება. აღნიშნული მნიშვნელობის საფუძვლად მაინც რეალური ფაქტი გვევლინება. რომ რეალურად არ ყოფილაყო სოკრატე და მას თავი არ ატკიებოდა, აღნიშნული მნიშვნელობის გამოთქმას არ ექნებოდა ადგილი. მართალია, იმას შემდეგ, რაც უკვე წარმოიშვა მნიშვნელობის გამოთქმა, რეალური ფაქტი აღარ არის

¹⁵⁹ „Всякое слово (речь) уже обобщает“, „Чувства показывают реальность, мысль и слово—общее“. В языке есть только общее“. Ленин, филос. тетради, 1936. გვ. 281, 283.

¹⁶⁰ იხ. Husserl, დასახ. შრომა, გვ. 79. შეაფ. მნიშვნელობა და გამოსახულება, ნაწ. 1.

საქირო, მაგრამ თვით მისი წარმოშობისათვის ეს ფაქტი აუცილებელია.

ასეოი შეხედულება არ შეესაბამება საქმის ნამდვილ ვითარებას. განა ჩვენი გამოთქმა მნიშვნელობას დაკარგავდა იმის გამო, რომ ნამდვილად არც სოკრატე ყოფილიყო ქვეყანაზე და არც მისი თავის ტკივილი? რასაკვირველია, არა!¹⁶¹. ამ შემთხვევაში შეიცვლებოდა მხოლოდ ერთი რამ: ე მ პ ი რ ი უ ლ ი თ ვ ა ლ ს ა ზ რ ი ს ი თ, პირველ შემთხვევაში ჩვენ ვამბობდით ქვეშარიტებას, ანლა კი ვამბობთ ტყუილს. მნიშვნელობა ამის გამო, რა თქმა უნდა, არ იცვლება. დებულების მნიშვნელობა იგივე რჩება, ექნება მას ქვეშარიტების თუ შეცდომის ინდექსი.

რომ მნიშვნელობა, საერთოდ, არც ერთ მომენტში არ არის დამოკიდებული რეალურ არსებობაზე, ეს იქიდანაც შეიძლება დაეინახოთ. რომ მნიშვნელობა თავის არსში სავსებით სრულყოფილი და სრულუფლებიანი რეალურად შეიძლება განუხორციელებელი იყოს. გამოთქმა: „მრგვალი სამკუთხედი გარდაიცვალა პატიოსნებიდან სამი კილომეტრის მანძილზე“ სავსებით გამართული გამოთქმაა. მიუხედავად იმისა, რომ რეალური არსებობა ამ მნიშვნელობისა გამორიცხულია. ამ გამოთქმაში საგანზე რომ მაინც შეიძლება ლაპარაკი, ეს ასე უნდა გავიგოთ: მნიშვნელობა, რომელიც აქ გვეძლევა, მიუთითებს საგანზე, ასახელებს მას, მაგრამ ეს საგანი არ არსებობს არც ფიზიკურ, არც ფსიქიკურ და არც მათემატიკურ სინამდვილეში. მნიშვნელობის თანახმად, მისი საგანი უნდა არსებობდეს რომელიმე აღნიშნულ სინამდვილის სფეროში და რამდენადაც გამოთქმაში მითითებული საგანი ამის პრეტენზიას აცხადებს, იგი ფიზიკის, ფსიქოლოგიისა და მათემატიკის კრიტერიუმებით უნდა შემოწმდეს. უარყოფითი შედეგი ამ შემოწმებისა მნიშვნელობის კონსტიტუციამაში არაფერს ცვლის.

მეტყველების აქტში მნიშვნელობა მოცემულად იგულისხმება. ეს მნიშვნელობა ყოველთვის იგულისხმება როგორც უცვლელი და თავისთავში საბოლოოდ გარკვეული¹⁶². მაგრამ ფაქტია, რომ ერთი და იგივე სიტყვა სხვადასხვანაირად არის ხშირად გაგებული?

¹⁶¹ შეად. ა. ბოკორიშვილი, მნიშვნელობა და გამოსახულება, დ. უზნაძის სახელობის ფსიქოლოგ. ინსტიტუტის შრომები, ტ. I, 1942.

¹⁶² იხ. მნიშვნელობა და გამოსახულება.

„ოქრო“ ბავშვს სხვაგვარად ესმის, ვიდრე დიდს (გომპერცის მაგალითი)¹⁶³.

ენათმეცნიერებაში სიტყვის მნიშვნელობის ცვალებადობის კვლევას განსაკუთრებული ადგილი აქვს მიჩენილი და საგანგებო ტერმინთაც არას იგი აღნიშნული (Bedeutungswandel). სხვა ადგილას¹⁶⁴ ჩვენ დავრწმუნდით იმაში, რომ ჰესერლის გამოკვლევების შემდეგ შეიძლება ლაპარაკი მხოლოდ მნიშვნელობის აქტის (Bedeutungen) და არა თვით მნიშვნელობის (Bedeutung) ცვალებადობის შესახებ. ჩვეულებრივ საქმის ვითარება უთუოდ ასეა წარმოდგენილი: სიტყვას აქვს თავისი ნამდვილი მნიშვნელობა. მაგრამ ის ყველამ იცის. სხვადასხვა დროს სხვადასხვა ნიშანი შეიძლება აღმოჩნდეს საგანში და ამისდა მიხედვით სიტყვის მნიშვნელობა მუდამ იცვლება. უკანასკნელი, ყველაზე სწორი მნიშვნელობა მოწინავე მეცნიერებას აქვს, მაგრამ საბოლოო იგი მაინც არ არის, რადგან მეცნიერება დაუსრულებლად წინ მიდის და არასოდეს არ არის გამორიცხული შესაძლებლობა იმისი, რომ უკანასკნელად მიჩნეული მნიშვნელობა შეიცვლება. მაშასადამე, სიტყვის ობიექტურობა პირობითია, ე. ი. ნამდვილად ობიექტური ის არ არის.

ასეთი შეხედულება არ არის სწორი და იგი მით უმეტეს უნდა გადაიქცეს კრიტიკის საგნად, რომ ძლიერ გავრცელებულია და აზროვნებას სერიოზულ დაბრკოლებას უქმნის

მთავარი შეცდომა აქ ის არის, რომ სხვადასხვა მნიშვნელობანი ერთიმეორეს უპირისპირდებიან როგორც სწორი და არასწორი. ნამდვილად არასწორი მნიშვნელობა არ არსებობს და არც შეიძლება არსებობდეს. ყოველგვარი მნიშვნელობა კანონიერია. უკანონო მნიშვნელობა არ არსებობს, თუ „ოქროში“ ხან ყვითელი ფერის ლითონი იგულისხმება, ხან ფარშავანგის ბოლოზე შემჩნეული ყვითელი ლაქა და ხან კი გარკვეული წონისა და სხვა ფაზიკური თვისებების მქონე ძვირფასი ლითონი, არ ვიტყვი, რომ უკანასკნელს რაიმე პრინციპული უპირატესობა აქვს სხვა დანარჩენ მნიშვნელობებთან შედარებით: „ოქრო“ შეიძლება ყოფილიყო როგორც ერთი ისე მეორისათვის მიკუთვნებულ. თავისთავად „ოქროს“. რასაკვირველია, არავითარი მნიშვნელობა არა აქვს. ამიტომ ე. წ. მნიშვნელობის ცვალებადობას ჩვენ ვუყუარებთ არა როგორც შეცდომების გასწორებას, არამედ სიტყვის (ბგერათა კომპლექსის) გადატანას ერთი მნიშვნე-

¹⁶³ G omperz, დასახ. ნაშრომი.

¹⁶⁴ იხ. მნიშვნელობა და გამოსახულება.

ლობიდან (რომელიც უცვლელი რჩება) მეორე მნიშვნელობაზე. ამ გადატანას აქვს თავისი ტექნიკური, პრაქტიკულ-სოციალური აზრი და ამდენად შეიძლება აქ ვილაპარაკოთ წინსვლაზე (მაგ., ბავშვის მეტყველების დაზუსტების შემთხვევაში). გაუგებრობას, შეცდომას იწვევს არა მნიშვნელობა, თავისთავად, არამედ სხვადასხვა მნიშვნელობათა აღრევა ერთმანეთში. „მაგიდა“-ს ქვეშ შეიძლება მრავალი სხვადასხვა მნიშვნელობა იგულისხმებოდეს. თითოეული მათგანი, მრავალჯერ „გამეორების“ მიუხედავად, რჩება იგივედ. ამდენად „მაგიდა“ არ არის ერთი სიტყვა და მისი რიცხვი თანდათან გაიზრდებოდა, სოციალური ურთიერთობის მოთხოვნილება საწინააღმდეგო პროცესს რომ არ მოითხოვდეს. ბგერათა ერთი კომპლექსისათვის მხოლოდ ერთი მნიშვნელობის მიცემა ნაკარნახევია ურთიერთობის ამოცანით; ის ენის პრაქტიკული მიზანია, რომლის განხორციელება უსრულობაში გაშლილი იდეალია.

ბგერა, როგორც უშუალო ემპირიული მოცემულობა. შეგრძნება. იმისთვის, რომ ერთი ადამიანის შეგრძნებამ მეორემდე „მი-აღწიოს“, ფიზიკური გადატანია საჭირო: ბგერისათვის — ჰაერის ტალღები, ასოსთვის — ელექტრომაგნიტური ტალღები. სიტყვა, აღებული გრძნობადი ფორმის მხრივ, არის ფსიქიკური, სუბიექტური რეალობა. ის, რაც ამას იწვევს ადამიანის ცნობიერებაში, ჰაერის ტალღებია; მიმართება ამ ორ ემპირიულ რეალობას შორის მიზეზ-შედეგობრივია. როდესაც ჰაერის ტალღები განსაზღვრული წესით ატოკლებიან, ნორმალურ ყურში იწვევენ ისეთ ბგერას, რომელსაც ჩვენ დანაწევრებულს ვეძახით. სიტყვის შედგენილობაში, რასაკვირველია, არც ერთი ტალღა არ მონაწილეობს. თვით სიტყვაში ფიზიკური არაფერია. ფიზიკურია მხოლოდ მისი გამომწვევი უშუალო მიზეზი, რომელიც, თავის მხრივ, გამოწვეულია მოლაპარაკის საარტიკულაციო ბაზის სათანადო ამოქმედებით. როდესაც ვამბობთ, რომ სიტყვა ურთიერთობის საშუალებაა, არ უნდა ვიფიქროთ, რომ თვით სიტყვა გადადის ერთი ადამიანიდან მეორეზე ისე. როგორც, მაგალითად, ჰაერის ტალღები, რომელსაც წარმოქმნის მოლაპარაკე. მიდიან მსმენელთან. სიტყვის წარმოშობის ადგილი არის სუბიექტი და მხოლოდ იქ იღებს იგი დასაწყისს. ყველას ესმის მხოლოდ თავისი სიტყვა, გრძნობადი ფორმა სიტყვისა მთლიანად იმ სუბიექტის ნაწარმოებია, რომელსაც ესმის იგი. ერთი და იგივე ჰაერის ტალღა იმდენ ბგერათა კომპლექსს გამოიწვევს, რამდენი ადამიანის სმენის ორგანოსაც შეეხება იგი. ბგერათა კომპლექსი არსებობს მხოლოდ სუბიექტში, როგორც მისივე ნაწარმოები. ცხადია, სიტყვის ობიექტურობის

საფუძვლად მისი ე. წ. „ფიზიკური“ მხარე არ გამოდგება. და ეს არა მხოლოდ იმიტომ, რომ ის, რასაც, ჩვეულებრივ, სერიოზულად თუ არასერიოზულად სიტყვის „ფიზიკურ“ მხარეს ეძახიან. ნამდვილად ფსიქიკურია და. მაშასადამე, სუბიექტური. ბგერათა კომპლექსი სიტყვის ობიექტურობას ვერც მაშინ დაედებოდა საფუძვლად, ის რომ მართლ: ფიზიკური მოვლენა ყოფილიყო.

კონცეპტუალისტების ერთ-ერთი ძირითადი შეცდომა იმაში დავინახეთ. რომ ზოგადის (ფიზიკურ) რეალობაში არსებობის უარყოფის შემდეგ ისინი წარმოდგენაში ეძებენ ზოგადს. თითქოს წარმოდგენა რეალობა არ იყოს! ...ჩვენ შეგვიძლია ახლა შევებრუნოთ ეს არგუმენტი ამგვარად: თუ ფსიქიკური, მიუხედავად იმისა. რომ ის რეალობაა, ვერ უზრუნველყოფს სიტყვის ობიექტურობას, ამას ვერ შესძლებს ვერც ფიზიკური, რადგან მისი რეალობაც წარმავალი, პროცესული რეალობაა და იმას ვერ დაედება საფუძვლად, რასაც მყარი (Bleibende) არსებობა აქვს. სიტყვა რომ ფიზიკურის გამოსახვას ისახავდეს მიზნად, ძნელია ადამიანმა მოითქვოს უარესი შესრულება ამ დაკისრებული ამოცანისა: არ იქნებოდა არც ერთი მომენტი. როდესაც სიტყვა ადეკვატურად ასახავდეს თავის ობიექტს. ენა იქნებოდა სიტყვის განსახიერება და მას არა თუ არავინ ჩარიცხავდა კულტურის ობიექტთა რიცხვში, არამედ მასში ყველა კულტურის საწინააღმდეგო ძალას დაინახავდა. გამოთქმა — „мысли и чувства — есть объект“ — სწორია, რამდენადაც „мысли“ ში იგულისხმება ფსიქიკური რეალური პროცესი.

სიტყვა (ბგერათა კომპლექსი) აზრის მნიშვნელობის იმანენტურ ამოცანას არ ემსახურება. აზრი (მნიშვნელობა), თუ იგი რომელიმე მხრივ შეესებას, გაღრმავებას ან, საერთოდ, განვითარებას საჭიროებს, ისევ აზრს და აზრიანს უნდა დაუკავშირდეს. სიტყვა, როგორც არა-აზრი, ამ საქმეში ლოგიკურ მნიშვნელობის აქტს ვერ შეასრულებს. ბგერათა კომპლექსიდან ლოგიკური ღირებულების მქონე წვლილს მოლოდინი სასწაულზე მეტია, გაუგონარი ფანტასტიკა¹⁶⁵.

¹⁶⁵ თუ ჩვენ პანლოგიკურ თვალსაზრისზე დავდგებით. პრინციპულად არაფერი იქნება შეუძლებელი იმაში, რომ ბგერათა კომპლექსმა, ე. ი. აზრის ერომა გარკვეულმა სახემ, მეორე სახის აზრს რამე შესძინოს გარკვევის ან შეესების მიმართულებით, მაგრამ ამ კონტექსტში არც არსებობს პრობლემა, რომელზედაც ჩვენ გვაქვს მსჯელობა. სიტყვის როლის მტკიცებას აზრის მიმართ მხოლოდ მაშინ აქვს აზრი, როცა სიტყვა აზრის გარემდებაზე მოვლენად არის ნაგულისხმევი. ამ აზრით საზრდოებს ის სახლის ელფერი, რომელიც ამ შეხედულებას სდევს თან. იხ. „სიტყვის მნიშვნელობის პრობლემისათვის“, კასირერი (ხელთნაწერი).

აზრი არსებობს სიტყვამდე და სიტყვის შემდეგაც მაშინაც კი. როცა იგი აღებულია ადამიანის ცნობიერებაში არსებობის მომენტში. არის აზრი, რომელიც ჭერ კიდევ ვერ დაკავშირებია ბგერათა კომპლექსს და არის ისეთი აზრიც, რომელიც უკვე ველარ ჰპოებს სიტყვაში დამაკმაყოფილებელ გამოსახვის საშუალებას¹⁶⁶.

ჩვენ აქ საქმის მეორე მხარე გვაინტერესებს. სიტყვა და აზრი არსებითად სხვადასხვა ამოცანას ემსახურება. უკეთ: სიტყვას აქვს (ადამიანური) ამოცანა, ხოლო აზრს, მნიშვნელობას, არავითარი ამოცანა არა აქვს. სიტყვას ევალება ადამიანთა შორის დაამყაროს ურთიერთობა. სოციალურობის ნიშანი სიტყვისათვის არსობრივი ხასიათისაა¹⁶⁷. ამდენად მისი არსებობა „შემთხვევითია“ (ჰუსერლის მნიშვნელობით) და. მაშასადამე, სუბიექტური, მაგრამ მას იმისათვის, რომ თავისი ამოცანა, — ურთიერთობის დამყარება ადამიანთა შორის, განახორციელოს, — ესაჭიროება ისეთ მომენტთან დაკავშირება, რომელიც ობიექტურია და მასთან დაკავშირებულსაც ამ ნიშანს ანიჭებს. რას უნდა დაუკავშირდეს სიტყვა (ბგერათა კომპლექსი) იმისათვის, რომ მან სოციალური ფუნქციის შესრულება შესძლოს?

აქ საკითხის ორგვარი დაყენება უნდა განვასხვაოთ. შეიძლება, ჩვენი ინტერესის საგანს შეადგენდეს ამა თუ იმ საზოგადოებაში ურთიერთობის დამყარებისათვის აუცილებელი ობიექტურობა და ამ მიზნით აღნიშნული საზოგადოების მოთხოვნილებას გავეცნოთ, მისი კულტურის დონე გავითვალისწინოთ და ობიექტურობის სათანადო ნორმა დავსახოთ. ჩვენი კვლევა ამ შემთხვევაში ემპირიულ-პრაქტიკული ხასიათის იქნება და კონკრეტულ ისტორიულ ჩარჩოებში უნდა მოთავსდეს.

ჩვენ გვაინტერესებს საკითხის განსხვავებული დაყენება. როცა სრულიად გვერდს უვლით არსებულ (ან წარმოსახულ) რეალურ მოთხოვნილებას და საკითხის პრინციპულ გარჩევას ვცდილობთ. აქ საძიებელია არა ობიექტურობის რომელიმე ხარისხი, ამა თუ იმ საზოგადოებრივი ერთეულისათვის საჭირო, არამედ ის წყარო, რომლიდანაც მომდინარეობს ყოველთვის აღნიშნული ობიექტურობა. ამ ობიექტურობის ფაქტობრივი რეალიზაცია საზოგადოების გარკვეულ ჯგუფში არ იქნება მიღებული მხედველობაში. სიტყვის ობიექტივაცია, ე. ი. გარკვეულ ბგერათა კომპლექსისადმი მხოლოდ ერთი გარ-

¹⁶⁶ შეად. კასირერის კონცეფცია

¹⁶⁷ იხ. ჩვენი „მნიშვ. და გამოსახ.“, სადაც, წინააღმდეგ ჰუსერლის შეხედულებისა, კომუნიკაცია სიტყვის არსებით ნიშნად არის გამოცხადებული

კვეული შინაარსის (მნიშვნელობის) მიკეთვნება -- დაუსრულებელი ამოცანაა, მაგრამ ამ ამოცანის შინაარსი და საფუძველი ამთავრთვე უხდა იქნეს გარკვეული. რა არის ობიექტივაციის საფუძველი? ობიექტივაციის მიზანი სიტყვის სოციალიზაციაა, მაგრამ ამის მიუხედავად (და, შეიძლება, სწორედ ამიტომ) სოციალური მომენტი მაინც არ გამოდგება ობიექტურობის წყაროდ¹⁶⁸. იმისთვის, რომ სოციალური ფუნქცია შეასრულოს სიტყვამ, ის წინასწარ უნდა გახდეს ობიექტური. მართალია, ობიექტურობის მოთხოვნები სოციალური ინსტანციიდან მომდინარეობს, მაგრამ ამ მოთხოვნების განხორციელება ამ ინსტანციაზე არ არის დამოკიდებული.

ობიექტივაციის პრობლემის გადაჭრისათვის მხედველობაში მოსაღებია კიდევ ერთი გარემოება: სიტყვის (ენის) წარმოშობას ინდივიდუალური საფუძველიც აქვს და, შეიძლება, ეს იყოს ფსიქოლოგიურად პირველი. სიტყვა ადამიანს უნდა (პრაქტიკულად), უპირველესად ყოვლისა, იმისთვის, რომ თავისი (სულიერი) მდგომარეობა გამოამჟღავნოს. იგი სუბიექტის მოთხოვნებს ემსახურება, მაგრამ სიტყვა მხოლოდ იმ შემთხვევაში დააკმაყოფილებს ამ მოთხოვნებს, როცა სიტყვა სხვისთვისაც იმასვე ნიშნავს, რასაც იგი მოქმედისთვის წარმოადგენს. ინდივიდუალურ-სუბიექტური, მაშასადამე, სუბიექტურ-სოციალურს უკავშირდება. უნდა იქნეს გათვალისწინებული, თუ როგორ ახერხებს სიტყვა სუბიექტურობის ორგვარ წყაროდან თავის დაღწევას და მაინც ამ მოთხოვნების დაკმაყოფილებას.

ფსიქოლოგიური თვალსაზრისისათვის სუბიექტის პირადი მიზანი ამოსავალი და სახელმძღვანელო ძაფია მთელი კვლევის მანძილზე. აქ ძირითადი პრობლემა სუბიექტურიდან ობიექტურის გამოთიშვა კი არ არის, არამედ ობიექტური მომენტის გამოყენება სუბიექტის ინტერესებისათვის. როგორ ახერხებს სუბიექტი თავისი მოთხოვნების დაკმაყოფილებას და როგორ განიცდება მეტყველების პროცესში სიტყვის ობიექტური მომენტი? კონკრეტულ შემთხვევაში ფსიქოლოგია იმიტაც დაინტერესდება, თუ როგორი უნდა იყოს მნიშვნელობა, სიტყვის შინაარსი, რომ სუბიექტმა მისი გამოყენება შეძლოს. შესაძლებელია გარკვეულ ბევრათა კომპლექსს დაუფლებულ ადამიანს მის შინაარსად ის კი არ მიეაწოდოთ, რაც, მაგალითად. ზე-

¹⁶⁸ ა. ბოგდანოვის სერიოზული ცდა სოციალურით ლოგიკურის დასაბუთებისა მარცხით დამთავრდა. ლენინის კრიტიკა, რომელიც ბოგდანოვის წინააღმდეგ არის მიმართული, საკვებით სწორია: კოლექტიური სუბიექტურია ისე, როგორც ინდივიდუალურ-ადამიანური.

სტი. მეცნიერული ხმარებით არის საგულისხმებელი. არამედ მისი სუროგატი, რომელსაც ის უპირატესობა ექნება ამ შემთხვევაში, რომ იგი ჩვენი სუბიექტისათვის გასაგები, მისწავლომი იქნება. ყოველი პედაგოგიური პროცესი არსებითად ემყარება ასეთ წესს (მოვიგონოთ თუნდაც აბერცეფციის ცნება, როგორც ეს ჰერბატს ესმოდა). ამ ფაქტს ჩვენთვის ის მნიშვნელობა აქვს, რომ ფსიქოლოგიური და ფენომენოლოგიური საკითხის დაყენებას ნათლად განასხვავებს ერთმანეთისაგან: ფსიქოლოგია იმ საშუალებებს იკვლევს, რომლითაც სუბიექტურ-ინდივიდუალური ობიექტურს უკავშირდება, მას „ითანხმებს“ და თითქოს გარდაქმნის კიდევ მას¹⁶⁹. ფენომენოლოგია, პირიქით, იმას ეძებს, რისი მეშვეობითაც ობიექტური გამოითიშება სუბიექტურიდან. პირველი თვალსაზრისისათვის სიტყვა სუბიექტურის შეტყობინებაა, ხოლო მეორისათვის — ობიექტურის გამოსახულება. კავშირი სუბიექტურსა და შეტყობინებას შორის არსებითად სხვაა, ვიდრე კავშირი ობიექტურსა და გამოსახულებას შორის.

რას გამოსახავს სიტყვა? პირველ რიგში ობიექტურ ვითარებას, მაგრამ მეორე რიგში ის სუბიექტურსაც გადმოსცემს. ასეთია გავრცელებული შეხედულება. სიტყვის ობიექტურ ფუნქციას ზოგი „სიტყვის შინაგან ფორმას“ ეძახის¹⁷⁰ და ამაში ხედავს ინდივიდუალური და ნაციონალური ფსიქოლოგიის შესწავლის საუკეთესო წყაროს. ჩვენ გვაინტერესებს: შესაძლებელია თუ არა პრინციპულად სუბიექტურ მხარესაც ისეთი გამოსახულება მიეცეს ენაში, როგორც ობიექტურ საქმის ვითარებას? მიუხედავად იმისა, რომ რეალურად არსებული ცოცხალი ენა არასოდეს არ იქნება თავისუფალი „შინაგანი ფორმის“ დანართისაგან, პრინციპულად მაინც შესაძლებელია ყოველგვარი სუბიექტურის გადათარგმნა ობიექტურის ენაზე. ამისთვის საჭიროა სუბიექტური თანმხლების ადგილიდან გადავიდეს ძირითად პლანში და გამოთქმის ინტენციის პრიმარულ საგნად იქცეს. გამოთქმა სომ ყოველთვის მნიშვნელობის გამოთქმაა და, რადგან მნიშვნელობა, არსი აქვს, რასაკვირველია, ინდივიდუალურსაც, — მისი გა-

¹⁶⁹ ე. წ. „სიტყვის შინაგანი ფორმის“ ცნება, როცა მას ფსიქოლოგიური (თუ ფსიქოლოგისტური?) გამოყენება აქვს, აქ პოებს თავის ადგილს და გამოყენებას: ყველა თავისი განწყობისა და შესაძლებლობის მიხედვით ამოიკითხავს საგანში (რომელიც მრავალი მნიშვნელობის საწყისად შეიძლება იყოს) იმას, რაც მას „ეხება“. რა თქმა უნდა, „სიტყვის შინაგანი ფორმა“ ისტორიულად მოწოდებულია არა ფსიქოლოგიური, არამედ ენის იდეურ-ლოგიკური ამოცანა გადაკრას. იხ. Шпет. „Внутрен. форма слова“.

¹⁷⁰ „სიტყვის შინაგანი ფორმის სრულიად საწინააღმდეგო გაგებას იძლევა შპეტის იხ. მისი „Внут. форма слова“, 1927.

მოთქმაც ისეთ, ვე ობიექტური შეიძლება იყოს, როგორც რომელიმე სხვა. სუბიექტურ-ინდივიდუალური არ უნდა გავიგოთ როგორც ირაციონალური დანაშთი, რომელიც პრინციპულად ასეთია: რადგან სუბიექტური როგორმე გამოისახა (მიმიკა, პანტომიმიკა, ინტონაცია), მისი გამოსახვა სიტყვით ამის შემდეგ მხოლოდ ტექნიკურ ამოცანას წარმოადგენს. ის, რაც დღეს „შინაგანი ფორმაა“, ხვალ შეიძლება სიტყვის გარკვეულ შინაარსად მოგვევლინოს. ექსპრესიული შინაარსი ერთ-ერთი წყაროა, რომლიდანაც მომდინარეობს ენის განვითარება. რამდენადმე განსხვავებული მდგომარეობაა მაშინ, როცა გამოთქმაში თვით სუბიექტის, მოლაპარაკის მონაწილეობა იგულისხმება. ამის შესახებ ზოგი რამ არის ნათქვამი ჩვენს ადრინდელ ნაშრომში¹⁷¹.

ამგვარად, ვერც ერთი სახეობა ფსიქოლოგიკური თეორიისა ვერ ამართლებს თავის თავს, ვერ უწევს ანგარიშს იმ უდავო ფაქტებს, რომელნიც სიტყვის მნიშვნელობის თეორიისათვის განმსაზღვრელი ინსტანციებს წარმოადგენენ. რადგან სიტყვა ზოგადს გამოსახავს და ამით იძენს იგი სოციალურსა და ობიექტურ-მეცნიერულ მნიშვნელობას. სიტყვის ნომინალისტური და კონცეპტუალისტური თეორიები საფუძველს მოკლებულად უნდა ვიაზროთ. ამ დებულების მიღება იქნებოდა ერთ-ერთი ფაქტორი იმ პირობის უზრუნველსაყოფად, რომელიც ესაჭიროება თეორიულად სრულყოფილი მეცნიერების აგებას. მაგრამ ეს მაინც მხოლოდ მოსამზადებელი მუშაობაა ფსიქოლოგიის ამალგებისათვის ზუსტი მეცნიერების რანგამდე; კრიტიკით განწმენდილ ნიადაგზე უნდა აიგოს რეალური ფსიქოლოგია, რომელიც მეცნიერებაც იქნება და ფსიქოლოგიაც¹⁷².

ПСИХОЛОГИЗМ И АНТИПСИХОЛОГИЗМ В ПСИХОЛОГИИ

Резюме

1. Наука, о существовании объекта исследования которой, а также об его свойствах и признаках познающему субъекту даются сведения только через посредство психического процесса, находится перед опасностью психологизма, а потому через преодоление психологизма может обрести она право на существование в качестве суверенной и точной науки. Психологизм в этом случае проявляется как представле-

¹⁷¹ გამოსახულება და მნიშვნელობა, ფსიქოლოგია, ტ. 1, თბილისი, 1942.

¹⁷² ბი. Соhen, John, Psychologie psychologisch betrachtet, 1959.

ние непсихической реальности в виде психического процесса (содержательно-предметный психологизм).

2. Теоретический путь преодоления подобного психологизма заключается в показе, того, что закономерность реальности, предполагаемой в качестве непсихического, не выводится из закономерности психики и не сводится к ней. Решение этой задачи предполагает знание как законов психики, так и законов непсихического, возможность их сопоставления. До тех пор пока не установлена сущность законов психологической и непсихологической наук, равно как не дана гносеологическая характеристика этих законов, невозможно решение спора между этим видом психологизма и соответствующим антипсихологизмом.

3. Оправдание предметно-содержательного психологизма, что логически вовсе не исключено, не означает упразднения науки вообще, если только в психической реальности предполагается наличие закономерности, необходимой для построения науки. Непсихологические науки в этом случае теряют право на самостоятельное существование, но не упраздняются по содержанию, входят в состав психологии, принимающей вследствие этого вид универсальной науки.

4. От содержательно-предметного психологизма следует отличить абстрактно-сенсуалистический психологизм, который пытается обосновать науку только лишь через посредство алогично-сенсуального материала. Необходимым последствием этой попытки является абсолютный релятивизм и скептицизм в теории науки. Считать психику алогичной и единственной реальностью значит отрицать вообще возможность науки о реальности. Логической основой этого скептицизма является не психичность реальности, а ее сенсуальная, алогическая природа. Неправомерная сенсуализация психической реальности порою производится под предлогом преодоления логицизма.

5. Борьба психологии против логицизма (что занимает свое место и имеет свое оправдание) не должна превращаться в задачу расчистки психического от логичности. Действительность, представленная лишенной логической структуры, не может стать предметом науки. Психологический сенсуализм несовместим с идеей психологической науки. Преодоление сенсуалистического психологизма невозможно иначе, как через восстановление прав логического в психической реальности. «Логицизм» в науке, как указание на логичность ее предмета, не является однозначным понятием, не аналогичен «психологизму», а необходимое условие существования науки. «Всякая наука есть прикладная логика» (Ленин).

6. Опасность сенсуалистического психологизма также (есть не более) угрожает психологии, как и другим наукам. Как не может быть речи о познании там, где принципиально исключена возможность ошибки, так невозможно вести разговор о науке там, где принципиально устранена ошибка психологического характера, где речь о подобной ошибке признается логическим абсурдом. Представить психику алогично, «только психическим», является психологизмом в психологии.

7. Отрицание закономерности психической реальности является зримым последствием часто незримого сенсуалистического психологизма в психологии. Выявление этого психологизма и борьба с ним является жизненной задачей психологии. Поскольку истина психологии так же, как и любая истина, является отраженным, поскольку и она нуждается во всем том, что может обусловить истину в соответствии с ее понятием. Проблема психологии (что такое психика, в отличие от непсихического, и что является специфическим логосом психики) не может быть решена, пока не преодолен абстрактно-сенсуалистический психологизм и не решен спор между содержательно-предметным психологизмом и его противником — антипсихологизмом.

8. Под логицизмом в психологии следует подразумевать отрицание существования в психической жизни таких закономерностей, которые выходят за пределы формально-логических законов. Как естественное явление, психика, кроме сущности имеет также существование, которое определяется онтическими законами. Если будем считать, что какая-то форма существования присуща всем предметам научных дисциплин, то можно сказать, что в известном смысле каждая наука является прикладной онтологией.

9. Двойная закономерность и двойкая определенность предмета познания может показаться дуализмом только тому, кто методологический монизм представляет как сведение одной закономерности на другую, кто думает о мнимой альтернативе — в психике или все логическое или все импрессия. На самом деле, существование и сущность, бытие и определенность в психической жизни (как и вообще) составляют значительное единство.

10. Но в борьбе против психологизма в психологии логика может сыграть положительную роль только в том случае, если сама логика не будет страдать психологизмом. В многогранной проблеме отставания логики от примеси чуждых элементов «критика языка» с точки зрения антипсихологизма занимает первое место.

11. Психологические (в широком смысле) теории значения слова грешат коренным недостатком выражающимся в игнорировании смысла и основной задачи слова, как научного органа выражения объективного обстоятельства. Этим обстоятельством является само значение, как основа и объяснение основного признака слова, его функции обобщения и коммуникации.

12. Нейтральная позиция психологов в борьбе между психологизмом и антипсихологизмом ничем не может быть оправдана: с критической оценкой психологизма связана не только судьба психологической науки, но и задача теоретического уяснения и самопознания самой психологии. До тех пор пока не решен спор между психологизмом и антипсихологизмом, невозможно установление сущности психологии.

პ ი რ თ ბ ს ა ქ ი ე ბ ე ლ ი

ა

აბაშიძე, ერ.—51.
 აბელარი—70.
 ამანი—123.

ბ

Bauch, B.—42.
 ბეკონი, ფრ.—34.
 ბერკლი, ჯ.—34, 77—79.
 ბიულერი, კ.—34, 35.
 Bühler, K.—34.
 Blumenfeld, W.—9.
 Bochenski, I. M.—55.
 ბოვდანოვი, ა.—135.
 ბოპორიშვილი, ა.—22, 35, 36, 38, 41,
 44, 48, 50, 107, 130.
 Бочоришвили, А.—25, 48.
 ბრენტანო, ფრ.—31.

გ

გომპერცი, ჰ.—65, 66, 69—71, 78, 82,
 83, 85, 91, 99—106, 113.
 Gomperz, H.—65, 69, 83, 85, 88, 92,
 99, 100, 102, 103, 105, 106, 131.
 Грот, Н.—51.

დ

დეკარტი, რ.—82.
 დილთაი, ვ.—31.
 დრევესი—117.

ე

ეპიკური—70.

ვ

ვაისგერბერი, ლ.—114—123.
 Weisgerber, L.—113, 117.
 ვუნდტი, ვ.—35.

ი

იასპერსი, კ.—54.
 Isidor—116.
 Ipsen—125.
 იუმბი, დ.—34, 79, 80, 83, 85—87, 91.
 Юм, Д.—80, 81.

კ

კანტი, ი.—38, 55, 107, 110, 111.
 Kant, I.—39.
 კასირერი, ერ.—106, 112, 120, 133, 134.
 Cassirer, E.—108—110.
 კოჰენი, ჰ.—27, 35.
 Cohen, H.—137.
 კონტი, თ.—47.

ლ

Landmann, M.—39, 54.
 ლენინი—59, 135.
 Ленин—129.
 ლიპსი, თ.—48.
 ლოკი, ჯ.—34, 77, 80, 88—91, 93, 95,
 97, 98, 106.
 Локк—88—90.
 Лосский, Н. 40, 91, 92.
 ლოცე—53.

მ

მალოტკი—27.
 მარტი, კ.—113, 114.
 Marty—115.
 მაზი, ე.—27, 34, 35, 41, 94—97.
 Mach, E.—34, 94.
 Мах, Э.—94—96.
 Malottki, Joh. von—25.
 მილი, ჯ. ს.—70—72, 74, 75, 85.
 Милль, Дж. С.—75.
 მოგი, ვ.—35, 52—58.

Moog, W.—21, 33, 42, 57.
Münsterberg, H.—95.

ნ

ნატორჰი, პ.—58, 108.

პ

პალაგი, მ.—33—36, 51, 52, 57.
Paligyi, M.—34, 35, 46, 51, 52, 57.
პლატონი—43, 48.
Платон—43.

რ

Reinach, A.—84.
როსცელინი—70, 77, 86.

ს

სპენსერი—75.

ტ

ტენი, ი.—96—99, 106.
Тэн, И.—97, 98.

უ

Upavarsha—70.

ფ

Pfunder, A.—36.
ფენდერი—36.
ფუნკე—114.

შ

შელერი, მ.—31.
Scheler, M.—29.
შპეტი—64, 136.
Шнер—64, 128, 136.
Schuchardt—115.

წ

წერეთელი, ს.—6.

ჩ

ჩიქობავა, არნ.—92.

ჰ

Haase—118, 119.
ჰაიდგერი—54.
ჰერბარტი—136.
ჰობსი—71, 77.
Гобсц—77.
Höfler, A.—21.
ჰუმბოლტი, ვ.—67, 76, 112, 117, 121.
ჰუსერლი, ედ.—31—33, 45, 53, 57, 58,
65, 75, 76, 96, 106, 114, 123, 127, 128,
131, 134.
Husserl, Ed.—33, 65, 68, 75, 79, 80,
84, 93, 128, 129.

შ ი ნ ა ა რ ს ი

I. ფსიქოლოგიზმი და ლოგიციზმი ფსიქოლოგიაში	5
II. ფსიქოლოგიზმი და ანტიფსიქოლოგიზმი სიტყვის მნიშვნე- ლობის თეორიაში	61
შესავალი	61
ფიზიკისტური თეორია	69
ფსიქოლოგისტური თეორია	76
სოცოლოგისტური თეორია	113
ძირითადი დებულებები	123
Психологизм и антипсихологизм в психологии (резюме)	137
სახელთა საძიებელი	141

Ангия Тадеозович Бочоришвили
ПСИХОЛОГИЗМ И АНТИПСИХОЛОГИЗМ
В ПСИХОЛОГИИ
(на грузинском языке)

დაბეჭდა საქართველოს სსრ მეცნიერებათა აკადემიის
სარედ.-საგამომც. საბჭოს დადგენილებით

რედაქტორი ვ. კაკაბაძე
გამომცემლობის რედაქტორი გ. გოგიავა
ტექრედაქტორი ე. ბოკერია
კორექტორი ლ. ჯვებენავა

ხელმოწერილია დასაბეჭდად 14.6.1965; ქალაქის ზომა 60×90^{1/16};
ნაბეჭდი თაბახი 7,70, სააღრიცხვო-საგამომცემლო თაბახი 7,83;
უე 02146; ტირაჟი 1000; შეკვეთა 503
ფასი 66 კაპ.

გამომცემლობა „მეცნიერება“, თბილისი, ძერჟინსკის ქ. № 8
Издательство «Мецниереба», Тбилиси, ул. Дзержинского № 8

გამომცემლობა „მეცნიერების“ სტამბა, თბილისი, გ. ტაბიძის ქ. № 3/5
Типография Издательства «Мецниереба», Тбилиси, ул. Г. Табидзе № 3/